



BIBLIOTECA NAZ.
Vittorio Emanuele III

XVI

C

16

NAPOLI



INSTITUTIONES JURIS CANONICI

IN TRES PARTES,
AC IN SEX TOMOS DISTRIBUTAE

*Quibus vetus & nova Ecclesiae disciplina
& mutationum caussae enarrantur*

A

DOMINICO CAVALLARIO

JURIS CANONICI ET CIVILIS PROFESSORE
CONSCRIPTAE

*In hac nova Panormitana Editione
accessit*

JUS SICULUM ECCLESIASTICUM

SINGULIS QUIBUSQUE JURIS CANONICI
TRACTATIBUS ADCOMMODATUM.

TOMUS II.



PANORMI, TYPIS REGIIS, MDCCLXXXVI.

* ~ * * ~ * * ~ * * ~ * * ~ *
CUM APPROBAT.

SUMPTIBUS DE HIPPOLYTO, ET FRATRUM
DE ABBATE.

*Nulli sacerdotum liceat sacros canones
ignorare .*

Coelestinus Papa ep. III. cap. 1.

*Canones Nicaeni spiritu Dei conditi &
totius mundi reverentia consecrati .*

Leo M. ep. LXXXIV.

I N D E X

CAPITUM, ET DOCTRINARUM
PRIMAE PARTIS.

CAP. XXI.

- D** *E sacrorum ministrorum electione : pag. 11*
Primis saeculis clerici saepe electi modis
extraordinariis .
Ordinarius eligendi modus per populi suf-
fragia .
Additio juris Siculi .
Populi suffragia erant testimonialia , non
judicialia .
Turbae & factiones in electionibus popu-
laribus .
Episcopus visitator , ejusque potestas :
Additio juris Siculi .
Episcopi evitandis turbis designant succes-
sores .
Regius assensus necessarius in electionibus
episcoporum .
Imperatores confirmabant pontificis ele-
ctionem .

IV.

Quando cessant populi suffragia .
Frequentes olim regiae episcoporum nominationes .

Sollemnitās & origo investiturae .
Mutata est post tot clades sollemnitas investiturae .

Jure novo electio pontificis fit a cardinalibus .

Electio vero episcoporum a capitulis cathedralibus .

Electio formae .

Sollemnitates omnibus electionibus communes .

Postulatio ejusque forma .

Consensus electi in electionem .

An electus cogi potest ad assensum ?

Qui desit regius in electiones assensus :
Electioes & collationes beneficiorum
ad pontificem devolutae .

Querelae contra reservationes earumque revocatio .

Regiae episcoporum nominationes .

Additio Juris Siculi .

CAP. XXII. De examine ordinandorum & electorum confirmatione .

39.

Examen ordinationi praemittendum .

Speciat examen praecipue mores & scientiam ordinandorum .

Jus & methodus examinandi episcopos .

Episcopus instituit examen clericorum omnium .

Indigni removentur , & electio fere devolvitur ad superiorem .

Con-

Confirmatio episcoporum .

Effectus confirmationis .

Hodie summus Pontifex electiones episcoporum confirmat .

CAP. XXIII. *De sacris ordinationibus & primo de earum ministro & subiecto .*

48.

Varia nomina sacrae ordinationis .

Ordinatio est sacramentum .

Quid proprie ordo .

Minister ordinationis est episcopus .

Ad consecrationem episcopi tres requiruntur episcopi .

Episcopus extra propriam paroeciam ordines non confert .

Cui competat metropolitaram & patriarcharum ordinatio .

Proprius episcopus clericorum erat , qui primus ordinaverat .

Laici poterant a quocumque episcopo ordinari .

Proprius episcopus in nova disciplina .

Incommoda novae disciplinae .

Qui novo jure emendata .

Proprius regularium episcopus .

Qui dant litteras dimissorias ad ordines .

Episcopi haeretici , schismatici &c. non recte ordinant .

Soli mares non feminae ordines suscipiunt .

Ordinandi debent esse baptizati & confirmati .

Divina vocatio ad sacerdotium necessaria .

Fi-

*Filii oblati a parentibus ad clericatum ;
Vocatio ad clericatum ab infortuniis .*

CAP. XXIV. De sacrarum ordinationum ritibus earumque effectibus .

77.

Jurati clerici canonicam promittebant obedientiam .

Juramentum fidelitatis a clericis exhibitum .

Materia sacrarum ordinum .

Forma ordinationis .

Unctio episcoporum & presbyterorum .

Traditio instrumentorum & verba comitantis .

Pertinent ad materiae & formae integritatem .

Ordinationes habentur in ecclesia ;

Tempore sacrae liturgiae .

Ordatio gratiam confert .

Et imprimi characterem indelebilem .

Ordinationes non iterantur .

Obligatio ad clericatum an est perpetua ?

CAP. XXV. De ordinibus gradatim suscipiendis & eorumdem interstitiis .

96.

Ordines per gradum suscipiendis .

In singulis ordinibus diu immorandum .

Interstitia non eadem olim semper fuerunt .

In veteri disciplina plures minores ordines praetermissi .

An ordines majores omitti potuerint ?

In nova disciplina omnes ordines suscipiendi .

Vetitae ordinationes per saltum .

Diu-

Diuturnitas interstitiorum in nova disciplina.

Potestas episcopalis ad contrahenda interstitia.

CAP. XXVI. De temporibus ordinationum. 108.

Primis saeculis qualibet die habitae ordinationes.

Sed inde apud Latinos habitae die Domini.

Quinque stata ordinationum tempora.

Sabbato sancto etiam ordines dantur.

Qua diei hora celebrantur ordinationes.

Graeci stata ordinationum tempora non habent.

Intra quod tempus episcopi ordinantur.

Dies consecrationis episcopi festus fuit.

An minores ordines statis temporibus conferendi?

Majores ordines ex venia dantur extra tempora.

CAP. XXVII. De titulo ordinationis. 119.

Quae est ad titulum ordinatio.

Clerici omnes olim ordinabantur ad titulum.

Variae ecclesiae erant tituli ordinationum.

Pauci olim sine titulo ordinati.

Clerici omnes in ecclesiis suis debebant immorari.

Nec eas sine episcopi venia poterant relinquere.

Clerici instabiles damnati.

Vetantur clerici pluribus ecclesiis adscribi.

Cle-

Clerici a suo titulo accipiebant victualia :

Qui laxata tituli necessitas .

Ordinatio ad titulum patrimonii .

Decreta Tridentini de titulis ordinationis .

Additio Juris Siculi .

Poenae ordinationum sine titulo .

Origo episcoporum titularium .

Episcopi titulares graves ecclesiae .

CAP. XXVIII. De episcoporum translationibus

& renuntiationibus .

138.

Translationes episcoporum olim generaliter
vetitae .

Sed inde ad ecclesiae utilitatem permissae .

Poenae contra episcoporum translationes .

Cessiones episcopatum interdictionis .

Legitimae renuntiandi episcopatus caus-
ae .

Cessiones episcopatus in favorem inter-
dictae .

Cujus auctoritate fiunt translationes &
cessiones episcoporum .

CAP. XXIX. De ordinationibus invalidis .

147.

Defectu conditionum juris divini nulla
est ordinatio .

Sententia Morini , quae ordinationes con-
tra canones nullas facit , ex canoni-
bis probatur .

Eadem sententia ex patribus probatur :

Et demum probatur ab ecclesiae praxi .

Contrariae sententiae rationes .

Varia fuit disciplina de ordinationibus
contra canones .

Hodie valet ordinatio contra canones ce-
lebrata .

CA-

CAP. XXX. De sanctitate & virtutibus clericorum .

157.

Scriptores de virtutibus clericorum .

Clerici debent esse sancti .

Et ita quocumque crimine cadebant sacerdotio .

Hodie fere publica crimina faciunt irregulares .

Clerici malis suspicionibus ne praebeant occasionem .

Feminae subintroductae eorumque origo .

Consortia agapetarum clericis interdicta .

Clerici aleis debent abstinere .

Clerici ebrietatibus non vacent .

Nec intersint theatri & spectaculis .

Clerici debent esse hospitales .

Et in sermonibus pudici .

Et vero etiam sobrii .

Clerici in causis Dei debent esse magnanimi .

Et in explicando pastoralis ministerio prudentes .

CAP. XXXI. De clericorum studiis

177.

Clerici debent studiis litterarum incumbere .

In primis vero sacrae scripturae .

Cui adungere debent canones & patres .

Clericis profana studia non sunt aliena .

Quatenus clericis conveniunt studia profana .

Mediis saeculis desueta scripturae & canonum studia .

*An juris civilis studia clericis conve-
niant?*

*An medicinae studium clericis conve-
niens?*

CAP. XXXII. *De habitu & tonsura clerico-
rum.*

187.

*Christiani vulgo receptis vestibus uteban-
tur.*

Habitus clericorum proprius nullus fuit.

Sexto saeculo clerici vestibus distincti.

Qui color vestis clericalis.

*Christiani omnes modesto erant capilli-
tio.*

*Primis quinque saeculis nulla fuit cleri-
corum tonsura.*

Quo tempore inducitur tonsura clericalis.

*Formula adjurandi episcopos per coro-
nam.*

Nova in Gratianum crisis.

Clerici olim barbam non radebant.

*Sed inde Latini barbam radere coepe-
runt.*

*Clerici habitum & tonsuram deferre de-
bent.*

Additio Juris Siculi.

CAP. XXXIII. *De negotiis saecularibus, a
quibus clericos oportet abstinere.*

204.

*Clerici a negotiis saecularibus debent ab-
stinere.*

Clerici ad quaestum vetantur negotiari.

Et negotia laicorum procurare.

Sordida opificia clericis dedecent.

Ve-

Venationes clericis interdictae .

Publica munera a clericis aliena .

Armata militia clericis aliena .

*Clerici ratione feudorum ad militiam
coacti .*

*Canones contra clericorum militiam olim
sine effectu .*

Vetantur clerici exercere jus gladii .

Clerici a tutelis & curis repelluntur .

Advocati inunus clericis alienum .

Additio Juris Siculi .

**CAP. XXXIV. De sacrorum clericorum coeli-
batu .**

Sacerdotio convenit coelibatus .

Sed primis saeculis clericis non indictus .

Clerici utebantur uxoribus .

*Primo vetitum majoribus clericis nuptias
novas contrahere .*

*Concilium Nicaenum usum uxorum non
interdixit .*

*Post concilium Nicaenum clerici Orientales
continentes .*

*Inde in Oriente solis episcopis indicta con-
tinentia .*

*Saeculo IV. in Occidente sacris clericis in-
dicta continentia .*

*Varia disciplina de continentia minorum
clericorum .*

Additio Juris Siculi .

Mediis saeculis clerici incontinentes .

Resistunt ecclesiae clerici incontinentes .

*Sed tandem iterum continentiam admit-
tunt .*

CAP. XXXV. De ascetis.

241.

Qui erant ascetae apud gentes.

Christiani ascetae.

Varia genera ascetarum apud christianos.

Sacrae ecclesiae virgines.

Ascetis non requirit solitudinem.

CAP. XXXVI. De origine & progressu monachorum.

247.

Primaeva monachatus natura.

Solitaria & communis vita apud gentes.

Esseni & therapeutae Judaeorum.

Origo monachatus apud christianos.

Propagatio monachatus.

Monachatus in feminis.

Monachi vel solitarii vel coenobitae.

Sarabaitae & Gyrovagi.

Monasteria olim in silvis, inde etiam in urbibus.

Varia monachorum nomina.

Conjunctio solitiorum & coenobitarum.

Regulae monasticae erant peculiares & mutabiles.

Regula Benedictina stabilis & passim recepta.

Monachi vivebant labore manuum.

Monachi Occidentales divitiis aucti.

Collapsio monachatus.

Disciplina monastica saepe restituta.

Qui inducta inter monachos ordinum diversitas.

Regulae monasticae a pontifice confirmandae.

No-

✠ XIII. ✠

Nova monachatus facies .

Canonici regulares .

Ordines militares .

Varii mendicantium ordines .

Mendicantes eleemosynis vivunt .

Collapsio & resitutio mendicantium .

Plures mendicantes admittunt possessionem temporalium .

Pii operarii .

CAP. XXXVII. De probatione monachatus praemittenda .

281.

Novitiatus professioni praemittendus .

Qui instituuntur novitii tempore probationis .

Duratio novitiatus .

Integer novitiatus praemitti debet professioni .

Durante probatione liber est ad saeculum reditus .

Qua veste novitii probantur .

Qui de rebus suis disponunt novitii .

CAP. XXXVIII. De monachorum professione .

290.

Professio monastica tacita .

Professio monastica sollemnis .

Vestis monastica .

Tonsura monastica .

Quae aetas est professioni necessaria .

Consensus conversi ad professionem requiritur .

Monachatus olim injectus invitis .

Servi & filii familias admissi ad monachatum .

An

An milites & publici officiales monachi fieri possunt.

Conjuges post usum matrimonii ex compacto convertantur.

Sed ante etiam altero invito eligunt monachisimum.

Oblatio filiorum impuberum ad monasteria.

Monachi mundo mortui.

Monachatus habitus veluti secundum baptismum.

Monachi sine causa monasteriis egredi non possunt.

Clausura perpetua monialium.

Monachi ad strictiorem ordinem transire possunt.

Monachi ad perseverantiam in monachatu adstricti.

Monachi incorrigibiles.

Gratis fieri debet monastica professio.

Qui impugnatur emissa professio.

CAP. XXXIX. De votis & exercitiis monasticis.

317.

Tria monachorum vota.

Monachorum obedientia.

Paupertas monastica.

Peculia monachorum adversantur paupertati.

Vetitum monachis fundos assignare.

Castitas monastica.

Monasteria duplicia adversantur monachorum castitati.

In

In claustra monachorum vetitus mulieribus ingressus .

Monachorum cibus & potus .

Monachorum jejunia .

Preces monasticae .

CAP. XL. De clericatu monachorum .

333.

*Instituta clericorum & monachorum di-
versa .*

Monachi origine sua meri fuerunt laici .

Monachi in monasteriis clerici creantur .

*Sed exiguo numero , & eorum sacra pri-
vata .*

Monachorum oratoria , non ecclesiae .

*Monachi in monasteriis magno numero
sacerdotes .*

Monachi mysteriorum Dei dispensatores .

*Ratione sacrorum lites inter clericos &
monachos .*

*Monachi in clericos & conversos di-
stincti .*

*Pontificalia insignia abbatibus communi-
cata .*

Jura pontificalia abbatibus data .

Abbatēs conferunt ordines minores .

*Extra monasteria monachi promoti ad
clericatum .*

*An monachi assumpti ad clericatum sol-
vantur monachismo ?*

Clerici assumunt monastica instituta .

CAP. XLI. De statu monachorum .

355.

Notio status monachorum .

Abbatēs praesunt monasteriis .

Praepositus & decani eorumque officia .

Oeco-


- Oeconomus ejusque officium .*
Praepositi obedientiarum .
Quomodo potestas abbatum explicatur .
Monachorum particularia capitula .
Poenae monasticae .
Monasteriorum consociatio .
Superior generalis .
Capitula generalia .
Monastici visitatores .
Cui competant superiorum monasticorum electiones .
Qua forma eliguntur monastici superiores .
An Abbates debent esse presbyteri ?
Abbates laici .
Monastici superiores, vel perpetui, vel temporarii .
Abbatum benedictiones .
Monachi episcopis subiecti .
Episcopi pluribus rationibus monachis graves .
Monachorum exemptiones ab episcopalibus oneribus .
Exemptiones ab episcopali potestate .
Incommoda plenarum exemptionum .
Decreta Tridentina circa monasticas exemptiones .
Potestas summorum imperantium in monachos .
Regiae monasteriorum protectiones .
Monasteriorum advocati .
Additio Juris Singuli .

INSTITUTIONES JURIS CANONICI

CAPUT XXI.

De sacrorum ministrorum electione.

*Primis saeculis clerici saepe electi
modis extraordinariis.*

§. I.  UMMA cura & diligentia est
adhibenda, ut optimi quique,
praescriptisque canonicis quali-
tatibus donati in clerum co-
optentur. Unde varias eccle-
sia methodos servavit, prae-
scripsitque, quibus de ordinandorum qualitatibus
constaret. Apostolorum aetate fors aliquando
ad ministros seligendos adhibita (a); ut pluri-
mum vero primitiae ex conversis gentilibus ad
sacerdotium adsumtae (b). Qui enim erant ad
Christum admittendum promptiores, prae reliquis
ad christianum sacerdotium magis idonei vide-
bantur. Praesertim autem interna inspiratione
designabat Deus, quos in suum ministerium vel-
lisset. A let

(a) *Actor, l. v. 23. 26.* (b) *Clemens Roman.
epist. l. n. 42.*

let cooptatos. Ita Timotheus electus & ordinatus fuit secundum antecedentes de eo prophetias (a). Et Joannes ex insula Patmo rediens, finitimas provincias peragravit, ut homines sibi a divino spiritu indicatos clericos constitueret (b). Quin primis saeculis aliquando etiam Deus dignatus est visibili externoque signo altaris ministros designare, veluti immissa columba, quod contigit in electione Fabiani papae, Severi episcopi Ravennatis aliorumque (c).

Ordinarius eligendi modus per populi suffragia.

§. II. Ordinarius autem sacros ministros cooptandi modus primum ab apostolis adhibitus, & assiduo usu deinceps ab ecclesia receptus, electio fuit proprie sic dicta. Generatim electio idem sonat ac rem unam, personamve pro arbitrio eligentis discernere, quocumque tandem modo fiat, quo sensu etiam vocatio per inspirationem electio est. At in hac causa strictius accipitur electio, estque ordinaria vocatio idoneae personae ad clerum plurium suffragiis canonice facta. Inde utque ab apostolis per plura saecula suffragiis cleri & populi uniuscujusque ecclesiae electiones sacrorum ministrorum celebratae. Nec sane melior ab hominibus servari poterat methodus, qua optimi quique dignoscerentur, praesertim quando non adhuc ecclesia potens, dives & honorata erat. Vix enim fieri potest, ut hominum vitia omnes lateant. Unde Alexander Severus, gentilis aliquin imperator, ad-

(a) 1. ad Tim. I. v. 18. (b) Clemens Alexand. hom. Quis dives salvabitur. (c) Bingh. lib. IV. c. 7. eccles. cap. 1. §. 3.


admirans christianos communibus suffragiis tam praeclaros pastores sibi constituere, ad optimos quosque pro regimine provinciarum detegendos, nomina eorum, quos volebat adsumere, populo proponebat (a). Adsumebantur autem per cleri & populi suffragia nedum omnes episcopi & presbyteri, verum etiam ipsi inferiores clerici: quod adeo multis constat monumentis (b), ut mirari liceat, Cabassutium & Beveregium adfirmasse populi suffragia tantum in eligendis episcopis obtinuisse. Communibus suffragiis, quibus hominum vitia detegebantur, hoc accedebat commodi, quod ecclesiae rectores non dabantur invitis (c). Populus contemnit, quem non optavit. *Qui praefuturus est omnibus*, inquit Leo M. (d), *ab omnibus eligatur*.

Apud nos Episcoporum electiones olim ex populi clerique suffragiis peractas fuisse haud obscure colligitur ex nonnullis D. Gregorii epistolis, quae habentur in Codice diplom. Joannis de Joanne, praesertim ex diplom. 116. ubi citatus Pontifex, nobiles Syracusanos, qui proprii antistitis electionem ipsius arbitrio commiserant, adhortatur, ut talem sibi successorem eligerent, qui Maximianum praedecessorem imitetur. Eadem leguntur diplom. 117. quoad electionem episcopi Lilibetani: diplom. 176. de episcopi Melitenensis electione, ac diplom. 252. de Panormitani praefulis electione; adeo ut extra

A 2

omne

(a) Lamprid. vit. Alex. Severi cap. XLV. (b) Hieronym. epist. IV. ad Rustic. Possid. vita August. cap. XXI. (c) Can. XIII. D. 61. (d) Epist. X. ad episc. Vienn. edit. Quesnel.

omne dubium sit, illis temporibus ad clerum, & plebem praesulum electiones pertinuisse, quod & in tota fere Italia observabatur. Posteriori aetate juxta communem ecclesiarum morem praesulum electiones canonici sibi reservarunt: uti observavit Franciscus testa in not. ad cap. 67. Regis Martini. Et profecto an. 1414. Ulbertinum de Marinis, & an. 1473. Leontium Crysfaphium alterum Panormitanum, alterum Messanensem archiepiscopum canonici elegerunt, licet non sine Reginae Blancae illius aevi Siciliae moderatricis adtensu. *Vid. Pir. in not. ecclesiae Panormitanae ac Messanensis.* 

Populi suffragia erant testimonialia, non judicialia.

§. III. Illud vero magnis animis controversitur, num populus tamquam judex suffragium laturus convenerit, aut tantum ad bonum parti electae dandum testimonium. Qua in re tanta est virorum doctissimorum discrepantia, ut molestum sit vel omnium numerare sententias. Interim tamen magis videtur, non verum suffragium in electione ministrorum populum habuisse, sed tantum convenisse ad merita detegenda, & ne episcopus daretur invitis. Certe Clemens Romanus docet (a), apostolos constituisse, ut episcopi in demortuorum locum ab ipsis apostolis, & postea a claris & celebrioribus viris substituerentur, *gratum sibi hoc esse testante universa ecclesia*. Scribit quoque de episcopis Tertulianus (b), *Praesident apud nos probati quique* se-

(a) *Epist. ad Corinth.*
XXXIX.

(b) *In Apologet. cap.*

seniores, honorem istum non pretio, sed testimonio adepti. Et Origenes populi praesentiam adhibitam scribit, ut constaret optimos quosque ad sacerdotia promoveri (a). Similiter Cyprianus de divina & apostolica traditione teneri scribit, ut ad episcoporum electionem episcopi proximi convenient, & episcopus eligatur plebe praesente, quae singulorum vitam plenissime novit, & uniuscujusque actum de ejus conversatione prospexit (b). Porro constat populi suffragia judicio synodi provincialis excludi potuisse; scribit enim Basilus (c), Petere quidem vestrum est, domini vero, hoc est synodi provincialis, designare: quod certe demonstrat non vera suffragia populum tulisse. Tribuit quidem subinde Cyprianus populo suffragia (d), at in eum finem, ut vel detegantur malorum crimina, vel bonorum merita praedicentur (e).

Turbæ & factiones in electionibus popularibus.

§. IV. Methodus ista per suffragia totius ecclesiae sacerdotia conferendi in se spectata sancta est; at postquam beneficio Constantini & sequentium imperatorum Ecclesia a persecutionibus libera, divitiis & honore crevit, hominum malitia in turbas & factiones degeneravit. Haerese, quarum plerumque in una ecclesia plures erant fautores, candidatorum ambitus, & inconstans judicium plebis, quae rebus novis semper studet, sui que similem appetit sacerdotem, plerum-

(a) *Homil. VI. in Levitic.* (b) *Cyprian. epist. LXVIII. edit. Rigaltii.* (c) *Epist. LXII.*

(d) *Epist. LXII.* (e) *Cypr. cit. epist. LXVIII.*

rumque turbarunt episcoporum electiones, Certe Chrysoſtomus christianorum ad dandas dignitates conventus, quos appellat *publica feſta*, veluti meras turbas & contentiones deſcribit, earumque cauſſam hanc fuiſſe addit, quod animi virtutem, quam ſolam ſpectare deberent, chriſtiani non attendunt, ſed privatis affectibus ducuntur (a). Subinde autem adeo excreverant turbæ, ut ad arma factiones proruerint, & ſanguine ipſas polluerint eccleſias, cujus rei triſtia exempla Damasi, Symmachi aliorumque pontificum ſuppeditant electiones. Variis ergo canonibus turbas ab electionibus eccleſia proſcripſit (b), voluitque in pace & quiete ſeligere ſacerdotes (c). Studiis ergo & turbis oborâis metropolitaram & episcoporum, ad quos judicium ſpectabat electionum, erat populum docere non ſequi (d), illumque præferre, qui majoribus ſtudiis & meritis juvabatur (e), aut aliquem non expetiturum, meritis tamen clarum in episcopum inflatæ multitudinî offerre & ordinare (f).

Episcopus viſitator, ejusque poteſtas.

§. V. Quo vero electio feliciter procederet, & ne interim eccleſia eſſet ſine paſtore, eccleſia vacans per metropolitam cuidam episcopo commendabatur, qui *interceſſor, interventor & viſitator* dictus, electionem promovebat, & interim eccleſiam gubernabat (g). Saeculo quarto in eccleſia Afri-

(a) Chryſoſt. de ſacerdot. lib. III. cap. 15.

(b) Conc. Laodic. can. XIII. (c) Can. XXVII.

D. 63. (d) Can. II. D. 62. (e) Can. XXXVI.

D. 63. (f) Sidon. Apollin. lib. IV. epiſt. 25.

(g) Can. XVI. & XIX. D. 61.

Africana jam interventores invaluerant, solem. nisque deinceps in reliquis Occidentis ecclesiis eorum fuit usus. Studia populi in eligendis episcopis diversa, minusque concordans cleri in regenda ecclesia voluntas, instituendis interven- toribus dederunt occasionem. Constitutus visi- tator dissidentium animos flectebat ad concor- diam, hortabaturque, ut dignum in episcopum seligerent. Ubi inter eligentes de certa persona conveniebat, decretum fiebat electionis, quod ab ipso interventore & eligentibus subscriptum ad metropolitam pro confirmatione mittebatur. Metropolitana quidem erat visitatorem designare, at quo tempore episcopatus a manu pendebant regia, etiam visitator nutu regis dabatur, aut rex ejus designandi metropolitae faciebat pote- statem, quod constat ex Hincmaro Rhemensis. Non ultra annum visitator ex canonibus Africa- nis officium poterat continuare, vetitumque ei fuit quibuscumque populorum studiis & seditio- nibus sibi commendatam ecclesiam retinere (a).

⦿ Vetusta Ecclesiae Siculae monumenta re- ferunt: Romanos Pontifices tamquam Insulae no- strae metropolitanos, ecclesiis proprio Pastore vi- duatis visitatores ecclesiasticos delegasse, ut popu- lum ac clerum vacantis ecclesiae in suo officio con- tinerent, ac bona ejusdem administrarent, novique Praefulis electioni praessent, ut egit inter alios Bar- barus Beneventanus Praeful a D. Gregorio M. ecclesiae Panormitanae, quae proprium Antisti- tem defunctum lugebat, destinatus, ac Eucarpus.

Mes-

(a) *Can. XXII. C. 7. quaeft. 1.*

Messanenſis epiſcopus, cui viſitandae eccleſiae Catanenſi curam commiſit Pelagius II. ☞

Episcopi evitandis turbis designant ſucceſſores.

§. VI. Ad turbas quoque praecavendas, & ne minus probati factionibus adjuti ſuis ſedes invaderent epiſcopales, ſaepe ſanctiſſimi epiſcopi ſibi designabant ſucceſſores. Ita Macarius epiſcopus Hieroſolymitanus timens, ne poſt mortem ſuam Arianorum factio Arianum epiſcopum intruderet, Maximum alterius eccleſiae epiſcopum ſibi adiutorem & ſucceſſorem elegit (a). Et Auguſtinus turbas ambitioſorum anteverrens, Eradium quidem ſibi edixit ſucceſſurum, ſed ſe vivo eum noluit ordinari, ne iterum canonem Nicaenum, quo in una eccleſia duo epiſcopi eſſe vetabantur, infringeret (b). Fiebant vero hujusmodi ſucceſſiones clero populoque adſentientibus, eaſque eccleſiae notarii excipiebant: nec designantes epiſcopi quidquam humanis indulgebant affectibus, ſed tantum eccleſiis conſulebant ſuis. Vetant quidem apoſtolici canones, epiſcopos heredes ſibi facere epiſcopatus (c), caventque Antiocheni, *epiſcopo non licere pro ſe alterum ſucceſſorem ſibi conſtituere* (d); at certe apoſtolicus canon de iis edicit epiſcopis, qui cognatis ſuis hereditarios tranſmittebant epiſcopatus; Antiochenus vetat, epiſcopos poſthabitis populi ſuffragiis ſibi ſeligere & ſimul heredem ordinare, non vero pro bono pacis eccleſiae conſentienti
prae-

(a) Sozomen. lib. II. cap. 18. (b) Auguſt. epiſt. CX. (c) Can. apoſt. LXXVI. (d) Conc. Antiochen. can. XXIII.

praemonstrare, quem ad munera episcopalia juncant aptiorem.

Regius adensus necessarius in electionibus episcoporum.

§. VII. Suffragii populi peractis electionibus, antequam electi consecrarentur, principum adensus accedere debebat. Sane sunt principes reipublicae capita & jura populi in se complectuntur universa, ut proinde jure meritoque in ministrorum ecclesiasticorum electionibus praecipuum summorum imperantium debeat esse suffragium. Unde statuit synodus Aurelianensis V. an. DCXLIX. *ut cum voluntate regis juxta electionem cleri & plebis, sicut in antiquis canonibus tenetur scriptum episcopus ordinetur* (a). Id tamen verum est, initio christianos imperatores integras electiones populo reliquisse, constatque Constantinum M. nullis electionibus sacris se interposuisse, nisi ut exortas dissensiones compesceret, canonesque suaderet observari. Certe Valentinianus senior electioni Ambrosii consensit (b), potius tamen quod esset Ambrosius provinciae judex ministerque imperatoris, quam quod ea aetate necessarius haberetur in sacris electionibus imperatoris adensus. Verum inde summae potestatis in electionibus adensus magis magisque se explicuit, ut in omnibus electionibus tam episcoporum, quam abbatum esset necessarius. Novae infirmaeque per Europam constitutae dominationes, quas episcoporum auctoritate firmari posse reges videbant, secula per principes ec-

Injtit. jur. can. T. II. B cle-

(a) *Conc. Aurelian. V. can. XI.* (b) *Theodori lib. IV. cap. 6.*

clesiis tributa, episcopi in regum consilia adhiit regium adsensum promoverunt, ejusque in omnibus electionibus induxerunt necessitatem. Saeculo sexto in Gallia principes omnibus assentiebantur electionibus, quo eodem jure & reliqui principes deinceps usi sunt (a).

Imperatores confirmabant pontificis electionem.

§. VIII. Ipsa quoque pontificis electio rata, non erat, nisi imperatoris consensus accederet. Ad evitandas turbas in eligendis pontificibus frequentes admonitione beatissimi papae Simplicii primus Odoacer Herulorum in Italia rex, edixit, pontificem sine regia consultatione non eligendum (b). Inde factionibus populi Romani permoti Gothorum reges Theodoricus & Theodatus pontifices dederunt (c). Gothorum reges secutus Justinianus integram eligendi pontificis sibi adrogasse videtur potestatem; sed sequentes imperatores, suffragiis populo relictis, electionis sibi reservarunt confirmationem: quod jus aetate Pelagii II. jam receptum erat (d). Unde Gregorius M. in pontificem electus, ad declinandam ordinationem Mauritium praevenit, ut electionem de se factam non approbaret (e); & inter pontificum electiones & consecrationes saepe morae longiores interjectae. Sub finem saeculi VII. remisit quidem adsensum necessitatem Constantinus Pogonatus (f), at paullo post revocato pa-

(a) V. Lupum *diff. de regia antistit. nominat. cap VI.*

(b) *Can. I. D. 96.* (c) *Cassiod. lib. VIII. epist. 15. Anastas. Biblioth. in Silverio.* (d) *Platina in Pelagio II.* (e) *Jo. Diaconus vita Gregorii M.*

(f) *Anastas. Biblioth. in Benedicto II.*

patris indulto Justinianus II. Italiae exarchis ad-
sentiendi electioni pontificum fecit potestatem (a):
atque ita coeperunt exarchi electioni pontificum
adsentiri; donec bello sacris imaginibus per Leo-
nem Isaurum indicto ecclesia Romana integram
electionis & consecrationis pontificis sibi adseruit
libertatem. Parva diu stetit libertas, etiam sub
Carolo M., sed inde sub Ludovico Pio adensus
consuetudine restituta; pro variis temporum con-
ditionibus aliquandiu posthabito imperatoris ad-
sensu Romani pontifices consecrarunt suos. Sed
tandem an. 1000. ad obviandas turbas in
Concilio Ravennatensi sub Joanne IX. ad pon-
tificis consecrationem imperialibus legatis admis-
sis, factaque a Romano populo Othoni I. impe-
ratori promissione de non creando pontifice *prae-
ter consensum atque electionem domini imperato-
ris* (b), iterum vigere coepit imperialis ponti-
ficiae electionis confirmatio; quae deinceps fere
stetit usque ad abdicatas ab Henrico V. per an-
nulum & baculum investituras (c). Moribus
praesentibus ad electionem pontificis coactis car-
dinalibus, quem sibi ex cardinalibus infensum
habent, supremi principes denuncient, sicque
quominus eligatur in pontificem, sunt impe-
dimento.

Quando cessarunt populi suffragia:

§. IX. Populares electiones diu in utraque ste-
terunt ecclesia, sed tandem cessarunt, eisque
abolendis praecipuam causam factiones & sedi-

B 2

tio-

(a) Murator. in annal. Italiae an. 1067. CLXXXVI.

(b) Luitprandus lib. VI. cap. 6. (c) Maiburgius
histoire de la décadence de l'empire.

tiones videntur praebuiffe. Principio in Africa durante schismate Donatistarum, & in ecclesiis Orientalibus quo tempore pestis Ariana grassabatur, saepe posthabita sunt populi suffragia, tantumque sacra episcoporum potestate episcopi constituti sunt (a). Inde Justinianus plebem penitus ab electionibus exclusit, easque clericis & optimatibus dedit, ita tamen ut tres personas eligerent, ex quibus metropolitanus ordinaret digniorem (b). Verum haec Justiniani constitutio nec in Oriente usu recepta fuit, tantum abest, ut in ecclesiis Occidentalibus obtinerit. Generatim vero synodi septima & octava generales (c) jure suffragiorum populum spoliaverunt, electionesque episcoporum, penitus exclusis principum nominationibus, episcopis provinciae detulerunt, idque secundum can. IV. Nicaenum, quo statuitur, ab episcopis provincialibus auctoritate metropolitanae fieri debere episcoporum ordinationes. Sed canone Nicaeno tantum jura episcoporum & metropolitanarum in constituendis episcopis confirmantur, nec quidquam de jure populi in electionibus deminuitur; & ita populi suffragia in eo statu, quo eo tempore in ecclesiis obtinebant, relicta sunt, ut passim eruditi observant (d). Sane ipsi Nicaeni patres ad episcopi constitutionem populi electionem tamquam

(a) *Collat. Carth. cap. CLXXXII.*, conc. *Antioch. can. XVII. seq.* (b) *L. XLII. C. de episc.*, *Novel. CXXIII. & CXXXVII.* (c) *Conc. VII. can. III.*, con *VIII. can. XXII.* (d) *Petrus de Marca lib. VIII. de C. S. & I. cap. 3.*

quam conditionem necessariam requirunt (a), & praeterea post ipsum Nicaenum concilium diu etiam in Oriente populi suffragia sunt continuata (b). Ita contra sententiam patrum Nicaenorum decretis duorum conciliorum generalium in Oriente a primo saeculo in constituendis episcopis cessarunt populi suffragia; sed diutius steterunt in Occidente, ubi saeculo XII. eorum supersunt exempla (c): quamvis in Gallia etiam ab ipsis episcopis multum fuerint enervata. Sane post septimam & octavam generales synodos Galliae episcopi populum potius ad adsentiendum a se jam factae electioni, quam ad ipsam electionem admittere coeperunt (d). Citius vero cessarunt popularia suffragia in cooptandis presbyteris aliisque inferioribus clericis, eorumque loco successerunt ad populum denunciationes, quibus cuique imponitur, ut exeat, & palam propter Deum faciat, quae scit, impedimenta. Quae disciplina proponitur in *ordine Romano*, & praesentibus moribus obtinet (e).

Frequentes olim regiae episcoporum nominationes.

§. X. Illud interim verum est, a medio fere saeculo sexto magis ecclesiae voto, quam re ipsa fuisse populares electiones. Etenim principes suum in electiones adsensum verterunt in nominationes, sublatisque fere populi suffragiis episcopos iussionibus dederunt suis. Principio rectae
fi-

(a) *Epist. synod. ad eccles. Alexandr. ap. Theodor. lib. I. cap. 9.* (b) *Bingh. lib. IV. orig. eccles. cap. 2. §. 11.* (c) *S. Bernard. epist. XIII. & XXVIII.* (d) *Hinc. Rhemens. epist. XII. ad Ludovic. III.* (e) *Trid. sess. XXIII. de ref. cap. 5.*

fidei principes ad turbas praevertendas, vel sponte, vel ab ecclesia interpellati, episcopos nominarunt. Et qui alias turbæ poterant evitari? Ita ecclesiae Constantinopolitanae ad sedandas factiones Theodosius M. Nectarium, Arcadius Chrysostomum, & Theodosius junior Nestorium praefecit (a). Similiter Theodoricus Italiae rex turbas in electionibus pontificum frequentes declinaturus Felicem IV., alias III. senatui Romano eligendum in pontificem objecit. Sed inde turbæ in electionibus continuatae, regum in novis per Europam constitutis regnis infirma dominatio episcoporum auxilio munienda, auri sacra fames; qua aliqui principes laborarunt, hæreses à principibus aliquando factae, ecclesiarum foundationes; privilegia pontificum, & receptae investiturae regias episcoporum nominationes à necessitate ductas in usum fere verterunt assiduum: Sub Merovingicis regibus in Gallia, & sub Visigothis in Hispania fere principum jussionibus episcopi nominati (b): tractabantque ea de re principes cum episcopis & palatii proceribus, populi que consensus subinde à principibus electo suffragabatur. Sed majori libertate sub Gothis & Longobardis in electionibus Italiae ecclesiae utebantur; praesertim quæ erant sub metropoli Romana (c). In Oriente post Justinianum sub orthodoxis nec auri appetentibus principibus fere tantum patriarchae & majores metropolitae sacris jussionibus constituti sunt

(a) *Thomass. par. II. lib. 2. cap. 6.*

(b) *Can. XXV. D. 63.* (c) *Florus diaconus de electioni. cap. VI.*

sunt (a). Inde per Occidentem Carolus M. ejusque filius Ludovicus Pius editis capitularibus ecclesiis restituerunt electiones (b), quamvis aliquando ipse Carolus, saepe vero Ludovicus suas leges egressi episcopos nominarint. Sed sub frequentibus principibus iterum revocatae regiae episcoporum nominationes, quin postquam in abusum abierunt investiturae in Europae regnis paene tamquam jura regia electiones episcoporum habitae sunt. Toto autem hoc tempore, quo regiae obtinebant episcoporum nominationes, saepe principes veluti de suo jure remittentes ecclesiae concedebant electionem, salvo tamen in factam electionem adsensu. Plerumque vero reges electionis potestatem facientes, personam eligendam designabant, quod certe fucatum erat beneficium ab optimis quibusque reprobatum (c). Interea ecclesia & principes obtestans, & variis editis decretis electiones canonicas restituere ablaboravit, ecclesiaeque admonenti & vero etiam ejus iteratis canonibus saepe principes cedebant, & canonicas restituebant electiones; sed mox vel iidem ipsi principes, vel successores abdicatas resumebant, ut nihil inconstantius negotio electionum mediis saeculis fuisse videatur (d).

Sollemnitatis & origo investiturae.

§. XI. Jam accedens electionibus principis consensus, quin & regiae ipsae episcoporum

no-

(a) *Lupus dissert. de reg. episc. nominat. cap. I.*

(b) *Can. XXXIV. D. 63.* (c) *Hincmar. Rhemens. epist. XII. ad Ludovic. Balbum.* (d) *Marca de C. S. & I. lib. VIII. cap. 9. seqq.*

nominationes in solemnes abierunt *investituras*. Nomine *investiturae* veniebat regius adensus electionibus adhibitus & concessio bonorum ecclesiasticorum sollemni baculi & annuli pastoralium traditione facta. Unde mortuis episcopis & abbatibus annuli & baculi pastores in aulam mittebantur, ut inde episcopi & abbates ante consecrationem a principibus investirentur (a). Origine investiturae est a latifundiis & feudis, quae una cum regalibus sive pia devotione, seu potius ad firmandas novas dominationes imperatores & reges ecclesiis & monasteriis liberali manu contulerunt (b). Sunt feuda bonorum genus Romanis incognitum, quae retento supremo dominio, sollemni investitura a principibus propter servitium & officium conceduntur, semperque novi vasalli de more praestito hominio & jramento fidelitatis investituram debent accipere. Ita naturale fuit, ut pro feudis in ecclesias collatis episcopi & abbates, non secus ac alii feudatarii acciperent investituras, quae inde ad reliqua ecclesiastica bona extensae sunt. Variis autem symbolis feudorum investiturae explicabantur, sed in re ecclesiastica factae sunt sollemni virgae & annuli pastoralis traditione, forsitan ut temporalis caeremonia ad rem accederet spirituales. Nam alioquin constat, sacro illo signo principes nihil spiritualis tradidisse, quod diserte tradit Ivo Carnotensis (c), & ipsi principes agnoscebant & profitebantur. Sub Clodoveo II. qui

(a) *Guliel. Tyrius lib. I. hist. bel. sacri cap. 13.*

(b) *Natal. Alexander diss. IV. in saecul. XI. art. 1. (c) Epist. LX.*

qui primus feuda ecclesiis concessit, exempla inveniuntur investiturarum (a), quae inde sub Carolingicis regibus in usum abierunt assiduum, easque deinceps & imperatores Occidentis in imperio, & reges Galliae, Italiae, Angliae, Scotiae, Hungariae, Poloniae passim usurparunt. Quin. Orientis imperatores etiam solemnibus annuli & baculi traditione patriarchas & abbates investierunt (b), quae consuetudo a Leone Isauro forsitan primum usurpata, potius a jure sacrorum, quod integrum fere Graeci imperatores invaserunt, quam a feudis videtur repetenda. In Occidente ergo nono saeculo sic fere episcopi constituebantur. Principes rogati concedebant canonicas electiones, electi regibus ad recipienda bona ecclesiastica sistebantur, & tandem sequebatur ordinatio (c).

Mutata est post tot clades solemnitas investiturae.

§. XII. Nihil mali in se spectatae continebant investiturae, & ita eas, quousque principes recte usi sunt, ecclesia non improbavit. At inde earum abusu extinctae penitus canonicae electiones (d), passim pretio concessa ecclesiae & monasteria, episcopi & abbates plus nimio principibus addicti, creditumque etiam sacro annuli & baculi signo a principibus dari spiritualia (e). Amplius ergo ecclesiam ancillari pontifices non sustinentes in fracta libertate abolendas investituras.

Inst. jur. can. T. II.

C

ras

(a) *Petrus de Marca lib. VIII. de C. S. & I. cap. 19.* (b) *Lupus. diss. de laica antist. investit. cap. II.* (c) *Hincmar. Rhemens. epist. XII. ad Ludovic. III.* (d) *Guliel. Tyrius lib. I. belli sacri cap. 13.* (e) *Petrus Damian. lib. I. epist. 13.*

ras susceperunt, signumque ad pugnam Gregorius VII. extulit, pari vi continuarunt successores. Plures tum in Italia, tum in Gallia celebratae synodi damnarunt investituras, dantes & accipientes excommunicationi subjecerunt (a). Iteratis hisce synodorum decretis Galliae reges annuli solemnitatem remissere, soloque adsensu, aliove signo episcopatus concedere coeperunt (b). Sed alii Occidentis principes, in primis duo Henrici IV. & V. imperatores investiturarum remissione jura regia deminui existimantes in annuli & baculi solemnitate persistere. Plures ergo episcopi ecclesiis ejecti suis, imperium internis motibus agitatum, Italia armis invasa, pontifices ad sui tuitionem externa auxilia petere coacti, Paschalis II. summus pontifex pluresque episcopi & cardinales vi doloque Henrici V. capti & in carcerem detrusi, unde, nisi extorto investiturarum privilegio, non dimissi. In libertatem receptus pontifex Romae synodum celebravit, in qua sub nomine *privilegii* rescissum & damnatum fuit ab Henrico extortum privilegium, eoque humilitatis sanctus pontifex seipsum abjecit, ut insignia deposuerit pontificatus, paratus ad satisfaciendum ecclesiae, de cujus violata libertate inculpabatur, eoque nomine deposcebatur ad depositionem (c), praesertim quando hac tempestate plerique investiturarum concessionem haere-

resim

(a) Natal. Alexand. cit. diff. art. III. seqq.

(b) Ivo Carnotens. epist. LX. (c) Gotfridus Viterbiensis par. XVII, chron.

resim reputarent (a). Irarum ergo & bellorum causa recruduit, nec, nisi sub Callisto II. in Concilio Lateranensi an. CIOCCXII. controversia haec, quae quinquaginta circiter annos rempublicam & ecclesiam agitaverat, inter imperatorem & ecclesiam composita est, ratione, quae utrique parti satisfaceret, excogitata. Etenim restitutis omnino liberis canonicis electionibus, & abolita simonia, statutum, ut non baculo & annulo, sed sceptri traditione fierent investiturae. Mirari subit, cur non antea hoc temperamentum fuerit adhibitum; nam in tantis angustiis unum de duobus erat faciendum, vel fenda regibus dimittere, quod sane gloriosum erat pro ecclesia, vel modum excogitare, quo salvis juribus summae potestatis & emendatis abusibus, spiritualia tradi per principes non viderentur.

Jure novo electio pontificis fit a cardinalibus.

§. XIII. Turbae in Occidentalibus ecclesiis regum nominationibus evaserunt minus frequentes, at in ecclesia Romana, quae integram fere retinuit libertatem electionis, numquam cessarunt, quin in dies magis magisque creverunt. Unde pontificis electio paulatim ad solos cardinales, uno conclavi inclusos, devoluta est. Et primum quidem synodus Romana sub Nicolao II. an. CIOXIX. occasione turbarum, quas excivit Joannes episcopus Velitrensis, qui armato milite cinctus Romanam cathedram invasit, statuit, ut tantum episcopi cardinales de electione pontifi-

C 2

cis

(a) Thomass. par. II. lib. 2. cap. 32.; Christ. Lupus diss. de laica antist. investitura cap. III.

cis convenirent tractaturi, & inde assumtis clericis cardinalibus eligerent pontificem, cui electioni reliquus clerus & populus accederent (a). Inde clero non cardinali & populo sensim penitus excluso, ad evitanda schismata statuit concilium Lateranense sub Alexandro III., ut rata tum esset pontificis electio si duae cardinalium partes in unum conveniret (b). Addita est decreto Gregorii X. in concilio generali Lugdunensi necessitas conclavis, ut nempe uno conclavi fere in loco, ubi mortuus est pontifex, cardinales inclusi, eligant pontificem, unde, nisi facta electione non discedant (c). Cardinales praesentes, expectatis absentibus decem dies, conclave ingrediuntur, salvo tamen absentibus jure ingrediendi conclave re integra post decem dies, & egressis redeundi. Nullus vero ex cardinalibus etiam si excommunicatus, suspensus, aut interdictus sit, ab electione pontificis excluditur. Quin etiam ex clericis non cardinalibus, & alienigenis eligi potest in pontificem, quamvis ab Urbano VI. ad haec nostra tempora semper papa ex cardinalibus electus sit. Quae omnia speciali jure recepta sunt, ne ex diutina ecclesiae Romanae vacatione universa damnum sentiat ecclesia.

Electio vero episcoporum a capitulis cathedralibus.

§. XIV. Ipsae quoque episcoporum electiones exclusis cleri inferioris & populi suffragiis in Occidente solis capitulis cathedralibus cesserunt. Variis regum nominationibus, & praesertim in-

ve-

(a) *Can. I. D. 23.* (b) *Cap. VI. ex. de elect.*

(c) *Cap. III. de elect. in 6., Clement. II. de elect.*

vestituris, suffragia populi ita ceciderant, ut quò tempore canonicae electiones sub Callisto II. restitui coeperunt, non amplius populi videntur fuisse suffragiorum appetentes. Capitula vèro cathedralia ex quo clerici sub Chrodogango in vitam communem coaluerunt, & inde etiam relicta communi vita strictius episcopo adhaeserunt, & cum eo unum corpus efformarunt, quod universum referebat presbyterium (a). Unde facile fuit capitulis cathedralibus non minus populum sui juris minus appetentem, quam reliquum inferiorem clerum, qui non amplius presbyterii pars erat, ab episcoporum electionibus excludere, praesertim accedente exemplo ecclesiae Romanae, in qua jus eligendi pontificis ad solos cardinales, qui senatum ecclesiae Romanae componebant, transierat. Tempore Innocentii III. adeo privative ad solos canonicos cathedrales episcoporum pertinebat electio, ut ne ipsi quidem episcopi suffraganei cum capitulo ad metropolitae concurrerent electionem (b). Et ex hoc demum tempore varii prodierunt canones & pontificum rescripta, quibus solemnitates & formae electionis in capitulis celebrandae constituuntur, & exortae deciduntur controversiae.

Electiois formae.

§. XV. Generatim electionis species plures esse possunt, sed in eligendis praelatis, quorum morte vidua & sine pastore ecclesia dicitur, jure decretalium tres sunt, *scrutinium nempe, com-*
pro-

(a) Cap. IV. ex. de his., quae sunt a prael. sine con-
 sen. capit. (b) Cap. IV. ex. de postulat. praelat.

promissum & inspiratio (a). In electione per scrutinium, quae ordinaria est, praesentibus omnibus, qui debent, volunt & commode possunt interesse, electione nullis adstricta solemnitatibus adsumuntur tres de collegio fide digni, qui omnium etiam a seipsis inquirunt, scrutanturque suffragia, unde nomina *scrutatorum & scrutinii (b)*, idque *secrete*, nemine nempe ex non scrutatoribus audiente, *singillatim*, hoc est non a pluribus conjunctim, & *diligenter*, attendentes, ut omnes omnino praesentes electores debitis modis ferant suffragium. Collecta suffragia ipsi scrutatores expendunt. & conditionata, dubia, alternativa reiciunt, & qui ea tulerunt pro ea vice excidunt suffragio (c), reliqua vero omnia admittunt, & in scripturam redacta mox *in communi* palam facere debent, ut tantum numerus personarum, quae suffragium tulerunt, exprimat *d)*. Inde fit suffragiorum collatio, isque censetur *electus*, in quem omnes, vel major & sanior pars capituli consensit. Beneficia ecclesiastica conferenda sunt dignioribus, & hinc potius ponderanda, quam numeranda suffragia. Sed ne in rixas, & turbas suffragiorum ponderatione evaderent electiones, moribus receptum est, ut major capituli pars exprimat totius corporis consensum (e). Per compromissum fit electio, quando a capitulo nemine dissentiente uni vel pluribus etiam extra capitulum cle-

ri-

(a) Cap. quia propter XLII. ex. de elect.

(b) Florens com. ad tit. decretal. de elect.

(c) Cap. II. eod. in 6. (d) Barbosa lib. I. jur. eccl. cap. 19. n. 216. (e) Cabassut. lib. II, theor. & prax. jur. can. cap. 24. n. 14.

ricis electio committitur, idque inductum ne frequentibus capitulorum dissentionibus non sine ecclesiarum damno in longum trahantur electiones. Compromissarii leges adjectas compromisso servare tenentur (a), quae si nullae fuerint expressae, eae censentur adpositae, quae secundum canones omnibus insunt electionibus. Si plures sint compromissarii ille censetur electus, qui majorem numerum punctorum tulerit; in quo a scrutinio differt compromissum. A compromissariis electus, re integra non revocato compromisso, non potest recusari (b). Et demum per inspirationem fit electio, quum nullo praecedente speciali tractatu, suffragia omnia veluti a divino spiritu excitata in unam personam conferuntur. Peccatis nostris inspirationes factae rariores: quin nec facile hodie admitti debent, ne praetextu divini impulsus regulae electionum ab ecclesiae praescriptae negligantur, & aditus electionibus tumultuariis aperiantur (c).

Solemnitates omnibus electionibus communes.

§. XVI. Generatim vero electiones omnes multa habent communia. In primis (I) iustapraelato sunt perfolvenda (d), nec ante ad successoris deveniendum electionem: singularisque profecto consuetudo olim Alexandriae obtinuit, ut non adhuc sepulto mortuo episcopo novus eligeretur (e). Celebrari (II) quoque debent ele-

(a) Cap. XXXII. ex. eod. (b) Cap. XXXIII. ex. eod. (c) Esphen. par. II. tit. 21, cap. 4. §. 9. (d) Cap. XXXVI. ex. de elect. (e) Epiph. haer. LXIX.

electiones omnes publice & palam in ecclesia, aut alio loco consueto, quod jus, reprobatis electionibus clandestinis (a), semper servavit ecclesia. Sunt electiones clandestinae, quae celandi animo per privata conventicula importuno tempore & loco celebrantur: qualem fuisse M. Athanasii electionem olim Ariani calumniabantur (b). In omni porro electione (III) advocari debent omnes de capitulo, qui suffragium habent, & possunt interesse, tam praesentes, quam in eadem provincia absentes, darique oportet absentibus tempus competens, quo se praesentes fiant. Ex justis vero causis absentes etiam vicaria unius de collegio opera suffragium ferre possunt (c). Demum (IV) novo decretalium jure trium mensium spatio episcopi & majores dignitates regulares, ceteri vero beneficiarii intra sex menses eligi debet (d). Hoc autem semestre non a die vacationis, sed a die scientiae, numeratur (e), & porro utrumque tempus non currit, si justa causa, quominus electio fiat, sit impedimento (f). Si tempore praescripto electio non celebretur, eligentes cadunt jure electionis, & pro ea vice sacerdotis constitutio devolvitur ad superiorem (g). Et hoc est negligentiam supplere praelatorum: meritoque indu-
ctae

(a) Cap. XLII §, ult. ex. eod. (b) Philostorg. lib. II. (c) Cap. XLII. ex. eod. (d) Cap. XLI. ex. de elect. cap. II. ex. de concess. praeb.

(e) Cap. III. ex. de suppl. neglig. praelat.

(f) Cap. XLI. §, ult. ex. de elect. (g) Cit. cap. XLI., can. III. ex. de suppl. neglig. praelat.

ctae devolutiones, nec cum damno ecclesiarum impune esset trahere in longum electiones.

Postulatio ejusque forma.

§. XVII. Jure decretalium species electionis, sed extraordinariae, censetur *postulatio*. Populi & cleri suffragia quandoque in antiquis canonibus nomine *postulationis* designantur (a): atque adeo postulatio eadem erat ac electio: nec si populus minus idoneum expetebat, actu ab electione distincto erat procedendum, sed de more fiebat electio, quam metropolita cum episcopis provincialibus expendens, vota populi admittebat, aut reiciebat, prout utilitas ecclesiarum postulabat. Sed labentibus annis quum magno numero coepissent minus idonei ad dignitates ecclesiasticas adspirare, *electio* & *postulatio* in duos distinctos actus abierunt, ita nempe ut electio esset idoneorum. postulatio vero vitio canonico laborantium. Unde postulatio est instans capituli petitio ad superiorem directa, ut ex indulgentia ad clerum vel dignitatem ecclesiasticam cum admittat, qui canonico vetatur impedimento. Ergo in postulatione ante omnia procedit electio, in qua ex majori suffragiorum numero concluditur, nisi *postulabilis* cum *eligibili* concurrat, nam in hac specie ad excludendum *eligibilem* duplo majora puncta requiruntur (b). Celebrata electione preces ad superiorem instituuntur, ut canones relaxando postulatam admittat. Superior, cui preces postulantium diriguntur, *Instit. jur. can. T. II.* D si

(a) *Cap. XVI. D. 61., can. IX. D. 65.*

(b) *Cap. III. ex. de postul. praelat., cap. XL. ex. de elect.*

si episcopi postulentur, est summus pontifex (a), proximi vero superiores in inferioribus praelatis. Integrum est pontifici preces non admittere, quia magis est gratiae, quam iustitiae veniam canonum indulgere (b); quamvis sine justa causa inferiores praelati postulationem reiicientes a summo pontifice cogi possint (c). Admittitur vero postulatio praevia causae cognitione, qua inquiritur in solemnitates postulationis, & vero etiam num e re ecclesiastica sit pro ea vice cum impeditis dispensare. Et quoniam a superioris indulgentia pendet admissio postulationis, designatus ante admissionem nullum jus acquirit, & re integra, hoc est nondum petitione superiori praesentata, capitulum consilium recte mutabit suum.

Consensus electi in electionem.

§. XVIII. Post electionem jure celebratam, electi oportet exquirere consensum (d), quod adeo verum est, ut consensu ante electionem postulato propter ambitus suspicionem electio non subsistat (e). Praesentata electione unius mensis spatio debet electus consentire, nisi iure per electionem quaesito cadere velit (f). Satis profecto sunt unius mensis induciae, quo quis deliberet, num injectum onus subire debeat, expendatque precibus ad Deum fufis & prudentum etiam adhibito consilio, num propriae vires & virtutes respondeant vocationi. Quamvis enim

(a) Cap. IV. ex. de postul. prael. (b) Cap. III. ex. eod. (c) Barboja lib. I. de jur. eccles. cap. 19.

(d) Cap. XXXIV. ex. de elect. cap. VIII. eod. in 6.

(e) Cap. XLVI. ex. eod. (f) Cap. VI. eod. in 6.

enim qui gradus ecclesiasticos sponte appetunt, nisi in votis tantum sit labor & opus & studium exercendae caritatis, indigni sint & reiiciendi (a); ubi tamen iusta praecedat ecclesiae vocatio, & requisitae adsunt qualitates cum laude injectum onus sponte admittimus, modo tantum opus bonum intendamus. Semel autem ab electo admissa electione, electores amplius non possunt resilire (b), potestque electus, electoribus etiam invitis, a superiore petere electionis confirmationem, non vero ante confirmationem ecclesiae se admiscere administrationi, quod si faciat iure, per electionem quaesito statim excidit. Non electio, sed confirmatio moribus praesentibus pastorem constituit. Solis episcopis & abbatibus extra Italiam, qui *apostolice* a pontifice pendent, vel ab ipso petere debent confirmationem, ob locorum distantiam benigne indultum, ut omnibus suffragiis electi interim ecclesias administrarent (c).

An electus cogi potest ad assensum?

§. XIX. Quid si electus factae electioni recuset consentire, an ad assensum recte cogitur? Primis saeculis nil frequentius, quam vi inflatae plebis, aut etiam episcopis, auctoribus facta ordines collati. Ita vi ordinati sunt Athanasius, Ambrosius, Paulinus, Nepotianus, Paulinianus, Augustinus, Martinus Turonensis, Macedonius anachoreta alique. Tantum sacro ministerio di-

D 2

gni

(a) Thomass. par. II. lib. 2. cap. 65. seq.

(b) Cap. XXI. & seq. ex. de elect. (c) Cap. XLIV. ex. de elect., cap. V. cod. in 6.

gni censebantur, qui ordinabantur inviti (a). Contra vim calcitrare nihil quidquam proficiebat, nisi per Christi nomen jurassent, se ordinationem non admissuros, quod Basilius tradit (b). Et hinc forsan raptorum per vim os subinde tenebatur, ne iusjurandum pronunciarent (c). Suo modo sacerdotia munera reputabantur publica, quae imponuntur etiam invitis. Qui vero sic ad sacerdotia rapiebantur, non ex contemptu sacri ministerii, aut pertinaci inobedientia repugnabant, sed quod se tanto muneri impares reputarent, vel quod solitudini addicti, quiete tantum delectarentur. Sed inde lege Leonis & Majoriani imperatorum (d), & decretis Simplicii pontificis (e) & concilii Arelatenfis III. (f) ab ordinationibus vis remota est, invaluitque disciplina, ut ad sacerdotia tantum consentientes admittantur. Itaque moribus praesentibus si ad dignitates ecclesiasticas vocati non consentiant, quod in tanto earum ambitu non adeo frequens est, rationibus, obsecrationibus, increpationibus expugnandi, modo alias digni sint, & obtentu infirmitatis suae electionem non admittant; & si ita repugnantia non frangatur, vis non debet inferri.

Qui desit regius in electiones assensus.

§. XX. Jam principum in episcoporum electiones assensus antiquis moribus inductus etiam translatis ad capitula cathedralia electionibus jure de-

(a) L. XXXI. C. de episc. & cleric. (b) Epist. can. ad Amphilocho. can. X. (c) Epiph. epist. ad Jo: Hierosolym. (d) Novel. II. in append. C. Th. (e) Epist. II. ad Jo: Raven. (f) Can. VII.

decretalium requiri debet (a). Sed distant decretales a moribus pridem receptis, etenim jure decretalium post electionem debet regius assensus postulari, eoque posthabito electio non infirmatur; sed pristinis moribus regius assensus fere ipsam antecedeat electionem: quo jure etiam post translatas in capitula electiones reges aliqui, in primis Galliae uti non desierunt. Apud nos temporibus Nortmannorum etiam viguit regii assensus necessitas,* & pupillo adhuc Friderico II. *vice regia* Innocentius III. ejus balius electionibus consensit (b). Sed eo rem redegit Innocentius, ut tantum in speciem jus regium servasse videatur, etenim ea lege Constantiae Friderici matri, ipsique puero Friderico dedit regni investituram, ut rex requisitus assensum omnino praestaret (c), quum antea pactis inter Hadrianum IV. pontificem & Guilielmum I. initis, & vero etiam de more ceterorum regum si nullae contra causae suaderent, reges nostri admittebant electiones. Qua de re grandior factus Fridericus ipse conquestus est. Paulo post regno ad Andegavenses translato, desierunt reges nostri electionibus assentiri: etenim Carolus I. Andegavensis, cui tantum cordi erat novi regni adquisitio, facile ea lege admisit a Clemente IV. datam investituram, ut creandis ecclesiarum praelatis numquam regius assensus requireretur, Generaliter vero labefactari necesse fuit regium hoc jus nominationibus episcoporum
in

(a) Cap. XIV., & XXVIII. ex. de elect.

(b) Cap. XVIII. ex. eod. (c) Innoc. III. lib. I. ep. 410.

in pontificem translatis; nam indignum habebatur, electiones a pontificibus factas. consensione regum confirmari. Etiam Innocentius III. exclusit regum assensum, quo electiones apud sedem apostolicam factae probabantur. *Super electionibus*, inquit in litteris ad Joannem regem Angliae (a), *apud sedem apostolicam approbatis non consuevit assensus principum expectari*. Quam regulam ea ratione confirmat Christianus Lupus, quod nullo pacto conveniebat directam & probatam a sede apostolica electionem laico regum iudicio subiacere (b): At reges electionibus assensientes; non suo iudicio subiciebant directas a pontifice electiones; sed regia exercebant iura, quibus tamquam populi capita merito aucti sunt.

*Electioes & collationes beneficiorum
ad pontificem devolutae.*

§. XXI. Penes capitula cathedralia diu steterunt episcoporum electiones, quo eodem tempore dignitates ecclesiarum & canonicatus capitula, interveniente aliquando episcopo, eligebant, cetera beneficia collationis episcoporum erant. At lapsu temporis mutata disciplina, electiones episcoporum & omnium fere beneficiorum collationes ad pontificem devolutae. Paullatim tanta moles inedicata; administris mandatis de providendo; reservationibus, praeventionibus. Mandatis pontifices capitulis aliisque beneficiorum collatoribus praecipiebant, ut certis designatis per-

(a) *Apud Matth. Paris. ann. CI^oCCVIII.*

(b) *Diff. de reg. antist. nominat. cap. VI. tom. IV. oper. E. V.*

personis conferrent beneficia; praeventionibus primi occupabant & conferebant, nihil imminuto pro sequentibus vacationibus jure collatorum, reservationibus vero quidquid juris habebant collatores, in sedem apostolicam transfulerunt. Viam aperuerunt reservationibus ultra tempus protrahae electiones, frequentes inter eligentes electosque discordiae ad supremum apostolicae sedis iudicium deferri solitae, bella & discordiae inter pontifices & reges, & vero etiam principum preces, quibus a pontificibus petebant, ut certis personis darent episcopatus. Primus Clemens IV. generatim sedi apostolicae reservavit dignitates & beneficia omnia, quae apud sedem apostolicam vacarent (a). Sed inde Clemens V. (b), Joannes XXII. (c), Benedictus XII. (d) alique successores pontifices suis constitutionibus & cancellariae regulis novas inducentes reservationes, & antiquas confirmantes, episcopatus omnes & reliqua paene omnia beneficia sedi apostolicae reservaverunt. Et quamvis Benedictus XII. & alii pontifices beneficia sibi reservantes, ad tempus reservationes inducere profiterentur (e); reservationes tamen sub successoribus persistebant, quando status Romanae ecclesiae talis erat, ut beneficiorum collationes abiicere non posset. Nec deerant momenta, quibus mandata, praeventiones, reservationes pontifices tuerentur. Pro certo enim erat, episcopos esse vocatos in partem soli-

(a) *Cap. II. de praeb. in 6.* (b) *Clement. in plerisque de elect.* (c) *Extravag. ex debito de elect. inter comm.* (d) *Extravag. ad regimen de praeb. inter com.* (e) *Cit. extravag. ad regimen.*

licitudinis non in plenitudinem potestatis, & ecclesias omnes majores, minores ab ecclesia Romana fuisse institutas: quae duo semel recepta speciosas rationes mandatis, praeventionibus, reservationibus pontificiis suppeditabant. Certe Clemens VI. litteris ad Eduardum regem Angliae omnium ecclesiarum & dignitatum fundatione ecclesiae Romanae vindicata, docuit plenariam omnium ecclesiarum, beneficiorum & officiorum collationem ad Romanum pontificem pertinere (a).

*Querelae contra reservationes earumque
revocatio -*

§. XXII. Canonicae electiones & beneficiorum collationes a capitulis & ordinariis collatoribus in pontifices translatae, auxerunt quidem Romanae sedis dignitatem, at malorum illiadem non minus in ecclesiam, quam in rempublicam invexerunt. Episcopi in hac parte, ut in multis aliis, paene non amplius mysteriorum Dei dispensatores, exteri linguae & legum patriarum ignari, & aliquando principibus suspecti ad ecclesias promoti; posthabiti digniores, sexcentae lites excitatae, patroni suis privati juribus. Unde factum, ut contra pontificias beneficiorum collationes passim omnes declamarent, reges, episcopi, capitula, patroni, nationes omnes. In concilio Constantiensi an. cccccxv. congregato legati ecclesiae Gallicanae instanter petierunt, canonicas electiones & beneficiorum collationes ordinariis collatoribus restitui; sed patres unitatem ecclesiae, extincto schismate, restituere ad-

la-

(a) *Ap. Raynaldum ad ann. Cljcccxlvi.*

laborantes, articulum de restituendis electionibus beneficiorum futuro pontifici una cum concilio commiserunt; at inde electo Martino V. re infecta discessum. Ergo paucis post annis in concilio Basileensi exclamarunt episcopi, reservationibus abrogatis, canonicas electiones restitui, precesque admittentes concilii patres omnes pontificias resciderunt reservationes, una tantum excepta, quae sexto decretalium intexta, juris pontificii facit beneficia in curia vacantia (a).


Regiae episcoporum nominationes.

§. XXIII. Decretum hoc concilii Basileensis plaudentes exceperunt Galli, illudque in comitiis Bituricensibus auctoritate regis probatum ann. ccccxxxviii. in *pragmaticam sanctionem* coniecerunt. Ita in Gallia restitutae canonicae electiones, sed in aliis regionibus, ubi decreta concilii Basileensis non eadem veneratione excepta sunt, reservationes in statu perstiterunt suo. Interim quemadmodum pontifices aegre ferebant *pragmaticam sanctionem*; ita reliquos principes male habebat, sibi subditos canonicos electionibus episcoporum excidisse, & suorum regnorum ecclesiis a Romanis pontificibus episcopos praefici. Ergo pactis conventis, vel apostolicis indultis nominationes episcoporum regibus concessae, vel capitulis restitutae, confirmationes vero pontificibus reservatae. In Gallia post diuturnas contentiones *pragmaticae sanctionis* abolito nomine, pactis conventis inter Leonem X. & Franciscum I. regibus cesserunt episcoporum nominationes (b).

Instit. jur. can. T. II. E Si-

(a) *Cap. II. de praeb. in 6.* (b) *V. Petr. de Marca lib. VI. de C. S. & l. cap. 9.*

Similiter in Hispania non minus indulto Hadriani VI. summi pontificis, quam jure patronatus catholici reges eligunt episcopos (a). Sed in Germania pactis conventis inter Fridericum III. imperatorem & nonnullos alios principes & Nicolaum V. capitulis electiones restitutae. Apud nos vero tantum vigintiquatuor episcopatus sunt regiae nominationis, quod Clemens VII. Carolo V. ejusque in regno successoribus indulgit (b). Quo vero principes recte nominationibus episcoporum defungantur, ecclesiae bonum ob oculos habere, & viros spectatae pietatis & eminentis doctrinae seligere debent, alias malae villicationis eorum, quos elegerunt, apud Deum rei sunt. Unde olim Valentinianus senior rogatus ab episcopis ut ob mortem Auxentii ecclesiae Mediolanensi episcopum daret, onus defugit, responditque: *Majus est viribus meis hoc negotium. Vos qui divina gratia ornati estis, ab illo splendore illuminati melius discernetis* (c).

 Jus nominationis ad episcopatus nostris Principibus usque a Nortmannorum aetate sanctum testum servatum fuisse inconcussa saec. XI. ac seq. temporum monumenta testantur: sane ipse Rogerius Comes ecclesiae Traginensi Robertum praesulem nominavit, eumque Urbano II. consecrandum praesentavit, quem postea ad ecclesiam Messanensem transtulit. Idem Princeps ecclesiae Agrigentinae, Gerlandum, Mazariensi Stephanum, Catanensi Ro-

(a) Covarruvias ad cap. possessor par. II. §. 10. n. 5. (b) Regens de Ponte dec. XII. Regens de Marinis resol. lib. 1. cap. 152. n. 15. (c) Apud Theodoret. lib IV. cap. 5.

Rogerium, Syracusanae alterum Stephanum, Melitenſi Gothofredum designavit, permultosque Ab-
bates & Archimandritas constituit. Vid: Pirrum
in notitiis diſſ. eccleſiarum. Et quamvis Romani
Pontifices hoc jure ſucceſſores principes privare co-
nati fuerint, & quandoque effecerint; nihilominus
pervetustum hocce jus nunquam ſibi e manibus eri-
pi paſſi ſunt Reges noſtri. Etenim Fridericus I.
cujus infantia abusus Innocentius III. ejus tutor
Principum conſenſum ab electionibus episcoporum
expunxerat, ut Regni habenas accepit, Tutoris ſui
factum improbavit, & licet poſtea ut abſolutionem
a Gregorio IX. obtineret ſe liberas electiones epi-
ſcoporum facturum promiſiſſet, minime fidei datae
ſtandum eſſe duxit, eo quod non poſſet ſe ſuoſ-
que ſucceſſores hoc jure abdicare. Nullius au-
tem momenti ſunt Caroli Andegavenſis ac Fride-
rici III. hac de re Romanis Pontificibus de liberis
electionibus concedendis factae promiſſiones. Si-
quidem prius, ut morem Pontifici gereret, a
quo regnum acceperat, hoc ſeſe jure immerito
expoliavit. Alter vero inter Baronum Siciliae
tumultus jura Regni minime tueri curavit.
Tantum autem abeſt jus nominationis Epiſco-
porum ea tempeſtate a noſtris Regibus excidiſ-
ſe, ut inter capitula Regis Martini cap. 67.
decernatur nullum in epiſcopum eccleſiarum
cathedralium admitti ſine praeſvio Regis juſſu;
nec tantum conſuevere Siculi Monarchae eccleſiis
vacantibus epiſcopos nominare; ſed haud raro dum
adhuc epiſcopi viverent eorum praefulatus expecta-
tivam, ſeu designationem alteri conferre. Ita an.
1405. cit. Martinus Montis Regalenſis epiſcopatus
expectativam Joanni de Vintimillio fecit: Regina


Blanca an. 1412. e Siculis praesulatus, qui primum vacaret Ubertino de Marinis promisit, idemque egit erga Raynerium de Mauro Alphonsus Rex an. 1424. Argumentum hoc satis aperte demonstrat perpetuum jus nostrorum Principum, circa electiones episcoporum. Regnante Ferdinando II. cum dissidium inter eum, ac Sixtum IV. P. M. de hoc jure, quod sibi avocaverat Pontifex, enatum esset, Bulla Urbani II. Rogerio Comiti ejusque successoribus data in medium allata est, in qua plenum praesentationis jus eisdem concedebatur, Pontificioque diplomate Innoc. VIII. Sixti IV. successor decrevit in posterum ad Regis Siciliae petitionem Bullas consecrationis expediendas, in quibus juris Regii Patronatus expressa mentio haberetur. (Vid. Codicem Siculum Dominici Giarrizzo p. 344. in adnot. ad Bullam Sixti V., ubi historia hujus controversiae ex integro exscribitur) Dissidiis iterum inter Romanam curiam, ac Carolum V. Regem Siciliae anno 1529. quoad controversa jura Sacerdotii & imperii excitatis, novo foedere inito Jus regiae praesentationis Regi nostro confirmatur peculiari diplomate Clementis VII. P. M. in quo citat: Pontifex declarat: Cum diversi Romani pontifices clarae memoriae Ferdinando Regi ejusque praedecessoribus, eidemque Carolo Romanorum Imperatori Siciliaeque Regi Jus Patronatus praesentandi personas idoneas ad cathedrales ecclesias, pro quovis tempore ratione foundationis, ac recuperationis ecclesiarum de manibus infidelium concesserint, idem jus novo hoc diplomate firmare, ratumque habere. Eadem habent Adrianus VI. ac Paulus III. ann. 1536., qui beneficia Regii Patronatus etiam in Romana curia

quo-

quomodocumque vacatura nonnisi Regia accedente nominatione conferenda esse constituit, ac Pius V. in Bulla ad Philippum Primum Siciliae Regem data; quae omnia accuratè exposita riteque digesta habentur in citato Codic. Sicul. Dominici Giarrizzo Tit. 8. de sacrosanctis episcopis. Inde factum est ut Tom. 3. Pragm. editionis Caesini Tit. 8. cautum sit ut denegetur executio pontificiis Bullis circa collationes beneficiorum nisi caedula Regiae praesentationis in ipsis fuerit inserta.

Duo adhuc adnotanda supersunt, ut omnibus numeris animadversio nostra de episcoporum nominationibus absolvatur. I. A temporibus Regis Joannis nempe medio saeculo XIV. observari caepisse legem illam in Sicilia, qua ab omnibus beneficiis, ac praesertim archiepiscopatibus, episcopatibus, abbatiis &c. escluduntur alienigenae cujuscunque ordinis ac dignitatis etiamsi cardinalitio honore praefulserint. Imo invecitis ea tempestate Romanae Cancellariae regulis, cum permulta beneficia Sicula Romae extraneis conferri caepissent a pontificibus, dictus Joannes irritas tales electiones extraneis factas declaravit, dictasque regulas omni robore destitutas voluit, quasunque resignationes vel pensiones super beneficia istius Regni extraneis constitui vetans, interdictoque ad Romanam Curiam, ut haec negotia peragerentur, accessu. Haec omnia Pragmatica Sanctione die 15. Novembris anni 1392. in perpetuum sanxit cit. Monarcha. novaeque lege firmavit ejus successor Alphonsus diplomate anno 1418. dato. Confer utrasque constitutiones T. 4. Sic. Sanct. p. 165. & seqq. Cum vero praedictae Joannis & Alphonsi constitutiones labentibus annis obsolevisent, ex eoque non levia

pa-

paterentur incommoda Siculae ecclesiae exteris ipsarum beneficia administrantibus, iisque parum de divino cultu, ac gregis commissi cura sollicitis ac quandoque extra dioecesim suam commorantibus in generalibus Regni comitiis ann. 1502. Ferdinando II. Regni totius vota exposita fuere, & alternativa in beneficiis Regii Patronatus a Rege concessa, scilicet ut de duobus electionibus quorumcumque beneficiorum Regni nostri una electio in personam Siculi caderet, altera vero arbitrio Regis libera committeretur. Cap. 34. Ferdinandi quod extat T. 1. Capitulum Regni p. 536. Nostre denique aetate ex decreto invictissimi Caroli III. tunc Siciliae nunc Hispaniarum Monarchae, si Panormitanum Pontificatum excipias, a reliquis Siciliae sacerdotibus alienigenae omnino arcentur cap. 2. ejusdem T. 2. Cap. Regni: quod profecto decretum, ait Franciscus Testa, in not. ad cap. 34. Ferdinandi II. praeclarum erit, aeternumque monumentum non solum clementissimi Principis in Siculos largitatis, sed etiam ejusdem summae erga Deum pietatis & religionis: quandoquidem sacris institutis ecclesiae disciplinae maxime consecretaneum est. sacerdotia indigenis mandari. II. Melitensis Insulae utpote Regi nostro subditae episcopum eligi ad praesentationem Magistri Ordinis Hierosolymitani, qui tres viros quorum unus subditus Regi sit, eidem monarchae sistit, ex quibus ad episcopatum a Rege unus eligitur. Tom. 14. Sic. Sanct. p. 103. 

C A P U T XXII.

*De examine ordinandorum & electorum
confirmatione.**Examen ordinationi praemittendum.*

§. I. **N** Omine examinis in cooptandis sacris ministris intelligimus diligentem perscrutationem qualitatum, quas in clericis canones requirunt. Manus cito nemini imponendas omnibus episcopis Timotheum adloquens apostolus praeciperat (a). Vetans autem apostolus cito manus imponi, ex antiquorum patrum sententia jussit, sacerdotes adsumi *non ex prima probatione, nec secunda, nec tertia*, sed ubi consideratio diuturna & exactissima discussio praecessit (b): Valebant quidem in ordinandis clericis populi suffragia ad bonorum merita praedicanda, & malorum vitia detegenda, praesertim ubi ambitus aberat a sacris ministeriis; at in re tanti momenti ulteriorem etiam adhibitam ecclesia voluit diligentiam, unde factis ipsis constaret aptos & idoneos esse, qui sacerdotes creabantur. Nullus, statuunt patres concilii III. Carthaginensis (c), *ordinetur clericus, nisi probatus fuerit vel episcoporum examine, vel populi testimonio*, hoc est episcoporum examine & populi testimonio; in scriptoribus enim quarti & quin-

(a). 1. ad Timoth. V. 22. (b) Chrysost. hom. XVI. in 1. ad T. moth. (c) Can. II. D. 24-

quinti saeculi *vel* saepe vim habet conjunctionis. Etiam Athenienses quos elegerant in magistratus, examini, quod dicebant *δοκιμασίαν*, *explorationem*; subiiciebant (a). Qui examine non praemisso ordinantur, *furtive* ordinari dicuntur. Furtive ordinati generaliter olim a clero, abiciebantur (b); at jure decretalium ante ordinationem sub excommunicatione proposito interdicto, ne non examinatus accedat, furtive ordinati perpetuum alieni sunt a canone, tantumque post susceptum habitum regularem a pontifice restituuntur; interdicto vero omisso episcopi venia in ordinibus susceptis ministrabunt, & ad majores promoventur (c).

Speciat examen praecipue mores & scientiam ordinandorum.

§. II. Ordinationi praecedens examen speciat certe omnes canonicas clericorum qualitates, at praecipue versari debet circa mores & scientiam cuique gradui convenientem. Sane integri mores & scientia adeo necessaria sunt in regimine animarum, ut iis destituti clerici oneri potius, quam aedificationi sint ecclesiae. Pro recta morum exploratione olim inductum, ut nullus peregrinus ignotus in aliena ecclesia clericus ordinaretur (d), statuitque synodus Meldensis (e), ut nemo ordinetur, nisi in civitate, ubi examen instituitur, ad minimum uno moretur anno.

Be-

(a) Potterus lib. I. *archaeolog. Graecae* cap. 11.

(b) Can. IV. D. 81. (c) Cap. I. *seq. ex. de eo, qui furtive ord. suscepit.* (d) V. *sup. cap. XX, §. 16.* (e) Regino Prumiens. lib. I. *de eccl. discipl. cap. 389.*

Bene siquidem acta vita regulariter externis probatur testimoniis, quae tum sunt idonea, quum qui testantur ipsi probati & diligentes viri sunt, & vitam conversationemque ejus, de quo ferunt testimonium, cognitam habent & perfectam. Scientia vero exploratur propositis interrogationibus de iis, quae scire clericos oportet. Speciatim formulam inquisitionis scientiae in episcopo requisitae proponunt patres concilii III. Carthaginensis, qua non tantum eae proponuntur quaestiones, quae tum erant doctrinae controversae, verum etiam generalis continetur inquisitio, *si in lege domini instructus, si in scripturarum sensibus, si in dogmatibus ecclesiasticis exercitatus* (a). Similiter patres concilii septimi generalis can. II. diligenter a metropolitano inquiri praecipiunt, num episcopus promptam scripturarum & canonum scientiam habeat. Gradus academici idonei testes de scientia forent, modo dignis & de literis bene meritis concederentur, nec in vile abiissent mercimonium.

Jus & methodus examinandi episcopos.

§. III. Instituitur autem examen ex officio, & quidem ab eo, cujus est manuum impositio (b). Ita episcoporum examen spectabat ad metropolitam & episcopos comprovinciales, metropolitaram ad patriarchas, & in iis dioecesium, ubi nulli erant patriarchae, ad ipsos episcopos comprovinciales. Primis saeculis in plerisque provinciis eodem tempore populus episcopum petebat, & metropolita provinciaeque episcopi in-

Instit. jur. can. T. II.

F

ec-

(a) Can. IV. D. 23. (b) Cap. XXIV. ex. de elect.

ecclesia vacante praesentes in electi inquirebant qualitates, & manus imponebant (a); sed inde turbis in longum distractis electionibus, decretum electionis cleri & populi subscriptionibus & testimonio visitatoris munitum missum fuit ad metropolitam, qui accitis provinciae episcopis de electi qualitatibus instituit inquisitionem. Ipsi etiam qui a palatio mittebantur episcopi ordinandi examini metropolitanae & episcoporum subiciebantur: quin in hac specie ex concilio III. Valentino an. 1000. celebrato rigor examinis intendebatur, ne in ovile Christi minus probatus pastor irreperet. Electionibus ad capitula cathedralium devolutis iudicium examinis ad formulas forenses accommodatum est. Metropoli specialiter electos & contradicentes citavit, ceteros vero per edictum (b), terminoque praeterlapso, sive rogatus a partibus, sive ex officio iudicium suscepit, scrutatusque est electi qualitates & modum electionis.

Episcopus instituit examen clericorum omnium.

§. IV. Presbyterorum autem & reliquorum omnium clericorum examen episcopus, cui eorum ordinandorum jus est, debet instituire, nec officii pastoralis onus facile patitur, ut tantam provinciam aliis demandet. Ecclesiae etenim salus pendet ab optimorum ministrorum constitutione, ac proinde ipse episcopus examini debet praesidere, ne cito manus imponens, peccatis communicet alienis. Sed jampridem in officio pastoralis remissiores facti episcopi examen ordi-

nan-

(a) Cyprian. epist. LXVIII. (b) Cap. fin. de elect. in 6.

ordinandorum aliis demandare consueverunt. Romae Hieronymi aetate ad archidiaconi testimonium presbyteri ordinabantur (a). Et in concilio Nannatenſi ſtatuitur (b), ut episcopus a latere ſuo eligat ſacerdotes, alioſque prudentes viros, gnaros divinae legis & exercitatos in eccleſiaſticis functionibus, qui canonicas ordinandorum explorent qualitates. At Tridentini patres ab ipsis episcopis in qualitates ordinandorum inquiri voluerunt, accitis tamen ſacerdotibus & aliis prudentibus, divinae legis peritis & in eccleſiae functionibus verſatis (c). Ita recentata praxis, quam in recipiendis ad ſacros ordines Adeodato episcopo Gregorius M. (d) ſervandam his verbis praefcripſit: *Si quando de iis recipiendis (nempe ad ſacros ordines) tractari neceſſe eſt, graves expertosque viros conſiliis veſtris adhibete participes, & cum eis communi de hoc deliberatione penſate.*

Indigni removentur, & electio fere devolvitur ad ſuperiorem.

§. V. Jam abſoluto ordinandorum & electorum examine, minus idonei removentur, electores, qui ſcientes prudentes indignum elegerunt, pro ea vice eligendi cadunt poteſtate, & electio devolvitur ad ſuperiorem. Populi ſuffragia eo praefertim olim ſpectabant, ut merita & demerita electorum detegerentur, ut proinde jure ſuo merito exui debebat populus, qui ſuffragiis abutens eligeret indignum. Itaque in

F 2

hoc

(a) *Epist. LXXXV. ad Evagrium.* (b) *Can. V. D. 24.* (c) *Seſ. XXIII. de reſ. cap. 7.*

(d) *Lib. II. epist. 48.*

hoc casu metropolitanae & episcoporum provincialis erat ecclesiis episcopos praeficere. Quinquo tempore nominationes episcoporum erant apud reges, si facta electionis potestate sciens populus in indignum consentiret, episcopi constitutio potius ad regem, quam ad metropolitam aliquando devoluta est (a). Penes capitula inde subtilioribus regulis adstrictis electionibus malitia electorum indignum eligentium a vitiis electionis distincta est. Sane si electores scientes eligant indignum, electio nulla est, & ipso jure devolvitur ad superiorem (b), modo omnes in indignum consenserint, nam si in ea electione major pars indignum, minor vero dignum eligat, minoris partis praevalet electio (c). Quod si in ipsis electionis solemnibus peccatum sit, sententia opus est, quo jure eligendi capitulum cadat (d), nisi confirmatio ad sedem apostolicam pertineat, vel electiones per appellationem ad pontificem deferantur, quibus casibus jus omne ad pontificem devolvitur, qui aliquando ad ipsos electores remittere consuevit (e).

Confirmatio episcoporum.

§. VI. Quicumque vero per inquisitionem idonei inventi sunt, ad sacrum admitti debent ministerium. Ita presbyteri & reliqui inferiores clerici statim tempore ordinantur, episcopi vero confirmantur, & inde manuum accipiunt impositionem. Confirmatio est concessio episcopatus,

(a) Thomass. par. II. lib. 2. cap. 21. n. 9.

(b) Cap. VII. & XX. ex. de elect. (c) Cap. XXII. seq. ex. eod. (d) Cap. XLII. & L. ex. eod.

(e) Florens ad tit. de elect.

patus, per superiorem facta, qua praevia causae cognitione, probatur electio, & electus pastor ecclesiae constituitur. Per decem & amplius saecula per solam manuum impositionem pastores ecclesiarum constituti, unoque quasi actu, examine peracto, electus a metropolitano & episcopis comprovincialibus confirmabatur & consecrabatur. Unde in antiquis monumentis tantum electiones & consecrationes episcoporum memorantur, nec unquam talis occurrit confirmatio, quae ecclesiae pastorem constituat. A consecratione sejuncta videtur confirmatio circa saeculum XI., quo ordinatio a collatione beneficii distinguere coepit (a): sane reipsa confirmatio nihil aliud est, quam collatio episcopatus, quae veteri stante disciplina, inhaerebat ordinationi. Spectat autem confirmatio ad proximum superiorem, solusque metropolita jure decretalium electos episcopos confirmat; separata enim a consecratione confirmatio praesentiam plurium episcoporum minus fecit necessariam. Peti autem debebat ab electo & eligentibus simul, aut e solo electo confirmatio spatio trium mensium a consensu in electionem ab electo praestito, quo tempore exacto irrita erat electio, si nulla iusta causa petitioni fuisset impedimento (b). Interim a iudicio superioris electionem confirmantis, aut reiicientis ad pontificem appellabatur, unde nova iudicia, quibus scatent libri decretalium.

Ef-

(a) *Espen. par. I. tit. 14. cap. 1.* (b) *Cap. XLI. & ult. ex. & cap. VI. de elect. in 6.*

§. VII. Jam ex nova disciplina confirmationis, quae ecclesiae pastorem constituit, plures insignesque sunt effectus. Inter ecclesiam & episcopum intercedens spirituale conjugium, quod electione initiatur, ratum fit confirmatione, & manuum impositione completur, quod Innocentius III. docet (a). Episcopi confirmatione omnem sacram consequuntur jurisdictionem (b), iis tantum exceptis, quae *apostolice* ab ordinatione pendent; statim episcopalibus insignibus & privilegiis utuntur (c); nec jure decretalium aliud erat opus, quo episcopi ecclesiae suae bona administrarent (d). Ita consecratio in partes veluti tributa est, ejusque plerique effectus una, cum examine electionis confirmationi cesserunt, tantumque ordinatio retinuit ordinis potestatem & episcopalis characteris dationem. Quae omnia antiquae adversantur disciplinae, quae pastoris constitutionem & omnem sacram potestatem ab ordinatione repetebat, nec inter ordinis & jurisdictionis potestatem adgnoscebat differentiam (e). Ipsi Romani pontifices quamvis legitime electi ante consecrationem pastores non haberi. Certe nec Anastasius Bibliothecarius, nec quisquam alius antiquorum Stephanum II. vulgo dictum inter pontifices retulit, quod ante consecrationem obierit. Primus Baronius ex nova disciplina hunc Stephanum inter pontifices recensuit,

(a) *Cap. IV. ex. de translat. episc.* (b) *Cap. VII. & cap. XV. ex. de elect.* (c) *Cap. XVII. ex. eod.*

(d) *Glossa in d. cap. XV.* (e) *Espen. par. I. tit. 14. cap. 5.*

fuit, & ita ceteros deinceps omnes uno submovit gradu, & quem alii appellant Stephanum II. ipse Stephanum III. coepit appellare, ut Papebrochius adnotavit (a). Id tantum de antiqua superest disciplina, quod ante consecrationem confirmatus episcopus simpliciter non dicitur, sed cum addito *electus*.

Hodie summus Pontifex electiones episcoporum confirmat.

§. VIII. Sed tandem confirmationes episcoporum in Occidente una cum episcopatum reservationibus ad pontifices delatae sunt. Stante jure confirmandarum electionum penes metropolitas pluries contigit, ut pontifices factas a capitulis episcoporum electiones confirmarent, aut darent episcopos, sive quod per appellationes interpositas ad Romanam sedem judicia electionum devolvebantur, sive quod electiones statim tempore non fierent, sive quod electi ipsi malebant a pontifice, quam a metropolita confirmari. Sed inde quum episcoporum electiones sibi pontifices reservassent, quod erat consequens, etiam confirmationes sedi Romanae cesserunt. Indignum profecto visum superioris judicium ab inferiore confirmari. Inde pactis conventis inter pontifices & principes, aut etiam pontificum, indultis tributae quidem sunt principibus episcoporum nominationes, aut etiam capitulis cathedralibus restitutae sunt electiones; at jus confirmandi episcopos omnes pontifici relictum est. Expediunt autem pontifices praevia causae cognitione in consistorio cardinalium non sine solem-

(a) Conat. chron. hist. ad vit. Stephani II.

lemnibus confirmationes, videturque consistorium cardinalium successisse in locum synodi episcoporum, quae praesidente metropolita episcopos constituebat. Ita confirmatione pontificis electi fiunt ecclesiarum pastores, sed contra regulas decretalium non possunt suarum ecclesiarum se admiscere administrationi, nisi post acceptas a pontifice litteras, quae de confirmatione, seu consecratione testentur (a). Quin institutis provinciarum, quae etiam apud nos obtinent, nec id faciunt, nisi postquam litterae pontificis solemniter *regio placeto*, ut vocari solet, donatae sint.

C A P U T XXIII.

De sacris ordinationibus & primo de earum ministro & subiecto.

Varia nomina sacrae ordinationis.

§. I. **S**Emel electi & probati ad ministerium ecclesiasticum sacro proprioque ritu initiantur, & potestatem accipiunt spiritualem. Pluribus autem nominibus sacer ritus, quo altaris ministri initiantur, dicitur in monumentis ecclesiasticis. Passim Latini appellant *ordinationem*, quae vox modo ipsum significat sacrum ritum, quo ordinibus initiamur, modo latiore habet significationem, complectiturque ipsam electionem & manuum impositionem, quo latiore sensu voce

(a) *Extravag. in iunctae de elect. int. comm.*

voce *ordinationis* Cyprianus (a), Leo M. (b), concilium Arelatenſe II. (c) alique veteres paſſim utuntur. Nempe, ut obſervat Budaeus (d), *ordinare* quum ad hominem refertur, eſt aliquem ad honorem & magiſtratum promovere, ſeu, ut loquitur Cicero, ornare & honoribus augere. Et ſacri miniſtri electione & ſacro ritu promoven-
 ventur: atque ita factum; ut ſcriptorum frequenti uſu *ordinatio* modo ipſum ſacrum ritum, modo integram caerimoniam electione & ſacro ſigno conſtantem ſignificaret. Porro Latini ordinationes nomine *benedictionis* designant: quo ſenſu Leo M. *benedictionem* uſurpat (e): & Zofimus papa & concilium Agathenſe (f) *benedictionem diaconatus* dixerunt, Eſt namque ordinatio ſpecies quaedam benedictionis, qua rogatur Deus, ut uberioſorem gratiae ſuae lumen in novum miniſtrum infundat. Nec minus frequenter ad benedictiones miniſtrorum denotandas adhibetur vox *conſecratio*, quod per eas clerici a rebus profanis ſeponuntur & Deo conſecrantur. Graeci vero voce χειροτονίας, *manuum im-
 positionis*, designant ſacram miniſtrorum initiationem, idque quia ſacrorum miniſtrorum praecipui manibus impositis creantur. Interdum tamen χειροτονία ipſam ſacrorum miniſtrorum designat electionem (g); eo quod populus chriſtianus extenſis manibus & acclamationibus miniſtros

G

firos

(a) *Epist. LXVIII.* (b) *Epist. LXXXIX. ad episc. Viennens.* (c) *Can. LIV.* (d) *Ad l. honores D. de decurionib.* (e) *Can. IV. seq. D. 75.* (f) *Can. II. & VI. D. 77.* (g) *Suicerus in thesauro v. χειροτονία.*

stros eligebat suos, quo sensu, ut observat Christophorus Justellus (a), ab Atheniensibus *χριστο-
τις* accepit ecclesia, apud quos testibus Demosthene & Cicerone in comitiis populi manibus extensis & acclamationibus subinde creati magistratus (b).

Ordinatio est sacramentum.

§. II. Est autem ordinatio stricto sensu accepta christianae religionis sacramentum, quo personis ad officium ecclesiasticum rite vocatis solemnini inauguratione gratia & potestas obeundorum munerum spiritualium confertur. Ordinationem esse sacramentum natura ipsa christiani sacramenti aperte demonstrat. Sane duo ad sacramenti rationem requiruntur, unum, ut sit signum quoddam externum a Christo institutum & ecclesiae traditum; alterum vero ut gratiam derivet. Utrumque autem continet ordinatio, nam ritu ab apostolis accepto explicatur per manuum impositionem, & porro spiritum sanctum effundit. *Admoneo te sunt verba Pauli apostoli ad Timotheum (c), ut resuscites, gratiam Dei, quae est in te per impositionem manuum mearum.* Antiqui quoque patres in primis Cyprianus, seu quicumque auctor est sermonum de operibus cardinalibus Christi, Augustinus (d), & Leo magnus (e) ordinationem inter sacramenta recensent (f). Et quamvis nullum exstet Christi

(a) Not. in can. IV. Laodic. (b) Peiffer. lib. II. antiq. Græc. cap. 5. (c) 2. ad Timoth. I. 6.

(d) Lib. II. contra Parmen. cap. 19.

(e) Epist. LXXXI. cap. 1. (f) Hallier. de acc. elect. & ordinat. par. II. sect. 2. cap. 1.

fiti praeceptum de manibus in consecrationem ministrorum imponendis, quin potius videntur apostoli a Judaeis manuum impositionem mutuas- se; non tamen sine peculiari spiritus sancti impulsu id apostoli fecerunt, praesertim quando Christus miraculosam ipsis manuum impositionem promississet (a). Plures autem sunt ordines, singulique proprio ritu conferuntur, non tamen plura sunt ordinationis sacramenta. Omnes enim ordines ad sacerdotium referuntur, atque ita omnes in illo unum quodammodo sunt, sicut uno ordinationis nomine continentur, quod B. Thomas docet (b).

Quid proprie ordo.

§. III: Jam vero ut modus a re ipsa ordinatio ab ordine distat. Scilicet ordinatio est modus, quo sacra potestas confertur, ipsa data potestas ordo nuncupatur, unde vulgatum illud *ordines conferre*. Et vero sunt officia ecclesiastica varii generis alia aliis praestantiora: & ita necesse fuit varios ordines seu gradus inter personas ecclesiasticas constituere, quibus ipsa officia & jura iis cohaerentia distinguerentur. Itaque quum potestas clericorum pro varietate graduum distincta esset, facili translatione invaluit, ut ipsa sacra potestas cuique gradui cohaerens *ordinis* nomine veniret. Ceterum nomine ordinis quandoque ipsa denotatur ordinatio, ut in titulo decretalium *de scrutinio in ordine faciendo*. Quin & hoc constat, *ordinem* saepe denotare peculiarem statum clericorum, monachorum alia-

G 2

rum.

(a) Marc. XVII. 18. (b) B. Th. in IV. sentent. dist. 24. q. 2.

rumque personarum, quo sensu vocabulo *ordinis* usus est Tertullianus (a), *Differentiam inter ordinem & plebem constituit ecclesiae auctoritas*. Satis ampla est de sacris ordinationibus tractatio, complectitur scilicet ministrum, subjectum, ritus, effectus, interstitia, earum habendarum tempora & titulum. Hic de ministro & subjecto, deinceps de ceteris dicturi.

Minister ordinationis est episcopus.

§. IV. Constans est ecclesiae sententia, ordinationis ministrum, praesertim si de episcopis, presbyteris & diaconis creandis agatur, esse solum episcopum, presbyteros vero simul cum episcopo in creandis presbyteris manus imponere, dum interea episcopus precatione fusa expedit ordinationem. Certe canones, qui receptam ecclesiae disciplinam exhibent, semper episcopum ordinationis ministrum supponunt (b). Et patres diserte docent, supra sortem presbyterorum ordinationem excurrere. Presbyteros episcopis Aërium aequantem Epiphanius hoc argumento stoliditatis arguit, quod episcoporum ordo praecipue patres ecclesiae per ordinationem gignat, presbyterorum vero solos filios per baptismum. Hieronymus extollit quidem presbyterorum prerogativam, at excipit ordinationem, quam propriam episcoporum his verbis facit (c): *Quid facit, excepta ordinatione, episcopus, quod presbyter non faciat?* Cum Hieronymo consentit Chry-

(a) *Exhort. ad castitat. cap. VII.* (b) *Conc. Nicaen. can. XIX., Antioch. can. IX. Chalc. can. II.*
 (c) *Epist. LXXXV. ad Evagr.*

Chrysoſtomus (a), qui prope iisdem verbis utitur ; *Inter episcopum & presbyterum interest ferme nihil Sola quippe ordinatione superiores illi (episcopi) sunt , atque hoc tantum plus quam presbyteri habere videntur .* Quin . Chrysoſtomus (b) eo argumento Timotheum fuisse episcopum demonstrat , quod ordinandi erat donatus potestate . Semper quoque irritas omnique effectu vacuas habuit ecclesia manuum impositiones a presbyteris factas . Ita Ischyraſ ad sortem laicorum a synodo Alexandrina redactus est , quod Colluthus , qui eum ordinaverat , presbyter tantum erat , quod narrat Athanasius in *apologia* . Et synodus Hispalensis gradu dejecit suo unum presbyterum & duos diaconos , quibus episcopo manus imponente , presbyter quidam benedixit (c) . Quae in contrarium proferuntur exempla diaconorum & presbyterorum a presbyteris ordinatorum , veluti Felicissimi diaconi a Novato , Danielis presbyteri a Paphnutio , & si quae sunt alia ; ea non excludunt episcopi manuum impositionem , sed tantum arguunt , presbyteros curasse , ut ab episcopis manus imponerentur , ut recte Binghamus observat (d) . Adhaeret ergo manuum impositio ordini episcopali , nec ei , qui episcopus non est , recte demandatur . Et mira profecto est scholasticorum antiquorum sententia , quae fert , presbyteros & diaconos , & generaliter quemlibet clericum ex delegatione pontificis ordinem , quem habet , posse con-

(a) *Hom. IX. in 1. Timoth. III. 8.* (b) *Hom. I. in Philipp.* (c) *Conc. Hispal. II. can. V.* (d) *Lib. II. orig. eccles. cap. 3. §. 7.*

conferre. Illud interim verum est, ordines minores extra ordinem a presbyteris recte dari: quo jure utuntur presbyteri cardinales in parochiis, quas Romae tenent, & ordinum abbates, si tamen ordinandi subditi sunt & regulares (a).

Ad consecrationem episcopi tres requiruntur episcopi.

§. V. Jam presbyterorum & inferiorum clericorum ordinationes recte ab uno episcopo celebrantur, sed ad consecrandum episcopum tres episcopi requiruntur, quorum unus proprie *consecrator*, reliqui duo dicuntur *assistentes*: quae disciplina antiquissimis moribus inducta & canonibus confirmata, semper in ecclesia stetit. Conveniebant quidem ad episcoporum ordinationes episcopi frequentes, at potius quod essent iudices electionis, quam quod plures tribus ad manus imponendas haberentur necessarii. Medio saeculo tertio adeo solemnis erat trium episcoporum numerus ad episcopum creandum, ut Novatianus se episcopum contra Cornelium obtrudens, tres episcopos ab extremis Italiae angulis ad sui consecrationem acciverit (b). Inde iussit concilium Nicaenum, ut, ceteris per scripta assentientibus, tres saltem episcopi ad creandum episcopum intersint (c): quem eundem numerum inde passim concilia, in primis Arelatense I. Auruncanum I. & Regiense consecrarunt. Spectabat autem praesentia haec trium episcoporum potius ad disciplinam, quam ad ordinationis in-

te-

(a) *Conc. Nican. II. can. 14. Trid. ses. XXIII. de ref. cap. 10.* (b) *Epist. Cornelii ap. Euseb, lib. VI. cap. 43.* (c) *Conc. Nicaen. can. IV.*

tegritatem, quod non obscure colligerelicet ex auctore apostolicarum constitutionum (a) & Innocentio I. (b), qui trium episcoporum praesentiam ad rei peractae referunt certitudinem. Et hinc ordinationes episcoporum a duobus aut uno episcopo peractas, tamquam validas saepe admisit ecclesia, praesertim quando legitimus numerus haberi non poterat, aut temporum conditio summum jus cogebat praetermitti (c). Quia vulgo apostolici canones tamquam jure ordinario proponunt, episcoporum ordinationes a duobus, aut tribus episcopis fieri debere, *episcopus a duobus, aut tribus episcopis ordinetur* (d).

Episcopus extra propriam paroeciam ordines non confert,

§. VI. Propria quidem est episcoporum ad creandos episcopos, presbyteros aliosque inferiores ministros manuum impositio; at ii non passim ubique, sed in suis tantum ecclesiis possunt explicare ordinationes. Nullis limitibus origine sua episcopalis potestas includitur; at semel ad bonum ordinem paroeciarum, provinciarum & dioecesium instituta distinctione, episcopi, metropolitae, patriarchae tantum propriis ecclesiis debent esse contenti, nec propria auctoritate in alienis ecclesiis munia recte exercent pastoralia. Itaque quilibet episcopus tantum in sua paroecia recte manus imponit: quod jus statuerunt olim canones apostolici & Antiocheni (e), deinceps

se-

(a) Lib. III. cap. 20. (b) Can. IV. D. 64.

(c) Thomass. par. II. lib. 2. cap. 12.

(d) Can. apost. I. (e) Can. apost. XXXV., con c. Antioch. can. XXII.

sequentes & novissime Tridentini confirmarunt (a). Et hinc quum Epiphanius, ut testatur Socrates (b), diaconum in dioecesi Constantinopolitana ordinasset, Chrysostomus contra canones asseruit usurpatum. Bona proprii episcopi venia opus est, ut in aliena paroecia possint ceteri episcopi manus imponere, aut alias functiones obire pastorales. Et si aliter fiat, ordinantes & ordinatos canones apostolici deponi jubent, Antiocheni vero eo ipso, quo episcopum synodo subiiciunt puniendum, *infirmas* faciunt ordinationes. At novo Tridentini jure (c) episcopi nemine invitante in alienis ecclesiis manus impoñentes ab usu pontificalium, ordinati vero ab ordinis executione ipso jure cadunt.

Cui competat metropolitaram & patriarcharum ordinatio.

§. VII. Porro potestas ordinandi episcopos provinciae metropolitanae erat & episcoporum provincialium, nec unius provinciae episcopi in alienis provinciis recte ad gignendos patres manus imponebant, nisi a propriis episcopis, ut sibi subsidio venirent, invitati (d). Nempe unius provinciae episcopi unum faciebant corpus, cui praeerat metropolita, senatusque hujus auctoritate negotia omnia provinciae oportebat explicare. Et hinc ad episcopi constitutionem episcopi provinciae omnes concurrebant, quod omnium aetatum canones decernunt. Praecipuae vero metropolitanae auctoritas adeo habebatur necessaria,

(a) *Trid. sess. VI. de ref. cap. 5.* (b) *Lib. VI. cap. 6. & 14.* (c) *Trid. loc. cit.* (d) *Conc. Constantinop. can. II.*

ria, ut praeter ejus conscientiam episcopi constituti episcopi non haberentur. *Illud est omnino manifestum*, inquiunt Nicaeni patres (a), quod si quis absque metropolitani sententia factus sit episcopus, eum magna synodus definiivit non esse episcopum. Similiter jus ordinandi metropolitae erat episcoporum provincialium, nec necesse erat ad creandos metropolitas ab alienis provinciis episcopos, aut metropolitas advocare. Et quamvis statuerit concilium Sardicense ad metropolitae creationem τὰς ἀπὸ τῆς πλησιοχώρου ἐπαρχίας ἐπισκόπους, propinquioris provinciae episcopos advocari (b), id tamen in praxim non videtur deductum. Sed inde institutis patriarchis jus ordinandi metropolitas intra fines dioecesis cessit patriarchis (c), quibus data fuit universae dioecesis sollicitudo; at nihil imminutum de jure metropolitae ad provinciae episcopos creandos, exceptis tamen patriarchis Romano & Alexandrino, qui etiam sui patriarchatus episcopos creabant (d). Et quemadmodum metropolitae ab episcopis comprovincialibus, ita patriarchae a dioecesis episcopis & metropolitae ordinabantur (e). Ipsum quoque episcopum Romanum finitimi creabant episcopi, inter quos episcopus Ostiensis primas tenebat (f). Atque ita quotiescumque episcopus erat constituendus extraordinaria episcopi.

Inst. jur. can. T. II.

H

fco-

(a) *Can. IV.* (b) *Conc. Sardic. can. VI.*

(c) *Conc. Chalced. can. XXVIII.* (d) *V. supra cap. X, §. 4.* (e) *Conc. Constantinop. ep. ad Ocident. ap. Theodor. lib. V. cap. 9., Novel. CXXXI. Justin.* (f) *Augusti, Brevic. collat. tert. die cap. XVI.*

scoporum synodus aut unius provinciae. aut diœcesis cogebatur, quemadmodum ejus, qui ordinabatur, amplitudo postulabat. Sed tandem in Occidente jus episcoporum consecrandorum, una cum electionum confirmationibus ad pontifices Romanos devolutum est.

Proprius episcopus clericorum erat, qui primus ordinaverat.

§. VIII. Jam vero in propriis ecclesiis episcopi non indiscriminatim omnibus, sed subditis tantum suis manus recte imponunt, ut ita quilibet a proprio episcopo ordinetur. Veteri stante disciplina in promovendis ad altiorem gradum clericis proprius episcopus erat, qui primus clericatum contulisset; nec aliis episcopis fas erat, eo invito, alienos ministros ordinare, quod antiqui omnes canones Nicaeni, Sardicenses, Africani, Chalcedonenses atque decernunt (a). Sane clerici omnes in ordinatione episcopo ordinanti, & ecclesiae, cui eos affigebat perpetuum erant adligati, ac proinde sine proprii episcopi venia nec ad aliam ecclesiam transire, nec ab alio deinceps episcopo poterant ordinari. Et inde exoptans Gregorius M., ut eligeretur in episcopum Syracusanum Catanensis ecclesiae archidiaconus, necessarium esse intelligebat, ut Catanensis episcopus in id etiam consentiret. Quod si factum fuerit; sunt ejus pontificis verba (b), etiam frater & coepiscopus noster Leo ei cessionem praestare debebit, ut liber ad ordinandum possit in-

(a) Conc. Nicaen. can. XVI., Sardicen. can. XV., Chartag. III. can. XXI., Chalced. can. XX.

(b) Lib. IV. ep. 30.

veniri. Spectabat haec disciplina ad pacem inter episcopos fovendam, & ad clericorum promovendam stabilitatem: quae duo antiquis moribus tanti erant, ut concilium Sardicense, & Arelatense ordinationes ab alienis episcopis peractas *irritas & infirmas* pronuncient (a). A communi regula tantum excipiebatur episcopus Carthaginiensis, totius Africae exarchus, qui ex omnibus sibi subiectis provinciis clericos poterat assumere, & in ecclesiis suae jurisdictionis episcopos ordinare (b).

Laici poterant a quocumque episcopo ordinari.

§. IX. Sed quantum ad laicos proprius ad eos ordinandos episcopus praesertim erat, qui sacro fonte tinxerat. Carnalis patriae semel relictæ, ubi quis alibi baptizatus fuerat, vix ulla ratio haberi poterat, quando in ordinationibus vita & mores post baptismum in examen veniebant. Spiritualis autem nativitas ecclesiae, quae in Christo genuerat, baptismum sociabat: & ita jure veluti proprio episcopus, qui tinxerat, idoneus ad imponendas manus censebatur. Verum nexus in baptismo cum propria ecclesia contractus tantus non erat, ut alibi tinctos ceteri episcopi non possent usurpare, & in propria ecclesia sibi ministros constituere, quando de eorum moribus constabat. Peregre baptizatos in alienis provinciis Illiberitani canones vetant ordinari, eo quod eorum minime sit cognita vita (c). Ergo cognita peregrinorum vita ad eos in clerum primum cooptandos omnes episcopi proprii erant,

H 2

vi-

(a) *Conc. Sardic. cit. can. XV., conc. Arelat. II. can. XIII.* (b) *Cod. Afr. can. LX.*

(c) *Conc. Illib. can. XXIV.*

vigebatque species quaedam praeventionis, quaque quisque episcopus optimos quosque christianos occupabat. & in sua ecclesia clericos constituebat. Ita Origenes, Hieronymus, Paulinus, Augustinus alique, quos Hallierius (a) recenset, nec in patria, nec in ecclesia, quae eos tinxerat, fuerunt ordinati. Constabat autem de moribus extraneorum aut diutina eorum in aliquibus ecclesiis praesentia, aut fama, quae de eorum moribus increbuerat, aut litteris formatis, quas laici a propriis ecclesiis discedentes a suis episcopis accipiebant. Ex omnibus antiquis conciliis tantum patres concilii Carthaginensis I. statuerunt, non debere episcopum *laicum usurpare sibi de plebe aliena, ut eum ordinet sine conscientia ejus episcopi, de cujus plebe est* (b); verum iste canon non diu viguit in Africa, siquidem inde concilium Carthaginense III. antiquam restituit libertatem de laicis a quolibet episcopo ordinandis (c). Quod vero in concilio Carthaginensi I. Gratus episcopus dixit, se meminisse etiam in concilio Sardicensi cautum, ne episcopi laicos alienos ordinarent, id quidem non congruit cum canonibus Sardicensibus, qui *alienum ministrum* vetant usurpare (d); videturque memoria Gratum defecisse.

Proprius episcopus in nova disciplina.

§. X. Per decem plus minus saecula stetit disciplina, quae clericos ab episcopo, qui primus

(a) *De sac. elect. & ordin. par. II. sect. 5. cap. 3. art. 1. §. 4.* (b) *Conc. Carthag. I. can. V.*

(c) *Conc. Carthag. III. can. XXI,* (d) *Conc. Sardic. can. XV.*

mus clericatum imposuerat, ad altiorem gradum jubebat promoveri, laicos vero a quocumque episcopo ordinari permittebat. Sed inde mutati mores, clericos extra propriam ecclesiam permis- sum ordinari, nec amplius liberum fuit quos- cumque laicos augere clericatu. Saeculo XI: invitis sacris canonibus frequentiores factae sunt ordinationes sine titulo, quae deinceps admissio patrimonii titulo in usum abierunt assiduum. Inde abrupto nexu ecclesias inter & clericos in- numerabilis emerfit frequentia clericorum iner- tium & vagantium, qui ab alienis episcopis ad majores ordines curabant promoveri. Intermis- sus quoque fuit litterarum formatarum usus, passimque laici nullo testimonio de bene acta vita proprias relinquebant ecclesias (a); episcopi vero sine delectu tonsuram dabant, tantum ad cleri- corum numerum augendum (b). Ita ad evi- tandam confusionem necesse fuit novas praescri- bere regulas de episcopis, qui ordines & ipsam tonsuram conferrent, paullatimque proprius ad ordinandum episcopus quadruplici titulo esse coepit, *origine* nempe, *beneficio*, *domicilio*, *fa- miliaritate*. Principio episcopis Italis Clemens IV. interdixit (c), ne ultramontanos ordina- rent clericos sine litteris dimissoriis episcopi ori- ginis, vel beneficii; sed inde Bonifacius VIII. generalem edidit constitutionem (d), qua pro- prius ad ordinandum episcopus esse statuitur ori- gi-

(a) Hallier. de sac. elect. & ordin. par. II. sect. 5. cap. 3. art. 4. (b) Fleuryus tom. XIX. hist. eccles. in discurs. praelim. (c) Cap. I. de tem- por. ordinat. in 6. (d) Cap. III. eod. in 6.

gine, beneficio & domicilio, longoque tandem usu familiaritas accessit. Episcopus originis est ille, in cujus paroecia ordinandus est natus; sic enim sonat origo apud Bonifacium, nam jure civili latior est originis significatio, locumque etiam paternae nativitatis comprehendit (a). Nativitas vero, quae originem dat, magis carnalis, quam spiritalis est, in quo praesentes distant ab antiquitatis moribus, qui pluris faciebant ecclesiam, quae in Christo genuerat. Episcopus beneficii est ille, in cujus dioecesi ordinandus habet beneficium, modo in fraudem declinandi proprii episcopi collatum non fuerit, quod, ut refert Fagnanus, pluries declaravit sacra congregatio. Episcopus domicilii est, in cujus dioecesi domicilium constituit ordinandus. Ibi vero domicilium constitutum intelligitur, *ubi quis larem rerumque ac fortunarum suarum summam constituit, unde rursus non sit discessurus; si nihil avocet, unde quum profectus est, peregrinari videtur: quo si redit, peregrinari jam desinit*, ut rescripto suo explicant imperatores (b). Unde ab animo potius & conjecturis, quam ab annorum numero positum estimandum domicilium. Ex regulis juris civilis de fori ex causa domicilii competentia videtur Bonifacius statuisse, ut etiam episcopus domicilii competens esset in causa ordinationis, praesertim quando in nova disciplina mores ordinandorum extra locum habitationis non facile innotescerent. Et demum episcopus fa-

(a) L. VI. §. 8. D. ad municipalem. (b) L. cives C. de incolis.

familiaritatis est, qui alienum subditum inter suos familiares habet.

Incommoda novae disciplinae.

§. XI. Nova haec disciplina, qua quadruplici titulo censetur episcopi ordinantis competentia, quamvis ad evitandam confusionem inducta sit; non tamen ordinem omnino restituit, nec incommoda abstulit omnia. Etenim origo, beneficium, domicilium, familiaritas simul concurrunt, non se invicem excludunt: atque ita unus idemque & laicus & clericus potest eodem tempore a pluribus episcopis ordinari, nec requiritur, ut ex uno titulo episcopus ordinans ab aliis episcopis itidem propriis consensum habeat. Inepti ergo ad ordines convolant, examen episcopi, cui eorum vita cognita est, declinatur, cogunturque episcopi in propria ecclesia eos pati clericos, quos numquam ordinarunt. Ipse titulus beneficii, qui antiquae congruit disciplinae (siquidem beneficia natura sua adligant ecclesiae) in nova disciplina promovit confusionem, quando in pluribus dioecesibus facile potest unus plura obtinere beneficia. Auxerunt incommoda privilegia pontificum clericis saecularibus vel regularibus concessa, ut a quocumque episcopo ordines susciperent. Sensit clerus Gallicanus, quae ex multiplici proprii episcopi titulo manabant incommoda, & hinc posthabito Bonifacii VIII. jure in Gallia potissimum origine episcopus proprius ad ordines censetur.

Qui novo jure emendata.

§. XII. Jam Tridentini patres hisce incommo-
dis ex parte quaesierunt medicinam. Revoca-
runt enim omnia privilegia, quae ordines a quo-
cum-

cumque episcopo suscipi indulgebant, & unumquemque a proprio episcopo statuerint ordinari, suspenso, si secus factum fuerit, a collatione ordinum in annum ordinatore, ordinatis vero suspensis tamdiu, quamdiu proprio episcopo videbitur (a). Porro ratione familiaritatis tantum veros, non titulares episcopos ordinare posse decreverunt (b), idque tum demum quum integro triennio inter episcopi familiares ordinandus fuerit, statimque eidem sine fraude episcopus ordinans conferat beneficium (c). Successit Innocentii XII. decretalis *Speculatores*, quae talibus regulis episcoporum priorum adstringit potestatem, quae ordinem necessarium aliquatenus sustinent: statuit enim, originem, quae ad ordinandum episcopum proprium faciat, naturali nativitate, modo fortuita non sit, aestimari, quo casu vult originem patris attendendam; domicilium constitutum intelligi vel ad minimum decennii in aliquo loco mora, vel translatione majoris partis fortunarum in locum cum instructis aedibus & tali mora, quae animum semper permanendi pandat, addito in utroque casu iurejurando ad perpetuam confirmandam habitationem; beneficium tanti redditus esse, quod secundum receptos mores per se ad ordinati sufficiat sustentationem; & beneficii, domicilii & familiaritatis jure episcopum ordinantem habere episcopi seu originis, seu domicilii, seu utriusque litteras testimoniales, quae etiam requiruntur ab
epi-

(a) *Trid. sess. XXIII. de ref. cap. 8.* (b) *Trid. sess. XIV. de ref. cap. 2.* (c) *Trid. sess. XXIII. de ref. cap. 9.*

episcopo fortuitae nativitatis, si ibi ex longa mora impedimentum canonicum contrahi potuerit.

Proprius regularium episcopus.

§. XIII. Et haec quidem spectant clericos & laicos; nam quantum ad monachos, eorum proprius episcopus ille est, in cujus dioecesi exstat monasterium, ubi tamquam de familia commorantur, & ita ab eo ordines suscipere debent. Scilicet regulares per solemnem habitus clericalis susceptionem mundo moriuntur, & in sancta conversatione renati ex veteribus institutis domicilium ibi habere censebantur, ubi primum induerant monachismum; ex novis moribus in eo monasterio, in quo a suis superioribus destinantur, ut ibi sint de familia. Infregerant hanc regulam olim multi regularium, qui privilegia, ut a quovis episcopo ordines susciperent, a sede apostolica impetrarunt (a). Sed Tridentini patres omnibus revocatis privilegiis unumquemque a proprio episcopo voluerunt ordinari (b), tantumque jus antiquum admiserunt, ut abbates regulares primam tonsuram & minores ordines suis subditis regularibus conferrent (c). Inde vero hoc jus variam habuit fortunam variis editis pontificum decretalibus, quae vel libertati regularium, vel ecclesiasticae disciplinae faverent. Sane Pius V. liberum fecit mendicantibus, ut a quocumque episcopo sedi apostolicae communicanti, sacros susciperent ordines.

Institut. jur. can. T. II. I di-

(a) *Cap. III. de tempor. ordinat. in 6.*

(b) *Trident. sess. XXIII. de ref. cap. 8.*

(c) *Trid. loc. cit. cap. 10.*

dines (a): adeo nempe Pio cordi fuit libertas mendicantium. Sed Gregorius XIII. post ipsum Pium pontifex creatus, ad juris terminos Pii revocata constitutione, canonem Tridentinum recepit (b). Successit declaratio sacrae congregationis concilii a Clemente VIII. probata, qua cavetur; ut superiores regulares subditos suos regulares pro recipiendis ordinibus tantum ad proprios dioecesanos praesentes & ordinationes habentes dimittant, ad quemlibet vero episcopum iis absentibus, aut ordinationes non habentibus; modo ab ipso ordinatore quantum ad doctrinam examinentur, & ipsi superiores regularium consulto ordinationes suorum subditorum ad id tempus non distulerint, quo dioecesanus est absuturus, vel nullas habiturus ordinationes. Sed satius fuisset stare regulis Tridentinis, quam exceptiones addere ad lites excitandas.

Qui dant litteras dimissorias ad ordines.

§. XIV. Jam si justa causa impedimento sit, quominus episcopus proprius ordinationes habeat, potest suis subditis *litteras dare dimissorias*, quae ab alienis episcopis ordinentur, & ordinati ad dimittentem revertantur; quo sensu nunc accipiuntur *litterae dimissoriae*, nam in veteri disciplina episcopi datis dimissoriis omnino clericos a se dimittebant, dimissique clerici soluti propriae ecclesiae vinculo, ad alias transibant ecclesias (c). Tantum episcopi, quorum est manuum impositio, primario ad ordines litteras concedunt di-

(a) *Bulla* etsi mendicantium LXI. in bullar.

(b) *Bulla* in tanta IX. eod. (c) *Conc. Trullanum* I. can. XVII.

dimissorias: quumque capitulum sede vacante, in episcopi succedat potestatem, id etiam jus ad capitulum devolvitur, sed quatenus a Tridentinis patribus (d) & apud nos etiam pactis conventis limitatum est (b). Inferiores praelati, abbates, superiores regulares alique exempti praescriptione aut privilegiis suos clericos, aut subditos ad quoscumque episcopos pro suscipiendis ordinibus mittebant; ac novo Tridentini jure moribus pridem receptis & privilegiis omnibus posthabitis veriti sunt abbates & alii exempti & capitula canonicorum etiam cathedralium litteras dimissorias aliquibus clericis saecularibus, ut ab aliis ordinentur, concedere, eorumque omnium ordinatio ad episcopos, intra quorum dioecesis fines existunt, per omnia restituta est (c). Quicumque vero dimittuntur probari prius debent, vetanturque alieni episcopi, quocumque fuerint donati privilegio, alienum subditum ordinare, nisi ejus probitas & mores ordinarii sui testimonio comprobentur (d). Quin Tridentini patres videntur etiam velle, ut episcopi manus impo- nentes ad se dimissos & probatos novo subiiciant examini (e), quod tamen ab arbitrio ordinantis pendere censuit sacra congregatio (f). Semel vero concessae dimissoriae, nisi certo tempore includantur, eatenus durant, ut nec episcopi morte, nec capituli finita potestate vim suam

(a) *Ses. VII. de ref. cap. 10.* (b) *Concord. cap. IV. n. 9.* (c) *Trident. ses. XXIII. de ref. cap. 10.*

(d) *Trid. ses. XXIII. de ref. cap. 8.* (e) *Trid. ses. VII. de ref. cap. 11.* (f) *Ap. Fagnan. in cap. cum secundum ex. de p. aebend.*

amittant (a), quamvis re integra, qui dedit, litteras datas recte revocabit (b).

Episcopi haeretici, schismatici &c. non recte ordinant.

§. XV. Qua demum cumque ratione episcopus proprius censeatur, ut rite recteque ordines conferat, catholicae fidei & communionis esse debet, nullaue ratione deminutam habere debet consecrandi potestatem. Ergo episcopi haeretici, schismatici, simoniaci, excommunicati, degradati, intrusi, suspensi ordinationis mysteria vetantur celebrare. Et qui quaeso spiritum sanctum dare possunt, qui illum non habent, & divina praestare sacramenta, *quorum manibus*, ut affirmat Leo M. (c), *se subtraxere mysteria*? Nec aliqua esse possunt divinae vocationis signa, quando ab inimicis Christi & ecclesiae perturbatoribus, aut alias criminosis episcopis clerici consecrantur. Unde Damasus papa *per illicitam manus impositionem vulnerari ait caput suscipientis* (d): item Gregorius M. *consecrationem nullo modo dici posse edicit, quae ab excommunicatis hominibus est celebrata* (e). Porro episcopi, qui jam renunciarunt episcopatu, nec rite manus imponunt, modo & loco & dignitati renunciarint. Nempe distinguit Alexander III. (f) inter episcopum, qui renunciavit tantum loco, forsan ob hostium incursionem, & eum, qui dignitate episcopali se abdicavit. Et priori quidem

(a) *Rebus. in praxi benef.* (b) *Barbosa de off. episc. par. II. allegat. 7. n. 25.* (c) *Epist. LXXIII.* (d) *Can. III. C. 9. q. 1.* (e) *Can. I. eod.* (f) *Cap. I. ex. de ordin. ab episc. qui renunciavit episc.*

dem casu non vetatur episcopus, ordinationes celebrare, si ab aliis episcopis invitetur; altero vero casu minores ordines recte confert, non majores. Videntur episcopi, qui renunciârunt dignitati episcopali chorepiscopis illis simillimi, qui ordinem habentes episcopalem. in gradu presbyteri tantum ministrabant, quique pro Jure suo in sibi concredita paroecia minores conferebant ordines. Eodem jure, quo episcopi loco cedentes, censentur episcopi, qui ad nudum episcopi nomen ordinantur, nam nec subditos, nec ecclesiam habent, tantumque de licentia ordinariorum manus recte imponunt. Interim si contra canones haeretici, schismatici, & reliqui mox memorati episcopi ordinationes celebraverint, per hujusce manus impositionem semper caput ordinatorum vulneratum censetur, sive scientes prudentes, sive per ignorantiam ab iis ordinari passi sunt. Etenim defectus ordinationis non tam ab ipsis ordinatis. quam ab ordinatoribus, qui spiritum sanctum non habent, derivatur. Tantum proficit ignorantia ad facilius veniam obtinendam, ut ordinum susceptorum executione utantur, & ad majores adscendant (a).

Soli mares non feminae ordines suscipiunt.

§. XVI. Venio nunc ad ordinationis subiectum. Soli mares canonicis donati qualitatibus ordinis capaces sunt, non item feminae: quod naturae potius praeceptis, quam ecclesiasticis regulis inductum. Sane mulieres ad subjectionem a Deo factae sunt, sacerdos vero caput populi est: & nativo quodam pudore a docendo aliisque pu-

(a) Cap. I. & II. ex. cod.

publicis functionibus, quales sunt sacerdotales, retardantur, adeo ut turpe duxerit apostolus, mulierem in ecclesia loqui (a). Recte igitur auctori apostolicarum constitutionum observatum, praxim ethnicam esse creare sacerdotes feminas (b). Notissimae apud Romanos sunt Vestales, virgines nempe sacerdotes cultui deae Vestae addictae, & matronae Bonae deae sacerdotio donatae. Cereri Eleusinae apud Graecos mulieres sacrificabant: refertque Tacitus (c) apud Gallos & Germanos frequentes fuisse feminas sacerdotes. Gentes imitati sunt quidam haeretici, Pepuziani nempe & Collyridiani, quorum illi episcopos & presbyteros feminas habebant; isti vero opera feminarum Mariae Virgini sacrificabant, ut narrat Epiphanius (d), qui ad eos refellendos observat (e), nullam feminam ab orbe condito ad offerendum sacrificium, aut aliquod aliud sacrum ministerium in ecclesia fuisse ordinatam, & nulli magis, quam Mariae Virgini, quae ipsum Christum sinu excepit suo, sacerdotium demandari debuisse, si feminae ad functiones ordinum admitti possent. Nominantur quidem in canonibus *episcopae* & *presbyterae*, at non ab ullo ordine, aut ecclesiastico ministerio; sed a viris suis, qui ad episcopatum & presbyteratum promoti sunt. Et diaconissae, quamvis per manuum impositionem adsumtae, non tamen ad sacerdotii functionem, sed ad muliebris sexus honestatem pro officiis, quae minus recte & decen-

(a) 1. ad Cor. XIV. 34. (b) *Const. apost. III. cap. 9.* (c) *De moribus Germanorum.* (d) *Haer. LXIX. & LXXVIII.* (e) *Haer. LXXIX.*

center a clericis explicabantur, fuerunt institutae, quod idem Epiphanius diserte docet (a).

Ordinandi debent esse baptizati & confirmati.

§. XVII. Praeter ceteras canonicas qualitates ordinandi debent esse baptizati & confirmati. Et quantum ad baptismum tantae est in ordinandis necessitatis, ut, nisi eo in aqua prius suscepto, invalida ordinatio censeatur, quod olim in paulinianistis viderunt Nicaeni patres (b), & inde statuit concilium Compendiense (c), tutius habuit Innocentius III. (d), & passim inde communi theologorum consensu certum reputatum fuit. Sane per baptismum aditus patet in ecclesiam, & pro monstro est, ut altari ministret, qui extra ecclesiam reperitur. Porro ordinandi debent esse confirmati. Sacri quidem ordines perfectos tantum christianos admittunt, & nemo sine confirmatione perfectus christianus censetur, haftenus, ut observante Alaspinaeo, nemo *christiani* nomen olim sortiretur, nisi dono spiritus sancti confirmatus & donatus esset (e). Inter cetera, quae Novatiani ordinationi Cornelius obiecit, id fuit, quod liberatus morbo, reliqua secundum regulam ecclesiasticam non percepit, *neque ab episcopo consignatus est* (f). Et hinc recte statuit Tridentina synodus; ut nemo prima tonsura initietur, qui ante confirmationem non suscepit (g). Non tamen ejusdem cum

ba-

(a) *Cit. haer. LXXIX.* (b) *Conc. Nicaen. can. XIX.* (c) *Conc. apud Compend. can. XV.* (d) *Cap. III. ex. de presbytero non baptiz.* (e) *Albaspin. lib. I. obs. cap. 25.* (f) *Ap. Euseb. lib. VI. cap. 43.*

(g) *Trid. sess. XXIII de ref. cap. 4.*

baptismo necessitatis est in ordinandis confirmatio, nam conveniunt doctores, male quidem agere, qui posthabita confirmatione ad ordines festinant, at non propterea irritari ordinationem (a).

Divina vocatio ad sacerdotium necessaria.

§. XVIII. Jam vera non quicumque canonicis donatus qualitatibus recte ad sacrum festinat ministerium, sed necessaria omnino est divina vocatio, quae occupet & praeveniat. Christus ipse non a se venit, sed a patre suo missus (b): ipse ad sacerdotium apostolos vocavit (c): apostoli signa divinae voluntatis implorarunt, substituentes, qui Judae locum impleret (d): omni-que tempore ecclesia necessitatem divinae vocationis ad sacerdotium adgnovit. Sane sacerdotium status est coelestis, qui homines veluti angelis exaequat, tribuitque gratiae auxilia tanto muneri contentanea; ac proinde divina praeveniente vocatione ad sacros ordines accedendum. Vocat autem Deus ad clericatum vel peculiaribus disertisque signis, quemadmodum apostoli alique apostolici viri vocati sunt, vel signis rebus ipsis intextis, quae arguunt divinam voluntatem, qualia sunt conscientiae puritas, animus lenis, alienatio a rebus terrenis, rectitudo intentionis ad serviendum Deo, salutemque proximi procurandam, oblectatio in lectione scripturarum, inculpatus ad ordines sacros ingressus, aliaque id generis signa. Scilicet variis inditis inclinatio-

ni-

(a) Hallier. de sac. elect. & ordin. par. II. sect. 4. cap. 3. art. 1. (b) Jo: VII. 16. (c) Marc. III. 13. (d) Act. I. 24. seqq.

nibus Deus ad varia munera homines effingit. Quo vero signa haec rebus ipsis intexta, quibus inde a multis saeculis fere censentur divinae vocationes, evadant expressiora, assidua & ferventi oratione, aliorum orationibus sociata, Deus, qui ex corde invocatus in necessariis non deest, exorandus, ut quales nos esse jussit, manifestet. Quod si quis divina vocatione non praeventus, sed potius spe lucri, ambitione aliisque mundanis affectibus in sacrum irrepsit ministerium, non per ostium in ovile Christi intravit, intrusus est, sacrorumque ministeriorum invasor nefarius. *Nulla ratio fuit: inquit Leo M. (a), ut inter episcopos habeantur, qui nec a clericis sunt electi, nec a plebibus expetiti, nec a provincialibus episcopis cum metropolitani judicio consecrati.* Interim assiduis orationibus, bonis operibus ac pertinaci studio connitendum intrusis, ut divina vocatio saltem subsequatur, & si non plantati in domo domini, apte tamen translati videantur.

Filii oblati a parentibus ad clericatum.

§. XIX. Saepe autem parentes divinam praeveniebant, & vero etiam praeveniunt vocationem, liberosque suos infantes offerebant clericali, eosque curant detonderi. Antiquis moribus infantes ad clericatum oblati, vel detondebantur, vel lectores creabantur, si eorum aetas sustineret, & interim in domo ecclesiae sub praeposito disciplinae erudiebantur: quo in statu usque ad annum decimumoctavum persistebant, eoque anno si spondere continentiam, quam

Inst. jur. can. T. II. K con-

(a) *Epist. LXX. ad Rustic. Narbon.*

connubio illigari mallent, biennio adhuc probabantur, & demum hypodiaconi, quinquennio post diaconi ordinabantur, alias in lectoratu permanebant, quae omnia ex concilio Toletano II. (a) constant. Praepostera non videntur fuisse pia haec parentum vota; nam non spe lucri aliisve humanis affectionibus filios suos ordinibus offerebant, sed potius ex pia voluntate, qua filiis bene consultum volebant (b). Etenim clericatus status perfectionis censebatur; ac proinde tantumdem erat filios offerre clericatui, quam eos in salutis portum devehere. Utinam vero semper ex tali voto parentes filios obtulissent clericatui, nam divina vocatione non subsequente, initium saltem non erat improbandum. Verum saepe parentes clericatum filiis quaesiverunt, & vero etiam quaerunt, & saepe tantum non adigunt, ut saeculi simul & ecclesiae opibus honoribusque gaudeant, & ut hereditas in pauciores filios secta copiosior affluat: constatque mediis saeculis parvulis, aut forsitan nondum natis ecclesiastica beneficia providam parentum parasse sollicitudinem (c). Haec fuisse multorum parentum vota saeculo XII. B. Bernardus testatur, qui eos ita loquentes inducit (d): *Hunc filium nos illi, vel illi tradamus episcopo, apud quem habemus gratiam, aut cui forte servimus, ut ditetur bonis domini, nec in tot liberos nostra dividatur hereditas. Non a Deo, sed a diabolo processit ista vocatio, & utinam tenerent paren-*

(a) *Conc. Tolet. II. can. I.* (b) *Thomas. par. II. lib. 1. cap. 23. seqq.* (c) *S. Bernard. epist. XLII.* (d) *Cit. epist.*

rentes, se non posse tam male filiis consulere, quam quum ex mundanis finibus iis parant clericatum.

Vocatio ad clericatum ab infortuniis.

§. XX. Species etiam parum recta vocationis videtur illa, qua in veteri disciplina multi variis infortuniis & vitae tempestatibus acti, ad mortem evitandam clericatu initiabantur. Scilicet saepe viri principes potentia victorum oppressi ad evitandas suspiciones de rebus novis moliendis ad clericatum confugiebant, aut ipsi victores eos offerebant clericatui: qua oblatione & eorum vitae parcebant, & potentiam constabilibant suam. Etenim clericatus in veteri disciplina perpetuum obligabat, vetabanturque semel Deo devoti clerici iterum redire ad saecularem, & militarem dignitatem (a). Coepit nova ista ab infortuniis ad clericatum vocatio quarto saeculo, quae deinceps continuata plures in utraque ecclesia peperit clericos (b). Non omnino sponte, nec propter Deum, qui mortis evitandae causa in clericos attondebantur, ad clericatum confugiebant; at interim eos episcopi non repellebant, quin potius excipiebant, & in clericos attondebant, & majoribus initiabant ordinibus. Videbatur impietas quaedam repellere ab ordinibus, qui soli poterant eos a morte liberare: nec officio episcopali deprecandi pro reis apud civiles magistratus conveniebat cum effusione sanguinis virorum nobilium principibus resistere, praesertim quum Deus ex arcanis pro-

(a) *Conc. Chalcedonensis, VII.* (b) *Thomass. par. II. lib. I. cap. 27. seq.*

videntiae suae rationibus imperviis viis homines ad se convertat. Et canones, qui criminosos a canone repellunt, non semper talibus ordinatis erant impedimento, qui subinde potius poenas dabant infelicioris pugnae, quam culpae gravioris, ut exemplo esse possunt tres filii regis Clodomiri, qui adhuc pueri a patruis capti, vel ad mortem, vel ad clericatum fuerunt addicti, aviaque Clotildi ea de re optio tributa est (a). Saepe vero clericatui addebatur monastica vita, quod plerumque cum iis factum videtur, qui gravioris culpae rei erant, ut ita de criminibus perpetuam agerent poenitentiam. Interim irrevocabilis erat clericatus, quod contra eos concilium VIII. Toletanum statuit (b); qui rebus prosperis inde usi ad saecularem vitam redire tentabant, eo praetextu quod coacti ordines susceperant. *Licet inviti perceperint, quod merebantur habere, libenter tamen ob coeleste retineant praemium, quod nolendo per terrenae consecuti sunt necessitatis eventum.*

CA.

(a) *Gregor. Turon. lib. III. cap. 28.* (b) *Conc. Tolet. VIII. can. VII.*

CAPUT XXIV.

*De sacrarum ordinationum ritibus
earumque effectibus.**Jurati clerici canonicam promittebant
obedientiam.*

§. I. **M**ulta sunt solemnia, quibus ordinationes celebrantur, quorum alia sunt juris divini, alia ecclesiae acceperunt auctoritate, quo augustior esset sacrorum ministrorum inauguratio. Minutus non ero, nec esse possum in his solemnibus enarrandis, sed ea tantum proponam, quae ad ecclesiasticam disciplinam videntur necessaria. In primis clerici omnes & praesertim episcopi, ante ordinationem fidei edebant professionem, & canonum promittebant observantiam. Ipsa clericatus acceptio rectae fidei professionem & canonum tacitam involvebat observantiam; *at quia solet plus timeri, quod singulariter pollicetur, quam quod generali sponsione concluditur*, ut patres Concilii Toletani XI: loquuntur (a), specialem & fidei custodiam & canonum observantiam a clericis promitti non minus sacri canones (b), quam leges civiles (c) decreverunt. In primis vero fidei professio invaluit postquam tot errores in christiana doctrina pullularunt, ut ita de ministrorum fide eccles-

(a) *Can. VI. D. 23.* (b) *Cit. can. VI.*(c) *Novel. I. cap. 8.*

clesiae constaret. Etiam ipsi Romani pontifices fidei faciebant professionem (a), & paternarum traditionum promittebant observantiam (b). Quia recens creati episcopi ad extraneos episcopos litteras mittebant, quibus fidem & orthodoxiam testabantur suam, quae litterae *enthronisticae*, *communicatoriae* & *synodales* dicebantur (c). Utraque promissio fere scripto propria subscriptione notato fiebat (d), & scriptura in scriniis ecclesiae adservabatur. Auctis canonibus in ecclesia Graeca invaluit professio obedientiae septem generalium conciliorum canonibus praestandae; in ecclesia vero Romana professio observantiae octo conciliorum generalium, quarum formularum primam Habertus (e), alteram exhibet Baroni (f). Promissio servandorum canonum tacitam continebat adversus episcopos & metropolitas, qui ordinabant, obedientiam; at inde circa saeculum septimum invaluit aperta adversus consecrantem episcopum *canonicae obedientiae* promissio, quae itidem scripto facta, non aliud continebat, quam quod alias clerici episcopis, & episcopi metropolitae secundum canones praestare debebant. Simplici vero promissione non iurati rectam fidem & canonicam obedientiam etiam erga consecrantem episcopi & reliqui clerici promittebant: quod ex antiqua descendit disciplina, quae christianos omnes, multo minus altaris ministros, jurare non patiebatur, fuitque etiam apud

(a) Jo. Diaconus vit. Greg. M. (b) Ivo Carnotens. ep. LX. (c) Bingham lib. I. orig. eccles. cap. 11. (d) Novell. CXXXVII. cap. 2. can. VI. D. 23. (e) In archierat. (f) Ad an. 17CCCLXIX.

apud gentes philosophorum praerogativa, ut simplex eorum assertio juramenti loco esset (a). Nempe lapsae fidei indicia sunt juramenta, & boni non minus se obligatos nuda promissione, quam juramentis sentiunt. Sed tandem lapsa ecclesiastica disciplina octavo saeculo coeperunt clerici jurati fidem & obedientiam profiteri: & quamvis interim canones antiquam sustinerent disciplinam (b); assiduis tamen moribus in usum sacramenta religionis abierunt, passimque saeculo XI. clerici jurejurando fidem integram & canonicam obedientiam promittebant.

Juramentum fidelitatis a clericis exhibitum.

§. II. Verum tempore addito canonica obedientia consecratoribus promissa degeneravit in fidelitatem ei non ab similem, quam vasalli in feudorum investitura dominis promittebant suis: atque ita circa saeculum XI. nova jurandi formula invaluit, quae cum adversus canones obedientia fidelitatem contineret. In ecclesia Romana primus Gregorius VII. ab archiepiscopo Aquilejensi juratam exegit fidelitatem. Nova haec jurandi formula prout a Gregorio proposita est, septem complectitur capita, quorum tria priora fidelitatem, reliqua quatuor canonicam spectant obedientiam (c). Capita fidelitatis defuncta sunt ex libris feudorum (d), jurabantque in iis episcopi, ne quid umquam in pontificum vitam, honorem & libertatem machinentur, neve sibi detectum consilium in eorum damnum alicui pan-

(a) Gonzalez. ad cap. ult. ex. de juram. calum.

(b) Conc. Cabilon. II. Can. XIII. (c) Cap. IV. ex. de jurejur. (d) Lib. II. feudor. tit. 5. seqq.

pandant. Capita vero canonicae obedientiae non generalem continent promissionem canonum fervandorum, sed potiora quaedam puncta, quae tum diserte promitti Romanae ecclesiae intererat; continent nempe papatus & *regaliorum*, hoc est patrimonii B. Petri defensionem, ad synodum profectionem, honorem legatis Romanis exhibendum & iter Romanum. Sic concepta jurandi formula nova & ab ingenio episcopatus abhorrens visa est (a): nec bene convenit cum VIII. synodi generalis canonibus, qui ad tutelam & defensionem personae consecrantis omnes vetant promissiones (b). Videntur pontifices in illa temporum calamitate, qua ob damnatas investituras reges habebant infestos, & ob damnatam simoniam & clericorum incontinentiam multos episcopos experiebantur contumaces, propriamque vitam insidiis videbant obnoxiam, necessariam duxisse fidelitatis promissionem. Quidquid vero hujus rei sit, pontifices primum a metropolitae in palliorum petitione, & inde ab episcopis sedi Romanae *ἀμείωτος* subjectis exigere coeperunt fidelitatem; restiteruntque initio metropolitae, sed tandem onus subierunt. Ceteri clerici episcopis, vel praepositis suis, episcopi vero metropolitae juratam promittebant fidelitatem (c), & ita clerici *homines ligii* suis fiebant episcopis. Sed inde collationibus episcopatum generatim ad pontificem devolutis, uni tantum pontifici obedientiam & fidelitatem episcopi ju-
ra-

(a) *Cap. IV. ex. de elect.* (b) *Concil. VIII. can. VIII.* (c) *Cap. XIII. ex. de major. & obedient.*

ratunt, quod adnotante Espenio, metropolitae in suffraganeos imminuit auctoritatem (a). Moribus praesentibus jampridem inductis inferiores clerici non amplius promittunt fidelitatem, tantumque de ea episcopi, sed formula multis capitibus a Clemente VIII. aucta, praestant juramentum: quae omnia capita, ne consulto perjuriis se innecterent episcopi, sic jurata intelligi docent cordati viri, quatenus eorum observantiam mores provinciarum admittunt (b). Tantum secundum praesentem disciplinam presbyteri post ordinationem promittunt episcopo canonicam obedientiam, & beneficiarii curam animarum habentes orthodoxae fidei suae publicam saltem intra duos menses a die possessionis edunt professionem, & in Romanae ecclesiae obedientia se permansuros spondent & jurant (c).

Materia sacrorum ordinum.

§. III. Jam ordinatio, utpote sacramentum, rebus & verbis, seu, ut recentiores theologi dicunt, *materia & forma*, tamquam elementis, constat. Et res quidem, seu signum externum, quo conferuntur ordines majores, ex apostolica institutione est manuum impositio. Sane apostoli impositis manibus crearunt diaconos (d), & Paulus Timotheum admonens, ne temere in sacrum ministerium quemquam cooptaret, dixit, *cito manus nemini imposueris* (e): quibus verbis dis-

Instit. jur. can. T. II. L ferte

(a) *Espen. part I, tit. 19. cap. 2. n. 8.*

(b) *Florens ad tit. de concess. pallii, Espen. par. I. tit. 15. cap. 2. n. 25.* (c) *Trident. sess. XXIV. de ref. cap. 12.* (d) *Act. VI. 6.*

(e) *1. ad Timoth. V. 22.*

ferre indicatur per manuum impositionem creari ecclesiae ministros. Patres quoque quum de ordinatione episcoporum, presbyterorum & diaconorum loquuntur, id manibus impositis semper factum adserunt. Et libri rituales Graeci & Latini cujusque aetatis pro conferendis majoribus ordinibus semper praescribunt manuum impositionem. A Judaeis ritum imponendarum manuum, & in creandis ecclesiae ministris & in multis aliis occasionibus apostoli desumserunt, quod viri docti passim observant (a). Sane sollemnis est & pervetustus apud Judaeos ritus imponendarum manuum in benedictionibus impartiendis (b); quin Moses divinas virtutes, quibus ipse praeditus erat, manibus extensis communicabat (c); quo efficacissimae benedictionis exemplo deinceps Judaei in creandis presbyteris manuum adhibuerunt impositionem. Ergo in creando episcopo consecrator & assistentes super collum & humeros electi apertum evangeliorum codicem expandunt, & inde ejus capiti ambas manus imponunt. Antiquus est in utraque ecclesia ritus expandendi super humeros evangelii (d), significatque, episcopum etsi reliquorum christianorum caput, esse tamen sub potestate constitutum, ut Chrysostomus interpretatur (e). Similiter in ordinatione presbyteri episcopus simul cum praesentibus presbyteris, in ordinatione diaconi solus episcopus manus imponit. Et quamvis inde
etiam

(a) *Bevereg. in can. I. apostol.* (b) *Genes. XLVIII. 13. seqq.* (c) *Num. XI. 24. seqq. Deuter. XXXIII. 9.* (d) *Conc. Carthag. IV. can. II. ap. Grat. can. VII. D. 23., Morin. de SS. ordinat. par. III. exercit. 2. cap. 1.* (e) *De laudib. evang.*

etiam solus episcopus presbyteris manus imponat, eisque spiritum sanctum ad peccata dimittenda elargiatur; tamen recentioris est aevi posterior haec manuum impositio (a), tantumque, quae sit a presbyterio, ab apostolis descendit.

Forma ordinationis.

§. IV. Manuum impositionem comitantur verba consecrationis, quae generalem imponendarum manuum ritum ad actum peculiarem determinant, indicantque propriam cujusque ordinis potestatem. Ita singuli ordines formulas habent proprias. Usitata ordinandi verba Hieronymus *vocis imprecationem* (b), alii vero patres & canones saepe dicunt *benedictionem* (c). Erant vero hujusmodi ordinationum formulae omnes deprecativae, quibus invocabatur Deus, ut spiritum gratiae suae infunderet, potestatemque daret ad adjuncta obeunda ministeria. Certe apostoli jejunantes & orantes diaconos crearunt; antiqui patres semper per preces factas describunt ordinationes: benedictiones verbis deprecativis concipiebantur: exstatque adhuc in constitutionibus vulgo dictis apostolicis deprecativa creandi episcopos & presbyteros formula (d). At temporis lapsu apud Latinos in creandis sacerdotibus non desierunt quidem preces adhiberi, sed formulae, quae ipsas manuum impositiones comitantur, fere evaserunt indicativae, quibus non invocatur Deus, ut spiritum sanctum effundat,

L 2

sed

(a) Morin. par. III. exercit. 7. cap. 2. (b) Lib. XVI. in Jesai. cap. 58. (c) Concil. Carthag. IV. can. II. seqq. (d) Const. apost. lib. VIII. cap. 3. & 16.

sed potius dari significatur, veluti in consecrandis episcopis consecrator dicit, *Accipe spiritum sanctum* &c. Post saeculum XII. coeperunt Latini formulas indicativas in imponendis manibus usurpare, quod ex silentio ritualium & scholasticorum usque ad B. Thomam Morinus observat (a): Graeci vero & Syri eas nec modo adhibent, nec umquam adhibuerunt. Qui primi formulas indicativas excogitarunt, videntur exprimere voluisse Christi verba, qui apostolis sacram communicans potestatem similibus conceptionibus usus est. Quidquid vero hujus rei sit, Morinus, N. Alexander (b) alique recte adfirmant, essentielles ordinationum formulas etiam in nova disciplina esse preces, quae impositioni manuum respondent, formulas vero indicativas esse loco formarum partialium, quae usu accesserunt ad formulas necessarias. Et quæ quaeso ad ordinationis intimam constitutionem pertinere possunt formulae, quas antiquitas ignoravit, nec hodie in universa obtinent ecclesia?

Unctio episcoporum & presbyterorum.

§. V. Communis est in creandis episcopis, presbyteris & diaconis manuum impositio; at apud Latinos praeterea episcopi caput & manus chrismate, manus vero presbyterorum oleo catechumenorum precibus adhibitis inunguntur. Sollemnis apud Judaeos & Gentiles in sacris olei usus fuit, quo in sacrificiis & extra sacrificia utebantur, & ita quidquid Deo, diisve dicabant,

oleo

(a) *De Ss. ordin. par. III. exercit. 2. cap. 2. & exercit. VII. cap. 2.* (b) *Nat. Alexander theolog. dogm. & moralis lib. II. de sacr. ordin. cap. 1. art. 6.*

oleo adaspergebant (a). Unde sacerdotes, qui Deo consecrabantur, oleo inungebant Judaei, quod disertis verbis Deus praecepit (b). Quin etiam reges apud Judaeos uncti sunt oleo, ut ita tamquam Deo sacri, sancti redderentur (c). Sed in eo a Judaeis distabant gentiles, quod illi indifferenti ritu in rem sanctam usi sunt, isti vero unctionibus suis in stupidam prouerunt superstitionem, siquidem res omnes, quas ungebant, adorabant, quod olei adspersione aliquid divinitatis in res ipsas somniabant derivari. Quam ineptam opinionem nedum christiani scriptores Arnobius (d) & Augustinus (e), verum etiam Lucianus (f) false ridet. Hoc gentilis superstitionis caput Reinerus Verwey pluribus & egregiae illustrat in opere *de unctionibus gentilium*. Interim quamvis multos Judaeorum ritus christiana adoptarit ecclesia, non tamen in consecrandis ministris suis initio oleum adhibuit. Certe Ambrosius, & Augustinus, & canones concilii quarti Carthaginensis, qui ritus ordinationis enarrant, nullam olei iniiciunt mentionem. Forte in consecrandis sacerdotibus ecclesia ab initio oleum non adhibuit, quod jam christianos omnes ungebat in baptismo, qua unctione late dictum conseqnebantur sacerdotium. Sane Tertullianus (g) in baptismo oleo inungi christianos testia-

(a) *Spencer. de LL. Hebr. ritual. diff. III. de purif. & lustr. Hebr., Io; Cleric. not. ad Judic. IX. 9.*

(b) *Exod. XXIX. 7., Levit. VIII. 12.* (c) *1. Reg. X. 1., 3. Reg. I. 39.* (d) *Lib. I. advers. gent.*

(e) *Lib. I. de Civit. Dei cap. 38.* (f) *Alexandr. Pseudom.* (g) *De baptis. cap. VII.*

fiatur *de pristina disciplina*, hoc est *Judaica*, *qua ungi oleo de cornu in sacerdotium solebant*. Sed inde Latina ecclesia etiam ungendi ritum in creandis episcopis & presbyteris recepit, quem tamen ad haec usque tempora Graeci non adhibent. Derivat quidem Innocentius III. auctoritate decretalis Anacleti papae (a) olei usum in consecrandis ministris ab apostolica traditione, atque ita contra Graecos ecclesiam Latinam non *judaizare* contendit (b); sed sublesto innititur fundamento, siquidem hodie in compertis est, sub nomine Anacleti vulgatam decretalem ex officina Mercatoris prodiisse. Atque hinc constat; unde factum, ut apud mediae aetatis scriptores multi ritus tamquam ab apostolis deriventur, qui tamen longo post tempore invaluerunt. Nempe quidquid legebant in falsis decretalibus, bona fide apostolicum esse credebant.

Traditio instrumentorum & verba comitantia.

§. VI. Solemnis quoque est in consecrandis ecclesiae ministris traditio instrumentorum, quae potestati ejusque ordinis propriae respondent, tradensque ea instrumenta episcopus formulam propriam pronunciat. Ut ecce episcopo praeter baculum traditur liber evangeliorum, qui pridem ejus cervici impositus erat, eumque tradens episcopus potestatem praedicandi facere videtur. Presbytero traditur patena cum pane & calix cum vino sub formula: *Accipe potestatem offerendi sacrificium in ecclesia pro vivis & mortuis*
in

(a) Can. I. D. 75. (b) Cap. un. ex. de sacra unctione.

in nomine patris & filii & spiritus sancti. Diacono traditur evangelium sub formula: *Accipe potestatem legendi evangelium in ecclesia Dei tam pro vivis, quam defunctis in nomine domini*; & ita porro reliquis omnibus clericis traduntur convenientia instrumenta, quae propriae verborum conceptiones comitantur. Instrumentorum istae traditiones eisque respondentes formulae apostolicae non sunt institutionis. Certe eas adhuc Graeci ignorant, & apud Latinos per novem circiter saecula in creandis presbyteris & diaconis nulla adhibita fuerunt instrumenta, institutique quoque recentioris est evangelii traditio episcopo facta. Et vero observante Morino (a) de his traditionibus respondentibusque formulis tacent ante saeculum X. scriptores Latini omnes & rituales libri, qui adeo minuti sunt in ritibus enarrandis, ut nec genus flexiones omittant. Id autem verum est a sua paene institutione minores ordines traditis instrumentis fuisse collatos. Canones enim concilii Carthaginienfis IV. eorum ordinationes per traditionem instrumentorum describunt (b), ejusque rei dum de hypodiaconis agunt hanc tradunt rationem, quia manus impositionem non accipiunt, quasi dicerent, quum in iis ordinandis nulla adhibeatur manuum impositio, par est, ut eorum ordinatio aliquo externo signo celebretur ad collatam indicandam potestatem. Ceterum quo primum tempore inducta fuerunt instrumenta in creandis presbyteris & diaconis post ordinationem tradita videntur, ut

in-

(a) *De Ss. ordin. par. III. exercit. 2. 7. & 9.*

(b) *Conc. Carthag. IV. can. V. seqq.*

intelligerent quam accepissent potestatem, quod Hugo a S. Victore (a) & Petrus Lombardus (b) non obscure testantur.

Pertinent ad materiae & formae integritatem.

§. VII. Instrumentorum in creandis clericis majoribus in ecclesia Latina novitas, & in Greca etiam hodie nullus usus, manifeste demonstrant, eorum traditiones cum adiectis formulis ad intimam ordinationis non pertinere constitutionem. Quae ad naturam rei pertinent, ei semper insunt, iisque ablatis ipsa res perit. Ac contra statuere videtur Eugenius IV. in decreto, ubi ordinationis materiam dicit instrumentum, *per cujus traditionem confertur ordo*, & formam facit verba traditioni respondentia. Locus hic Eugenii amplissimam disputandi materiam theologis suppeditavit. Sed id maxime probabile videtur, non eam fuisse pontificis mentem *essentiales* ordinationis materias & formas decreto suo Armenos edocere, quos illae certe non latebant, sed ritus peculiare, quos ecclesia Romana manuum addiderat impositioni. Etenim, si proprium ordinationis ritum edocere voluisset, dubio procul manuum non omisset impositionem, qua inde usque ab apostolis per universam ecclesiam ordines dabantur. Interim assidue ecclesiae Latinae usu videntur instrumenta eorumque formulae ad materiae & formae pertinere integritatem, quod theologi passim docent. Integrum scilicet ecclesiae Dei semper fuit aliquas sacramentis apponere conditiones, sine quibus

(a) Lib. II. de sacram. fidei par. 3, cap. 12,

(b) Lib. IV. sentent. D. 24.

bus non valeant. Nihil ergo tutius quam in conferendis ordinibus proprium cujusque ecclesiae ritum servare, recteque docet Innocentius IV. ordines posse sola manuum impositione conferri, nisi ecclesia apostolico ritui peculiares formas addidisset (a).

Ordinationes habentur in ecclesia.

§. VIII. Locus autem legitimus habendarum ordinationum ex antiqua disciplina est ecclesia. Unde Maximo Cynico in ecclesiam Constantinopolitanam intruso, exprobatum, quod ecclesia exclusus, in sordida cujusdam auloedi domo fuerit ordinatus (b): vitioque etiam datum Ursicino, qui cum Damaso ad sedem Romanam concurrebat, quod non in ecclesia, sed in obscuro quodam basilicae loco, *Sicina* dicto, consecrationem acceperit (c). Ecclesia vero in qua episcopi consecrabantur, erat ipsa ecclesia vidua, in quam ad episcopi constitutionem episcopi provinciae conveniebant; ceteri vero inferiores clerici in ecclesia cathedrali praesertim consecrati sunt (d). Sed inde electionibus ab ordinationibus distractis, procul ab ecclesia vidua coeperunt episcopi consecrari, in ecclesia nempe, quam dicebat metropolita: & secundum praesentem disciplinam Itali passim Romae consecrantur. Et quantum ad inferiores clericos jubent Tridentini patres, ut ordinationes sacrorum ordinum in ecclesia cathedrali, vocatis praesentibus-

(a) *In cap. presbyter ex. de sacrament. non iterandis.* (b) *Nazianz. carm. de vit.* (c) *Socrat. lib. IV. cap. 29.* (d) *Hallier. de sacr. elect. & ordin. par. III. sect. 6. cap. 2. art. 1.*

busque ecclesiae. canonicis publice celebrentur ; & si in alio dioecesis loco eas haberi contingat , dignior , quantum fieri poterit , ecclesia seligatur (a). Interim tonsura & minores ordines etiam extra ecclesiam receptis moribus , quibus favet pontificale Romanum , conferri possunt . Peracta vero in ecclesia vidua consecratione , episcopus solemniter deducebatur ad cathedram episcopalem , in qua constitutus , de more lecta scriptura , primum habebat sermonem , qui *enthronisticus* dicebatur (b). Similiter presbyteri statim ac ordinati essent , sedebant in presbyterio (c). Quin apud Graecos , ubi presbyteros concionari erat usitatus , etiam in die ordinationis presbyteri concionabantur , exstantque adhuc in operibus Chrysostomi & Gregorii Nysseni sermones , quos die suae consecrationis in presbyteros ad populum habuerunt .

Tempore sacrae liturgiae .

§. IX. Nec tantum in ecclesia , verum etiam in publico Dei cultu , tempore sacrae liturgiae , ex antiqua disciplina ordinationes celebrantur . Ordinationem Pauliniani repraesentans Epiphanius (d) , se eum ordinasse presbyterum dicit , *quum ministraret in sanctis sacrificiis* . Et Theodoretus (e) ordinationem Macedonii anachoretae sacrae synaxis tempore factam scribit : Ejus autem disciplinae ratio fuit , ut ordinati consecrarent , vel sacram perciperent eucharistiam . Peractum

(a) *Conc. Trid. sess. XXIII. de ref. cap. 8.*

(b) *Bingh. lib. II. orig. eccles. cap. 11. §. 10.*

(c) *Epiph. epist. ad Jo. Hierosolym.* (d) *Epist. ad Jo. Hierosolym.* (e) *Hist. relig. cap. XIII.*

actum autem est totum ordinationis officium in missa catechumenorum, quae in oblatione desinebat, sed, ut non sine ratione possumus adfirmare, tantisper exclusis catechumenis. Sane Chrysostomus in sacris ordinationibus comprecari & acclamare docet, eos, qui mysteriis initiati sunt, & subdit, neque enim fas est coram non initiatis cuncta detegere (a). Et auctor ecclesiasticae hierarchiae, quae de sacris ordinationibus initio operis exponit, ea catechumenis enarrari diserte vetat; ac proinde multo minus eadem inspectare potuerunt. Itaque paullo plenius interpretari oportet canonem V. Laodicenum, quo statuitur, non oportet τὰς χειροτονίας, ordinationes, in praesentia audientium fieri, ut nempe nomine audientium omnes intelligantur catechumeni; nec puto admittendam Zonarae & Balsamonis interpretationem, qui contra quam Latini interpretes fecerunt, nomine χειροτονίας non ordinationes, sed electiones intelligunt. Finita vero ordinatione videntur iterum admissi catechumeni; ut sermonem, quem recens ordinati episcopi habebant, audirent. Et reipsa auctor apostolicarum constitutionum consecrationem episcopi ante dimissos catechumenos peractam refert (b). Quidquid vero hujus rei sit, majores praesertim ordines in sacra liturgia conferri debent; nam tonsura & majores ordines etiam extra missarum solemnias conferuntur (c): quae etiam antiqua videtur fuisse ecclesiae disciplina.

M 2

Or-

(a) Hom. XVIII. in 2. ad Cor. (b) Lib. VIII. cap. 5. seq. (c) Pontif. Roman. de tons. & minorib. ordin. Eucholog. tit. de ordin. lectoris.

Ordinatio gratiam confert.

§. X. Venio ad ordinationis effectus, qui propria & naturali ejus vi producantur, *gratiam*, nempe & *characterem*. Et quantum ad primum, per ordinationem conferri gratiam, qua ordinatus idoneus ecclesiae minister evadit, dogma est christianae religionis. Sanè manuum impositione dari gratiam constat ex apostolo; qui Timotheum admonet, ut excitaret, & ne negligeret gratiam, quae in eo erat per impositionem manuum presbyterii (a). Consentiunt patres. Afferit Gregorius Nazianzenus invisibili quodam vi ac gratia ordinati sacerdotis animam in melius transformari (b). Et Ambrosius, sive quisquis auctor libri sit *de dignitate sacerdotali*, docet, in ordinatione hominem manum imponere, Deum gratiam elargiri. Chrysostomus gratiam, quam excitare debebat Timotheus, ita interpretatur, *hoc est gratiam, quam accepisti ad ecclesiae institutionem, & ad omne religionis obsequium*. Et auctor de caelesti hierarchia scribit, divinam in ordinatione sacerdotali efficaciam gratiamque tribui dignam sacerdotibus.

Et imprimit characterem indelebilem.

§. XI. Ordinationis effectus alter *character* est, cujus nomine venit nota quaedam spiritualis & indelebilis in anima impressa, qua ordinatus semel acceptam semper retinet potestatem: quem ordinationis effectum inter catholicas doctrinas Florentini & Tridentini patres recensent. Non occurrit quidem apud antiquos diserte ordinationis

(a) 1. *ad Timoth. IV. 14.*, & 2. *ad Timoth. I. 6.*
 (b) *Orat. in baptis. Christi.*

nis character, nec fortasse nobis ejus intima innotescet constitutio; at reipsa quamdam in ordinatione, non minus quam baptismo, notam in anima imprimi veteres tenuerunt. Certe Augustinus signum in animam baptizati & ordinati impressum comparat signis in monetis principum insculptis, & notis militaribus in corporibus militum imprimi consuetis (a): illudque *baptismi & dandi baptismi sacramentum* appellat (b). Hoc vero signum semel in sacramentis impressum, numquam aufertur, quaecumque fuerit culpa baptizati, vel ordinati, haftenus ut si baptizatus, vel ordinatus excommunicetur, vel degradetur, retinent tamen semel acceptum baptismi & ordinationis sacramentum. *Sicut autem baptizatus*, inquit idem Augustinus (c), *si ab unitate recesserit, sacramentum baptismi non amittit; sic etiam ordinatus, si ab unitate recesserit, sacramentum dandi baptismi non amittit*; idque quia *quadam consecratione utrumque homini datur, illud quum baptizatur, istud quum ordinatur* (d).

Ordinationes non iterantur.

§. XII. Semel ergo legitime celebratae ordinationes non possunt iterari. Sacramentum dandi baptismi semel acceptum, semper durat, & ita inter actiones vetitas & nefarias semper censuit ecclesia iteratas ordinationes. Concilium Carthaginense III. plenariae synodi Capuensis; seu potius Capensis, vestigiis insistens, decre-

vit,

(a) *August. contra Permen. lib. II. cap. 13. ap. Grat. can. XCVII. C. I. q. 1.* (b) *Can. XXXII. de consecr. D. 4.* (c) *Cit. can. XXXII.* (d) *Cit. can. XCVII..*

vit, quod aequè illicitum sit baptismum iterare ac ordinationes (a). Canones apostolici & ordinantem & ordinatum, qui vel dederit, vel receperit secundam ordinationem, deponi praecipunt (b). Et Augustinus in ecclesia catholica licere negat vel baptismum, vel ordinationem iterari, quaecumque fuerit culpa ejus, qui semel lotus, vel ordinatus est. Et hinc rerum ecclesiasticarum ignarus erat Macedonius anachoreta, quem Flavianus Antiochenus vi presbyterum ordinavit, dum sequenti Dominica, ut sacris interesset, invitatus, adstantibus dixit, an se iterum presbyterum creare vellent, recteque illi responderunt, *fieri non potest, ut bis eadem fiat manuum impositio* (c). Ergo in catholica ordinati in crimen quantumvis enorme lapsi, non secundam accipiunt ordinationem, sed vel in poenam numquam ministrare permittuntur, vel, si ob ecclesiae bonum in ministerium restituuntur, id reconciliatoria manuum impositione, non secunda ordinatione fieri debet; recteque in concilio Romano sub Melchiade damnatus Donatus, quod, ut refert Optatus (d), *confessus sit rebaptizasse, & episcopis lapsis manum imposuisse: quod ab ecclesia alienum est.*

Obligatio ad clericatum an est perpetua?

§. XIII. Jam vero ordinati clerici majores minores veteri patrum stante disciplina ad perpetuum ecclesiae ministerium erant obligati, nec poterant renunciare clericatui, iterumque ample-

cti

(a) *Conc. Carthag. III. can. XXXVIII.*

(b) *Can. LXVII.* (c) *Apud. Theodor. hist. relig. cap. XIII.* (d) *Lib. I.*

ſi vitam ſaecularem: quod antiqui canones Chalcedonenſes (a), Turonenſes (b) & Triburienſes (c) ſtatuerunt, excommunicatione in eos propoſita, qui ad ſanctum propoſitum non redirent. Nec lex civilis minus ſevera erat in clericos deſertores; etenim decreto quodam Arcadii & Honorii curiae vindicantur (d), & edicto Juſtiniani (e) eorum bona eccleſiae, cui erant addiſti, tranſcribuntur. Ordinatio ſpecies erat conſecrationis, quae clericos Deo dicabat, & ſacrilegii quoddam genus erat, quod Deo ſacrum habebatur, profanare. Et quamvis clerici minores recte ad nuptias convolarent, non tamen cum nuptiis ejurabant clericatum, ſed conjugati in proprio gradu inſerviebant eccleſiae. Stetit per XII. & amplius ſaecula perpetua ad clericatum obligatio (f); at inde paulatim invaluit, ut clerici minores impune ad ſaeculum redirent, tantumque perpetua ſtabilitate clerici majores tenerentur. Auſtus clericorum minorum numerus, deſueta fere minorum ordinum officia, redditus eccleſiaſtici majoribus fere clericis deputati, & leges quarundam provinciarum clericos conjugatos clericalibus ſpoliantes privilegiis, diſciplinæ induxerunt mutationem: non quod eccleſia ejurandi clericatus indulſit libertatem, ſed quod poenas in deſertores temperavit. Signum depoſiti clericatus eſt abjectio veſtis clericalis, & apud nos ſi prima tonsura initiati, & minores

(a) *Conc. Calced. can. VII.* (b) *Conc. Turon. I. can. V.* (c) *Conc. Tribur. can. XXVII.* (d) *L. XXXIX. C. Th. de episc.* (e) *L. LV. C. de episc.*

(f) *Thomaſſ. par. II. lib. I. cap. 14.*

res clerici non serviant anni spatio rationem vivendi pactis conventis praescriptam, quae vult, ut clerici habitum & tonsuram deferant, ecclesiae deserviant, & studiis incumbant, a canone delentur, & clericalibus privantur privilegiis (a). Interim facta libertate ejurandi clericatus passim cautum in conciliis (b), ut tonsura clericali tantum donentur, quorum spes est, ut perpetuum Deo serviant, clericatum elegisse; ut hinc intelligas, ecclesiam etiam hodie omnium clericorum desiderare stabilitatem.

C A P U T XXV.

De ordinibus gradatim suscipiendis & eorumdem interstitiis.

Ordines per gradum suscipiendis :

§. I. **A**ntiqua est ecclesiae disciplina moribus recepta, quae initio facto ab inferioribus ministeriis per progressionem ad sacerdotium jubet adscendendum (c). Est hic ordo naturalis, & in mundana militia etiam servatus, ubi quis miles primum, deinde centurio, tum imperator (d). Etenim inferiora ministeria rudem paulatim expoliunt animum, demonstrantque vitam & morum probitatem, & omni-

(a) Concord. cap. IV. n. 7. seq. (b) Trid. sess. XXIII. de ref. cap. 4. & ult. (c) Cyprian. epistol. LII. al. LV. ad Antonian. (d) Gregor. Nanzianz. orat. XX. in laud. Basil.

omnino necessarium est, ut quis ante discat; quam doceat. Saeculo quarto Eusebiani praefertim nulla praemissa ordinum progressionem episcopos ordinabant, adeo ut, quemadmodum conqueritur Athanasius (a), ethnici homines, catechumeni, primarii decurionum & divites in spem episcopatus pro christiana religione profiterentur Arianismum. Unde patres Sardicenses ad antiquos mores confirmandos, statuerunt, ut si quis dives, vel ex foro scholasticus episcopus fieri dignius habeatur, non prius constituatur, quam lectoris & diaconi & presbyteri ministerium peregerit, & in unoquoque gradu si dignus existimatus fuerit, ad episcopatum per progressionem possit ascendere (b). Erant scolastici in ordinem advocatorum adlecti. Contra Eusebianos praecipue canon videtur conditus, ac proinde tantum de divitibus & scholasticis loquitur: verum canonis ratio generalis, ad merita promovendorum dignoscenda, omnes ex aequo complectitur. Et reipsa, qui postea prodierunt, canones & pontificum decretales generatim ad episcopatum per gradus progredi voluerunt (c).

In singulis ordinibus diu immorandum.

§. II. Interim in ordinibus gradatim suscipiendis non cito progrediendum, sed in unoquoque gradu diutius immorandum. Habebit, subjungunt patres Sardicenses, unusquisque ordinis gradus non minimi scilicet temporis longitudinem, per quod & fides & morum probitas & con-

N

stan-

(a) *Apolog. ad Constantium Augustum.*

(b) *Conc. Sardic. can. X.* (c) *Conc. Bracar. I. can. XXXIX.*

stantia & moderatio possit cognosci. Et vero non dicis causa inductus est ordinatus ad sacerdotium adscensus, sed ut sensim ministri in inferioribus gradibus proficiant in virtutibus, faculi mores paullatim deponant, discant, quae postea alios doceant, paullatimque adquirant virtutem omnem episcopo consentaneam. *Quis instar figuli*, inquit Gregorius Nanzianzenus (a), *uno ipso die fictilia sua tornantis, ita repente fingat veri cultus antistitem, cum angelis stantem & cum archangelis laudes canentem & Christo consacrificantem?* Ars nempe omnium difficillima est cura animarum, & longo potius usu & experientia, quam meditatione acquiritur. Et profecto absonum omnino est. ut quis animarum antistes momento temporis evadat, quemadmodum poëtae gigantes finxerunt, quum nec medici, nec pictoris nomen quisquam obtineat, qui nec morborum naturas considerarit, nec multos colores miscuerit, variasque formas penicillo expresserit. Unde sanctissimi & sapientissimi viri Synesius, Ambrosius, Augustinus summo opere indoluerunt, quod vi inflatae plebis correpti, sacerdotes creati sunt, priusquam didicissent.

Interstitia non eadem olim semper fuerunt.

§. III. Spatia temporis inter unum & alterum ordinem interiicienda *interstitia ordinum* posterior aetas appellavit. Varia fuit ecclesiae disciplina de temporis in unoquoque gradu diurnitate. Patres Sardicenses in singulis gradibus diu voluerunt immorandum; at quamdiu non expresserunt, id relinquentes vel arbitrio epi-

(a) *Ap. Justin. Novell. CXXXVII. cap. 1.*

episcoporum, vel variae ecclesiarum disciplinae. Satis longa in Occidente post medium saeculi quarti erant interstitia. Usque ad annum tricesimum clerici, in varias stationes tributis annis, in minoribus gradibus stipendia faciebant, anno tricesimo in diaconos crescebant, & si ultra quinque annos bene ministrassent, creabantur presbyteri (a). Eodem saeculo quarto in Oriente breviora Occidentalibus erant interstitia, nam triginta annorum aetas idonea erat ad presbyteratum, quamvis nullus exstet canon, qui certa tempora definiat. Sed labentibus annis in utraque ecclesia, pro variis temporum necessitatibus, indulgentia episcoporum, aut zelo ecclesiasticae disciplinae restaurandae nunc breviora, nunc longiora interstitia obtinuerunt. Saeculo XII. in Occidente simul omnes minores ordines dabantur (b), hypodiaconi vero & diaconi singuli quique in proprio gradu anno ministrabant, & in Oriente inter unum & alterum ordinem una tantum hebdomada intercedebat, quod Balsamon testatur.

In veteri disciplina plures minores ordines praetermissi.

§. IV. Verum enimvero ordinata ad ordines progressio, antiquis moribus consecrata, non necessario importabat omnium graduum susceptionem. Et minores quidem ordines tantum abest, ut omnes percurri debuerint, ut potius eorum unus pluresve jure ordinario omitterentur. Erant

N 2

nem-

(a) *Siricius papa ep. l. ap. Grat. Can. III. D.*

77. (b) *Cap. II. ex. de eo, qui furtive ord. suscep.*

nempe minores gradus officia potius, quam honores, nec singuli ad ea officia obeunda necessarias habebant qualitates. *Alius*, inquit Ambrosius (a), *distinguendae lectioni aptior, alius psalmo gravior, alius exorcizandis, qui malo laborant spiritu, sollicitior, alius sacrario opportunior habetur. Haec omnia spectet sacerdos, & quid cuique congruat, id officii deputet*. Unde non omnes omnibus inferioribus gradibus poterant donari: & ab uno inferiori gradu, omissis intermediis, facilis transitus erat ad majorem. Certe patres Sardicenses tantum lectores esse jubent ante diaconatum, quotquot divites & scholastici ad episcopatum promoventur (b). Et decretales Siricii, Innocentii, Zosimi veluti jure ordinario unum pluresve pro varietate personarum ex ordinibus minoribus demonstrant omisos (c): prostantque in antiquis monumentis exempla bene multa eorum, qui non per omnes inferiores gradus ad sacerdotium pervenerunt (d). Praecipue necessitatis habebatur lectoratus, in quo majores industriae specimen dare poterant ecclesiae ministri, quam in reliquis gradibus, quorum manualia fere erant officia. Quin multis constat monumentis in casibus, ubi minus opus erat probatione, omnes inferiores gradus praetermissos, facilisque a monachatu ad sacros ordines transitus fuit.

An

(a) *Lib. I. de off. cap. 44.* (b) *Cit. can. X.*

(c) *Siric. ep. I. cap. 9. seq. Innoc. I. ep. IV. cap. 5. Zosimus ep. I. cap. 3.* (d) *Hallier. de sacr. elect. & ordin. par. III. sect. 7. cap. I. art. 7. §. 4.*

An ordines majores, omitti potuerint?

§. V. Quod vero spectat ad ordines hierarchicos, num eorum unus & alter omitti potuerint, inter eruditos non convenit. Multi cum Hallerio & Thomassino aegre patiuntur ordinum hierarchicorum omissiones. Jo. Morinus (a) admittit, praetermissum aliquando diaconatum; at nullum exstare exemplum profitetur episcopatus non presbytero collati. Sed alii, ubi minus opus erat probatione, generatim ordines hierarchicos opinantur omisos. Et vero ubi diaconi in episcopos eligebantur, in aliquibus ecclesiis omisus videtur presbyteratus. Ita Caecillianus archidiaconus Carthaginienfis in diaconatu ordinatus est episcopus (b): & quotquot diaconi in ecclesia Romana in pontifices electi sunt, episcopalem tantum benedictionem videntur accepisse: quod Jo. Mabillonius (c) & Franc. Pagi (d) pluribus docent, & praesertim auctoritate secundi libelli ordinis Romani, ubi praescribitur, ut in pontificem eligatur unus ex cardinalibus diaconis, vel presbyteris, & in electi consecratione nullum discrimen est, sed una eademque pro utroque praescribitur consecratio. Nempe ordo, qui praeter ceteris industriam & probitatem ministrorum commonstrabat, erat diaconatus: diaconi enim non minus res ecclesiae temporales, quam spirituales procurabant; & ita non videbatur esse opus alia probatione, quum diaconi ad episcopatum promo-

mo-

(a) *De SS. ordinat. par. III. exercit. 11. cap. 2.*

(b) *Optat. lib. I.* (c) *Comment. praevio in ordinem Roman. §. XVIII.* (d) *Breviar. hist. chron. in Sabiniano papa n. II. seqq.*

movebantur. Bene multa quoque eorum prostant exempla, qui vel ab ordinibus minoribus, vel a statu laicorum ad presbyteratum, vel ad episcopatum convolarunt. Ut ecce Martinus Turonensis & Felix Nolanus ambo exorcistae (a), & Cosmas quidam in ecclesia Syracusana adhuc hypodiaconus (b) in presbyteros creverunt. Et Origenes, Macedonius anachoreta, Paulinus, Augustinus aliique adhuc laici presbyteratu initiati sunt. Antonius adhuc lector ab Augustino primati in Fussalensem episcopum oblatu est (c). Et Nectarius statim a baptismo Constantinopoli episcopus creatur (d). In his aliisque exemplis opinatur Thomassinus (e), in eadem liturgia omnes ordines hierarchicos collatos, tantumque scriptores ultimi gradus meminisse, quod omnibus notum erat, inferiores hierarchicos gradus non posse praetermitti. Sed antiqua ecclesia ordines ad exercitium conferre solebat: & secundus libellus ordinis Romani unam & pro diaconis & pro presbyteris electis in pontifices praescribens ordinationem, diserte excludit, plures in una liturgia ordines hierarchicos collatos. Satius est igitur dicere, putasse veteres inferiores omnes gradus majoribus inesse: & hinc quando unus, aut duo gradus idoneam sufficiebant probationem, aut viri alias exploratae fidei & probitatis sacerdotio initiabantur, ordines inter-

me-

-
- (a) *Sulpit. Sever. in vita S. Martini, Paulin. nat. IV. S. Felicis.* (b) *Gregor. M. lib. XI. ep. 34. can. VI. D 74.* (c) *Aug. ep. CCLXI. ad Caelestin.*
 (d) *Socrat. lib. V. cap. 8., Sozomen. lib. VII. cap. 8.*
 (e) *Thomass. par. I. lib. 2. cap. 36. n. 15.*

medios habitos minus necessarios. Id tamen verum est, in casibus, quibus ex laicis episcopi ordinati sunt, specialem Dei providentiam, cui canones & leges cedere oportet, intercedere debuisse, quod unus ex apostolicis canonibus edicit (a).

In nova disciplina omnes ordines suscipiendi.

§. VI: Sed temporis lapsu mutata est disciplina, & omnes ordines, etiam minores, ad vim & veluti integritatem majorum coeperunt pertinere. Ita factum, ut omnes continua serie praemitti debeant, nec amplius ordinum omissiones audiantur. Graeci nono saeculo ex moribus pridem receptis omnes inferiores praemittebant gradus; at Latini hac ipsa aetate diaconos praetermissis presbyteri gradu, episcopos creabant. Vitio certe Latinis vertebat Photius, quod apud eos diaconi episcopi fierent presbyteratu non accepto (b). Calumniari Graecos Ratramnus (c) adfirmabat; at Aeneas, Parisiensis episcopus, factum non negat, quin potius usum probare conatur, vel quod presbyteratus eminentissime contineatur in episcopatu, vel quod Romani Hieronymo assentiantur, presbyteros ab episcopis minus secernenti. Vetum saeculo XI. generatim apud Latinos omnes ordines continua serie majoribus anteibant: observatque Franc. Pagius (d), ex diaconis in pontifices electis primum Gregorium VII. prius in presbyterum & al-

(a) *Can. apostol. LXXX.* (b) *Nicolaus papa. epistol. LXX.* (c) *Contra Graec. opposita lib. III. cap. 3.* (d) *Breviar. histor. chron. in Sabinia;*
no.

altera die episcopum benedictum. Non parum hanc promovit disciplinam conficta sub nomine Caji papae decretalis, quae de inferioribus gradibus ita loquitur, quasi necessario omnes percurri debeant (a). Et hinc non mirum si saeculo nono synodus Sueffionensis in Gallia, ubi primum falsae decretales prodierant, exauctorandum eum censuit, qui post acceptum ab Ebbo-
ne jam deposito diaconatum, presbyter ordinatus fuerat, uti qui ad presbyteratum, non accepto diaconatu, properasset (b).

Vetitae ordinationes per saltum.

§. VII. Nova haec disciplina, quae veluti ad vim majorum ordinum omnes inferiores requirit, novum jus circa ordinationes induxit, ne scilicet ordines *per saltum* conferantur. Vox *saltus* in causa ordinationis in decretalibus Siricii & Zosimi occurrit (c), significatque non aliquem ex antecedentibus ordinibus omissum, sed potius non emensa in singulis gradibus praestituta interstitia. At novis moribus ordinationes per saltum tum fieri dicuntur, quum, uno aut pluribus ex inferioribus ordinibus omissis, majori initiamur, veluti si hypodiaconus omissio diaconatu presbyter ordinetur. Per saltum ordinati accipiunt quidem sacerdotii ordinem & sacramenti sanctitatem, at summo jure recepti ordinis cadebant exercitio, quod testatur Ivo Carnotensis (d): quin synodus Rotomagensis an. CIXLXXII. depositione censuit dignos presbyteros & diaconos,

(a) *Can. I. D. 77.* (b) *Flodoard. lib. III. cap. 11.*

(c) *Siric. ep. I. cap. 11.*, *Zosim. ep. I.* (d) *Epist. CLXXXV. & CCXXIV.*

nos, qui nullis unquam minoribus donati fuerant ordinibus. Interim tamen benigna invaluit disciplina, qua per saltum ordinati, suppletis prius ordinibus omissis, indulgentia episcopi in ordine suscepto ministrabunt, & ad majores promoventur, quod Alexander II. (a) & Innocentius III. (b) rescripserunt. Omissus ordo omnino suppleri debet, nam ex nova disciplina veluti ad vim superioris censetur necessarius. Verum tum demum misericordia cum ordinatis per saltum episcopus utetur, quum talis ordinatus in suscepto ordine non ministraverit, nam si ministraverit, tantum summus pontifex dispensat (c).

Diuturnitas interstitiorum in nova disciplina.

§. VIII. Reliquum modo est, ut quae sint in nova disciplina statuta interstitiorum tempora, aperiamus. Sub finem saeculi XII. nec novum, nec inusitatum erat, quatuor minores ordines uno die dari, quod ex patriae consuetudine, Caelestinus III. duxit tolerandum (d). Cautius servata sunt inter majores ordines interstitia, statuitque an. c10cxcix. concilium Dalmatiae, cui Innocentii III. legati praefuerunt, hypodiaconos & diaconos anni spatio esse in suo quosque gradu, & inde majori ordine initiari. Jure concilii Tridentini minores ordines sejunctim, & per temporum interstitia conferri debent, nisi aliud episcopo expedire videatur (e); pendetque

Inst. jur. can. T. II.

O

ab

(a) *Can. I. D. 52.* (b) *Cap. un. ex. de cler. per saltum promo.* (c) *Trident. sess. XXIII. de ref. cap. 14.* (d) *Cap. I. ex. de eo, qui furtive ordin. susc.* (e) *Trident. sess. XXIII. de ref. cap. 11.*

ab episcopi sapienti consilio quanto quisque tempore in suscepto ordine permaneat. Hypodiaconi non initiantur, nisi annus exactus sit a postremi ordinis minoris susceptione (a); & inde saltem post annum a suscepto hypodiaconatu ad gradum promoventur superiorem (b). Et deum diaconi ad minus per annum functionibus diaconatus desungi debent, & inde augentur presbyteratu (c). Negari interim non potest, ordinum interstitia moribus praesentibus, quibus desueta paene sunt ordinum minorum & ipsius diaconatus officia, non adeo exactam exhibere probationem. Et quamvis jusserint Tridentini patres, minorum ordinum & ipsius diaconatus functiones restitui; tamen secundum receptos mores vix sperandum, ut in hac causa antiqua remeet disciplina. Unde Morinus scribit (d), ordines minores non fuisse ab ecclesia abrogatos, ut antiquae disciplinae perpetua exstarent monumenta, & admonerentur episcopi & presbyteri, magna opus esse probatione ad episcopatum & presbyteratum, quum videant ex ecclesiae clementia varios probatorios gradus momento veluti percurri, per quos olim longo tempore erat procedendum.

Potestas episcopalis ad contrahenda interstitia.

§. IX, Jam stata interstitiorum tempora episcopi ex justa causa contrahunt, veluti si satis probata fides sit ordinandorum, aut si necessitas,

aut

(a) *Trident. loc. cit.* (b) *Trident. loc. cit. cap. 13.* (c) *Trident. loc. cit. cap. 14.* (d) *De SS. ordinat. par. III. exercit. 13. cap. 1. num. 10.*

aut utilitas ecclesiae suadeat (a): nec probari potest episcoporum facilitas, duos aut omnes minores ordines nulla necessitate, aut utilitate ecclesiae suadente simul conferentium, quasi Tridentini patres eorumdem interstitia ipsorum arbitrio remisissent. Verum non usque adeo se extendit episcopi potestas ad interstitia contrahenda, ut duo sacri ordines eodem die conferantur (b). Exstant quidem in antiquis monumentis exempla aliqua ordinum sacrorum in eadem liturgia collatorum, veluti Cypriani, qui presbyterium & sacerdotium simul accepit (c), & Pauliniani, Hieronymi fratris, qui diaconus simul & presbyter creatus est (d); at exempla ista praeter regulas videntur fuisse. Quin etiam vetitum duobus sibi consequentibus diebus, qui fictione canonica pro uno reputantur, duos sacros ordines conferre, veluti si quis Sabbato ordinationis ad vesperam diaconus, & sequenti die Dominico continuato jejuniis presbyter ordinetur, quod Innocentius III. rescripsit (e). Saeculo XIII. adhuc ordinationes ad vesperam Sabbati habebantur, & continuatio jejunii usque ad Dominicam mane vesperam Sabbati & Dominicam in diem unum compingebat. Editis decretalibus privilegia obtinuerunt aliqui de duobus sacris ordinibus uno die dandis, vel recipien-

O 2

(a) Conc. VIII. oecum. can. V., Trident. sess. XXIII. de ref. cap. 11. 13. & 14. (b) Cap. XV. ex. de tempor. ordinat. (c) Pontius vita Cypriani. (d) Epiph. epist. ad Joan. Hierosolym. (e) Cap. XIII. ex. de temp. ordinat.

piendis, at Tridentini patres ea revocarunt privilegia, & antiquum jus per omnia restituerunt (a).

C A P U T XXVI.

De temporibus ordinationum.

Primis saeculis qualibet die habitae ordinationes.

§. I. **P**ER tria priora & amplius ecclesiae saecula ordinationes clericorum tam superiorum, quam inferiorum graduum nullis certis diebus fuerunt adstrictae, sed prout opus erat, quolibet ordinabatur. Sane de episcopis constat, eos vacatione sedis adveniente fere nulla adhibita mora electos fuisse & simul consecratos. Speciatim de pontificum Romanorum ante Constantinum ordinationibus contra Papebrochium firmissimis argumentis ex chronologia petitis Pagnius (b) demonstravit, eas quolibet hebdomadis die fuisse celebratas. Et Alexandriae decessore adhuc episcopo insepulto novus episcopus creabatur, quod Epiphanius (c) & Liberatus (d) testantur. Antiquis quoque demonstratur monumentis, presbyteros & diaconos, prout res ecclesiae exigebant, fuisse creatos, nec fuisse statos dies, in quibus generales ordinationes haberentur. Paulinus, licet quarti saeculi presbyter,

(a) *Sess. XXIII. de ref. cap. 13.* (b) *Critic. in Baron. an. LXVII. n. XIV.* (c) *Haeres. LXIX.* (d) *Breviar. cap. XX.*

ter, de seipſo teſtatur, quod die, quo dominus naſci carne dignatus eſt, preſbyteratu fuit initiatus (a). Et de Ambroſio ex fama refert Paulinus (b), quod baptizatus omnia eccleſiaſtica officia implevit, atque octava die epiſcopus ordinatus eſt. Itaque, ſunt verba Chriſtiani Lupi (c), *diaconatum ac preſbyteratum non poteſt in quatuor temporum Sabbatis accepiſſe*. Cyprianus Aurelium iſſis calendis Decembris leſtoratu, & Optatum menſe Auguſto hypodiaconatu initiavit: quod ex ſupputandi regulis Pearſonius aſſerit (d).

Sed inde apud Latinos habitae die Dominica.

§. II. Pace per Conſtantinum eccleſiae data, ab antiquis inſtitutis de habendis qualibet die ordinationibus Occidentalis paulatim deſcivit eccleſia; variamque pro vario tempore induxit, fovitque diſciplinam. Et vero ſaeculo quinto tantum die Dominica epiſcopos, preſbyteros & diaconos, eccleſia Romana conſecrabat: quod conſtat Leonis M. loco, ubi poſtquam pontifex docuit contra apoſtolicam traditionem eſſe paſſim qualibet die *ſacerdotales* (quo nomine epiſcopos & preſbyteros comprehendit) & *Leviticæ* ordinationes celebrari, hanc formam creandorum ſacerdotum de more Romano Dioſcero Alexandrino inculcat obſervandam (e). *Ut his, qui conſecrandi ſunt, numquam benediſſio, niſi in die*
Do.

(a) *Paulin. epiſt. VI. ad Sever.* (b) *Vit. Ambroſii cap. VI.* (c) *Schol. in quaedam decreta S. Leonis IX. decret. III.* (d) *Annal. Cyprian. an. CCL. n. XV. & XX.* (e) *Leo M. ep. XI. edit. Queſnel.*

Dominicae resurrectionis tribuatur, cui a vespere Sabbati initium constat adscribi. Nomine *Dominicae resurrectionis* non diem paschatis, sed quamlibet diem Dominicam Leo M. intelligit, idque de veterum more, qui, ut observat Quesnellius (a), quamlibet Dominicam *resurrectionis diem*, diem vero paschatis *sanctum pascha & paschalem festivitatem* nuncupant. Apostolica autem traditio, unde diem *Dominicae resurrectionis* ordinationibus sacrum Leo M. inculcat, nulla videtur esse potuisse; siquidem primis saeculis potius qualibet die, quam in Dominica sacerdotes creabantur. Et fortasse Leo mores in sua ecclesia tum receptos apostolicam appellavit traditionem, quod familiare Leoni esse Quesnellus & Pagius (b) observarunt. Interim tamen non videtur dubitandum, saltem post Constantinum, coepisse Romanos pontifices ordinationes in Dominica resurrectionis celebrare. Quam alias poterat Leo ad antiquam provocare traditionem? Unde nulla omnino esse potest *pontificalis Romani* fides, qui plerisque vitis pontificum etiam post Constantinum ab iis celebratas ordinationes mense Decembri addixit. Scilicet in plerisque articulis vacillat fides *pontificalis*, & fortasse ejus auctor suo tempore receptas consuetudines antiquitati appinxit.

Quinque stata ordinationum tempora.

§. III. Non diu post Leonem M. de sacrandis quolibet die Dominico sacerdotibus & Levitis

(a) *Diff. VI. de jejunio Sabbati inter opera S. Leonis.* (b) *Critic. Baron. an. LXVII. n. 15.*

integra stetit disciplina. Etenim ante finem saeculi quinti presbyterorum & diaconorum ordinationes Sabbatis quatuor solemniū anni temporum & Sabbato mediæ quadragesimæ alligatae sunt. *Ordinationes*, sunt verba Gelasii (a), *presbyterorum & diaconorum*, nisi certis temporibus & diebus exerceri non debent, id est, quarti mensis jejunio, septimi & decimi, sed & etiam quadragesimalis initii, ac mediana quadragesimæ die, Sabbati jejunio circa vesperam noverint celebrandas. Inducta quidem erant vel ante Leonem M. quatuor stata jejuniorum tempora, non tamen causa ordinationis, sed quod qualibet anni parte christiani purificationibus indigerent, ut ipse Leo M. observat (b). Optimum forsā visum pontificibus ipsa stata jejuniorum tempora ordinationibus praestituere, ut magis accederet ad mores apostolorum, qui jejunantes & orantes manus diaconis imposuerunt. Ex his quinque consecrandis presbyteris & diaconis dictis temporibus unum inde mutatum fuit: auctore enim Alexandro III. mediæ quadragesimæ ordinatio in Sabbatum sequens ante Dominicam passionis transiit, idque, si vera observat Christianus Lupus, quia tertia quadragesimæ hebdomada ex antiquo ecclesiae more occupatur baptizandorum scrutiniis, & ita ordinandorum scrutinia visa sunt in sequentem hebdomadam transferenda (c).

Sab-

(a) *Epist. IX. ad episc. Lucaniae cap. 11.* (b) *Serm. IX. de jejun. septimi mensis.* (c) *Lupus schol. in quaedam decreta Leonis III. decr. III.*

Sabbato sancto etiam ordines dantur :

§. IV. Jam praeter solemnia tempora a Gelasio praescripta, hodie etiam Sabbato sancto habentur ordinationes. Quamvis ante Gelasium, qualibet die Dominica, quae a vespera Sabbati incipiebat, sacerdotes & Levitae benedicebantur; id tamen in solemnitate paschali minime videtur fieri potuisse (a), quod ea festivitas baptismo solemniter ejusque caeremoniis erat destinata: constatque integrum diei officium totum ad recens natos pertinuisse. Nec postea Gelasius, qui ordinationes certis temporibus addixit, quidquam habet de clericis Sabbato sancto consecrandis: silentque de hac ipsa die synodus Romana sub Zacharia an. 1000. XLIII., Ivo Carnotensis (b) & sub Urbano II. synodus Claromontana (c), dum alia statuta ordinationum tempora numerant. Primus, quod sciam, Alexander III. inter legitima sacrandis ministris tempora recensuit Sabbatum sanctum (d). Forfan novo huic ordinationum tempori inducendo causam Gratianus praebuit, decreta Leonis M. & Gelasii rhapsodiae inferens suae (e). Nempe saeculi XII. sapientes *Dominicam resurrectionis*, quae a vespera Sabbati incipiebat, pro solemnitate paschali falso videntur accepisse, & ita non animadvertentes Gelasiano decreto antiquae derogari disciplinae, novum habendis ordinationibus diem induxerunt: cujus opinionis ipse etiam videtur fuisse Gratianus, apud

(a) Quesnel. not. in ep. XI. Leonis M.

(b) Epist. LVIII. (c) Cap. XXIV. (d) Cap. III. ex. de tempor. ordinat. (e) Can. V. & VII. D. 75.

apud quem in vulgatis codicibus tantisper mutata verba Gelasii referuntur, ut Sabbatum sanctum inter tempora ordinationum retulisse videatur: *Sed & etiam quadragesimalis initii, ac medianae hebdomadae, & Sabbati jejunio circa vesperam noverint celebrandas*. Ita apud Latinos nata sex ad habendas ordinationes tempora, quatuor nempe anni tempora, Sabbatum *Sitientes* & Sabbatum sanctum.

Qua diei hora celebrantur ordinationes.

§. V. Et haecenus de statis per annum ordinationum diebus; dicendum modo qua diei parte fuerint celebratae. Per plura saecula in ecclesia Latina sacerdotales & Leviticae consecrationes nocturnis potius horis, quam claro die habitae sunt, incipiebantque a vespera Sabbati, & usque ad matutinas diei Dominicae horas poterant continuare (a), Varias mysticasque hujus instituti rationes Quésnellus & Hallierius (b) assignant; sed potissima videtur fuisse difficultas continuandi jejunii usque ad Dominicae diei lucem (c). Jejunis nempe per jejunos ordines conferri voluit ecclesia: & hinc ne continuatio jejunii usque ad Dominicae mane ordinantes & ordinatos defatigaret, habendis ordinationibus nox Sabbatum sequens ordinata est! Vespere autem illud Sabbati, unde incipiebant ordinationes, ad Dominicam potius, quam ad Sabbatum pertinebat secundum legalem ab ecclesia

Instit.jur.can. T.II. P ser-

(a) *Leo M. epist. XI. edit. Quesnel., Gelasius epist. IX. ad episc. Lucaniae.* (b) *De sacr. elect. & ordin. par. III. sect. 7. cap. 1. art. 4.* (c) *Lupus schol. in cit. decr. III. Leon. IX.*

servatam synagogae regulam, quae sole occidente diei faciebat initium; quod Leo M. & synodus Claromontana sub Urbano II. (a) diserte docent. Unde missa in ordinationibus celebrari solita diei Dominicae, non Sabbati propria erat. Et ita tempore quadragesimae in Sabbato ordinationum non recitabatur oratio super populum, ad quam antiqui & capita & genua flectebant, quia antiqui mores die Dominico genuflecti non patiebantur: & Dominicae, quae Sabbatum ordinationum sequuntur, officio carebant, ut Micrologus (b) & Honorius Augustodunensis (c) adnotarunt. Saeculo circiter nono ad tertiam diei Dominicae horam consecrationes episcoporum transferunt, quod tum apostoli spiritum sanctum acceperant (d); at initio saeculi XIII. adhuc ad vespeream Sabbati presbyteri & diaconi creabantur (e). Inde vero paulatim vespertinae jejuniorum missae apud nos celebrari desierunt, & ita generales clericorum ordinationes una cum missis ad matutinas Sabbati horas transferunt.

Graeci stata ordinationum tempora non habent,

§. VI. Sex quidem sunt apud Latinos stata ordinationum tempora; at Graeci adhuc antiquos servant mores, nullumque habendis ordinationibus diem praefixum habent; quod ipsi summi pontifices Caelestinus III. & Innocentius III. agnoverunt (f). Vix erat, ut Graeci formam

ce-

(a) Cap. XXIV. (b) De ecclesiast. observationib. cap. XXIX. (c) Gemma animae lib. III. cap. 156.

(d) Lupus loc. cit. (e) Cap. XIII. ex. de temp. ordin.

(f) Cap. IX. & XI. ex. de temp. ordinat.

celebrandarum ordinationum a Leone M. inculcatam possent admittere, utpote quae fundamentalibus ecclesiae Graecae disciplinae regulis repugnaret. Praeter unicam paschae vigiliam nulla Sabbata Graeci jejunt. Inter capitales Marcionis errores retulit Epiphanius jejunium Sabbatarium: & imperator Michael Amorienfis, quod Sabbati jejunium cogitabat inducere, de Manicheismo, aut paganismo suspectus fuit, ut Georgius Cedrenus testatur. Qui ergo fieri poterat, ut Graeci post vesperam Sabbati continuato jejunio ordinationes celebrarent? Id tamen verum est, intra tempus quadragesimae, non solere Graecos aliis quam Sabbatis & Dominicae diebus episcopos & presbyteros consecrare, si forte Sabbatum sanctum excipias, in quo ex omnibus Sabbatis ex apostolica traditione jejunant. Scilicet episcopos & presbyteros, non secus ac Latini, in pleno sacrificio consecrant, & tempore jejunii Graeci praefanctificata tantum offerunt.

Intra quod tempus episcopi ordinantur.

§. VII. Jam episcoporum ordinationes, quae die Dominico ex antiqua disciplina apud Latinos celebrantur, in longum non sunt protrahendae. Et primis quidem saeculis nullum certum tempus in plerisque ecclesiis erat definitum; quo episcopi ordinarentur; sed statim ac commodum erat, metropolitae & episcopi provinciales conveniebant, & de more facta electione, eodem tempore electum ordinabant. Inde turbis in longum distractis electionibus jussit concilium Chalcedonense, ut trium mensium spatio episcopi ordinentur, nisi inevitabilis necessitas

cogeret ordinationem differendi (a). Ecclesiae Africanæ vacare ad summum per annum poterant (b): & Alexandriae antequam defunctus terrae mandaretur, novus episcopus constituebatur (c). Verum in praesenti disciplina trimestri spatio a die confirmationis episcopi debent ordinari, quo elapso perceptos fructus restituent, & si intra totidem menses id facere negligant, ecclesiis ipso jure privantur (d).

Dies consecrationis episcopi festus fuit.

§. VIII. Sed de die, quo episcopus consecratur, id oportet observare, eum fuisse festum anniversaria etiam solemnitate, saltem pro episcopis celebrioribus, celebrari consuetum. Ergo cogebantur conventus ecclesiastici, habebantur ad populum sermones, & omnes adhibebantur dierum festorum solemnitates. Superfunt adhuc multae apud veteres homiliae in die anniversariae consecrationis episcopi recitatae. Et hinc consuetudo manavit, ut cathedra S. Petri, qua vel Antiochiae, vel Romae primum sedit, ab omnibus ecclesiis sollemnis haberetur, exstantque ea de re duo Augustini sermones. In Hieronymiano aliisque antiquis martyrologiis quotannis haec recurrens consecrati episcopi festivitas notatur sub titulis *ordinatio episcopi*, & *natale episcopatus*, quod Pagius observavit (e). Augustinus vero *natalem cathedrae* appellat (f). Unde patet, *natalem episcopatus* nec diem natalem, nec

emor-

(a) *Conc. Chalc. can. XXV.* (b) *Cod. Afric. can. LXXIV.* (c) *Epiph. haer. LXIX.* (d) *Trid. sess. XXIII. de ref. cap. 2.* (e) *Pagius critic. in Baron. an. LVII.* (f) *Serm. XV. de sanctis.*

emortualem alicujus antistitis denotare, sed potius diem, quo quis episcopus ordinatus cathedram adscendit (a). Et vero is etiam quodammodo nasci videtur, qui novam vivendi incipit rationem: quo sensu apud Spartianum *natalem adoptionis* ad imperium occurrit (b).

An minores ordines statis temporibus conferendi?

§. IX. Jam sex anni stata tempora habendis ordinationibus addicta, proprie spectant presbyteros & diaconos, & ex nova disciplina etiam hypodiaconos. Etenim quantum ad ordines minores, inter quos etiam hypodiaconatus censebatur, nono saeculo, quo *Ordo Romanus* scriptus creditur, antiqua stabat libertas de iis quovis die conferendis (c). Inde Urbanus II. hypodiaconos ad majorem gradum evexit, & ita eorum benedictio extra tempora ceteris episcopis, non vero Romano pontifici, interdicta (d). Ipsa quoque minorum ordinum collatio ad dies Dominicos & festos restricta est, ita tamen ut *unum aut duos ad minores ordines* episcopi promoveant, ut Alexander III. rescriptit (e): quod ita intelligunt canonistae, licere iis diebus etiam plures minoribus ordinibus initiare, modo generales non celebrentur ordinationes (f). Quin consuetudo in multis dioecesibus obtinet, ut feriis sextis quatuor temporum minores ordines conferantur: quae consuetudo a multitudine ordi-

(a) Hallier. de sacr. elect. & ordin. par. III. sect. 7. cap. 2. art. 2. (b) Spart. in Trajano. (c) Can. VI. D. 75. (d) Cap. I. ex. de tempor. ordinat. (e) Cap. III. ex. de tempor. ordinat. (f) Glossa in cit. cap. III.

dinandorum, ordinationem in Sabbato in longum protrahentium, forsan repetenda. Clericatus autem, seu prima tonsura quicumque die, hora & loco conferri potest, ut habet hodiernum pontificale.

Majores ordines ex venia dantur extra tempora.

§. XI. Ut ergo extra tempora hypodiaconi, diaconi & presbyteri ordinentur, opus est dispensatione, quam solus Romanus pontifex indulget (a). Quod si posthabita canonum relaxatione extra temporum ordines conferantur, non defuerunt, qui de vi ipsius ordinationis dubitent. Sed tempore Alexandri III. extra tempora ordinati deponerentur, & ordinantes ordinandi cadebant potestate (b). Inde statuit Urbanus III. ut sic ordinati tamdiu ab officio suspendantur, quamdiu a summo pontifice in suis gradibus non fuerint restituti (c). Suspendio autem ista non ipso jure, sed ab episcopo infligebatur, sed semel inflicta inter reservata Romana censebatur (d). Unde si episcopus sententiam suspensionis non dixerit, forte quod admissi contra canones reatus ordinatos poenituerit; non videtur opus pontificis restitutione, & indulgentia episcopi ordinati in susceptis ordinibus possunt ministrare: in quam sententiam videtur Gregorius IX. respondisse (e). Nec aliter jus est praesentibus temporibus, nam quamvis Pius II.

ex-

(a) Ivo Carnotens. epist. LVIII. (b) Cap. II. ex. de tempor. ordinat. (c) Cap. VIII. ex. eod.

(d) Hallier. de sacr. elect. & ordinat. par. III. sect. 7. cap. 1. art. 2. §. 4. (e) Cap. XVI. ex. eod.

extra tempora ordinatos ipso jure ab officio edixerit suspensos (a), iisque Sixtus V., reservata summo pontifici suspensionis dispensatione, ad superiores ordines adscensum interdixerit (b); tamen Clemens VIII. poenas a Pio & Sixto statutas ad antiquos terminos reduxit (c).

CAPUT XXVII.

*De titulo ordinationis.**Quae est ad titulum ordinatio.*

§. I. **O**rdinatio *ad titulum* in antiquis monumentis ea dicitur, quae fit cum ecclesiae designatione, cui ordinatus debebat inservire. *Tituli* nempe nomine apud ecclesiasticos scriptores veniebant ecclesiae vel a titulis martyrum, quibus dicabantur, vel quia inde clerici nomen titulumque mutuabant suum. Alio nomine haec ipsa titularis ordinatio *loco fundata*, & ipsi clerici *locales* dicebantur, quod scilicet eorum functio certo loco erat adstricta. *Vana habenda est ordinatio*, sunt verba Leonis M. (d), quae nec loco fundata est, nec auctoritate munita. Proprius autem cujusque ecclesiae canon, hoc est catalogus, indicabat titulum, ad quem clerici promoti erant: nam statim ordinati clerici suae ecclesiae catalogo inferebantur, ac proinde esse in canone & canonicum localem esse de-

(a) Bulla cum ex sacrorum. (b) Bulla sanctum & salutare. (c) Bulla Romanum pontificem. (d) *Epist. XCII. ad Rustic.*

denotabat: Ex ipsis titulatis qui proprii rectores erant ecclesiarum, dicebantur *cardinales*, vel quod ecclesia universa circa eos, veluti totidem cardines, volveretur, vel ab ipsa *incardinatione*, quae firmior in iis, quam in reliquis clericis eidem ecclesiae addictis, habebatur. Ordinatio *absoluta* e contrario ordinatum nulli deputabat ecclesiae.

Clerici omnes olim ordinabantur ad titulum.

§. II. Jam antiqua est ecclesiae disciplina, quae jubet, clericos omnes majores minores ad titulum ordinari. Apostoli ad evangelium praedicandum missi sunt in solidum; at jam constituta ecclesia, ad evitandam confusionem, ordinem & distinctos fines postulabat. Itaque vel ab ipsis apostolorum temporibus cautum, ut ordinatio clericos certae adligaret ecclesiae, in qua propria obirent officia. Quam antiquam disciplinam hoc edito canone concilium Chalcedonense confirmavit (a). *Nullum absolute ordinari (convenit), nec presbyterum, nec diaconum, nec omnino aliquem eorum, qui sunt in ordine ecclesiastico, nisi specialiter in ecclesia civitatis, vel pagi, vel martyrio, vel monasterio, is, qui ordinatur, designetur.* Ad episcopos aequae ac reliquos inferiores clericos haec regula spectabat; nam inde usque ab apostolis episcopi etiam ad certam paroeciam, in qua ordinarias episcopatus functiones exercerent, fuerunt ordinati; videturque canon diserte eos non apprehendisse, quod hactenus fere incognitae erant episcopales sine titulo ordinationes. Confirmatam

(a) Conc. Chalced. can. VI.

tam a patribus Chalcedonenſibus diſciplinam ſequentes canones renovarunt, ſemperque exhorruit eccleſia clericos vagos nullique eccleſiae addiſtos.

Variae eccleſiae erant tituli ordinationum.

§. III. Sufficiebant vero ordinationi titulum *eccleſia civitatis & pagi, martyrium & monaſterium*. Eccleſia *pagi* erat eccleſia parochialis in pagis conſtituta, erantque jam tempore concilii Chalcedonenſis in pagis inſtitutae eccleſiae parochiales, in quibus ſeorſim ab eccleſia civitatis ſacri fiebant conventus, & ita neceſſarium erat, eas proprios habere clericos. Nomine *martyrii* veniunt privata oratoria, quae ſuper martyrum ſepulchra exſtruebantur, & ad ſacra in iis fieri ſolita privati & aliquando etiam reliquus populus conveniebat (a). Ipſa quoque monaſteria habebant privata ſacella: quumque olim monachi omnino laici eſſent, aut eorum unus, aut aliquis ſaecularis clericus ad titulum monaſterii ordinabatur, ut in eo ſacris in gratiam monachorum operaretur, & ſacramenta adminiſtraret (b). *Beneficiū* titulus, ad quem ordinari clericos jubent recentiores canones, ab eccleſiae, vel oratorii titulo non differt; nam beneficia dantur propter officia, iſſque donati clerici ſuorum beneficiorum adſtringuntur eccleſiis. Tituli vero, ad quos clerici ordinabantur ante ordinationem ſolebant publicari (c), formulamque publi-

Q

bli-

(a) *Gregor. M. lib. X. ep. 12.* (b) *Palladius in Lauſiac. cap. VII.* (c) *Florens tract. de praeb. & dignitatib.*

blicationis ordo *Romanus* exhibet, & ex nova disciplina etiam publicantur (a).

Pauci olim sine titulo ordinati.

§. IV. Jam disciplina, quae ordinationes omnes loco fundatas esse jubebat, eo ipso tempore, quo maxime vigeat, aliquas exceptiones passa est. Certe Hieronymus ea conditione presbyteratum se scribit accepisse, ut sibi ad monasterium reverti liceret (b). Istiusmodi etiam erat ordinatio Macedonii notissimi anachoretae, quem dolo bono a cella abductum & presbyterum ordinatum, Flavianus episcopus Antiochenus in desertum reverti concessit (c). Et Paulinus de ordinatione sua ita scribit, *Ea conditione in ecclesia Barcinonensi consecrari adductus sum, ut ipsi ecclesiae non alligarer, in sacerdotium tantum domini, non in locum ecclesiae dedicatus* (d). Haec & alia, pauca exempla ordinationum sine titulo ob bonum ecclesiae universalis facile possunt excusari. Scilicet summi viri, qui ecclesiae maxime utiles esse poterant, vel respuebant clericatum, quod se tanto oneri impares judicabant, aut ideo ab eo abhorrebant, quod suae libertati & vitae solitariae vinculum imponi aegre ferebant. Unicum ergo ad tantam resistantiam vincendam supererat remedium, ut sine titulo ordinarentur: nec a ratione alienum esse episcopi ducebant, aliquid de rigore disciplinae remittere, & eos absolute ordinare, qui sapientia &

(a) *Conc. Mediol. IV. par. II. cap. 8.*

(b) *Hieronym. ep. LXI. ad Pammach.*

(c) *Theodor. histor. relig. cap. XIII.* (d) *Paulin. epist. VI. ad Sever.*

pietate sua ecclesiae servirent universae. Interim Hieronymus per omnia non videtur episcopos excusare, dum ita Paulinum Antiochenum sui ordinatorem adloquitur. *Si sic presbyterium tribuis, ut non monachum auferas: tu videris de iudicio tuo (a).*

Clerici omnes in ecclesiis suis debebant immorari.

§. V. Jam ad titulum facta ordinatio natura sua clericos ecclesiae & episcopo perpetuum mancipabant, nobiliorisque servitutis speciem inducebat, qua sui tituli ecclesiam relinquere vetabantur. Eo enim spectabat, ut in destinata sibi ecclesia jure impenderent ministerium. Itaque clerici omnes una & perpetua immorandi in ecclesiis suis lege tenebantur, quod antiqui omnes canones, in primis Arelatenses, Carthaginenses, Sardicenses alique decernunt (b). Quin in promissione de servandis canonibus, quam ante ordinationem edebant, diserte se locales futuros spondere tenebantur. *Ut nullum episcopi ordinent*, inquit concilium Valentinum (c), *qui localem se futurum primitus non spoponderit*. Quapropter si clerici ab ecclesiis suis recedebant, ab aliis episcopis excipi non poterant, eoque, unde profecti erant, redire cogebantur, aliter usu ordinis cadebant, & excipientes episcopi excommunicabantur: quae antiqua est ecclesiae disciplina in canonibus apostolicis statuta (d), & in

Q 2

con-

(a) Hieronym. ep. cit. (b) Conc. Arelatens. I. can. XXI., conc. Carth. III. can. XXXVII., conc. Sardic. can. XVI. al. XX. (c) Can. pen. & ult.

(d) Can. apost. XV. & XVI.

concilio Nicaeno aliisque conciliis saepe repetita (a). Nec unquam tam gravis poterat esse causa, qua proprio episcopo invito licebat alienos clericos excipere, & apud se retinere, ne juramento quidem interposito, quo externi clerici episcopis jurarent, se ab eorum ecclesiis numquam abituros (b).

Nec eas sine episcopi venia poterant relinquere.

§. VI. Uno tantum casu permiffum erat clericis proprias relinquere ecclesias, & in alias transire, si nempe auctoritate proprii episcopi ecclesiae nexu solverentur. Generaliter quidem vetat concilium Arelatense II. ne ullus clericus quacumque occasione faciente propriam relinquat ecclesiam (c); at id cum ea exceptione intelligendum, nisi episcopus suam interponat auctoritatem, quam exceptionem canones apostolici, Carthaginenses, Turonenses alique diserte addunt (d). Et in hunc finem olim inductae erant litterae dimissoriae, quibus datis episcopi sibi ecclesiae suae clericos addictos veluti emancipabant, & omnino dimittebant: acceptisque ita dimissoriis licebat clericis ad alios episcopos transire. Nullus omnino clericus, inquit concilium Trullanum (e), in quocumque sit gradu, potestatem habeat sine proprii episcopi scripta dimissoria in alienae ecclesiae catalogum referri. Exempla duo

-
- (a) Conc. Nicaen. can. XVI., conc. Antioch. can. III., conc. Chalced. can. XX. (b) August. epist. CCXL. ad Sever. (c) Conc. Arelat. II. can. XIII. (d) Can. apost. XV., conc. Carthag. IV. can. XXVII., conc. Turon. I. can. XI. (e) Conc. Trullan. can. XVII.

litterarum dimissorias, quorum unum veluti a patribus Nicaenis, alterum veluti ab Attico Constantinopolitano Gratianus in rhapsodiam coniecit suam (a), certe sunt supposititia. Per litteras autem dimissorias nexu ecclesiae ordinatio- nis soluti clerici, ab ejus canone eorum nomina debebantur, novaeque ecclesiae canonis inferebantur, in qua deinceps locales esse debebant.

Clerici instabiles damnati.

§. VII. Multo minus licebat clericis de loco in locum vagari, nihilque magis perpetuae in ecclesia morae adversatur, quam loci instabilitas & perpetua vagandi cupido. Vagantes clerici, quos Synesius per opprobrium appellat *πακαντίζοντες*, *vacantivos* (b), in externis ecclesiis recipi in communionem non poterant, qua proposita poena eos ad officium redire ecclesia coge- bat (c). Interim vero in necessitatibus ecclesiae licebat clericis assensu episcopi vel metropolitae peregrinari: & hoc casu non tantum publicis ecclesiarum alebantur redditibus, verum etiam in proprio gradu recipiebantur, & in omnem honorem erant admittendi, quae est antiqua ecclesiae disciplina in conciliis Arelaten- si I. & Carthaginensi IV. confirmata (d). Et hinc Anicetus summus pontifex Polycarpo Romam, ad componendam controversiam de paschatis celebratione, profecto *παρεχόμενον τὴν εὐχαριστίαν*, locum seu potestatem consecrandi in ecclesia sua concessit, ut apud Eu-

(a) Can. I. & II. D. 73. (b) Synes. ep. LXVII.

(c) Conc. Agath. can. LII., conc. Epae- nens. can. VI. (d) Conc. Arelat. I. can. XIX., & conc. Carthag. IV. can. XXXIII.

Eusebium Irenaeus narrat (a): erraruntque profecto primi Eusebii interpretes, qui ea verba ita acceperunt, quasi Anicetus Polycarpo eucharistiam porrexit. Verum peregrini clerici tum demum proprio gradu excipiebantur, quum *formatis*, seu *commendatitiis* suorum episcoporum litteris instructi ambulabant, nam alioquin potius ut erronei tractabantur. Commendatitiae vero litterae diligenter erant inspiciendae & examinandae, ne qua fraus irreperet; quo spectat unus ex canonibus apostolicis (b), qui si de genuitate earum non constaret, jubet necessaria tantum clericis exhiberi, ad communionem vero non admitti, ut habet Graecus canon, nec recte Dionysius Exiguus ita vertit, quasi canon iis etiam denegat necessaria.

Vetantur clerici pluribus ecclesiis adscribi.

§. VIII. Porro semel alicui ecclesiae adscripti clerici vetabantur alteram, aut plures alias eodem tempore usurpare, in quibus tamquam ministri deservirent, & acciperent victualia. Qui enim in duabus ecclesiis poterant clerici jure impendere sacrum ministerium? Sed quod attinet ad presbyteros aliosque inferiores clericos, inter ecclesias dioecesanarum & parochiales videtur distinguendum. Et quantum ad diversas dioeceses, certi juris erat, non posse clericos in duarum civitatum ecclesiis adscribi, proprioque excidebant gradu, qui secundam retinentes, ad suae ordinationis ecclesiam non redibant, quod

pa-

(a) *Iren. epist. ad Victor. ap. Euseb. lib. V. cap. XXIV.* (b) *Can. apost. XXXIV.*

tres Chalcedonenses statuerunt (a). Verum in eadem dioecesi in ministrorum penuria permittuntur clerici in duabus vicinisque ecclesiis deservire, interim vero earum redditus ad eos non spectabant, sed in aerarium episcopi confluebant, unde accipiebant victualia. Et certe synodus VII. eo ipso quo vetat duabus ecclesiis civitatum clericos adscribi, id in suburbanis fieri permittit (b). *Et haec quidem in hac a Deo conservanda urbe; ceteris in villis, quae foris sunt, propter hominum inopiam indulgeat.*

Clerici a suo titulo accipiebant victualia.

§. IX. Verum enimvero perpetua clericorum ad ecclesiam adscriptio suo non carebat commodo, nam jus dabat ad vivendum de ecclesiasticis redditibus. Similis in hac causa temporalis est spiritualis militia, quod in utraque nemo stipendiis militat suis. Et vero media opus erant clericis ad vitae sustentationem, ut ecclesiae possent deservire. Media autem ista ecclesia ipsa suppeditabat, aequissimumque videbatur, ut qui altari inserviebant de altari etiam viverent. Ergo ab episcopi aerario, in quod primis saeculis redditus omnes confluebant, clerici omnes pro ratione officii sui accipiebant victualia: quae quoniam in sportulis primum tributa sunt, clericos *fratres sportulantes* Cyprianus appellat (c). Instituta quidem postea fuit in ecclesiis Occidentalibus sollemnior bonorum ecclesiasticorum partitio in quatuor, aut tres portio-

tio-

(a) Conc. Chalced. can. X. (b) Conc. Nicaen. II. can. XV. (c) Cypr. epist. LXVI. al. I.

tiones (a); verum hac partitione nihil de iuribus clericorum imminutum, semper in tributum veniebant. Sed posterioribus saeculis clericatus non semper redditus ecclesiasticos tribuit, quod separatis ab ordinatione beneficiis fieri coeptum; institutis beneficiis omnes ecclesiastici redditus beneficiis addicti sunt, & hinc, nisi clerici beneficia etiam obtinerent, nudam sacrorum potestatem in ordinatione accipiebant.

Qui laxata tituli necessitas.

§. X: Disciplina, quae clericos omnes ad titulum ordinari, ordinatosque in designata ecclesia immorari praecipiebat, per XI. circiter saecula integra perduravit. Sed inde abrupti coepit nexus ecclesiam inter & clericos, passimque invaluerunt sine titulo ecclesiastico ordinationes: quae innovatio fieri coepit, postquam beneficia separata sunt ab ordinatione. Scilicet quando officia ecclesiastica certis redditibus donata, seorsim ab ordinatione conferebantur, sponte sua eveniebat, ut ordinati saepe tantum generalem sacrorum potestatem consequerentur, nullo certo loco affixam & determinatam. Quo antiqua staret disciplina necesse erat, tot ordinari clericos, quot erant beneficia. At his terminis non flecterunt episcopi & ambitione eorum, qui clerici fieri cupiebant, & studio dilatandae propriae jurisdictionis. Ergo passim circa saeculum XII. sine ecclesia ordinati sunt non minus clerici minores, quam maiores. In tanta disciplinae remiss-

(a) *Simplic. papa epist. III. ad Florent, Gelas. epist. I. al. IX. ad episc. Lucaniae cap. XXVII., conc. Bracar. I. can. XXV.*

missione tituli necessitatem identidem renovavit ecclesia, sed ei legi praecipue diaconos & presbyteros subiecit, exstatque in hanc sententiam decretum concilii Lateranensis sub Alexandro III. ubi ita decernitur, *Episcopus si aliquem sine certo titulo, de quo necessaria vitae percipiat, in diaconum vel presbyterum ordinaverit; tamdiu ei necessaria vitae subministret, donec in aliqua ecclesia ei convenientia stipendia militiae clericalis assignet. Nisi talis ordinatus de sua, vel paterna hereditate subsidium vitae possit habere (a)*. Forte patres non curarunt de titulis ordinum minorum, quod eorum officia non amplius vgebant. Sed inde tituli necessitas extensa est ad hypodiaconos, qui jam inter majores ordines censebantur, quod primum in concilio Londinensi an. ccccc. factum videtur (b).

Ordinatio ad titulum patrimonii.

§. XI. Jam vero non diu post concilium Lateranense necessitas tituli etiam in ordinibus majoribus remissa est, occasione tituli *patrimonii* de novo inducti, qui permittit clericos ordinari, quo casu ipsi satis habent ad vitam sustentandam. Coepit nevitae disciplinae ex male intellecto mox relato canone Lateranensi. Ea fuit ejus mens, ut episcopi, qui sine titulo ordinaverant, diaconos & presbyteros alerent, quousque illis conferrent beneficium, extra quam si ordinati de suo haberent, unde viverent. Haec exceptio tantum onere alendi liberabat episcopos, quo casu bonis instructi essent ordinati, *Inst. jur. can. T. II.* R non

(a) Cap. IV. ex. de praebend. (b) Conc. Londin. can. VI.

non potestatem ordinandi patrimonio divites faciebat. At mentem canonis minime adsequentes ejus aetatis interpretes, inde concluderunt, posse episcopos etiam sine beneficio ordinare, modo ordinandi ipsi divites essent. Juvit hanc opinionem ipse canon IV. Chalcedonensis ex versione, quae exstat apud Gratianum (a), *Neminem absolute ordinari . . . Nisi in ecclesia civitatis, sive possessionis*. Nempe nomine *possessionis* intellexerunt patrimonium, quum tamen possessio eo loci, ut etiam apud bonos auctores (b), vicum, sive pagum significat; *κωμὴ* enim, cui respondet *possessio*, in canone Graeco vicum denotat, opponiturque civitati. Mala interpretatio statim in usum versa; episcopi pro arbitrio vel ad ecclesiae, vel ad patrimonii titulum coeperunt ordinare, eamque tituli indifferentiam canones admiserunt (c). Ita solutus nexus ecclesias inter & clericos, clericorumque vagantium & inertium frequentia innumerabilis emerfit: & exinde titulus ordinationis, qui antea denotabat ecclesiam, cui clerici perpetuum deservirent, acceptus fuit pro redditibus, unde honeste alerentur ordinandi (d).

Decreta Tridentini de titulis ordinationis.

§. XII. In comitiis tandem Tridentinis tantis incommodis obviam itum est, & reparata ecclesiastica disciplina. Et quidem statuerunt ii patres, neminem saecularem clericum ad sacros or-

(a) Can. I. D. 70. (b) *Festus v. possessio*, L. 1. C. de episc. & cleric. (c) Cap. XXIII. ex. de praebend., Thomass. par. II. lib. 1. cap. 9. n. 5. (d) *Espen. par. II. tit. 9. cap. 6. n. 11.*

ordines deinceps promoveri, nisi ecclesiasticum habeat beneficium ad vitam sufficiens, illudque ordinatorum resignare non posse, nisi eo expresso, quod titulus erat sacrae ordinationis, resignationemque nullam esse, nisi aliunde resignantibus sit ad vitam satis; patrimonium vero vel pensionem habentes non ordinari, nisi quos episcopus *pro necessitate ac commoditate ecclesiarum* iudicaverit assumendos, eo addito, ut patrimonium, vel pensio sint sufficientia, nec possint alienari, nisi tantumdem patrimonii, aut beneficii adquiratur (a). Spectabat hoc decretum potius ad clericorum sustentationem, quam ad locales ordinationes. Ergo inde renovato can. VI. Chalcedonensi, generaliter statuerunt, neminem deinceps ordinari, qui certe ecclesiae non adscribatur, ut muneribus fungatur suis, ne instabilis & incertus vagetur (b). Itaque omnes clerici majores minores adscribi ecclesiis debent; sed minoribus clericis tituli necessitas non est imposita, satisque habuerunt patres, eis assignari stipendia ex aliqua parte reddituum simplicium beneficiorum, vel fabricae ecclesiae (c). Nempe novo jure non simplex ad ecclesiam deputatio titulum facit, sed beneficium; aut patrimonium. Satis erant haec decreta ad disciplinam aliquatenus sustinendam; at episcopi faciles iudices in aestimanda necessitate, aut utilitate ecclesiarum, plures ordinarunt, quam servitium earum postulabat. Ergo iterum redierunt abusus, quibus

R 2

pa-

(a) *Trid. sess. XXI. de ref. cap. 2.* (b) *Trid. sess. XXIII. de ref. cap. 16.* (c) *Trid. loc. cit. cap. 17.*

facta conventa inter Benedictum XIV. & Carolum Borbonium olim regem nostrum quaesiverunt medicinam. Etenim placuit ad titulum beneficii omnes attonderi in clericos, tantumque in vera necessitate & ecclesiae utilitate posse episcopos patrimonio aliquem ad tonsuram promoveri (a).


✠ *Sacrorum Canonum, ac praesertim laudatae Tridentini Concilii constitutioni inhaerentes nostri Principes de reali, ac legitimo Beneficii, vel Patrimonii titulo clericis majoribus constituendo solliciti semper fuere. Prae caeteris autem laudanda provida cura invictissimi Caroli III., qui encyclicis litteris anno 1754. non minus pie, quam sapientissime sanxit, ut episcopi in constituenda clericis ad sacros ordines promovendis congrua, inspiciant num tituli beneficiorum vel patrimoniorum veri sint, & subsistentes, ac iis honeste sustentandis sufficient; nec tales adsignationes admitti voluit ab Episcopis nisi jurejurando quaecumque fraudis suspicio fuerit purgata.*

Portio autem patrimonialis juxta synodalem taxam statuitur unciarum nempe 12. pro plebeis, ac 30. pro nobilibus Tom. 6. Sanct. Sic. Pro hac bonorum summa immunitate a publicis vectigalibus clericos frui ibidem decernitur. Quod vero ultra praedictam taxam clericis debetur etiam sub patrimonii titulo nulla prorsus exemptione gaudet. Quinimmo cum ad publica opera declinanda consuetudo quaedam irrepsisset, bona nempe alicujus familiae clericis ad titulum patrimonii adsignandi, laudatus Monarcha edixit, ut bona patrimonialia
cle-

(a) Concord. cap. IV. n. 1. & 3.

clericis addicta per consanguineos primi, & secundi ordinis, excepta portione ipsis debita, veluti simulata habeantur, publicisque oneribus subdita; quae vero clericis adsignantur per consanguineos ultra secundum gradum, aut per affines, vel per extraneos ut fictitia reputanda, omnique reali immunitate destituta sint: & simulatione detecta Episcopi clericos ab ordinum exercitio suspendant: Regio Dipl. anno 1736., alioque Ferdinandi anno 1774. Verum de exemptione bonorum quae a clericis possidentur vel patrimonii, vel haereditario titulo opportunior erit dicendi locus Tom. 4. Instit. ad tit. de Immunitate a tributis ecclesiarum bonis, & clericis concessa.

In Siculis Sanctionibus Tom. 6. pag. 26. extat Pragmatica Sanctio Petri de Castro Regis nomine edita, qua nonnulla praescribuntur requisita in sacrorum ministrorum promotione juxta recte servanda. Horum (1.) est: Constituto legitimo, ac subsistenti beneficiorum, vel patrimonii titulo, non alios ad sacros ordines admittendos, quam qui ecclesiae, ac populi utilitati idonei existimantur. (2.) Neminem ad tonsuram vel minores ordines promoveri debere, quamdiu laicalibus officiis fuerit implicatus. Praelatis autem incumbere juxta sacrorum canonum mentem clericos ecclesiae ministerio mancipare. (3.) Si qui a minoribus ad sacros ordines promovendi fuerint, testimonium bonae vitae ac morum, episcopo praesentare debeant, nec non laicalis Magistratus fidem de sedula ecclesiasticis officiis praestita diligentia. (4.) Poenis canonicis subiecti declarantur, qui patrimonii summam juxta synodalia constitutionum praescriptum sibi non constituerint. (5.) Immunitate a publicis

vestigalibus privari eos quos ecclesiae famulatui addictos fuisse minime constet, publico paroeciarum sacerdotis testimonio. 

Poenae ordinationum sine titulo.

§. XIII. Videamus modo; qua poena puniuntur absolutae ordinationes. Statuit synodus Chalcedonensis, eos, qui absolute ordinantur, *ἀκυρῶς* habere manuum impositionem, hoc est *irritam* ac *vacuam* (a). Consonant Leo M. & Urbanus II., quorum ille *vanas*, hic vero *irritas* sine titulo ordinationes pronunciavit (b). *Irrita* autem & *vacua* in veteri disciplina videtur fuisse ordinatio, quae nulla esset ab initio, ut Zonaras & Balsamon interpretantur, agnoscuntque etiam Franc. Florens (c), & Espenius (d): quamvis post saeculum XII. coeperunt Latini irritas & vacuas ordinationes sic interpretari, quae vacuae essent effectu & usu, non quae ab initio non consistere. At jure decretalium nec effectu vacuae pronunciantur absolutae ordinationes, sed tantum coguntur episcopi alere majores clericos absolute ordinatos, qui de suo non habent, unde vivant (e). Tridentini patres *antiquorum canonum poenas* renovarunt (f): quibus verbis eos ad jus decretalium spectasse, non ad canones antiquos sacra congregatio declaravit (g). Quo
jure

(a) *Conc. Chalc. can. VI.* (b) *Leo M. epist. XCII. ad Rustic., Urbanus II. can. II. D. 70.*

(c) *Traët. de praeb. & dignit.* (d) *Coment. ad can. VI. Chalced. post edit.* (e) *Cap. IV. ex. de praebend.* (f) *Ses. XXI. de ref. cap. 2.*

(g) *Ap. Fagnan. ad cap. cum secundum apostolicum ex. de praebend. n. 63.*

jure abrogata per Clementem VIII. bulla Sixti V. qua sine titulo ordinati ipso facto suspendebantur, nunc utimur. Sed si clerici per fraudem falsum titulum obtrudant, eoque ordinentur, tunc ordinati ab ordinibus susceptis suspenduntur: quod multis probat Fagnanus, qui refert ita etiam sacram congregationem respondisse (a).

Origo episcoporum titularium.

§. XIV. Jam vero absolutae ordinationes, quae posterioribus saeculis tot erronee pepererunt clericos, etiam in episcopis coeperunt usurpari, atque ita nati episcopi *titulares*, qui ordinantur ad titulum ecclesiae, cui nec intendunt, nec possunt deservire. Unde dicti *titulares* non quia ecclesiis intitulantur, eisque deserviunt, sed quia nudum ad titulum nomenque ab ecclesiis mutuuntur, vel potius dicuntur *titulares*, ut lucus a luce derivatur. IncurSIONIBUS infidelium, qui a saeculo sexto plures in Oriente & Occidente christianas occuparunt civitates, episcopi sedibus dejecti sunt suis: perdurante adhuc infidelium dominatione, denatis ejectis episcopis, novi creati sunt, qui interim vel aliis ecclesiis praeficiebantur, vel auxilio erant aliis episcopis, ne muneris pastoralis omnino expertes essent. Sic Lissitana civitate ab hostibus capta, Joannem ejus episcopum Scyllantinae ecclesiae interim Gregorius M. praeposuit (b). Et tempore dominatus Maurorum episcopi Hispani Oveti morabantur, loci episcopo in auxilium accedentes, & inde factum, ut Ovetum *civitas* diceretur
epi-

(a) Fagnan. loc. cit. n. 68. (b) Can. XLII. C. 7. q. 1.

episcoporum, quod tradit Mariana (a), Spes, quae non exigua pellucebat, deperditas urbes recuperandi, & christiani in captis urbibus reliqui qui commonstrato pastore erant recreandi, iustas suppeditarunt indulgentiae causas ad novos episcopos sufficiendos: & reipsa ex indulgentia Trullana synodus episcopis, quibus injuria infidelium aditus ad ecclesias suas non patebat, honorem, gradum & administrationem sustinuit (b). Pia haec ecclesiae consilia subinde effectu non caruerunt: etenim Cyprus a Sarracenis recuperata, & Hispania, ejectis Mauris, pastores receperunt suos. Ex iisdem principiis postquam Latini sacris expeditionibus occupatas Orientales civitates relinquere coacti sunt, perrexerunt etiam novos episcopos Latinos creare, quamvis eae civitates suos Graecos haberent episcopos. Spes nempe adhuc Latinis erat iterum deperditis urbibus & imperio Graeco potiundi, & multi Latinorum adhuc ex iis ecclesiis supererant. Sed inde lapsa omnino spe deperditas urbes recuperandi, in nudum episcopi nomen, etiam pro iis urbibus, qui populo christiano carebant, Latini episcopos crearunt, tantum ad personas decorandas; nam alioquin certum erat, ob linguae ignorantiam aliaque adjuncta ordinatos episcopos gregis sibi commissi curam numquam esse suscepturos. Ambitu hominum, qui ex religione quaestum faciunt, brevi creverunt numero umbratiles episcopi, & praesertim mendicantes, ad habitum

re-

(a) Mariana lib. VII. cap. 18. (b) Conc. Trull. can. XXXVII.

religionis excutiendum ad tantum nomen convolarunt (a).

Episcopi titulares graves ecclesiae.

§. XV. Sic invaluerunt absolutae episcoporum ordinationes, quae & sacris canonibus adversantur, & graves fuerunt ecclesiae. Etenim tales nomine tenus episcopi nullo loco affixi, nullisque redditibus donati ecclesias instabiles circumibant, aliena usurpantes jura, & quaestum ex ordinatione facientes, multique etiam aliis episcopis deservire coacti sunt. Unde turbata ecclesiastica disciplina, & proprii pastores magis otio deinceps indulserunt, tantumdem reputantes, num per se, an vicaria alterius opera pastoralis officio defungerentur. Et postquam Tridentini patres antiquam renovarunt disciplinam, ne episcopi in alienis paroeciis, proprio episcopo invito, explicarent pontificalia; in loco nullius, aut monasterio exempto episcopi titulares cathedram posuerunt (sic legi fraudem facientes), & quoscumque obvios contra apostolum cito ordinabant (b): quo facto, praeter alia incommoda, ministris inutilibus gravabant ecclesiam, Ergo optimi quique episcoporum in concilio Tridentino in nomine tenus episcopos declamarunt, eosque, tamquam ecclesiae graves, amplius esse non debere magnis animis petierunt (c). Sed synodus abusus emendasse contenta, eos esse passa est. Vetuit nempe ne episcopi titulares in loco nullius, vel monasterio exempto cathedras

Inst. jur. can. T. II.

S

dras

(a) *Espen. par. I. tit. 15. cap. 3. n. 17.* (b) *Trident. sess. XIV. de ref. cap. 2.* (c) *Pallavic. hist. conc. Trid. lib. XXVI. cap. 16.*

dras erigerent, & quoscumque ad se venientes ordinarent, suspensis alioquin episcopis ipsis in annum ab episcopalibus functionibus, & ad arbitrium proprii episcopi ab usu ordinum susceptorum suspensis ordinatis (a). Interim adserere non dubitat Fagnanus (b), *Creare episcopos titulares sine rationabili causa, & eo tantum fine, ut ea dignitate alicujus persona qualificetur, seu decoretur, abusionis est.*

C A P U T XXVIII.

De episcoporum translationibus & renuntiationibus.

Translationes episcoporum olim generaliter vetitae.

§. I. **S**ancta & individua esse debet episcopi & clericorum omnium cum ecclesia sua conjunctio, nec quavis ratione facile solubilis. Unde episcopi & clerici semel ecclesiis adscripti, eas relinquere vetantur, & ad alias transire. Et sane propter tumultum & seditiones Nicaeni patres edixerunt, *ut de civitate in civitatem non episcopus, non presbyter, non diaconus transferatur* (c): quam eandem regulam alii canones propenunt, praesertim vero Antiocheni & Sardicenses, quorum illi *nec sponte sua, nec vi coactum*

(a) *Trid. loc. cit.* (b) *Ad cap. ex parte ex. de cleric. non resident. n. 48.* (c) *Conc. Nicaen., can. XV.*

Etum a populis, nec episcoporum comprovincialium suasu & auctoritate ad aliam ecclesiam episcopum transire permittunt, sed unumquemque manere iubent in ecclesia, quam primitus a Deo sortitus est (a); isti vero etiam eam reiiciunt exceptionem, qua quis populi litteras afferat; quibus se postulatum adfirmet (b). Nullus certe adhuc inventus est, qui de civitate majori ad minorem transferri postulavit, quemadmodum ipsi observant patres Sardicenses; ut hinc merito concludendum, ambitione inflammari eos episcopos, qui sedem mutare appetunt. Fixa haec antiqua regula cordi erat Eusebio Caesareensi, qui Antiochenam, ad quam vocatus erat, refutavit ecclesiam; quo nomine tamquam apostolicae & ecclesiasticae regulae servatorem eum Constantinus M. commendavit (c). Per plura saecula, si usquam alias, Romae inauditae fuerunt translationes, ubi primum ejus rei exemplum dedit Formosus, ab ecclesia Portuensi translatus in Romanam.

Sed inde ad ecclesiae utilitatem permissae.

§. II. Absolute nullaue admissa exceptione, mox memorati alique canones vetare videntur translationes. Et intendendus quidem quarto saeculo erat disciplinae rigor ad emendandum, ab usum translationum, qui opera praesertim Ariatorum, ambitione, avaritia & studio suarum partium augendarum ecclesias facile mutantium, irrepsit. Sed inde ad ecclesiae utilitatem trans-

S 2

la-

(a) *Conc. Antioch. can. XXI.* (b) *Con. Sardic. can. 1. & IV.* (c) *Apud Euseb. lib. III. de vit. Constant. cap. 6. edit. Vales.*

lationes ecclesia admisit; generalemque prohibitionem ad eas species arctavit; quibus ab avaritia & ambitione clerici transferuntur: quam disciplinam canones concilii Carthaginensis IV. diserte proponunt (a). Ad rem Pelagius II., *Nan mutat sedem, qui non mutat mentem, id est, qui non causa avaritiae, aut dominationis, aut propriae voluntatis, vel suae delectationis migrat de civitate in civitatem, sed causa necessitatis, aut utilitatis mutatur* (b). Ipsi Nicaeni patres Eustathium, episcopum Beroeae, ad sedem Antiochenam transfulerunt; ut Pagius ex antiquis monumentis observavit (c): ut hinc intelligamus, canonem Nicaenum praecipue damnae translationes ad propriam factas utilitatem. Antiqua quoque ecclesiae praxis, quae sexcenta exhibet exempla episcoporum in synodis translatorum (d), diserte evincit, cum restrictione, qua tantum ambiciosae translationes vetarentur, prohibitionem translationum plerosque patres accepisse. Et ita restituti pristini mores ante ipsum concilium Nicaenum usurpati, quibus ex iustis causis episcopi mutabant ecclesias (e).

Poenā contra episcoporum translationes.

§. III. Peraetas translationes Nicaeni patres; translatis episcopis & clericis in suas ecclesias restitutis, resciderunt (f); at patres Sardicenses ulterius procedunt, & ne laica quidem commu-

nio-

(a) *Conc. Carth. IV. can. XXVII.* (b) *Can. XXXV. C. 7. q. 1.* (c) *Pagius critic. in Baron. ad CCCXXIV.* (d) *Socrat. lib. VII. cap. 36. Bevereg. in can. apost. XIV.* (e) *Can. apost. XIV.*

(f) *Conc. Nicaen. can. XV.*

nione in fine translatos episcopos donari voluerunt (a). *Laica communio*, qua subinde clericorum crimina vindicabantur, eos ad sortem laicorum veluti reducebat, & deinceps tamquam laicos in ecclesiae admittebat communionem. Unde translati episcopi in fine etiam laica communionem privati, nec in morte ecclesiae paci restituebantur. Et ita facinus translationis inter crimina relatum, quibus etiam in morte absolutionem antiqua denegabat disciplina. Adeo nempe, praesertim Arianorum opera, creverat abusus translationum, ut severissima poena eum estirpare patres voluerint Sardicenses. Saeculo exeunte nono haec poena in Romana adhuc stabat ecclesia, quod constat ex historia Formosi papae de ecclesia Portuensi in Romanam translatis. Scilicet Formosum eo nomine e sepulcro erutum & degradatum Stephanus VII. in Tiberim projecit: qua infanda barbarie odio potius privato, quam canonibus satisfecit Sardicensibus: Formosus enim potius ex ecclesiae necessitate, quam ambitione in ecclesiam Romanam videtur translatus. Sed inde denegata in fine translatis episcopis laica communio defuevit. Et hinc Raymundus decretalibus interpolatum inseruit canonem II. Sardicensem hisce additis verbis, *nisi de hoc poenituerit* (b): quo ipso dum sui temporis disciplinae canones Sardicenses aptare voluerit, ineptam iis tribuerit sententiam.

Ces-

(a) *Conc. Sardic. can. I., & II.* (b) *Cap. II. ex. de elect.*

Cessiones episcopatum interdictae.

§. IV. Porro episcopi, non minus quam reliqui clerici, vetantur proprio arbitrio deponere pontificatum, & vitam deinceps agere privatam. Nexus ecclesias inter & episcopos in ordinatione contractus natura sua erat perpetuus, nec tam commodum episcoporum, quam ecclesiae salutem spectabat. Secesserunt nonnulli sancti episcopi in desertum, veluti Narcissus Hierosolymitanus (a), at in hoc non sunt imitandi. Et vero omnes voluntarias episcopatum cessiones Cyrillus Alexandrinus damnat (b), recteque judicat, dignos episcopos, ecclesiis suis perpetuum desigendos, indignos vero judicio canonico deponendos. Interim regula vetans episcopatum abdicationes, eas tantum apprehendit, quae privatis decernuntur utilitatibus: nam in ecclesiae salutem recte episcopatus deponuntur. Etenim regula, quae localem episcopum facit, regulae potentiori de salute ecclesiae famulatur. *Longe est gloriosius*, inquit Augustinus (c), *episcopatus sarcinam, propter ecclesiae vitanda pericula deposuisse, quam propter regenda gubernacula suscepisse.*

Legitimae renunciandi episcopatus causae.

§. V. Sex autem canonicas cessionis episcopatus causas Innocentius III. recenset (d), in quibus omnibus una viget utilitas ecclesiae. Prima est conscientia criminis gravioris, cui illigata est irregularitas, quae ne per poenitentiam quidem expietur: qua in re sui temporis disciplinam

(a) *Euseb. lib. VI. cap. 9.* (b) *Epist. ad Romanum.* (c) *Epist. CCXXXVIII.* (d) *Cap. X. ex de renuntiat.*

nam Innocentius III. expressit; nam antiquorum patrum regulis conscientia cujusque gravioris criminis ad episcopatus abdicationem impellebat; nec satis erat poenitentia crimen expiari (a). Altera est corporis aegritudo senio vel morbis infecta, quae pastoralium functionum impediatur executionem. Non tamen coguntur corpore debiles ad renuntiandum, sed eis potius dandus coadjutor, etiam ubi spes nulla subest curationis, quod ex Gregorio M. constat (b). Tertia est scientiae inopia in episcopis necessaria. Quarta est contumacia gregis, qui ex propria malitia alienatus a pastore, nec eum audit admonentem, & turbis & factionibus delectatur, quo nomine Martyrius ecclesiae Antiochenae olim renuntiavit (c). Quinta est reparatio scandali occasione episcopi suborti, quod alias nequit reparari. Et ita olim Gregorius Nanzianzenus audiens contra ipsum, tamquam peregrinum, populum tumultuari & murmurare, pontificatum dimisit Constantinopolitanum (d). Sexta est irregularitas, puta quod episcopus sit digamus, vel viduae maritus, nam si defectum natalium patiatur, non est sinendus ecclesia sua abire, praesertim si antea vitae innocentiae indulgentiae locum faciat. Septima ab Innocentio omissa est studium procurandae pacis & communionis ecclesiasticae, quae internis scinditur diffidiis, cuius rei memorabile exemplum olim

exhi-

(a) Thomass. par. II. lib. 2. cap. 54. n. 10.

(b) Can. I. seqq. C. 7. q. 1. (c) Theodor. Lect. lib. 1. (d) Nanzianz. orat. XXXII. Theod. lib. 5. cap. 8. Socr. lib. 5. cap. 7.

exhibuerunt episcopi Africani, qui sub initium collationis ad tollendum schisma Donatistarum ipsis obtulerunt, ut qua in civitate duo erant episcopi, catholicus unus, alter Donatista, ambo episcopatu abirent, & novum eligi paterentur (a).

Cessiones episcopatus in favorem interdictae.

§. VI. Interim vero ex canonicis causis admissae episcopatum cessiones, simplices & purae esse debent, non in alicujus certae personae gratiam & favorem conceptae. Vetant certe canones, ne episcopi sibi deligant successores (b); officia enim ecclesiastica ejus generis non sunt, ut qui ea tenent, pro lubitu disponere possint. *Propinquis agrorum & praediorum relinquatur hereditas*, inquit Origines (c), *gubernatio populi illi tradatur, quem Deus elegerit*. Itaque in casu, quo admittuntur cessiones, illaesa esse debet canonica eligendi libertas, quod exempla omnia docent, in quibus olim ecclesia resignationes episcoporum admisit. Et patres Antiocheni eo ipso quo vetant, ne episcopi sibi adsciscant successores, jus ecclesiasticum servari volunt, quo jubetur, episcopum cum synodo & judicio episcoporum constitui (d). Ceterum non videtur optimis episcopis, qui pro bono ecclesiae abeunt episcopatu, denegatum legitimis superioribus demonstrare, quem ad ecclesiam gubernandam judicant aptiorem: qua in re similes sunt sanctissimis primorum saeculorum episcopis, qui ad evitan-

(a) *Collat. Carthag. die I. cap. 16.* (b) *Conc. Antioch. can. XXIII.* (c) *In Numer. hom. XXII.* (d) *Conc. Antioch. can. cit.*

tandas turbas in electionibus olim fieri solitas, saepae futurum episcopum ecclesiae commostrant, & aliquando ipsi adhuc viventes sibi curant dari successores (a). Utinam vero posterioribus praesertim saeculis episcopi semper lex canonicis causis episcopatibus abiissent, & abeuntes in favorem personarum eos non resignassent!

Cujus auctoritate fiunt translationes & cessiones episcoporum.

§. VII Jam cessiones & translationes episcoporum antiqua stante disciplina judicio synodorum provincialium fiebant, ubi causis expensis, prout ecclesiae salus postulabat, vel admittebantur, vel denegabantur. Speciatim vero in translationibus praecedere debebat ecclesiae canonica electio, & principum assensus etiam necessarius habebatur (b). Ipsae falsae decretales sub nomine Anteri docent, episcoporum esse, quoties utilitas & necessitas coegerit, episcopos transferre. Verum saeculo decimo mutari coepit disciplina, sensimque inductum, ut cessiones & translationes episcoporum sola pontificum auctoritate decernerentur. Falsae decretales, quae concilia provincialia sine assensu pontificis haberi non patiebantur, & metropolitae aut ab ecclesiis suis absentes, aut officio minus recte fungentes, cessiones & translationes episcoporum longo usu pontifici videntur reservasse. Nova disciplina tempore Gratiani satis erat confirmata, Et hinc fictam Anteri decretalem, quae episcopos

Instit.jur.can. T.II. T po-

(a) *V. sup. cap. XXI. §. 6.* (b) *Thomass. par. II. lib. 2. cap. 2. n. 3. seqq.*

porum transferendorum potestatem episcopis integram relinquit, cum hac lacinia in decretum transtulit suum, *non tamen sine sacrosanctae sedis Romanae auctoritate & licentia* (a), quod ipsi adnotant Romani correctores. Novo huic juri vim addidit Innocentius III. duabus praetertim decretalibus, quibus jure divino depositiones, cessiones & translationes episcoporum pontifici reservatas contendit (b), idque quia ex antiquitate & decretis patrum constat, Christum sibi & vicariis suis speciali privilegio episcopos transferendi reservasse potestatem, & quod ecclesiam inter & episcopum sit spirituale conjugium, divina tantum auctoritate, qua in terris funguntur pontifices, non secus ac carnale, dissolvendum. Benigna interpretatione rationes istas Innocentianas oportet emollire: nam ex antiquitate non constat, pontificibus depositiones, cessiones & translationes episcoporum esse reservatas: & porro si a carnali conjugio de spiritali inter episcopum & ecclesiam judicandum, vix est, ut pontificis auctoritate decerni possint cessiones & translationes episcoporum; nullo enim tempore vel ecclesia, vel pontifices jure connubium carnale ratum & consummatum irritarunt (c). Nec fere veteres a vinculo spiritalis conjugii translationum prohibitionem repetebant, sed potius ab avaritia & ambitione episcoporum, qui sedes ditiores & ampliores appetebant (d).

CA-

(a) *Can. XXXIV. C. 7. q. 1.* (b) *Cap. II. & III. ex. de transl. episc.* (c) *Confer. Espen. par. I. tit. 15. cap. 4. n. 18.* (d) *Conc. Sardic. cau. II.*

CAPUT XXIX.

De ordinationibus invalidis.

*Defectu conditionum juris divini nulla est
ordinatio.*

§. I. **I**N ordinationis sacrae ritu, ut & in reliquis sacramentis, quaedam divinae institutioni debentur, alia vero ab ecclesia inducta sunt, ut rectus ordo servetur, & eo melius & augustius sacer ritus explicetur. Ita divinae institutionis est, ut ordinans ordinandi sit donatus potestate, ut ordinatus capax sit ordinationis, & ut caeremonia per manuum impositionem, & ei respondentem vocis imprecationem compleatur. Uno eorum; quae divini juris sunt, omisso, ordinationem vitiari, & omnino nullam esse, in compertis est; deficeret enim ita propria & naturalis rei sacrae constitutio. Et mira profecto est ordinatio Gregorii Thaumaturgi, quem ad evitandam ordinationem absentem Phaedimus, ecclesiae Amasaeensium episcopus, solis precibus sine manuum impositione Neocaesariensem episcopum creavit, & nihilominus postea ille munus suscepit, ut Gregorius Nyssenus narrat (a). Sed probabile est, inde Thaumaturgum divinae vocationi cessisse, & usitato ecclesiae ritu fuisse consecratum, quae Cavei est conjectura (b), divinae institutioni & ecclesiae moribus conformis. Et si Innocentius III. & Gre-

T 2

go-

(a) *Vit. Gregor. Thaum.* (b) *Hist. litter. vol. I.*

gorius IX. docent, non iterandam esse ordinationem, si desit manuum impositio, *sed caute, suppleendum, quod incaute fuerat praetermissum* (a); non eorum mens fuit, validam esse sine impositione manuum ordinationem, sed potius voluisse videntur, accessorias caeremonias rite adhibitas non esse iterandas, quando omissa adhibetur manuum impositio; & e contrario necessarios ritus non repeti, dum omissi minus necessarii ritus adhibentur.

Sententia Morini, quae ordinationes contra canones nullas facit, ex canonibus probatur.

§. II. Sed an etiam ea, quae tamquam cumulus ecclesiae auctoritate accesserunt ordinationi, ita ad vim ejus pertineant, ut iis praetermissis ordinatio invalida habeatur, res satis est perplexa & intricata. Primi scholastici mire abierunt in diversa; eamque quaestionem magister sententiarum *perplexam ac paene insolubilem* appellat (b). Ex modernioribus eruditis Jo: Morinus magno argumentorum apparatu ordinationes contra canones celebratas omnino irritas & nullas in veteri disciplina fuisse contendit (c): quam eandem opinionem Florens (d), Espenius (e) alique viri docti, quibus Zonaras & Balsamon praeluserunt, admittunt; Contra Hal-

lic-

(a) *Cap. I. & II. ex. de sacram. non iterandis.*

(b) *Magist. lib. 4. dist. 25.* (c) *Morin. de SS. ordinat. par. III. exercit. V.* (d) *Florens tract. de praebend. & dignit.* (e) *Espen. not. in can. VI. Chalced.*

lierius (a), Christianus Lupus (b) & passim alii etiam in veteri disciplina tales ordinationes validas, sed illicitas & effectū vacuas fuisse adfirmant. Paucis utriusque sententiae praecipua fundamenta referam. Primae opinioni praesidium arcessunt a canonibus, patribus & praxi ecclesiae, quae ordinationes contra canones celebratas passim iteravit. Et canones Nicaeni & Sardicenses ordinationes ab alienis episcopis peractas (c), Antiocheni ordinationes in alienis paroeciis (d), & Chalcedonenses (e) ordinationes absolutas *ἀνυπὸς* irritas pronuntiant. Canones itidem Nicaeni episcopum sine scientia metropolitae ordinatum *episcopum non esse* decernunt (f). Et, ut multa alia mittam, canones Constantinopolitani Maximi Cynici intrusi sic transfigunt ordinationem, ut diserte eam ab initio nullam pronuntiare videantur, asserunt enim *neque Maximum episcopum esse, vel fuisse, nec eos, qui ab ipso in quolibet gradu clerici sunt ordinati* (g). Hae omnes dicendi formulae non meram muneris interdictionem, sed quid amplius videntur sonare, nempe ordinationes ab initio nullas & irritas fuisse reputatas. Formula enim *episcopum non esse, vel fuisse* vim ipsam ordinationis videtur afficere, & ordinationem *ἀνυπὸς* Zonaras, Balsamon & Harmenopolus ab initio nul-

(a) Hallier. de sacr. elect. & ordin. par. III. sect. 5. cap. 5. (b) Diss. de Simon. crimine cap. 16. seq. (c) Conc. Nicaen. can. XVI. con-Sard. can. XV. (d) Conc. Antioch. can. XXII.

(e) Conc. Chalced. can. VI. (f) Conc. Nicaen. can. IV. (g) Conc. Constant. can. III.

nullam interpretantur: consentiuntque Latini, qui ordinationes absolutas *vanas, inanes & irritas* pronuntiant (a).

Eadem sententia ex patribus probatur.

§. III. Sacris canonibus addunt ecclesiae patres, in primis Romanos pontifices, qui ab initio nullas facere videntur ab haereticis, schismaticis, excommunicatis, simoniaciis & intrusis episcopis celebratas ordinationes. Principio Innocentius I. de ordinatis a Bonoso haeretico ejusque affectis scribit, eos damnationem non honorem accepisse, quia nihil in dantibus erat, quod illi poterant accipere: cujus sententiae etiam erant Rufus aliique Macedoniae episcopi (b). Et Gregorius M. se *consecrationem nullo modo dicere posse* profitetur, quae ab excommunicatis hominibus est celebrata (c). Fortius transigunt patres simoniacas ordinationes. Adfirmat Ambrosius, episcopos simoniacos manibus impositis *lepram* dare (d): & Leo M. non spiritum sanctum, quem non habent, sed *spiritum mendacii* tribuere (e). Et secundum Gregorium M. qui sacrum ordinem mercari studet, *sacerdos non est, sed dici tantummodo inaniter concupiscit* (f). Generatim vero Damasius papa; seu quisquis sit auctor epistolae de chorepiscopis ad omnes episcopos, de illicitis ordinationibus scribit (g): *Reiterari necesse est, quod legitime actum, aut*

col-

(a) Leo M. ep. XCII. ad Rust. cap. 1. , can. II. D. 70. (b) Can. XVIII. Cap. 1. q. 1. (c) Can. I. Cap. 9. q. 1. (d) Can. XIV. C. 1. q. 1.

(e) Can. 1. eod. (f) Can. II. eod. (g) Can. XXV. C. 1. q. 7.

latum minime probatur; nam quomodo honorem possit retinere, qui ab illo acceperit, qui potestatem dare legitime non habuit, invenire non possum. Et Urbanus II. sacramenta ab haereticis & schismaticis collata, praeter baptismum, quem validum dicit, secundum sanctorum patrum traditionem formam quidem sacramentorum, non autem virtutis effectum habere profitetur (a), hoc est externam tantum sacramentorum imaginem praeferre, interna vero vi omnino destitui: quam esse hujus loci sententiam baptismi oppositio satis superque manifestat.

Et demum probatur ab ecclesiae praxi.

§. IV. Ab ecclesiae demum praxi, quae ordinationes contra canones resacrabat. probant, antiquam ecclesiam nullas habuisse contra canones celebratas ordinationes. Unus ex canonibus apostolicis presbyterum & diaconum reordinari vetans, hanc addit exceptionem, nisi utique confiterit, quod ab haereticis ordinationem habeat (b). Et de ordinatis in Aegypto a Meletio episcopo schismatico statuit concilium Nicaenum, ut ad nullum in ecclesia catholica ministerium admittantur, nisi prius *μυστικώτερα χριστιανικά βεβαιωθέντες*. sanctiore ordinatione confirmati (c): quae sanctior ordinatio non manuum impositio fuit reconciliatoria, sed vera ordinatio, quod recte Valesius & Dupinius observarunt (d): etenim Thodorus episcopus urbis Oxyrinchi, decreto Nicaeno morem

(a) *Epist. ad Petr. Pistoriens. & Rustic.* (b) *Can. apost. can. LXVII.* (c) *Epist. synod. apud Socrat. lib. I. cap. 9.* (d) *Vales. not. in Theodor. lib. I. cap. 9. Dupin. biblioth. cent. IV.*

rem gesturus, presbyteros Meletianos ad ecclesiam redeuntes iterum ordinabat. Similiter de presbyteris Arianis ad ecclesiam catholicam conversis statuit concilium Caesaraugustanum II. ut si probatae vitae fuerint, *accepta denuo benedictione presbyteri*, ad sacrum ministerium admittantur (a). Porro ab intruso pontifice Constantino, & a Formoso pontifice, quasi qui non secundum canones a Portuensi ecclesia transit in Romanam, ordinati secundam pro iisdem gradibus acceperunt ordinationem. Et teste Petro Damiano *nonus Leo papa plerosque simoniacos & male promotos tamquam noviter ordinavit* (b). In primis vero celebre est Urbani II. factum, qui Diambertum a Wecilone schismatico & simoniaco episcopo in diaconum benedictum reordinavit: quumque ea de re offensi essent Petrus Pistoriensis episcopus & Rusticus abbas Vallisumbrosae, auctoritate Damasi & Innocentii pontificum factum purgavit suum, addiditque, *Quod non reiterationem existimari censemus, sed tantum in integram diaconii dationem, quoniam Wecilo, qui nihil habuit, nihil dare potuit* (c). Fuerunt quidem in multis ex recensitis aliisque speciebus magna sententiarum divortia, dum alii validas asseriebant ordinationes, alii eas acriter impugnabant, & repetebant; sed, si vera observat Morinus, de facto non de jure erant controversiae. Conveniebant nempe irritas omnino esse contra canones habitas ordinationes, sed in

eo.

(a) *Conc. Caesaraugust. II. can. I.* (b) *Petr-Damian. in opusc. de suis actis ap. Mediolan.*

(c) *Can. XXIV. C. 1. q. 7.*

eo contendebant, num haec, aut illa ordinatio contra canones esset: stantibusque de facto controversiis, quae erant praejudiciales, in juris quaestione etiam non conveniebant, quod vario inniterentur fundamento, aliis ex. gr. jure, aliis contra canones Formosum translatum sententibus.

Contrariae sententiae rationes.

§. V, Nec minus firmis fundamentis sustinent Hallerius, Christianus Lupus alique ordinationes contra canones celebratas validas fuisse, sed dici a veteribus *irritas, vacuas, vanas*, non quod ab initio nullae essent, sed quod in poenam usu interdicerentur. In primis potestas dandorum ordinum spiritali adhaeret signaculo, quod semel in anima suscipientis per ordinationem relictum semper durat, nec haeresi, depositione aut quocumque alio crimine deperditur; ac ita quum spiritale ordinationis signaculum semper vigeat, necesse est, veros esse ordines, qui a malis ministris contra receptas regulas conferuntur. Certe hoc nomine Augustinus docet, episcopos ordinatos in schismate Donati veros esse episcopos, idque quia *invocatio nominis Dei super caput ipsorum, quando ordinantur episcopi, invocatio illa Dei est, non Donati* (a). Porro nec a fide & bonitate conferentis repetendus est valor & efficacia sacramentorum, sed ab ecclesiae fide, & praesertim a Christi insistentis & principaliter conferentis sanctitate & potestate, quae influit in sacramenta, & inde instar puri fluvii etiam per lapideos canales

V

(a) *August. serm. de gest. cum Emerito.*

nales derivatur (a). Antiquis quoque constat monumentis eos, qui illicita manuum impositione caput habebant vulneratum, ab ecclesia in suis honoribus sine nova ordinatione receptos. Ut ecce statuit concilium Ephesinum de Messalianis clericis, ut si ad ecclesiam redirent, damnatis in scriptis erroribus, in suis ordinibus recipiantur (b). Et in Africa admittebantur ordinationes Donatistarum, quo casu eorum clerici ad ecclesiae redirent unitatem: & ita in eodem gradu, quo fuerant apud Donatistas, in catholica recipiebantur ecclesia (c). Graviter quoque Gregorius M. Joannem Ravennatem admonuit, ne in Histris schismate ordinatos reordinaret, quod *qui consecratus est semel, in eodem ordine iterum non debet consecrari* (d). Et, ut alia multa mittam, synodus septima generalis Basilium Ancyrae, Theodorum Myron & Theodosium Amorii episcopum haeresim, quam docuerant, execrantes suis restituit ordinibus, quamvis in ea nati & ordinati fuissent (e).

Varia fuit disciplina de ordinationibus contra canones,

§. VI. Atque haec sunt adversantium partium momenta, quibus persuadere conantur, antiquam ecclesiam ordinationes contra canones celebratas vel omnino nullas ab initio reputasse, vel eas validas, sed effectu vacuas, habuisse: Vix est, ut ad alterutras partes concedere possimus, adeo manifesta utrimque proferuntur argu-

(a) *Can. XXX. C. 1. q. 1.* (b) *Conc. Ephes. aet. VII.* (c) *Cod. Afric. can. LXVIII.* (d) *Lib. II. ep. 32.* (e) *Conc. VII. aet. I.*

gumenta. Omnibus expensis illud videtur posse dici, antiquam ecclesiam pro varietate locorum, temporum, personarum variam fovisse disciplinam, quod ex ipsis canonibus constare potest. Sane canones Antiocheni ordinationes ab episcopis extra propriam paroeciam celebratas irritas pronuntiant (a); contra apostolici & ordinantes & ordinatos deponi jubent (b). Scilicet ad potestatem ordinandam & ad ordinem promovendum integrum ecclesiae esse patres reputabant, ordinationibus ceterisque sacramentis certas apponere condiciones, quae ad eorum pertinerent validitatem: quae sententia quamvis diserte apud antiquos non reperiatur, tamen ex eorum praxi aperte colligitur, & hodie inter doctores theologos & canonistas est communis. Condiciones istae integrantes ordinationibus additae virtutem indelebilis characteris, quae subiecta erat ecclesiae potestati, limitabant, eamque in certis casibus ab ecclesia expressis inefficacem reddebant; & porro virtutem a Christo sacramentis inditam non frustrabantur, nec institutis humanis addebant, sed potius ea faciebant angustiora, & methodum, qua in ecclesiae salutem cederent, praescribebant. Pendebat autem ab ecclesiae sapienti consilio statuere, quae condiciones irritarent, quae vero tantum illicitas redderent ordinationes: quinimmo integrantes additas condiciones ita moderari, ut quamdiu eas servatas vellet, ordinationes nullae essent; contra vero va-

(a) *Conc. Antioch. can. XXII.* (b) *Can. apost. XXV.*

lerent, si pro bono pacis & animarum salute remittendum rigorem ecclesia judicaret.

Hodie valet ordinatio contra canones celebrata.

§. VII. Sed tandem varietas illa disciplinae & opinionum sublata fuit, coepitque constans fere omnium sententia, valere in forma ecclesiae celebratas ordinationes, quamvis alias canones repugnarent. Saeculo XI. quo in Occidente maxime increbuerat simonia, acerrime disputatum est de validitate ordinum a simoniacis gratis collatorum, &, teste Petro Damiano, in tribus Romanis consiliis nihil ea de re dogmatice statutum fuit (a). Ergo dubia tum inter pontifices, tum inter privatos scriptores persistere. Primi scholastici de validitate ordinum ab haereticis, schismaticis, simoniacis & excommunicatis episcopis datorum abierunt in diversa, refertque ea de re Petrus Lombardus quatuor diversas opiniones: ipse vero videtur a damnatis haereticis & manifestis simoniacis datos ordines omnino irritos habere (b): cujus opinionis fuerunt etiam Petrus Pictaviensis, Praepositivus, Hugo a S. Victore & ipse Gratianus (c). Sed tandem tempore B. Thomae fluctus compositi, & unanimi fere scholasticorum sententia & usu ecclesiae receptum, canonicas ordinationum sollemnitates ad ordinationis valorem non spectare. Cujus opinionis fundus praesertim fuit vis indelebilis characteris ab Augustino inculcati, ut quacumque culpa amitti non possit (d). Et ita
anti-

(a) *Petr. Damian. opusc. VI.* (b) *Petrus Lombardus lib. IV. D. 35.* (c) *Grat. post can. XLV. & LXXIV. C. 2. q. 1.* (d) *Can. XCVII. eod.*

antiqui canones, qui ordinationes *infirmas*, *vacuas* & *irritas* pronuntiabant, eo sensu accepti sunt, quasi infirmas esse eas dicerent, non omnino irritas facerent. Interim vero praesens ecclesiae usus, qui solemnia ordinationum ab antiquis canonibus statuta ad earum validitatem non refert, videtur condiciones ecclesiasticas, quae usu ad materiam & formam accesserunt, ita aestimare, quasi ad vim ordinum pertineant: quam opinionem gravissimi theologi & canonistae, in primis Morinus & Espenius admittunt (a); idque quod ecclesia condiciones integrantes addere sacramentis potest, quibus non servatis sacramenta non subsistant.

CAPUT XXX.

*De sanctitate & virtutibus clericorum.**Scriptores de virtutibus clericorum.*

§. I. **S**ACRAS ordinationes earumque effectus hactenus recensuimus: dicendum nunc de clericorum officiis, quae eorum vitam spectant & morum sanctitatem. Etenim non satis est, quemlibet clericum sui ordinis merum munus explicare, sed etiam necesse est, ut gradu suo dignam ducat vitam, iis se abstineat, quae notam aliquam sacerdotio inurunt, vel a sacro ministerio distrahunt. Longe distat sacerdotium a plerisque manuariis officiis, quae plerumque usui prae-

(a) Morin. de sacr. ordin. par. III. exercit. 7. cap. 6. n. 2., Espen. par. II. tit. 9. cap. 1. n. 15.

praeceptorum artis continentur, nec aliquid a morali opificum vita mutuatur: nam sacerdotium requirit etiam in ministris vitae sanctitatem & in externis actionibus decorum. Atque haec est vita moralis clericorum, ad quam instituentem & formandam tot sapientissimis conditis regulis tantopere ecclesia defudavit. Plures quoque ex veteribus scriptoribus ex instituto hoc argumentum pertractarunt, in primis Chrysostomus, qui libros sex *de sacerdotio* scripsit; ejusdemque argumenti est Hieronymi *epistola secunda ad Nepotianum de vita clericorum*, & Gregorii Nazianzeni *apologeticus*. Alii vero ipsas regulas usu & exercitatione expressas exhibuerunt, vitas scribentes sapientissimorum episcoporum, quales vita Ignatii a Chrysostomo conscripta, vita Basilii & Athanasii a Gregorio Nazianzeno, vita Gregorii Thaumaturgi & Meletii a Gregorio Nysseno, & vita Augustini conscripta a Possidonio. Optandum esset, ut clerici ejusmodi archetypa inspicerent, unde plus boni in eos derivatur, quam si nudas & simplices regulas legant. Plura eaque egregia hanc in rem collegit Gratianus (a); sed quae in decretalibus sub titulo *de vita & honestate clericorum* continentur, potius canonicorum externum decorum, quam internam vitae sanctitatem spectant.

Clerici debent esse sancti.

§. II. Vita clericorum sic debet esse comparata, ut omnino sancta sit, & in omnibus actionibus nihil, nisi sanctum & honestum, exhibeat. Tale quidem est ecclesiasticum ministerium,

(a) D. XXXII. seqq.

rium, ut in ministrantibus angelicam requirat puritatem. Et quid quaeso sanctius & augustius dici potest, quam cum Christo sacerdotio fungi? Sacerdotium, inquit Chrysostomus (a), in terra quidem peragitur, sed in rerum caelestium classem ordinemque referendum est Idcirco necesse est, sacerdotem sic esse purum, ut si in ipsis coelis collatus inter caelestes illas virtutes medius staret. Deinde necessitas exempli, quo aliis in instituenda vita sacerdotes debent prae-lucere, summam postulat morum puritatem: recteque observatum Nazianzeno, antistitem improbitatem facilius subditorum animos occupare, quam pestem per aërem diffundi (b). Boni exempli vim ipse vidit Julianus apostata, qui incrementa christianismi a bonis christianorum moribus & exemplis esse animadvertens, ad ethnicam sustinendam superstitionem Arsacio Galatiae summo pontifici summopere commendat puram & sanctam flaminum conversationem, tantum non christianos antistites imitari praescribens (c). Porro qui possunt sacerdotes vitiorum censuram instituere, nisi ipsi, quae in aliis culpant, non admittant? Quum talem se praestiterit, inquit Chrysostomus (d), ut a nemine reprehendi possit, tum poterit cum quanta voluerit libertate, subditorum suorum delicta alias castigare, alias remittere. Paucis. Vita clericorum esse debet aliorum

rum

(a) Lib. III. de sacerdot. cap. 4. (b) Orat. I. apol. de fuga. (c) Ap. Sozom. lib. V. cap. 16. Confer. fragm. epist. Juliani ad Arsacium.

(d) Lib. V. de sacerdot. cap. 3.

rum eruditio, & assidua salutis praedicatio.

Et ita quocumque crimine cadebant sacerdotio.

§. III. Quando igitur eximiam animi puritatem requirit sacerdotium, sic clericos vivere oportet, ut numquam crimen aliquod admittant. Clerici criminosi eo ipso quo amittebant sanctitatem, cadebant sacerdotio. *Criminis* autem nomine tantum graviora delicta veniebant. Nempe sicut crimen in vita laicali admissum arcebat ab ordinibus, ita post ordinationem admissum sacro ministerio deiciebat, quod antiqui omnes canones statuunt, & patres numquam non inculcant (a). Dejectio autem ista perpetua erat, fiebantque criminosi irrevocabiliter irregulares, adeo ut nec acta de crimine poenitentia amissum gradum restitueret (b). Nec intererat, num crimen publicum, an occultum esset. Ipsi clerici propria conscientia iudice seipsos deponere debebant, quemadmodum fecit Potamius episcopus Bracarenensis (c). Sane tantum abest, ut canones qui clericos criminosos gradu suo deiciunt, inter publica & occulta crimina distinguant, ut potius utraque comprehendant, *De presbyteris, diaconis & subdiaconis*, inquit Urbanus II. (d), *qui post acceptum ordinem in aliquod crimen lapsi fuerunt, sive palam, sive clam, constat quidem canonum sensum ab ecclesiasticis eos officiis inhiberi.* Itaque criminosi clerici gradu

(a) *Can. apost. LXI. Basil. ep. can. cap. III. Gregor. M. lib. IV. ep. 17.* (b) *Can. I. IX. XXV. D. 50. Espen: de instit. canonic. par. II. cap. 2.*

(c) *Thomass. par. II. lib. I. cap. 57.* (d) *Epist. ad episc. Constantiens.*

du suo dejecti, inde ut laici vivebant, & ut laici in sacris communicabant; quam clericorum poenam *communione laicam* veteres dicebant (a). Satis videbatur ad criminis a clericis patrati vindictam a munere dejectio, nec alia poena infligebatur, ne bis idipsum vindicarent: quam disciplinam apostolici, Basilii & Petri Alexandrini canones proponunt (b): quamvis aliquando depositioni accedebat excommunicatio (c). Interim generalis istius regulæ, quæ criminosos omnes a canone deiiciebat, quasdam antiqua monumenta exhibent exceptiones, idque in iis præsertim casibus quando in ecclesiæ bonum benignior cedebat disciplina, Et vero lapsi, hæretici, schismatici nonnumquam blandius tractati sunt, & in suis gradibus fuerunt restituti, ubi ecclesiæ re sua futurum iudicavit, singularem in eos indulgentiam exhibere.

Hodie fere publica crimina faciunt irregulares.

§. IV. Per undecim plus minus sæcula criminosos omnes etiam occultos ecclesiæ deiecit clericatu, sed inde mutata est disciplina, passimque receptum, ut publici criminosi fere soli essent irregulares, occulti vero post poenitentiam suo restituantur ministerio. Occasionem distinguendi in hac causa inter publica & occulta crimina præbuerunt falsæ decretales, in quibus sub nomine Callisti, Gregorii M. & Isidori Hispalensis veluti ex canonum præceptis inculcatur, lapsos

Instit. jur. can. T. II. X post

(a) Can. VII. D. 50. (b) Can. apost. XXIV. Basil. epist. can., Petr. Alexandr. epist. can.

(c) Can. apost. XXVIII. seq.

post poenitentiam ordinibus suis restituendos (a). Palam putidae istae merces cum sacris canonibus de numquam restituendis ad ministerium clericis lapsis pugnabant. Ergo ad pugnae conciliationem primi Hincmarus Rhemenfis & Rabanus Maurus distinctionem inter publica & occulta crimina excogitarunt; ita nempe ut illa semel admissa secundum canones perpetuum ab altari arcerent; haec vero post poenitentiam restitutioni ad ministerium non obstarent. Nec sane erat, ut aliter ejus aetatis scriptores possent nodum extricare, quando de genuitate falsarum decretalium non dubitabant. Excogitatam distinctionem usu statim non recepit ecclesia. Constat enim saeculo undecimo adhuc ab altaris ministerio clericos, qui clam deliquissent, dejectos. Benignior disciplina invaluit post Gratianum, non aliquo positivo ecclesiae decreto, sed usu ipso & assiduis indulgentiis in tanta clericorum peccantium multitudine a pontificibus concessis, & vero etiam auctoritate ipsius Gratiani, qui ad canones & falsas decretales decreto suo insertos conciliandos, excogitam inter publica & occulta crimina distinctionem adhibuit & probavit (b). Magni nempe fiebat Gratianus, ejusque decisiones tamquam ex tripode receptae. Interim superest aliquid ex antiquis moribus, nam etiam hodie dantur occulta quaedam crimina, quae iurant irregularitatem, veluti homicidium voluntarium, quod adeo pugnat cum sacerdotio, ut homicidae etiam occulti perpetuum ordinis fu-

(a) *Can. XIV. XVI. XXVIII. D. 50.* (b) *Grat. post can. XXIII. D. 50.*

suscepti usu cadant, nec umquam possint ad ordines promoveri. (a). In quibus vero occultis delictis clerici restituuntur suorum ordinum functionibus, id post longam & salutarem sed occultam poenitentiam vult ecclesia faciendum, postquam nempe pristinam recuperarunt sanctitatem, ut ita semper verum sit, a sanctis sancta tractari.

Clerici malis suspicionibus ne praebeant occasionem.

§. V. Porro non tantum moribus inculpatos esse clericos oportet, verum etiam nullam aliis occasionem praebere de se male suspicandi. Non satis est illis bonam in conspectu Dei servare conscientiam, sed etiam in oculis hominum rebus honestis studere debent. Bona vita ipsis est necessaria, aliis etiam bona eorum fama. Unde clerici sic in actionibus suis componendis cauti & circumspecti esse debent, ut eae nulla ratione in malum torqueri possint, idque praesertim, quando homines natura veluti ad proscindendos clericos feruntur, & actiones eorum indifferentes saepe in malam partem interpretantur. Imitari in hac causa debent apostolum Paulum, qui, ut observat Chrysostomus (b), ne furti apud discipulos suspectus esset, alios in administrandis pecuniis secum adsumsit. Et hinc statuit concilium Carthaginense II., ut nec episcopi, nec presbyteri, nec ulli alii clerici ad virgines & viduas soli accedant, nisi aut clerici praesentes sint,

X 2

fint,

(a) *Trid. sess. XIV. de ref. cap. 7.* (b) *De sacerdot. lib. VI. cap. 9.*

sint, aut graves aliqui christiani (a). Et Hieronymus ita clericum instituit suum, *Caveto omnes suspiciones, & quidquid probabiliter fingi potest, ne fingatur, ante devita Si propter officium clericatus, aut vidua a te visitatur, aut virgo, numquam domum solus introëas. Tales habeto socios, quorum contubernio non infameris* (b). Interim si clerici omni adhibito studio recte actiones componant suas, & tamen, quae est innata hominum improbitas, alii etiam male opinentur, in hac specie, contemptis sinistris opinionibus, *adsit conscientiae solatium planeque etiam gaudium*, inquit Augustinus (c), *quod merces nostra magna est in caelis*. Et ut conscientiae solatium plane sit cumulatius, clerici recordentur, etiam ipsam innocentiam & divinam Jesu Christi conversationem non effugisse aliorum maledicta.

Feminae subintroductae eorumque origo.

§. VI. Sinistris opinionibus ingentem materiam feminae *subintroductae* per plura saecula suppeditarunt. Erant *subintroductae* neque uxores, neque concubinae, sed tertii generis mulieres, quas secum clerici non sobolis, nec libidinis gratia, sed pietatis studio, aut certe praetextu fovebant (d). Passim in antiquis monumentis *subintroductae* dicuntur etiam *agapetae* & *sorores*, a dilectione nempe sororii consortii, in quod plerumque ex virginibus aut viduis ecclesiae adsciscebantur. Inde usque a primis saeculis coepit usus *agapetarum*, & sub finem se-
cun-

(a) Conc. Carthag. III. can. XXV. (b) Epist. II. ad Nepot. (c) De bono viduit. cap. XXII.

(d) Iustel. ad can. III. Nicaen.

cundi saeculi adhuc innocens erat consuetudo, nullis sinistris opinionibus obnoxia. Certe Tertullianus pro secundis nuptiis, quas damnabat, auctor est viris uxoribus destitutis, & consortes onerum necessarias reputantibus, ut spiritualia ineant matrimonia, & viduam aetate signatam sibi adjungant (a). Videntur in ecclesiam inductae agapetae a moribus Judaeorum, apud quos sollemne fuit, ut mulieres de substantia sua magistris ministrarent. *Consuetudinis Judaicae fuit*, inquit Hieronymus (b), *nec ducebatur in culpam more gentis antiquo, ut mulieres de substantia sua victum atque vestitum praeceptoribus ministrarent*. Ipsi apostoli, exceptis Paulo & Barnaba, mulieres sorores circumducebant (c); quae potius extraneae videntur fuisse mulieres, studio caritatis & religionis eos comitantes, quam uxores (d). Iis utebantur apostoli ad vitae necessaria, & praesertim ad inducendum evangelium in aedum penetralia, quo facilis non erat viris accessus, quod totidem verbis Clemens Alexandrinus testatur (e).

Consortia agapetarum clericis interdicta.

§. VII. Verum consuetudo, quae initio turpi macula non laborabat, inde per humanam infirmitatem in pestem degeneravit, quae de clericis male opinandi, eosque detrahendi praebuit occasionem. Scilicet pro mulieribus aetate signatis formosas puellas coeperunt clerici sibi in
foro-

(a) Tertull. de monog. cap. XVI. (b) Com. in Matth. lib. IV. cap. 27 (c) 1. ad Cor. IX. 5. seq.

(d) Tertull. de monog. cap. VIII. (e) Lib. III. Stromat.

forores adsciscere, & cum iis liberius, quam pietas postulabat, vivebant. Etenim eadem domo, uno cubiculo morabantur, saepe etiam uno dormiebant lectulo, & interim alios suspiciosos vocabant, quod male cogitarent, quod ex Cypriano & Hieronymo constat (a). Quin ipsae ecclesiae virgines saepe sibi quaerebant vel ex clericis, vel ex laicis agapetos (b): & mulieres maturioris aetatis libertini generis adolescentibus delectabantur, & filios quaerebant spirituales, paullatimque pudore superato ficta matrum nomina erumpebant in licentiam maritalem (c). Impares ad continentiam, qua clerici, virgines & ecclesiae viduae se adstringebant, inde a sancto proposito cadebant, & sub honestis nominibus velabant turpitudinem. Non omnes tamen cum agapetis turpi se maculabant consortio, at jam ista consuetudo generatim male audiebat, turpemque notam clericis inurebat. Ergo magna synodus Nicaena omnino episcopis & reliquis ex clero interdixit, *subintroductam habere mulierem, praeterquam utique matrem, vel sororem, vel amitam, vel eas solas personas, quae suspicionem effugiunt* (d). Et synodus Ancyrana prohibuit virgines, *quae cum quibusdam tamquam cum fratribus congregiuntur* (e). Sed pestis non extincta, aut paullo post majori impetu repullulavit,

(a) Cyprian. *epistol.* LXII. al. IV. Hieronym. *epist.* XXII. ad Eustoch. cap. 5. (b) Cyprian. *loc. cit.*, Nazianz. *carm. de praeceptis virgin.*, Hieronym. *loc. cit.* (c) Hieronym. *epist.* IV. ad Rust. cap. 2. (d) *Conc. Nicaen. can. III.* (e) *Conc. Ancyran. can. XIX.*

vit, idque quo clericorum continentia post concilium Nicaenum magis invalescebat, ut constat ex quarti & quinti saeculi frequentibus patrum querelis, & ex conciliis per ea tempora celebratis, quae severe clericis interdunt secum extraneas habere mulieres (a). Ipsa etiam lex civilis vetuit dedecorari clericos consortio sororiae, appellationis, tantumque iis permittit matres, filias, atque germanas in domibus fovere (b). Quin prolapsis in pejus clericorum moribus concilium Moguntinum an: 1000. etiam iis interdixit, secum habere matrem, amitam, sororem, quas antiqui canones permittebant: quia instigante diabolo in illis, aut saltem in earum pedissequis scelus constat admissum (c). Praeter ceteros de agapetis egregiam dissertationem scripsit Muratorius, quam anecdotis Graecis inferuit.

Clerici aleis debent abstinere.

§. VIII. Integra vita, etiam a suspicionibus pura, qua clerici christianis omnibus debent prae-lucere, omnino facit, ut ii vitia quaedam fugiant & declinent, quae criminum sunt semina-ria fecundissima. Tale in primis (1) est *alea*, cujus nomine veniunt ludi omnes, qui ab ancipiti fortunae pendent eventu, quales sunt jactus talorum & tesserarum, & hujus generis alia. Et hinc *aleam* pro ipsis dubiis casibus saepe Latini usurpant. Alea origine sua non videtur interdicta, quod post alios Petrus Pantoja recte ob-

(a) Conc. Carthag. III. can. XVII. , conc. Arelat. II. can. III. (b) L. XIX. C. de episc. & cleric.

(c) Cap. I. ex. de cohabit. cleric. & mulier.

observat (a); at tot & talia sunt mala, quae inde dimanant, ut nihil ea deterius potuerit inveniri. Inde contumeliosa in res divinas dicta, jurandi cacoëthes, iracundia, mendacia, imprecationes, avaritia, fraudes, jurgia, dispendia temporis & familiarum ruinae. Unde optimi quique legislatores aleam omnino vetuerunt, in primis Justinianus, qui contractus omnes in ludo celebratos irritos reddidit, actionem ad persequendum lucrum victori denegavit, victoque solutae pecuniae dedit repetitionem (b). Et concilium Illiberitanum fidelem omnem, qui alea, hoc est tabula luserit, a communione jubet abstinere, nec, nisi post anni poenitentiam, si emendatus cessaverit, iterum ad communionem admittit (c). Multo magis clerici, quorum vita continua debet esse virtutis praedicatio ab aleis debet abstinere. Et hinc merito apostolici canones eos aleis vacantes edicunt deponendos (d). Et Justinianus clericos ad tabulam ludentes, aut alios ludentes inspectantes, trium annorum spatio a sacro ministerio arceri praecipit, & interim in monasteriis in poenitentiam includi (e).

Clerici ebrietatibus non vacent.

§. IX. Nec minus (1) secundum criminum seminarium est ebrietas. Sane ebrietas mentem alienat, & ad libidines impellit. quod passim
in-

(a) *Contm. in L. fin. C. de aleat. in thesauro Ottonis tom. IV.* (b) *L. fin. C. de aleat.*

(c) *Conc. Illiber. can. LXXIX.* (d) *Can. apost. XLI.* (e) *Novel. CXXIII. cap. 10.*

inculcant sapientes (a). Unde fit, ut omnes; & multo magis clerici a crapula & ebrietatibus debeant abstinere. Sic dicti apostolici canones clericos ebrietatibus vacantes deponi jubent (b). Et concilium Agathense clericos ebrios, prout ordo patitur, aut triginta dierum spatio a communione submover, aut supplicio subdit corporali (c). Mediis saeculis, auctis ecclesiarum redditibus, creverunt in clericis ebrietates, coeperuntque, non secus ac laici, potibus & calicibus certare, ita nempe ut ille victor discederet, qui plures inebriabat, & calices exhauriebat secundiores, quem morem una cum crapula & ebrietate, nisi clerici commoniti satisfaciant, interdictione officii, vel beneficii in concilio generali Innocentius III. emendavit (d). Inde clerici etiam vetantur tabernas intrare, nisi forte necessitatis causa in itinere constituti (e), eoque etiam spectant canones, qui interdiciunt, ne clerici convivii occupentur, aut de simbolis edant (f).

Nec intersint theatri & spectaculis.

§. X. Porro (III) etiam a scenicis ludis & spectaculis alieno animo esse clericos oportet; iisque vetantur superesse. Erant theatra apud ethnicos veneris templa (g) & idolatriae plena; spectacula generatim turpitudine non vacabant; *Instit. jur. can. T. II.* A a illa

(a) *Proverb. XX. 1.*, *Hieronym. lib. 2. contra Jovinian.* (b) *Can. apost. XLI.* (c) *Can. IX. D. 35.* (d) *Cap. XIV. ex. de vit. & honest. cler.*

(e) *Can. II. & IV. D. 44.*, *Cap. XV. ex. eod.*

(f) *Can. V. & X. eod.* (g) *Tertull. de spectac. cap. X. Cyprian. ad Donatum.*

illa vero, quibus imperatores belluas & gladiatores exhibebant, immanitate redundabant, quod sanguis humanus effundebatur, & tamen Romani inde summam capiebant voluptatem. Hinc sub ethnicis principibus interdictum christianis vel theatris interesse, vel in arena belluas & gladiatores inspectare (a). Theatra & spectacula praecipua pars erant pomparum Satanae, quibus in baptismo credebantur renuntiasse. Sub imperatoribus christianis purgata quidem ab idolatria fuerunt theatra: at levitatem & ad peccandum illicebas retinuerunt: & quae superfuere spectacula cum innocentia & castis moribus non bene conveniebant. Unde patres, in primis Chrysostomus, Cyrillus & Salvianus adversus theatra & equorum spectacula invehuntur, christianosque omnes ad ea fugienda seriis admonitionibus adhortantur (b). Potiori ergo jure vocationi clericorum theatra & spectacula non conveniunt, legesque ipsae civiles ab ejusmodi insaniis clericos arcent. Sane Justinianus clericos aleis ludentes, & theatris & spectaculis superstites a metropolitans vel episcopis a sacraliturgia jubet separari, & canonicam infligi poenitentiam; deponi vero & curiae cum suis facultatibus deservituros tradi, si post excommunicationem in vitiis perseverare apparuerit (c).

Me-

(a) *Athenag. legat. pro christ.*, Minuc. Felix in *Octavio* cap. XXX. *Lactant. lib. VI. cap. 20.*

(b) *Chrysost. hom. VI, in Matth. & hom. XV. ad popul. Antioch.*, *Cyrl. catech. myst. I, n. 4.* *Salvian. de provid. lib. VI.* (c) *L. XXXIV, C. de episc. aud.*

Mediis saeculis in tanta morum corruptione eventum, ut etiam in ecclesiis ludi fierent theatrales, & ei infaniae in quibusdam anni festivitibus ipsi clerici inservirent. Unde Innocentius III. tantam turpitudinem a domo Dei procul esse iussit, & clericos a ludibriis abstinere (a). Et generaliter in concilio generali statuit, ut clerici *mimis, jocularibus & histrionibus non intendant* (b).

Clerici debent esse hospitales.

§. XI. Jam ad vitae sanctitatem addere clericos oportet virtutum omnium apparatus, ut ita per omnia, quemadmodum requirit vocatio, ornati & perfecti sint. Nec sane fieri potest, ut officio suo recte fungantur sacerdotes, nisi omnibus virtutibus instructi, quibus non solum exemplum imitandum aliis praebeant, verum etiam aliorum necessitatibus provideant, & apta morbis adhibeant medicamenta. In primis ergo (I) episcopi & reliqui sacerdotes debent esse hospitales, ut nempe cupidi sint, amantesque hospitum & peregrinorum, ut illos domo excipiant, tractent, foveant, ac multo magis qui vicinis civibusque suis indigentibus benigne facere velint. *Gloria episcopi*, inquit Hieronymus (c), *pauperum opibus providere: ignominia omnium sacerdotum propriis studere divitiis*. Et hinc Nepotiano & hoc etiam praescribit, *Mensula tua pauperes & peregrinos suscipiat, & cum ipsis Christus conviva erit*. Et Chrysostomus Flaviani episcopi sui domum.

Aa 2

ita

(a) Cap. XII. ex. de vit. & honest. cleric.

(b) Cap. XV. ex. eod. (c) Epist. II. ad Nepotian.

ita depingit, ut nescias cuius sit, ejus an pauperum & peregrinorum (a). Adeo in hospitalitate Flavianus excellebat.

Et in sermonibus pudici.

§. XII. Porro (II) episcopi & reliqui ex clero in omnibus τοῦ πρέσβευ, *decorum*, servant, oportet. Speciatim decorum observandum in gestibus, sermonibus & omni vita exteriori. Et quod spectat ad gestus & sermones, ii debent esse viro gravi digni, ne quid vani, intemperantis, licentiosi praeferant. Nefas profecto est, eos, qui regimen linguae alios docere debent, & labia, unde sancta procedunt eloquia, profanis & licentiosis sermonibus conspurcari. Unde patres Carthaginenses clericum scurrilem, & verbis turpibus jocularem officio deliiciunt (b), inter epulas vero cantantem excommunicant (c). Ipse Julianus apostata etiam in ethnicis sacerdotibus agnovit linguae pudicae necessitatem. Et hinc nihil turpe dicere, vel audire eos debere, & procul ab eis facessere illiberales jocos & petulans omne colloquium edixit (d). Speciatim vero clerici ab aliis detrahendis debent abstinere, quin crimen ipsis est alios audire detrahentes, reiiicitque Hieronymus etiam excusationem, qua referentibus aliis injuriam facere, non possumus. Nemo, inquit (e), invito auditori libenter refert, Sagitta in lapidem numquam figitur, interdum resiliens pereunt dirigentem.

Di-

(a) Chrysost. *serm. I. in Genes.* (b) *Conc. Carthag. IV. can. LX.* (c) *Conc. Carthag. IV. can. LXII.* (d) *Fragm. epist. Juliani ad Arsacium.*

(e) *Hieronym. epist. II. ad Nepotian.*

Discat detractor, dum te videt, non libenter audire, non facile detrahere. Ad linguae quoque, castitatem liceat referre mandatum ab apostolo datum, quod episcopum *μὴ πληγῆν* non percussurum esse oporteat. Scilicet verbum *πληγῆν*, interpretibus Hieronymo, Chrysostomo aliisque, significat etiam lingua percutere, hoc est criminosis, acerbis & contumeliosis dictis proscindere. Quo sensu percutere, tamquam decoro sacerdotali incognum, vetitum fuit.

Et vero etiam sobrii.

§. XIII. In victu quoque (III) sobrii & frugales & in vestitu modesti episcopi & reliqui clerici esse debent, ut necessariis tantum contenti, delicias in cibis non quaerant, nec pompis in vestibus delectentur. Certe vocationi clericorum cum mundanis pompis non bene convenit; & nefarium omnino est, Christi & pauperum patrimonium in superfluos & vanos sumtus impendi. Unde statuerunt patres Carthaginenses, ut episcopus vilem supellectilem & mensam ac victum pauperem habeat, & dignitatis suae auctoritatem fide & vitae meritis quaerat (a). Sic comparata est dignitas sacerdotalis, ut modestia & humilitate crescat, fastu & mundi pompis minuat. Et qui quaeso in fastu & mundi deliciis crescere ea dignitas potest, cujus est verbis & exemplo mundi vanitates debellare, & earum contemptum christianis persuadere? Ipsi gentilibus frugalitate & modestia sua, non fastu & mundanis deliciis, admirationi olim fuerunt provinciales multi antistites, Ammiano Marcel-

fino

(a) *Conc. Carthag. IV. can. XV.*

lino memorati (a), qui non alii videntur fuisse quam in provinciis Italiae episcopi constituti. Nec aliqua proferri potest causa, quae minus sobrios & frugales aliquando episcopos esse patiatur. Certe Hieronymus contra eos episcopos graviter invehitur, qui ad excipiendos magistratus lauta parabant convivia, ut ita eos in deprecationibus pro reis faciles & benevolos invenirent. *Turpe est*, sunt verba Hieronymi (b), *ante fores sacerdotis Christi crucifixi & pauperis, qui cibo quoque vesceretur alieno, lectores consulum & milites excubare: judicemque provinciae melius apud te prandere, quam in palatio. Quod si obtenderis, te facere haec, ut reges pro miseris atque subiectis, judex saeculi plus desert clerico continenti, quam diviti: & magis sanctitatem tuam admirabitur, quam opes. Interim in nulla alia re magis peccarunt & peccant clerici, quam in hac officii pastoralis parte, quae eos sobrios, & in vestibus externoque comitatu modestos esse jubet. Jampridem mundus intravit in ecclesiam, coeperuntque clerici mundanas pompas affectare, quod, prout sunt mores, etiam externo cultu putant sacerdotium indigere.*

Clerici in causis Dei debent esse magnanimi.

§. XIV. Animi quoque magnitudine & zelo (IV) clerici debent excellere, ut in causis Dei maxime pugnaces sint & fortes, quatenus tamen eorum vocatio finit & permittit. Quum agitur de communi fide tuenda, maxime clericis est necessaria animi magnitudo, ne communis

(a) *Ammian. lib. XXVII.* (b) *Epist. II. ad Nepotian.*

nis fides in periculum veniat. Pacatos & moderatos esse antistites proficitur Nazianzenus, at eodem teste *lenes & faciles esse non sustinent, quum per silentium & quietem Dei causa proditur; verum hic admodum bellaces sunt, atque in confligendo acres & feroces (a)*. Et hinc nullis inimicorum calumniis, conviciis, blanditiis, insidiis cedere unquam debent. Multas in Athanasium calumnias commenti sunt Ariani, cum ipso communem fidem opprimere studentes. Inter cetera tamquam reus majestatis & caedis deferrebat, quibus in accusationibus adeo fuerunt versuti, ut eum in exilium Constantinus M. Treviros amandarit. Ipse vero tanto ponderi nunquam cessit, stetitque immotus in causa Dei, quam si dura flex, aut fieri Marpesia cautes. Nec minori animi magnitudine fidei inimicis Basilium restitit. In primis christiano sacerdote digna promptitudo, qua restitit Modesto praefecto eum ad Arianam fidem tempore Valentis adhortanti, allicienti, comminanti. Adeo fortis in hoc congressu fuit Basilium, ut ipse praefectus in admirationem raptus pro comminatis poenis eum cum reverentia & submissione dimiserit, dixeritque ad Valentem: *Imperator, ab hujus ecclesiae antistite victi sumus; minis superior est, sermonibus firmior, verborum blanditiis fortior (b)*.

Et in explicando pastoralis ministerio prudentes.

§. XV. Mansuetudine, modestia, gravitate, humilitate aliisque virtutibus debent quoque instru-

(a) *Gregor. Nazianz. orat. XXI. de laud. Athanas.* (b) *Gregor. Nazianz. de laud. Basil. or. XX.*

structi esse episcopi & reliqui ex clero; sed praefertim (V) iis prudentia est necessaria: quin Christi sacerdotium prudentia destitutum destruit potius, quam aedificat. Praecipuum clericorum munus est spiritualis cura animarum, quae eo difficilis habetur, quo magis variant hominum affectus: atque ita summa arte & experientia opus habent altaris ministri, ut aptam morbis animi adhibeant medicinam, varique in variis circumstantiis esse debent, prout prudentia hoc vel illo modo agendum demonstrat. Alios sermo ducit; alii exemplo componuntur. Aliis calcaribus opus est, aliis freno, prout nempe segnes, aut spiritu sunt ferventiores. Aliis laudatio utilitati fuit, aliis reprehensio, utraque videlicet tempestive adhibita. Alios cohortatio ad officium dirigit, alios objurgatio, utraque etiam pro varietate personarum vel clam, vel palam facta. Cum nonnullis ita agendum, ut videntes non videamus, irascentes non irascamur, desperantes non desperemus, contemnentes non contemnamus, quatenus tamen eorum cura id requirit. Alios vincere, ab aliis vinci plerumque utilius est. Summa haec est prudentiae pastoralis in moderandis animabus, quam Gregorius Nazianzenus (a) proponit. Verum cave, putes, pastoris istam varietatem vilem esse sese accommodandi versutiam, qua fit, ut tempori serviamus. Nam nihil magis a clericorum distat officiis, quam importuna indulgentia & assentatio. Eo tendit pastorum varietas, ut animas Christo lucrentur. Et hinc Chrysostomus,

quum

(a) *Gregor. Nazianz. orat. de fuga.*

quum varium esse debere suum scripisset sacerdotem, subjungit, *Varium autem dico, non subdolum, non adulatorem, non dissimulatorem; sed magna tum libertate, tum fiducia plenum, ac qui ex re sese submittere, atque obsecundare sciat, quoties negotiorum usus postulat, quique idem benignus sit & austerus* (a). Nec tantum in cura animarum sacerdotibus prudentia opus est, verum etiam in explicandis reliquis officiis, veluti in depugnandis haeresibus (b), in decidendis causis saecularibus, & in infligendis poenis ecclesiasticis (c), in componendis minus necessariis controversis (d), & si quae sunt hujus generis alia. Paucis. Clericorum officium fere totum prudentia continetur, aut saltem eam semper comitem & adjutricem habere oportet.

CAPUT XXXI.

De clericorum studiis.

Clerici debent studiis litterarum incumbere.

§. I. **N**on satis est, clericos esse sanctos & virtutibus ornatos; sed etiam assiduo labore litteris debent incumbere, ut inde scientiam ad proprium munus obeundum necessariam adquirant. Certe apostolus jubet, episcopum esse διδασκάλον, hoc est, ad docendum alios aptum *Instit. jur. can. T. II.* B b &

(a) Chrysost. de sacerdot. lib. VI. cap. 4.

(b) Chrysost. de sacerdot. lib. IV. cap. 4.

(c) Chrysost. ibid. lib. III. cap. 18. (d) Gregor. Nazianz. orat. XXI. de laud. Athanas.

& idoneum (a): idemque Timotheum adhortatur, ut attendat lectioni, exhortationi & doctrinae (b). Et vero quum levissimae ipsae artes diuturno tempore & pluribus laboribus, & interdum etiam peregrinationibus addiscantur; majori profecto studio opus est ad artem, qua animae reguntur, acquirendam (c). Etenim non solum debent rectores animarum aptas singulis morbis exhibere curationes (quod officium plus laboris & experientiae postulat, quam corporum medicina); verum etiam tanquam doctores docere divinam religionem, & cum inimicis sive Judaeis, sive ethnicis, sive haereticis concertare, & integram reportare victoriam. Quae omnia, nisi immensa propemodum cognitio & eruditio adsit, qui possunt obtineri? Nec ulla idonea esse potest causa, quae episcopos ignorantes excuset; etiam si dicant, se bonis moribus & exemplo praedicare; nam sanctitas in defensione religionis vix ullum usum habet, & muta praedicatio mores componere potest, at non docet religionem. Bene Hieronymus, in consummato sacerdote & scientiam & sanctitatem requirit, ut ad explendas diversas functionis suae partes evadat idoneus (d).

In primis vero sacrae scripturae.

§. II. Jam vero scriptura sacra est, cui praecipue episcopos & reliquos sacerdotes dare operam oportet, quippe quae eruditionis ad ipsorum functionem necessariae fundus est & scaturigo.

Inde

(a) 1. ad Timoth. III. 2. (b) 1. ad Tim. IV. 13.
 (c) Gregor. Nanzian. orat. I. de fuga. (d) Hieronym. epist. II, ad Nepotian.

Inde medicamenta omnia ad animae salutem opportuna desumuntur: inde dogmatum nostrorum cognitio, inde concionibus apta habetur materies: inde regulae de moribus componendis hauriuntur. Unde Ambrosius scripturam sacram eleganter appellat *librum sacerdotalem* (a). Et Hieronymus negat esse domini sacerdotem, qui domini legem ignorat (b). Et alibi presbyteri sermonem scripturarum lectione conditum esse, debere scribit (c). In primis vero verba patrum concilii Nicaeni II. sunt memoranda, quae ex Dionysio mutuare profitentur: *Substantia sacerdotii nostri sunt eloquia divinitus tradita, id est vera scripturarum divinarum disciplina* (d). Et hinc edixerunt, ante ordinationem inquiri debere a metropolita, num episcopatus candidatus in promptu sciat legere *scrutabiliter* scripturas & canones; ut intelligas, non sufficere superficialia scripturarum scientia episcopos imbutos esse, sed debere esse consummatos, ut vere dici possit, eorum pectus Christi bibliotheca.

Cui adjungere debent canones & patres.

§. III. Proxime post scripturam sacris canonibus ediscendis clerici operam dare debent suam. Sunt sacri canones confectionaria ex scripturis deducta, quae ad mores componendos & ad regendam ecclesiam regulas continent: episcopis autem & presbyteris non minus censura morum, quam ecclesiae regimen competit. Passim canones & patres hanc ediscendorum canonum obli-

B b 2

ga-

(a) Ambros. lib. III. de fide cap. 7. (b) Comm. in Aggaeum. (c) Hieronym. ep. II. ad Nepot.

(d) Conc. Nicaen. II. can. II.

gationem clericis inculcant. Concilium IV. Toletanum edicit, *Sciant sacerdotes scripturas sanctas & canones meditentur* (a). Et Innocentius I. *Ecclesiasticorum canonum norma nulli esse debet incognita sacerdoti, quia nesciri haec a pontifice satis est indecorum* (b). Et Caelestinus I. *Nulli sacerdotum liceat sacros canones ignorare* (c). Sunt etiam quidam canones, qui clericos intelligere jubent *librum pastoralem a B. Gregorio papa editum* (d): & sanctiones Caroli M., praeter *psalterium*, quod ex antiquioribus regulis memoria clerici debent ediscere, porro addunt *poenitentiale cantum & computum*, seu rationem festae ecclesiae mobilia computandi. Scripturis & canonibus addere clericos oportet patrum meliorum lectionem, quae in interpretanda sacra scriptura, in habendis concionibus, in ediscenda historia ecclesiastica magni usus est.

Clericis profana studia non sunt aliena.

§. IV. Atque haec sunt primaria clericorum studia, quibus, tamquam pedissequa, accedat, necesse est, omnis profana eruditio. Scilicet saepe scripturae & canones non intelliguntur, nisi temporum accedat historia, & originales linguae, & gentium mores, ad quos scriptura respicit, praecogniti habeantur: saepe cum iis agendum, qui scripturas non admittunt, quique tantum ratione pugnant: saepe cum iis, qui ejusdem religionis sunt, concertandum: & saepe conciones ita haberi debent, ut auditores voluptate capian-

(a) *Conc. Tolet. IV. can. XXV.* (b) *Innocent. I. epist. V.* (c) *Caelest. epist. III. cap. 1.* (d) *Conc. Turon. III. can. III.*

piantur, quo attentius audiant, & auditas in usum vertant veritates. Unde fit, ut instituto clericorum omnis humana conveniat eruditio, peritia nempe linguarum, critica, chronologia, geographia, historia, dialectica, ars oratoria, mathesis, physica, metaphysica. Et profecto omni aetate celebriores ecclesiastici scriptores sui muneris esse crediderunt studia profana sacris adnectere, ut propriis armis expugnarent inimicos, & de auditoribus triumpharent. Quod qui de eorum scriptis aliquid noverint, facile admittent. Generatim de plerisque Graecis & Latinis scriptoribus, qui ante se scripserunt, Hieronymus observat, quod *in tantum philosophorum doctrinis atque sententiis suos referciunt libros, ut nescias, quid in illis primum admirari debeas, eruditionem saeculi, an scientiam scripturarum (a)*. Inter ceteros ex antiquis hoc nomine celebrantur Origenes, Hieronymus & Augustinus. Quamvis negari non potest, in usu humanae eruditionis saepe veteres peccasse, & studia pedissequa sic inferuisse rebus sacris, ut inde ipsam religionem metirentur; ex quo fonte plerasque haereses natas saepe patres conqueruntur (b).

Quatenus clericis conveniant studia profana.

§. V. Quae quum ita sint, videamus oportet, quae sit patrum Carthaginensium sententia, qui ita statuunt, *Ut episcopus gentilium libros non legat, haereticorum autem pro necessitate & tempore (c)*. Certè regula ista ad verbum intel-

(a) *Epist. LXXX. ad Magnum.* (b) *Gregor. Nazianz. orat. VII., Epiph. haer. LXVII.*

(c) *Conc. Carth. IV. can. XVI.*

tellecta damnat celebriores ecclesiasticos scriptores, qui profanam eruditionem studiis sacris adjunxerunt, & praeterea media ad interpretandam scripturam & ad inimicos debellandos ab ipsis episcoporum manibus extorquet. Itaque videntur patres gentilium librorum lectione episcopis interdixisse, quo casu eam tamquam principalem instituerent, non quatenus studiis sacris interserviat. Et vero omni aetate fuerunt ecclesiastici, qui posthabitis scripturis & sacris canonibus ad profana studia se converterunt; idque vel quia simplex scripturae stilus iis non arridebat, & quod vellent dictioni assuescere puriori; vel propter voluptatem, quam ex libris profanis hauriebant, quamque ex sacris capere non posse autumabant; vel quia ad perdiscendam artem sophisticam ea judicabant accommodata. Certe hos omnes contra finem, quem in libris profanis volutandis clerici spectare debent, fecisse in compertis est; nam viri Deo consecrati, veluti inviti ad gentilium libros divertere debent. *Legimus aliqua*, inquit de seipso Ambrosius (a); *ne legantur; legimus ne ignoremus; legimus, non ut teneamus, sed ut repudiemus*. Et Hieronimus quum observasset, ad intelligendas extremas partes Danielis multiplicem Graecorum historiam esse necessariam, addit, quod si quando cogatur saecularium litterarum recordari, *non nostrae voluntatis est, sed (ut ita dicam) necessitatis, ut probemus ea, quae a sanctis Prophetis ante saecula multa praedicta sunt, tam Grae-*

CO-

(a) Prooem. in Luc. evangel.

corum, quam Latinorum & aliarum gentium literis contineri (a).

Mediis saeculis defueta scripturae & canonum studia.

§. VI. Diu floruerunt in ecclesia scripturarum & canonum studia, sed inde in Occidente veluti desierunt, idque propter barbarorum incursiones, qui omnia devastantes, bibliothecas combusserunt, & paullatim attritis bonis ecclesiasticis, clericos manuum labore vivere coegerunt. Saeculo VII. adeo in ipsa Roma bonae omnes artes & scripturae ignorabantur, ut dogmata fidei sola fere starent traditione (b). Ipsi codices adeo rari evaserant, ut Taurus Caesar-Augustinus episcopus postremam partem Moralium Gregorii M. in Hispania frustra quaesitam, Romae non aliter, quam divina revelatione recuperare potuerit (c). Successerunt inde scholastici, qui necessariis praesidiis ad scripturam interpretandam destituti, ejus studia non excoluerunt, & scholasticam philosophiam rebus sacris adnectentes, novam theologiae methodum, parum de dogmatibus sollicitam & mysteriis verborum involutam, induxerunt. Nec meliora fata habuerunt sacri canones, qui mores & ecclesiasticam formant disciplinam. Etenim postquam coeperunt pontifices decretalibus suis novum jus constitutare, easque in codices redigere, recentiores interpretes volutandis decretalium codicibus adhaeserunt, & ex antiquis codicibus legabant.

(a) Hieronym. prol. in Daniel. (b) Mabillon. praef. in saecul. II; Benedictin. n. 54. (c) V. Baron. ad an. 17CXLIX.

bant Gratianum. Interim invaluit *probabilissimus*, qui vice sacrorum canonum tam facile res morales definit, quam vulpes pirum comest, eoque duce cceperunt nostri casuistae de justitia & injustitia actionum humanarum judicare. Et ita canones spiritu Dei conditi fere cum honore sepulti sunt, eoque deventum, ut *suspectos de fide pronuntient*, qui sicut *fidei dogmata*, ita *morales conclusiones afferunt repetendas ex scripturis sacris, canonibus ecclesiae & sanctorum patrum scriptis*, ut loquitur Ludovicus Habertus (a). Induerunt bonam mentem jamdiu multi ecclesiastici, egregiamque sacris scripturis & canonibus navant operam, quin probabilissimus alicubi, tantum non interdicat: verum adhuc plerique sunt, qui superficialiis asceticis libellis, & vulgaribus de re morali regulis innutrientur.

An juris civilis studia clericis convenient?

§. VII. Superest nunc, ut videamus, an studia juris civilis & medicinae clericis convenient. Et quantum ad leges, antiqui patres de iis perdiscendis non adeo videntur curasse, quamvis usui esse possent in causis saecularibus decidendis: quinimmo in aliquibus speciebus eas diserte repudiarunt (b). Et quod Oiselio aliisque placuit, Tertullianum, cujus fragmenta in pandectis supersunt, eundem esse cum ecclesiastico scriptore, merito viris doctis, in primis Menagio, displicet (c). Sed inde a barbaris gentibus, quibus odio erant bonae litterae, occupato Occi-

(a) *De sacr. Ord. par. II. cap. 8.* (b) *Ambros. lib. I. de Abraham. Hier. epist. ad Ocean.* (c) *Menag. amoenit. jur. civ. cap. XII.*

cidente, coeperunt clerici juri civili ediscendo operam dare: idque praesertim postquam Bononiae jus illud felici omine doceri coepit: cui studio avaritia & ambitione inflammati adeo se immerferant, ut theologica negligerent. Unde episcopi scripturarum eloquia nesciebant, quod scirent *legum scita & forense litigium*, ut Petrus Damianus testatur (a). Et in pontificis palatio leges perstrepebant, *sed Justiniani, non domini*, ut graviter B. Bernardus deplorat (b). Ergo ad ampliationem studii theologiae statuit Honorius III. ut non minus monachi, quam presbyteri & clerici in dignitate constituti a studiis juris civilis abstinere (c). Et dedecet profecto clericos neglectis scripturis, juri civili operam dare, & quidquid ejus rei est referre ad litigiosa fora; nam alioquin insignes ad morum regulae hauriri possunt ex libris pandectarum. Sed prohibitio caruit effectu, idque videtur evenisse ipsis pontificibus auctoribus, qui jus canonicum novum, adeo stabili connubio cum jurisprudentia copularunt, ut sine legibus civilibus vix ejus notitia possit comparari.

An medicinae studium clericis conveniens?

§. VIII. Venio ad medicinam, quae quanta quanta est, mediis saeculis *physicae* nomine veniebat. Medicina theoretica etiam in studiis theologicis, & doctrina morum usum habet, & ita ejus aliqua notitia a clericis non videtur aliena. Barbaris saeculis celebriores episcopi & monachi medici fuerunt; & apud nos medici in-

Instit. jur. can. T. II.

C c

signo-

(a) *Lib. I. ep. 15.* (b) *Lib. I. de consid. cap. 4.*

(c) *Cap. X. ex. ne clerici vel monachi.*

igniores fuerunt monachi Cassinenses, & multi episcopi, in primis Salernitani (a). Videntur clerici medicas quoque artes hausisse, dum artium liberalium orbem decurrebant, in quo physica medicinam complectebatur: ut mittam quod mediis saeculis laici studiis litterarum parum incumbant, & ita quidquid ejus rei erat veluti patrimonium clericorum habebatur. Monachi autem & clerici ad divitias coacervandas plerumque faciebant medicinam (b). Ergo Alexander III. in concilio Turonensi & Honorius III. vetuerunt, ne monachi juri civili addiscendo, aut medicinae in universitatibus vacarent (c): quam prohibitionem idem Honorius III. etiam ad ampliandum studium theologiae ad presbyteros & ecclesiasticas dignitates extendit (d). Et vero non adeo convenit clericorum vocationi medicinam facere, & assidua circuitione ad praescribenda remedia infirmos invisere. Sed eo quoque nomine clerici chirurgia interdiciuntur, ne forte mortis causam praebentes a canone sint alieni (e). Interim in tanta clericorum multitudine, qui non omnes stipendiis vivunt ecclesiasticis, necessario debet evenire, ut multi non adeo scripturis & canonibus incumbant.

CA.

(a) *Istoria civile del regno di Napoli lib. X. cap. 11.* (b) *Cap. III. ex. eod.* (c) *Cap. III. & X. ex. eod.* (d) *Cit. cap. X.* (e) *Cap. XIX. ex. de homic.*

CAPUT XXXII.

*De habitu & tonsura clericorum.**Christiani vulgo receptis vestibus utebantur :*

§. I. **D**Ecorum in omnibus actionibus necessarium etiam in externo corporis cultu exprimere clericos oportet, ut ita vitae sanctitati & sacro, quod exercent, ministerio omnia respondeant. *Vestis*, inquit perspicite Clemens Alexandrinus (a), *indicat, cujusmodi mores nostris sint, & cultu corporis augetur luxuria*. In rebus indifferentibus decorum & turpe a receptis populorum moribus aestimatur, quibus Christi doctrina non repugnat; & ita uno loco & tempore turpe est; quod alibi & alio tempore honestum. Itaque initio christiani publicas receptasque vestes induerunt, nec externo cultu a ceteris diversae religionis distinguebantur: quod ex Justino martyre, seu alio auctore, certe, pervetusto, epistolae ad Diognetum, Tertulliano, Minucio Felice, Cypriano aliisque constat (b). Summa quoque erat imprudentia, scrupulosa vestitus ratione seipsum distinguere, quando odiis & persecutionibus populorum christiani erant obnoxii. Unde christiani Romae viventes & civibus adscripti toga, in Graecia pallio, in provinciis provinciali habitu utebantur, tantumque

Cc 2

in

(a) *Paedag. lib. III. cap. xi.* (b) *Justin. Martyr. ep. ad Diognet, Tertull. apol. cap. XLII. Minuc. Felix. Octav. cap. IX. Cypr. de bono patient.*

in receptis vestibus luxum & vanitatem mutarunt. Quod si aliqui, abjecta toga, pallium sumebant, id minime ad vestium spectabat mutationem, sed potius iudicium vitae durioris, eo-que habitu se veram, non fucatam philosophiam sectari demonstrabant: quod etiam ex gentium usu erat, apud quas, qui pallium fuscipiebant, sapientiae studiosi censebantur.

Habitus clericorum proprius nullus fuit.

§. II. Jam vero ipsi clerici, non secus ac alii christiani, receptis apud gentes vestibus per quinque plus minus saecula usi sunt; tantumque in earum usu vanitatem declinarunt, modestiae, suo vitae generi convenienti, unice studentes. Nec sane aliter cogitare patitur durus per tria prima saecula christianorum status, quando persecutorum gladius crudelius in ipsos saeviebat antistites, qui prae ceteris summa cura & indagine ad supplicia conquirebantur. Non erat certe opus indagine, si peculiaribus vestibus ipsi in publicum prodibant. Porro quotquot de re vestitaria clericorum primis quinque saeculis mentionem habent: omnes receptis vestibus eos exhibent indutos. Ut ecce Heraclas presbyter Alexandrinus vulgari veste usus est, quamvis postea ea deposita philosophicum habitum induerit (a). Et Tertullianus pallio se tegebat (b), quod diu post presbyteratum videtur induisse, quod ex ejus libro *de pallio* Heineccius probat (c). Idem quoque constat ex concilio Gangrensi, in quo dam-
na-

(a) Orig. apud Euseb. lib. VI. cap. 19. (b) Tertull. de pallio. (c) Heinecc. exercit. 1. de habitu apost. sacerdot. cap. 1. §. 6.

natus Eustathius episcopus, qui περιβόλαιον, *amictum pallii*, propter ascesim susceperat, & tamquam ex eo habens iustitiam, alios damnabat, qui birros & alias communes ferebant vestes (a). Quod vero rem omnem conficit, certe est celebris epistola Caelestini papae ad episcopos Viennenses & Narbonenses, in qua acerbe carpit episcopos, qui novitate quadam ducti, vestes communes hactenus usitatas cum *superstitioso* mutaverant amictu. Unde, inquit (b), *hic habitus in ecclesiis Gallicanis, ut tot annorum, tantorumque pontificum in alterum habitum consuetudo vertatur? Discernendi a plebe vel ceteris sumus doctrina, non veste; conversatione, non habitu; mentis puritate, non cultu.* Memoranda certe verba, quae utinam aliquando clerici intelligant.

Sexto saeculo clerici vestibus distincti.

§. III. Primi. qui peculiares civiles vestes inter clericos invexerunt, monachi videntur fuisse, qui in sortem domini cooptati, iisdem moribus & vestibus, quibus in monachatu usi erant, vivere perrexerunt (c): eorumque sanctitate multi ex reliquis episcopis devicti, vestes etiam monasticas induerunt. Interim novitatem istam apud Latinos in Gallia primum exortam statim Caelestinus papa damnavit, novumque habitum tamquam superstitiosum traduxit: ac ita in Occidente toto saeculo quinto ab antiquo vestimenti more non multum clerici deflexerunt. Sed

(a) Conc. Gangr. can. XII. (b) Caelest. ep. II. ad episc. Galliar. cap. 1. (c) Caelestin. papa epist. cit.

Sed tandem postquam barbarae gentes, in primis Longobardi, Occidentem invaserunt, mutatio invaluit vestis clericalis: non quod ipsi clerici aliquid in hac parte mutassent, sed quod barbaris novis & curtis vestibus utentibus, ut antiquum vestiendi morem retinuerunt (a). Itaque inclinante saeculo sexto in ecclesia Latina clerici jam peculiari veste utebantur: quod pluribus congestis monumentis probat Thomassinus (b). Nec enim ab ecclesiae erat gravitate, mores barbarorum imitari, praesertim quum ecclesia Romana eo tempore imperio Graeco addicta, a Longobardis abhorreret. Unde ab hoc tempore passim in antiquis monumentis ecclesiasticus & saecularis habitus occurrit, quum antea numquam talis inveniatur differentia. Et de Gregorii M. familia ita Jo: Diaconus scribit (c), *Nullus pontifici famulantium a minimo usque ad maximum, barbarum quidlibet & in sermone vel in habitu praeferebat. Sed togata, Quiritium more, seu trabeata Latinitas in ipso latiali palatio singulariter obtineat.* Similiter hoc eodem tempore apud Graecos clerici propriis vestibus jam erant donati (d), quas tamen monachi magno numero ad episcopatum & clericatum adsumti secum deferentes, clericorum proprias tandem reddiderunt.

Qui

(a) *Fleuryus inst. jur. eccles. par. I. cap. 5.*

(b) *Thomass. par. I. lib. 2. cap. 46.* (c) *Jo. Diacon. vit. Greg. M. lib. II. cap. 23.* (d) *Conc. Trull. can. XXVII.*

Qui color vestis clericalis.

§. IV. Quemadmodum vero in vestitu peculiarem usum primis saeculis clerici non sectabantur, ita etiam in vestium colore se receptis aptarunt moribus, ea tamen moderatione, ut modestiam etiam apto colore selecto exprimerent. Apud Romanos communis vestium color albus erat (a), & color pullus, ad nigrum nempe vergens, pessimi ominis erat, togisque pullis tantum in luctu Romani utebantur (b). Unde ad modestiam clericorum Nepotiano Hieronymus edicit, ut vestes pullas aequè devitet ac candidas, idque quod ornatus & sordes pari modo fugiendae sunt, quia alterum delicias, alterum gloriam redolet (c). Tempore Chrysostomi Constantinopoli catholici clerici atris uti coeperant vestibus (d): quod deinceps magis magisque invaluit, postquam monachorum vestes clerici induerunt. Sed in Occidente etiam post vestes mutatas certi colores lege clerici non adstringebantur: tantumque synodus Narbonensis ann. DLXXXIX. purpureas vestes interdixit, quod magis saeculi convenirent magistratibus. Circa medium saeculi XI. concilium Coyacense in Hispania id unum clericis praecepit, ut vestimentum unius coloris & competens habeant, nec verbum addidit, quo peculiarem colorem indicaret. Et in concilio Lateranensi sub Innocentio II. tantum cavetur, ne clerici *superfluitate, scissura & colo-*

(a) *Lipsius lib. I. elect. cap. 13.* (b) *Rosin. antiqu. Roman. lib. V. cap. 32.* (c) *Hieronym. ep. II. ad Nepotian.* (d) *Socrat. lib. 6. cap. 22.*

colore vestium alios offendant (a). Itaque usus coloris nigri pro clericorum vestibus posterioribus saeculis generaliter invaluit, eoque colore recepto vestes civiles clericorum propriae non solum oblongae, ut antea, sed & nigrae esse coeperunt.

Christiani omnes modestio erant capillitio.

§. V. Ab habitu ad clericorum tonsuram transeundum, in qua componenda etiam eorum honestas & decorum elucescit. Et in capillorum cultu christiani receptis populorum moribus, inter quos vivebant, seipsum accommodabant, ita tamen ut decorum cujusque regionis exprimerent. Generatim in imperio Romano viri honesti comam non nutriebant, nec capita radebant; sed inter longam comam & calvitium medium tenentes, in tantum demittebant capillos, ut cutis operiretur. Contra luxuriosi, barbari, milites capillos nutriebant (b). Unde pro diverso capillorum cultu alibi capillitium, alibi capillorum detonsio aut rasura luctus & moeroris erat indicium (c). Itaque in imperio viri omnes christiani modestis brevibusque erant capillis, contra feminae comam nutriebant, quod erat decorum pro cultu capitis tum receptum. Et hinc apostolus Corinthios notat, quod eorum mulieres intecto erant capite, & viri comam nutriebant, eosque decori proposita regula revocat ad officium (d). *Vir, si comam nutriat, ignominia est illi: mulier vero si comam nutriat, gloria est illi: quoniam capilli pro velamine ei dati sunt.*

(a) *Conc. Lateranens. cap. XVII.* (b) *Hieron. lib. XIII. in Ezechiel. cap. 44.* (c) *Ckrusost. serm. III. de propheta Job.* (d) *1. ad Cor. XI. 14. seq.*

sunt. Passim antiqui patres, in primis Tertul-
 lianus, Clemens Alexandrinus, auctor constitu-
 tionum apostolicarum, Epiphanius, Chrysosto-
 mus aliique hanc eandem regulam proponunt,
 ut hinc dubitari non possit, decorum in cultu
 capitis pro viris brevem comam, pro mulieri-
 bus oblongos capillos fuisse (a). Gloria vero
 mulieris in nutrienda coma tantum permittebat,
 eam in longum crescere, & modeste nutrire,
 non adhibitis structoribus & calamistris in annu-
 los torquere. Et huc spectare videtur canon qui-
 dam Illiberitanus, qui vetat, *ne qua fidelis vel*
catechumena comatos, aut viros cinerarios ha-
beat (b). Etenim cinerarii videntur fuisse ca-
 pillorum structores, qui tum e Germania erant
 oriundi, & artem crispandi & ornandi crines,
 adhibitis calamistris, lucris studio per Romanum
 circumferebant imperium, & apud delicatos &
 delicatas grati erant, & inter officia opulenta-
 rum familiarum admittebantur: ideoque eos,
 tamquam morum corruptores, a fidelium & ca-
 techumenarum mulierum famulatio patres Illibe-
 ritani procul arcent (c).

*Primis quinque saeculis nulla fuit clericorum
 tonsura.*

§. VI. Jam vero per quinque priora plus mi-
 nus saecula, non secus ac ipsi laici, clerici mo-
 desto usi sunt capillitio: passimque hodie con-
 venit inter eruditos abrasum in vertice clerico-
 rum caput, quod inferius capillorum circulum

D d

re-

(a) V. Lupum *diff. de S. Leonis IX. actis cap. XVI.*
crimine 9. tom. 4. *oper. edit. Venetae.* (b) *Conc. Il-*
liver. can. LXVII. (c) *Lupus loc. cit.*

relinquit posterioris aetatis inventum esse (a). Et sane veri speciem nullam habet, primis tribus saeculis, quibus ad internicionem praesertim antistites quaerebantur, tam insigni nota, clericos se prodidisse. Deinde Optatus vitio vertit Donatistis, quod contra tot exempla in contrarium proposita catholicorum sacerdotum capita radebant (b), ut forte eos ad agendam publicam in ecclesia poenitentiam adducerent. Nulli vero exceptioni obnoxia sunt verba Hieronymi, quibus tonsuram clericorum ita describit, ut eam a communi christianorum nihil distare palam faciat. Etenim in haec verba Ezechielis (c) de sacerdotibus Judaeorum, *Caput suum non radent, neque comam nutrient, sed tondentes attondebunt capita sua*, ita commentatur: *Perspicue demonstratur, nec rasis capitibus, sicut sacerdotes cultoresque Isidis atque Serapis nos esse debere, nec rursum comam dimittere, quod proprie luxuriosorum est barbarorumque & militantium, sed ut honestus habitus sacerdotum facie demonstretur; nec calvitium novacula esse faciendum, nec ita ad pressum tondendum caput, ut rasorum similes esse videamur, sed in tantum capillos demittendos, ut operta sit cutis (d).*

Quo tempore inducitur tonsura clericalis.

§. VII. Sed temporis lapsu modesta brevisque clericorum coma abiit in tonsuram, quae detonso, & inde etiam raso superius capite, inferius

ca-

(a) Thomass. par. 1. lib. 2. cap. 37. seqq.

(b) Optat. cont. Parmen. lib. 2. (c) Ezech. cap. XLIV. 20. (d) Hieronym. lib. XIII. in Ezechiel. cap. XLIV.

capillorum circulum relinquat: quod ex tonsura monachorum videtur demanasse (a). Scilicet pro femineis longisque crinibus, quos nonnulli monachi affectarunt, eorum plerique casta infirmitate & inaequaliter capillos ad cutem tondebant, ut ludibrio hominibus essent (b). Inaequaliter ad cutem attonsi tandem perspecta eorum sanctitate fuerunt admirationi, & ex monachatu ad clericatum assumti, pristinum capillorum servarunt cultum, eosque alii clerici coeperunt imitari. Ne vero informis tonsura clericos deformaret, eam in meliorem formam adornarunt, quae aequaliter detonso superius capite, inferius capillorum circulum relinquat: quod non ante saeculum sextum in Occidente factum videtur (c): etenim ante Isidorum Hispalensem, qui sub finem sexti saeculi floruit, & concilium Toletanum IV. ann. 100XXXVI. celebratum, scriptor forsitan non invenitur, qui eam formam tonsurae tribuat. Quamvis vero non ita pridem sic descripta tonsura invaluisse, ejus institutorem statim B. Petrum dictitarunt (d). eamque a tonsura Pauli, quae ab Oriente per Theodorum monachum in Angliam allata, totum caput radebat, nulla corona relicta, distinxerunt (e). Et ne mystici sensus deessent, tonsura significari di-

D d 2

xc-

(a) *Thomafs. loc. cit. cap. 37. n. 13.* (b) *Paulin. ep. VII., Salvian. de gubern. Dei lib. VIII.*

(c) *Isidor. Hispalen. de off. eccles. lib. 2. cap. 4. conc. Tolet. IV. can. XLI.* (d) *Isidor. loc. cit. Greg. Turonens. de gloria mar. lib. 1. cap. 28.* (e) *Beda lib. IV. cap. 1. & lib. V. cap. 12., Conf. Usser. antiq. Bitan.*

serunt regale Christi sacerdotium (a), & spheam Christi coronam (b): quin in ipsa etiam capillorum detensione temporalium omnium contentum invenerunt (c). Interim in omnibus clericis aequalis tonsura videtur fuisse, nec adhibebatur novacula, quae verticem capitis omnino denudaret; constanter enim sexti, & septimi saeculi scriptores caput superius tonsum, non rasum membrant. Saeculo octavo clericorum capiti videtur accessisse novacula; in falsis enim decretalibus sub nomini Aniceti ita scribitur; *Ut clerici juxta Apostolum comam non nutriant, sed desuper caput in modum sphaerae radant* (d): nec forsan antiquius prostat monumentum, quo in modum sphaerae abradi capita clericorum praecipitur. Et ex hoc tempore videntur clerici totum superius caput rasisse, donec tandem inductum, ut cuique ordini tonsura responderet (e).

Formula adjurandi episcopos per coronam.

§, VIII. Jam vero contra tonsuram clericalem, in coronae formam demum sexto exeunte saeculo compositam, facere videtur sollemnis adjurandi & deprecandi episcopos formula *per coronam* quarto & quinto saeculo receptissima (f), & appellatio *coronatorum*, qua interprete Gothofre-

(a) Isidor. loc. cit. (b) Beda lib. V. cap. 22.

(c) Isidor. loc. cit. (d) Can. XXI. D. 23.

(e) Cap. XV. ex de vit., & honest. cleric.

(f) Hieronym. Ep. XXVI. ad August. inter Epist. August. August. Ep. CXLVII. ad Proculejan. Sinod. lib. IV. Ep. 29. & passim.

fredo, clerici ab Honorio imperatore (a) designantur. Et quidem Baronius, & Savaro (b) eam loquendi formulam ad clericalis tonsurae formam spectare scribunt: quin ipse Jac. Gothofredus nomine *coronatorum* clericos interpretatur ob *ξύρισμα γυροειδές*, tonsuram nempe capillorum in gyrum ductam (c). Sed quando quinto saeculo comam brevem, non tonsuram clerici gestabant, vix est, ut hac interpretationes satisfaciant. Ergo non defuerunt, qui episcopos adjuratos *per coronam* opinantur, a capitis ornamento, *mitra* nempe, quam sub nomine *coronae* designatam autumant (d). At usus mitrae videtur saeculo decimo recentior: quod ex veterum silentio Menardus adstruit (e). Nec quod Joannes apostolus, teste Polycrate, vetustissimo scriptore, *πέταλον*, *laminam* portarit (f), id facit ad probandum mitrae usum, aut aliud ornamentum, quod in capite quarto saeculo episcopi gerebant; nam quidquid fuerit *πέταλον* Joannis, certe non constat, deinceps episcopos idem usurpasse. Contra Thomasinus & Binghamus morem adjurandi per coronam metaphoricum fuisse coniiciunt, quo honor episcopis debitus, & regale Christi sacerdotium, quod in episcopis singulari gloria praeferretur, significatur.

(a) LXXXVIII. C. Th. de Episc. & ibi Gothofred.

(b) Baron. ad. an. LVIII. Savaro not. in Sidon. lib. VI. Ep. 3. (c) Gothofr. in l. XXXVIII. C. Th. de Episc. (d) Spond. Epist. Baron an. LVIII. n. 54.

(e) Hugo Menardus not. ad sacram. S. Gregorii.

(f) Polycr. ap. Euseb. lib. V. cap. 24.

tur (a). Sed nisi ponatur insigni aliquo ad coronam accedente episcopos fuisse distinctos, vix translatus iste loquendi modus intelligitur. Si mihi in senatu eruditorum dicere sententiam concedatur, puto, ejus locutionis genus ex forma presbyterii dimanasse. Notum est, presbyteros cum episcopo constituisse ecclesiae senatum, in quo eminentior episcopi sedes, & secundi throni presbyterorum efficiebant semicirculum, quem Ignatius Martyr *spiritualem coronam*, & constitutiones apostolicae *ecclesiae coronam* appellant (b). Universa autem ecclesiae potestas residebat in spiritali ista corona, cujus auctoritate negotia omnia ecclesiae tractabantur (c). Unde fieri potuit, ut vis ipsa sacerdotii, quae in episcopis praesertim residebat, per *coronam*, utpote rem in ecclesia illustriorem, designaretur, & clerici ipsi dicerentur *coronati*, ob reverentiam, & dignitatem, quam ipsis corona conciliabat. Ipsa antiqua monumenta ab hac sententia non abludunt. Paschasius episcopus ad Leonem Papam, *Jubere dignata est corona vestra*. Et, ut alia multa similia loca mittam, Sidonius Apollinaris (d), *De minimis rebus coronam tuam maximisque consulere*. Scilicet praevio in presbyterio tractatu episcopi ad consultationes respondebant: ac ita consulere coronam idem videtur ac consulere episcopum presbyterio praesidentem.

No-

(a) *Thomafs. par. I. lib. 2. cap. 37. n. 9. Bingh. lib. II. orig. cap. 9. §. 5.* (b) *Ignat. Martyr. Ep. ad Magnes. n. XIII. const. Apost. lib. II. cap. 28.* (c) *V. sup. cap. XVI. §. 4.* (d) *Sidon. lib. VII.*

Nova in Gratianum crisis.

§. IX. Porro sine commentario non praetermittendum fragmentum quoddam sub nomine Hieronymi *ad quemdam suum Levitam de diversis generibus hominum* a Gratiano relatum (a), in quo diserte asseritur, abrafam in vertice coronam clericos gestare. *Hi namque (clerici) sunt reges, id est se alios in virtutibus regentes: & ita in Deo regnum habent. Et hoc designat corona in capite. Hanc coronam habent ex institutione Romanae ecclesiae, in signum regni, quod in Christo expectatur. Rasio vero capitis est temporalium omnium depositio.* Mirum est, neminem ex Gratiani correctoribus, quod sciam, aliquid in hoc fragmentum adnotasse: magisque mirum hoc nostro tempore esse, qui tali innixi fundamento morem radendi verticis clericorum aetate Hieronymi receptum faciant. Etenim hoc fragmehtum falso Hieronymi nomen praeferre mihi videtur exploratum. Et vero qui fieri potest, ut Hieronymus capite raso clericos exhibeat, quando ex ejus sententia, quam ex Ezechiele confirmat, christiani sacerdotes rasis capitibus sicut sacerdotes Isidis atque Serapis, esse non debent, sed tantum modesto capillitio, quod inter calvitium, & longam comam medium teneat (b)? Porro quo spectat inscriptio *ad quemdam suum Levitam*, quando Hieronymus sine certo titulo presbyter ordinatus, sibi addictum diaconum habere non potuit (c)? Stilus quoque mollis ab Hieronymiano videtur abhorrere: nec
inter

(a) *Can. VII. C. 12. q. 1.* (b) *Hieroni. lib. XIII. in Ezechiel. cap. 44.* (c) *V. sup. cap. XXVII. §. 4.*

inter Hieronymi opera aliquid prostat, quod ad quemdam suum *Levitam* nomen praeferat. Et ut alia mittam, mystica regni per coronam significatio, & depositio temporalium in racione expressa, posterioris aetatis inventa sunt, antiquis omnibus ignota. Unde coniicio, fragmentum hoc sub finem octavi saeculi prodiisse, quando sacerdotes caput radere coeperant, & mystici coronae, & abradi capitis sensus jam recepti erant.

Clerici olim barbam non radebant.

§. X. Superest, ut de cultu barbae, quae etiam ad clericorum spectabat tonsuram, aliquid dicamus. Romani ab an. V. C. CCCCLIV. usque ad imperatorem Hadrianum barbam raserunt, at Hadrianus ad faciei tegendam turpitudinem barbam longam, ab antiquissimis Romanis excultam, reduxit (a). Similiter apud plerasque alias gentes barbae denudatio turpe spectaculum, quo viri vertebantur in feminas, habebatur. Et hinc passim barba promissa obtinuit, aut saltem sic tonsa, ut faciem non denudaret: testaturque Hieronymus, in summo luctu, & moerore barbas depositas & calvitium inductum. Apud antiquos, sunt Hieronymi verba (b), *barbae capitisque rasura luctus indicium fuit*. Moribus autem receptis olim se accommodantes clerici, pro variis locorum moribus aut barbam nutriebant, aut modeste attondebant. Unde cavet concilium Charthaginiense IV. *Clericus neque comam nutriat, neque barbam radat* (c): quam esse genuinam lectionem ex Vaticanae Bibliothecae aliisque manu-

(a) *Vita privata de Romani cap. IV. 11.* (b) *Hieron. in Isai. cap. XV.* (c) *Conc. Carth. IV. can. XLIV.*

nuscriptis exemplaribus Savaro demonstrat (a). Et quî alias cavere poterant patres Carthaginienses, quando Clemens Alexandrinus, Cyprianus, constitutiones apostolicæ, & Epiphanius generatim omnes damnant christianos, qui barbam deponebant? Porro Sidonius Apollinaris Maximum Palatinum amicum suum, quî ex laico in clericum erat adscitus, ita depingit, *Habitus vero, gradus, pudor, color, sermo religiosus, tum contra brevis, barba prolixa* (b).

Sed inde Latini barbam radere coeperunt.

§. XI. Sed lapsu temporis, retenta apud Orientales barbae nutriendae consuetudine, Occidentales, quod turpe spectaculum antiquis videbatur, barbae admiserunt rasionem. Ita pro temporum, & locorum ratione variat civile decorum. Sexto saeculo passim apud Italos videtur deposita barba; etenim de Justiniano refert chronicum Alexandrinum, *Justinianus erat mento rasisus, ritu Romanorum*; & Longobardi a longa barba dicti indicant diserte, Italos barbam deposuisse. More ceterorum etiam clerici barbâ raserunt, quod quo tempore primum fecerint, non ausim adfirmare. Certe vero saeculo nono jam barbâ radebant (c), eoque nomine ecclesiam Latinam Graeci criminati sunt. Sed non erat, ut pro re indifferenti Graeci tantas excitarent lites, nam sanctitas non in barbae cultu, sed in exercitio virtutis & honestatis consistit. Et vero ipsi gentiles philosophi ludibrio *Inst. jur. can. T II.* E c erant,

(a) Savaro not. in Sidon. lib. IV. ep. 25. (b) Sidon. lib. IV. ep. 24. (c) Ratramnus contra opposita Graecorum. lib. IV. cap. 5.

erant, quod philosophiam capillitio & barba longioribus & pallio unice aestimabant. *Philosophorum phalanx*, inquit Theodoretus (a), *pallio albo & barbae prolixitate & capitis capillitio philosophiam metitur*. Semel autem a clericis Latinis deposita barba, Burchardus, Ivo Carnotensis & Raymundus canonem concilii IV. Carthaginensis sine voce *radat* codicibus inseruerunt suis (b), ut ita receptae non adversaretur consuetudini. Et ita apud Latinos barba rasa etiam ad clericorum spectavit tonsuram, passimque post saeculum decimum concilia nomine *tonsurae* & coronam in capite & barbam rasam intelligunt (c).

Clerici habitum & tonsuram deferre debent.

§. XII. Jam vero postquam clerici tonsura & habitu a laicis distincti sunt, ad eorum pertinere coepit officium semel tonsuram & habitum vel simul cum aliquo ex minoribus ordinibus, vel seorsum susceptum, tamquam insigne propriae vocationis deferre. Et hinc sub anathemate prohibuit Gregorius M., ne clerici comam relaxarent: quae prohibitio non recte Gregorio IX. in decretalibus tribuitur (d). Et Alexander III. decrevit, clericos barbam & comam nutrientes, etiam invitos, a suis archidiaconis tonderi (e): addiditque concilium Eboracense an. c1090. beneficiorum privationem. Passim quoque canones inculcant, ut clericis propriis sibi que compe-

(a) *Orat. I. de div. provid.* (b) *Burchar. lib. II. cap. 174. Ivo par. VI. cap. 265; Cap. V. ex. de vit. & honest. cleric.* (c) *Conc. Bituric. an. 1054. cap. VII.* (d) *Cap. IV. ex. de vit. & honest. cleric.* (e) *Cap. VII. ex. cod.*

petentibus vestibus utantur: nec more laicorum pretiosis & affectatis vestibus superbiant (a). Nempe mediis saeculis qui deponebant tonsuram & vestes induebant laicales, tacite clericatui abrenunciare videbantur: quod quum ex ejus aetatis moribus fieri non poterat; variis poenis ad officium redire cogeabantur. Sed temporis lapsu in tanta clericorum multitudine clericis minoribus discedendi a clericatu facta potestate, fori privilegio privati sunt, qui ecclesiis non deserviunt, nec habitum & tonsuram deferunt clericalem (b), quasi sponte sua ad laicam redierint communionem.

Ante Tridentini Concilii decretum sess. 23. cap. 6. quo clericis tonsura, vel minoribus ordinibus initiatis sub poena privationis privilegii fori jubetur, ut habitum & tonsuram ecclesiasticam deferentes alicui ecclesiae de mandato Episcopi inservirent vel in Seminario Episcopali, aut in aliqua schola de Episcopi licentia studerent: Rex noster Alphonsus edixerat, ut singuli clerici, qui clericali privilegio gaudere velint teneantur & debeant perseveranter incedere cum clericali habitu & tonsura, divinisque officiis quibuslibet diebus festiis cum superpelliceo personaliter adesse, prout sacrorum canonum instituta, & ordinationes regiae in talibus observari postulaverint, Vid. Tom; 3. Prag. edit. Caesini Tit. XI. de foro competenti Prag. 1. p. 92.

Verum cum annorum lapsu praedicta Regis constitutio obsolevisset anno 1744. Panormitanus

E e 2

ac

(a) V. Thomass. par. I. lib. 2. cap. 50. seq. (b) Trid. sess. XXIII. de ref. cap. 6.

relinquit posterioris aetatis inventum esse (a). Et sane veri speciem nullam habet, primis tribus saeculis, quibus ad internicionem praesertim antistites quaerebantur, tam insigni nota, clericos se prodidisse. Deinde Optatus vitio vertit Donatistis, quod contra tot exempla in contrarium proposita catholicorum sacerdotum capita radebant (b), ut forte eos ad agendam publicam in ecclesia poenitentiam adducerent. Nulli vero exceptioni obnoxia sunt verba Hieronymi, quibus tonsuram clericorum ita describit, ut eam a communi christianorum nihil distare palam faciat. Etenim in haec verba Ezechielis (c) de sacerdotibus Judaeorum, *Caput suum non radent, neque comam nutriunt, sed tondentes attondebunt capita sua*, ita commentatur: *Perspicue demonstratur, nec rasis capitibus, sicut sacerdotes cultoresque Isidis atque Serapis nos esse debere, nec rursum comam dimittere, quod proprie luxuriosorum est barbarorumque & militantium, sed ut honestus habitus sacerdotum facie demonstretur; nec calvitium novacula esse faciendum, nec ita ad pressum tondendum caput, ut rasorum similes esse videamur, sed in tantum capillos demittendos, ut operta sit cutis (d).*

Quo tempore inducitur tonsura clericalis.

§. VII. Sed temporis lapsu modesta brevisque clericorum coma abiit in tonsuram, quae detonso, & inde etiam raso superius capite, inferius

ca-

(a) Thomass. par. 1. lib. 2. cap. 37. seqq.

(b) Optat. cont. Parmen. lib. 2. (c) Ezech. cap. XLIV. 20. (d) Hieronym. lib. XIII. in Ezechiel. cap. XLIV.

capillorum circulum relinquat : quod ex tonsura monachorum videtur demanasse (a) . Scilicet pro femineis longisque crinibus , quos nonnulli monachi affectarunt , eorum plerique casta infirmitate & inaequaliter capillos ad cutem tondebant , ut ludibrio hominibus essent (b) . Inaequaliter ad cutem attonsi tandem perspecta eorum sanctitate fuerunt admirationi , & ex monachatu ad clericatum assumti , pristinum capillorum servarunt cultum , eosque alii clerici coeperunt imitari . Ne vero informis tonsura clericos deformaret , eam in meliorem formam adornarunt , quae aequaliter detonso superius capite , inferius capillorum circulum relinquat : quod non ante saeculum sextum in Occidente factum videtur (c) : etenim ante Isidorum Hispalensem , qui sub finem sexti saeculi floruit , & concilium Toletanum IV. ann. 100XXXVI. celebratum , scriptor forsitan non invenitur , qui eam formam tonsurae tribuat . Quamvis vero non ita pridem sic descripta tonsura invaluisse , ejus institutorem statim B. Petrum dictitarunt (d) . eamque a tonsura Pauli , quae ab Oriente per Theodorum monachum in Angliam allata , totum caput radebat , nulla corona relicta , distinxerunt (e) . Et ne mystici sensus deessent , tonsura significari di-

D d 2

xc.

(a) *Thomafs. loc. cit. cap. 37. n. 13.* (b) *Paulin. ep. VII. , Salvian. de gubern. Dei lib. VIII.*

(c) *Isidor. Hispalen. de off. eccles. lib. 2. cap. 4. conc. Tolet. IV. can. XLI.* (d) *Isidor. loc. cit. Greg. Turonens. de gloria mar. lib. I. cap. 28.* (e) *Beda lib. IV. cap. 1. & lib. V. cap. 12. , Conf. Usser. antiquit. Bitan.*

xerunt regale Christi sacerdotium (a), & spheam Christi coronam (b): quin in ipsa etiam capillorum detensione temporalium omnium contentum invenerunt (c). Interim in omnibus clericis aequalis tonsura videtur fuisse, nec adhibebatur novacula, quae verticem capitis omnino denudaret; constanter enim sexti, & septimi saeculi scriptores caput superius tonsum, non rasum membrant. Saeculo octavo clericorum capiti videtur accessisse novacula; in falsis enim decretalibus sub nomine Aniceti ita scribitur; *Ut clerici juxta Apostolum comam non nutriant, sed desuper caput in modum sphaerae radant* (d): nec forsan antiquius prostat monumentum, quo in modum sphaerae abradi capita clericorum praecipitur. Et ex hoc tempore videntur clerici totum superius caput rasisse, donec tandem inductum, ut cuique ordini tonsura responderet (e).

Formula adjurandi episcopos per coronam.

§. VIII. Jam vero contra tonsuram clericalem, in coronae formam demum sexto exeunte saeculo compositam, facere videtur sollemnis adjurandi & deprecandi episcopos formula *per coronam* quarto & quinto saeculo receptissima (f), & appellatio *coronatorum*, qua interprete Gothofre-

(a) Isidor. loc. cit. (b) Beda lib. V. cap. 22.

(c) Isidor. loc. cit. (d) Can. XXI. D. 23.

(e) Cap. XV. ex de vit., & honest. cleric.

(f) Hieronym. Ep. XXVI. ad August. inter Epist. August. August. Ep. CXLVII. ad Proculejan. Sinod. lib. IV. Ep. 29. & passim.

fredo, clerici ab Honorio imperatore (a) designantur. Et quidem Baronius, & Savaro (b) eam loquendi formulam ad clericalis tonsurae formam spectare scribunt: quin ipse Jac. Gothofredus nomine *coronatorum* clericos interpretatur ob *ξύρισμα γυροειδές*, tonsuram nempe capillorum in gyrum ductam (c). Sed quando quinto saeculo comam brevem, non tonsuram clerici gestabant, vix est, ut hac interpretationes satisfaciant. Ergo non defuerunt, qui episcopos adjuratos *per coronam* opinantur, a capitis ornamento, *mitra* nempe, quam sub nomine *coronae* designatam autumant (d). At usus mitrae videtur saeculo decimo recentior: quod ex veterum silentio Menardus adstruit (e). Nec quod Joannes apostolus, teste Polycrate, vetustissimo scriptore, *πέταλον*, *laminam* portarit (f), id facit ad probandum mitrae usum, aut aliud ornamentum, quod in capite quarto saeculo episcopi gerebant; nam quidquid fuerit *πέταλον* Joannis, certe non constat, deinceps episcopos idem usurpasse. Contra Thomassinus & Binghamus morem adjurandi *per coronam* metaphoricum fuisse coniiciunt, quo honor episcopis debitus, & regale Christi sacerdotium, quod in episcopis singulari gloria praefulget, significatur.

(a) LXXXVIII. C. Th. de Episc. & ibi Gothofred.

(b) Baron. ad. an. LVIII. Savaro not. in Sidon. lib. VI. Ep. 3. (c) Gothfor. in l. XXXVIII. C. Th. de Episc. (d) Spond. Epist. Baron an. LVIII. n. 54.

(e) Hugo Menardus not. ad sacram. S. Gregorii.

(f) Polycr. ap. Euseb. lib. V. cap. 24.

tur (a). Sed nisi ponatur insigni aliquo ad coronam accedente episcopos fuisse distinctos, vix translatus iste loquendi modus intelligitur. Si mihi in senatu eruditorum dicere sententiam concedatur, puto, ejus locutionis genus ex forma presbyterii dimanasse. Notum est, presbyteros cum episcopo constituisse ecclesiae senatum, in quo eminentior episcopi sedes, & secundi throni presbyterorum efficiebant semicirculum, quem Ignatius Martyr *spiritualem coronam*, & constitutiones apostolicae *ecclesiae coronam* appellant (b). Universa autem ecclesiae potestas residebat in spiritali ista corona, cujus auctoritate negotia omnia ecclesiae tractabantur (c). Unde fieri potuit, ut vis ipsa sacerdotii, quae in episcopis praesertim residebat, per *coronam*, utpote rem in ecclesia illustriorem, designaretur, & clerici ipsi dicerentur *coronati*, ob reverentiam, & dignitatem, quam ipsis corona conciliabat. Ipsa antiqua monumenta ab hac sententia non abluunt. Paschasius episcopus ad Leonem Papam, *Jubere dignata est corona vestra*. Et, ut alia multa similia loca mittam, Sidonius Apollinaris (d), *De minimis rebus coronam tuam maximisque consulere*. Scilicet praevio in presbyterio tractatu episcopi ad consultationes respondebant: ac ita consulere coronam idem videtur ac consulere episcopum presbyterio praesidentem.

No-

(a) *Thomass. par. I. lib. 2. cap. 37. n. 9. Bingham. lib. II. orig. cap. 9. §. 5.* (b) *Ignat. Martyr. Ep. ad Magnes. n. XIII. const. Apost. lib. II. cap. 28.* (c) *V. sup. cap. XVI. §. 4.* (d) *Sidon. lib. VII.*

§. IX. Porro sine commentario non praetermittendum fragmentum quoddam sub nomine Hieronymi ad quemdam suum Levitam de diversis generibus hominum a Gratiano relatum (a), in quo disertè asseritur, abrafam in vertice coronam clericos gestare. Hi namque (clerici) sunt reges, id est se alios in virtutibus regentes: & ita in Deo regnum habent. Et hoc designat corona in capite. Hanc coronam habent ex institutione Romanae ecclesiae, in signum regni, quod in Christo expectatur. Rasio vero capitis est temporalium omnium depositio. Mirum est, neminem ex Gratiani correctoribus, quod sciam, aliquid in hoc fragmentum adnotasse: magisque mirum hoc nostro tempore esse, qui tali innixi fundamento morem radendi verticis clericorum aetate Hieronymi receptum faciant. Etenim hoc fragmentum falso Hieronymi nomen praeferre mihi videtur exploratum. Et vero qui fieri potest, ut Hieronymus capite rasos clericos exhibeat, quando ex ejus sententia, quam ex Ezechiele confirmat, christiani sacerdotes rasis capitibus sicut sacerdotes Isidis atque Serapis, esse non debent, sed tantum modesto capillitio, quod inter calvitium, & longam comam medium teneat (b)? Porro quo spectat inscriptio ad quemdam suum Levitam, quando Hieronymus sine certo titulo presbyter ordinatus, sibi addictum diaconum habere non potuit (c)? Stilus quoque mollis ab Hieronymiano videtur abhorrere: nec
inter

(a) Can. VII. C. 12. q. 1. (b) Hieron. lib. XIII. in Ezechiel. cap. 44. (c) V. sup. cap. XXVII. §. 4.

inter Hieronymi opera aliquid prostat, quod ad quemdam suum *Levitam* nomen praeferat. Et ut alia mittam, mystica regni per coronam significatio, & depositio temporalium in racione expressa, posterioris aetatis inventa sunt, antiquis omnibus ignota. Unde coniicio, fragmentum hoc sub finem octavi saeculi prodiisse, quando sacerdotes caput radere coeperant, & mystici coronae, & abradi capitis sensus jam recepti erant.

Clerici olim barbam non radebant.

§. X. Superest, ut de cultu barbae, quae etiam ad clericorum spectabat tonsuram, aliquid dicamus. Romani ab an. V. C. CCCCLIV. usque ad imperatorem Hadrianum barbam raserunt, at Hadrianus ad faciei tegendam turpitudinem barbam longam, ab antiquissimis Romanis excultam, reduxit (a). Similiter apud plerasque alias gentes barbae denudatio turpe spectaculum, quo viri vertebantur in feminas, habebatur. Et hinc passim barba promissa obtinuit, aut saltem sic tonsa, ut faciem non denudaret: testaturque Hieronymus, in summo luctu, & moerore barbas depositas & calvitium inductum. Apud antiquos, sunt Hieronymi verba (b), *barbae capitisque rasura luctus indicium fuit*. Moribus autem receptis olim se accommodantes clerici, pro variis locorum moribus aut barbam nutriebant, aut modeste attondebant. Unde cavet concilium Charthaginiese IV. *Clericus neque comam nutriat, neque barbam radat* (c): quam esse genuinam lectionem ex Vaticanae Bibliothecae aliisque manu-

(a) *Vita privata de Romani cap. IV. 11.* (b) *Hieron. in Isai. cap. XV.* (c) *Conc. Carth. IV. can. XLIV.*

nuscriptis exemplaribus Savaro demonstrat (a), Et quâ alias cavere poterant patres Carthaginienses, quando Clemens Alexandrinus, Cyprianus, constitutiones apostolicæ, & Epiphanius generatim omnes damnant christianos, qui barbam deponebant? Porro Sidonius Apollinaris Maximum Palatinum amicum suum, qui ex laico in clericum erat adscitus, ita depingit, *Habitus vero, gradus, pudor, color, sermo religiosus, tum conia brevis, barba prolixa* (b),

Sed inde Latini barbam radere coeperunt.

§. XI. Sed lapsu temporis, retenta apud Orientales barbae nutriendae consuetudine, Occidentales, quod turpe spectaculum antiquis videbatur, barbae admiserunt rasionem. Ita præ temporum, & locorum ratione variat civile decorum. Sexto sæculo passim apud Italos videtur deposita barba; etenim de Justiniano refert chronicum Alexandrinum, *Justinianus erat mento rasisus, ritu Romanorum*: & Longobardi a longa barba dicti indicant diserte, Italos barbam deposuisse. More ceterorum etiam clerici barbas raserunt, quod quo tempore primum fecerint, non ausim adfirmare. Certe vero sæculo nono jam barbam radebant (c), eoque nomine ecclesiam Latinam Graeci criminati sunt. Sed non erat, ut pro re indifferenti Graeci tantas excitarent lites, nam sanctitas non in barbae cultu, sed in exercitio virtutis & honestatis consistit. Et vero ipsi gentiles philosophi ludibrio *Inst. jur. can. T II.* E e erant,

(a) Savaro not. in Sidon. lib. IV. ep. 25. (b) Sidon. lib. IV. ep. 24. (c) Ratramnus contra opposita Graecorum. lib. IV. cap. 5.

erant, quod philosophiam capillitio & barba longioribus & pallio unice aestimabant. *Philosophorum phalanx*, inquit Theodoretus (a), *pallio albo & barbae prolixitate & capitis capillitio philosophiam metitur*. Semel autem a clericis Latinis deposita barba, Burchardus, Ivo Carnotensis & Raymundus canonem concilii IV. Carthaginensis sine voce *radat* codicibus inseruerunt suis (b), ut ita receptae non adversaretur consuetudini. Et ita apud Latinos barba rasa etiam ad clericorum spectavit tonsuram, passimque post saeculum decimum concilia nomine *tonsurae* & coronam in capite & barbam rasam intelligunt (c).

Clerici habitum & tonsuram deferre debent.

§. XII. Jam vero postquam clerici tonsura & habitu a laicis distincti sunt, ad eorum pertinere coepit officium semel tonsuram & habitum vel simul cum aliquo ex minoribus ordinibus, vel seorsum susceptum, tamquam insigne propriae vocationis deferre. Et hinc sub anathemate prohibuit Gregorius M., ne clerici comam relaxarent: quae prohibitio non recte Gregorio IX. in decretalibus tribuitur (d). Et Alexander III. decrevit, clericos barbam & comam nutriendes, etiam invitos, a suis archidiaconis tonderi (e): addiditque concilium Eboracense an. CIOXCIV. beneficiorum privationem. Passim quoque canones inculcant, ut clericis propriis sibi que com-

pe-

(a) *Orat. I. de div. provid.* (b) *Burchar. lib. II. cap. 174. Ivo par. VI. cap. 265; Cap. V. ex. de vit. & honest. cleric.* (c) *Conc. Bituric. an. CIOXXXI. cap. VII.* (d) *Cap. IV. ex. de vit. & honest. cleric.*

(e) *Cap. VII. ex. cod.*

petentibus vestibus utantur: nec more laicorum pretiosis & affectatis vestibus superbiant (a). Nempe mediis saeculis qui deponebant tonsuram & vestes induebant laicales, tacite clericatui abrenunciare videbantur: quod quum ex ejus aetatis moribus fieri non poterat; variis poenis ad officium redire cogebantur. Sed temporis lapsu in tanta clericorum multitudine clericis minoribus discedendi a clericatu facta potestate, fori privilegio privati sunt, qui ecclesiis non deserviunt, nec habitum & tonsuram deferunt clericalem (b), quasi sponte sua ad laicam redierint communionem.

Ante Tridentini Concilii decretum sess. 23. cap. 6. quo clericis tonsura, vel minoribus ordinibus initiatis sub poena privationis privilegii fori jubetur, ut habitum & tonsuram ecclesiasticam deferentes alicui ecclesiae de mandato Episcopi inservirent vel in Seminario Episcopali, aut in aliqua schola de Episcopi licentia studerent: Rex noster Alphonsus edixerat, ut singuli clerici, qui clericali privilegio gaudere velint teneantur & debeant perseveranter incedere cum clericali habitu & tonsura, divinisque officiis quibuslibet diebus festivis cum superpelliceo personaliter adesse, prout sacrorum canonum instituta, & ordinationes regiae in talibus observari postulaverint, Vid. Tom; 3. Prag. edit. Caesini Tit. XI. de foro competenti Prag. 1. p. 92.

Verum cum annorum lapsu praedicta Regis constitutio obsolevisset anno 1744. Panormitanus.

E c 2

ac

(a) V. Thomass. par. I. lib. 2. cap. 50. seq. (b) Trid. sess. XXIII. de ref. cap. 6.

de Mazariensis Praesules omni ecclesiastica tum reali, cum personali immunitate destitutos, laicisque Magistratibus subditos declararunt clericos, qui in habitu & tonsura clericali non incederent, quod quidem publica Bartholomei Corsini Siciliae Proregis Sanctione rathum habitum est, & ad cunctos Siculos clericos ampliatur. Consule Tom. 5. Sic. Sanct. p. 497. Hujus vero successor Eustachius Dux de la Via-fuille an. 1748. altera encyclica lege declaravit clericos qui habitum & clericalem tonsuram deposuissent, publicis delictis implicatos non ab Episcopis sed a M. R. C. judicandos. Tom. 5. Sic. Sanct. p. 473. ☞

CAPUT XXXIII.

De negotiis saecularibus, a quibus clericos oportet abstinere.

Clerici a negotiis saecularibus debent abstinere.

§. I. **I**Ntegra vita scelerisque pura & omnium virtutum apparatus veram clericorum constituit honestatem. Verum praeter vitia etiam a negotiis saecularibus clericos oportet abstinere, non quia turpia sunt, sed quod a sacro distrahunt ministerio. Sane ut jam pridem edixit apostolus, *nemo militans Deo, implicat se negotiis saecularibus, ut possit placere ei, cui se probavit* (a): quibus verbis spectavit Paulus ad leges militares, quae, ne milites negotia

(a) 2. ad Tim. II. 4.

tia civilia suscipiant, interdicunt. Tam amplum est pastorale ministerium, ut totum hominem requirat, nec facile ad alia negotia permittat distractionem. Unde apostolici canones deponunt episcopos, presbyteros & diaconos, qui curas suscipiunt saeculares (a). Clericis nostris Judaici praeluserunt sacerdotes, qui ut unice Deum colerent, in terrae tributum cum reliquis tribubus non venerunt, ad alimenta certam fructuum partem accipientes (b). Interim in hac causa ut in aliis multis, mali mores bonas regulas in potestatem redegerunt suam, & inde usque a Cypriani aetate exstiterunt ecclesiastici, qui divina procuracione contemta, saeculi negotiis se ipsos implicarent. Sed praestat quidquid ejus rei est, paullo distinctius enarrare.

Clerici ad quaestum vetantur negotiari.

§. II. Ab instituto clericorum in primis (I) aliena est negotiatio quaestuosa, quae ad augendam rem familiarem exercetur. Generatim antiqui canones Carthaginenses, Arelatenses, Chalcedonenses aliique vetant, clericos *turpis lucri gratia aliquod genus negotiationis exercere*, & alienas conducere possessiones (c). Similiter Alexander III. sub anathematis poena jussit, *ne monachi vel clerici lucri gratia negotientur* (d). Et sane quid magis ab instituto clericorum, qui tantum ei, cui se consecrarunt, placere debent, alienum est, quam divino deserto ministerio,

alie-

(a) *Can. apost. VII. & LXXXI.* (b) *Cyprian. ep. LXVI. al. I.* (c) *Conc. Carthag. III. can. XV., conc. Arelat. I. al. II. can. XIV., conc. Chalced. can. III.*

(d) *Cap. VI. ex. ne clerici vel monachi.*

alienas conducere possessiones, & ex negotiationibus quaestum facere? Quin negotiationes subinde avaritiae & turpis lucri macula adspersiontur: & inde iudice Petro Blesensi (a), clericus, qui *leviore comparat pretio, ut vendat carius, filius est avaritiae, idololatra pecuniae, servus mammonat, & venundatus sub peccato*. Ipse Cicero sordidos aestimandos scripsit, qui mercantur a mercatoribus, quod statim vendant; nihil enim proficiunt, nisi admodum inentiantur (b):. Unde merito Hieronymus, *Negotiatorem clericum, & ex inope divitem, ex ignobili gloriosum, quasi quamdam pestem fuge* (c). Verum hoc ipso quo canones clericis quaestuosis negotiationibus interdiciunt, ubi redditus ecclesiae admodum exigui sunt, ad alimenta procuranda iisdem modestam permittunt negotiationem, modo a sacro non distrahantur ministerio (d). Et in hac specie clericis pro mercatura olim leges civiles dederunt a *chrysa-gyro* immunitatem (e), quod tributi genus erat negotiationibus indictum.

Et negotia laicorum procurare.

§. III. Porro (II) dedecet clericos temporalia laicorum negotia procurare, & eorum fieri administratos. Ita vetat concilium Carthaginense I. clericos esse laicorum procuratores & ratiocinatores (f): quam eandem regulam concilium Cartha-

(a) *Epist. XVII.* (b) *Cic. de offic. lib. I. cap. 42.*
 (c) *Can. IX. D. 88.* (d) *Conc. Illiber. can. XIX. Cap. I. ex. ne clerici vel monachi.* (e) *L. VIII. C. Th. de episc. & clericis.* (f) *Conc. Carthag. I. can. VI.*

thaginienſe III. & Chalcedonenſe renovarunt (a). Conqueſtus olim eſt Cyprianus, multos ſui temporis antiſtites, divina procuratione contempta, rerum ſaecularium fieri procuratores, & dereliſta cathedra, provincias circumire negotiationis quaefuſſae nundinas aucupantes (b). Sed mediis ſaeculis morbus adeo crevit, ut laicorum omnia negotia clerici explicarent: quod factum ex ambitione ipſorum clericorum, qui in laicos dominari cupiebant, & laicorum ignorantia, qui vel ipſas primas litteras & ſcribere nefeiebant. Ita officia omnia, quae ſcriptura explicabantur, apud magnates ſoli clerici exercebant, quod Fleuryus obſervat (c). Quin eo abjectionis devenerunt, ut viliora quaeque negotia laicorum obirent; nono enim ſaeculo qui tantillum ad mundi gloriam adſpirabat, domesticum habebat ſacerdotem, non cui obediret, ſed a quo licentiam, & vero etiam obedientiam in divinis & humanis exigeret. Unde teſte Agobardo plerique ſacerdotes inveniuntur, qui aut ad menſas miniſtrent, aut ſaccata vina miſceant, aut canes ducant, aut caballos, quibus feminae ſedent, regant, aut agellos provideant (d). Utinam cum barbaris ſaeculis malum deſiſſet!

Sordida opificia clericos dedecent.

§. IV. Jam vero clerici (III) omnino debent abſtinere a ſordidis quibuſdam opificiis, & muneribus quae vel in ſe turpia ſunt, vel chriſtianum dedecent

la-

(a) *Conc. Carthag. III. can. XV., conc. Chalcedon. III.* (b) *Cypr. de lapſis.* (c) *Fleuryus tom. XIX: hiſt. eccleſ. diſcur. prael. §. 10.* (d) *Agobard. de privit. & jure ſacerd. §. IX. edit. Baluz.*

sacerdotem, qualia officia tabernariorum, pistorum. Veteri stante disciplina, qua clerici omnes ab ecclesia accipiebant victualia, fordidis opificiis clerici vocationem suam non deturparunt. Sed postquam contra anticos ecclesiae mores coeperunt episcopi ad ampliandam jurisdictionem sine titulo ordinare, passim quoscumque obvios ad tonsuram & minores ordines admiserunt. Quumque minores ordines matrimonium non excludant, hinc ingens clericorum conjugatorum numerus, quorum multi pro alimentis turpibus se dederunt opificiis (a). Et hinc Bonifacius VIII. clericos, qui *joculatores seu goliardos faciunt, aut bufones*, & Clemens V. clericos in macellarii aut tabernarii officio persistentes, nisi resipiscant, clericalibus privant privilegiis (b). Sordide opificia deturpant quidem sacerdotium; at artificiola honesta, quae integrum non occupant hominem, certe clericos non dedecent. Et jubent sane patres Carthaginienses, ut *clericus victum & vestimentum sibi artificiololo vel agricultura, absque officii sui detrimento, paret* (c): adduntque, ut *omnes clerici, qui ad operandum validi sunt, & artificiololum & litteras discant* (d). Illud in hac causa spectarunt patres, ut clerici ecclesiae oneri non essent, & ut aliquid superflui, ad aliorum indigentiam sublevandam, haberent: idque exemplo Pauli apostoli, qui, ne ecclesiam pro victu gravaret, noctes & dies ma-

ni-

(a) *Fleuryus loc. cit. §. 8.* (b) *Cap. un. de vit. & honest. cler. in 6., Clement. Leod.* (c) *Conc. Carth. IV. can. LII.* (d) *Conc. I. Carth. IV. can. LIII.*

nibus suis operabatur (a). Ecclesiae decretis ejus aetatis mores respondent; etenim testatur Epiphanius, non tantum renuntiantes, sed ple-rosque etiam sacerdotes, ad exemplum apostoli, divinae praedicationi externam manuum operam adjungere, quae tamen nec a dignitate sua, nec ab ecclesiae cura, quam perpetuum gerunt, abhorreat, eaque ratione & sibi subsidia vitae parare, & aliis egentibus operis sui lucrum impertire (b). Dabant vero his opificiis horas subsecivas, quibus a sacro vacabant ministerio: illudque laboribus etiam consequebantur, quod Satan numquam eos offendeat otiosos.

Venationes clericis interdictae.

§. V. Inter saecularia exercitia clericis vetita etiam (IV) censetur venatio, quae & eos a ministerio distrahit ecclesiastico, & pro mansuetudine morum duritiem instillat. Romani venationibus non dediti; satis enim deliciarum domi habebant, & praeterea loca venatibus apta Roma longe distabant (c). At apud ceteros populos venationes excoltae; in primis vero antiquo gentis instituto Germanorum & Gallo- rum vita omnis in venationibus & studio rei militaris consistebat, quod Caesar, Tacitus & Eginhardus testantur (d). Itaque antiquiores clerici, praesertim qui moribus Romanis vivebant, generatim venationibus non dediti, nec antiqui

Instit. jur. can. T. II.

Ff

pa

(a) 2. Theff. III. 8., Act. XX. 34. seq. (b) Epiph. LXXX. n. 6 (c) Scipione Ammirato discorsi sopra Cornelio Tacito lib II. disc. 1. (d) Caesar. lib. VI. de B. G. cap. 21., Tacit. de M. G. cap. XV., Eginhar. in vita Caroli M.

patres clericos exhibent venatores; in quibus vero locis etiam in Italia venationes obtinebant, tempore jejunii christiani omnes eas debebant intermittere, quod abstinencia & sacrorum frequentatio non bene cum venationibus stabant (a). Sed inde per Gallias & Germaniam magno numero coeperunt esse clerici venatores; etenim, in clericatu mores gentis suae clerici non deposuerunt, & ita passim se dederunt venationibus (b). Promovit hunc venandi pruritum copia fundorum & silvarum ecclesiis tradita, in quibus jure Germanico non communis omnibus venatio erat, sed fundis inhaerebat, & partem fructuum & proprietatis constituebat, quod egregie pluribus monumentis Boëhmerus illustrat (c). Ita factum, ut clerici & monachi ad instar ceterorum reddituum venationibus uterentur, & accedente more gentis antiquo passim ad venandum prodirent. Ergo episcopi, presbyteri & diaconi pro pauperibus accipitres, canes, falcones nutrire; & visitationes dioecesis potius venationis, quam religionis causa institutae, quod constat ex falconibus & canibus, quos circumducebant. Emendant hos abusus synodi Agathensis, Francica sub Zacharia, regum Francorum capitularia & Romani pontifices, quorum omnium decretis clericis & abbatibus canes, accipitres & falcones habere & venationes exercere interdicitur (d). Est vero observatione dignum, canones & pontificum decretales, quibus

(a) *Can. XIII, D. 86.* (b) *Boëhm. lib. V. jur. eccl. tit. 24.* (c) *Boëhm. loc. §. 2. seqq.* (d) *Can. I. seqq. D. 34., & passim in capitularibus ap. Baluz.*

bus passim vetatur, clericos esse venatores, in Gallia & Germania conditos, vel ad Gallos & Germanos pertinere; idque quia, ut scribit Nicolaus I. venationis vitium *plurimos etiam de clericali catalogo, genere dumtaxat Germanos & Gallos irreverenter implicat* (a). Interim passim tradunt, quietam venationem, quae retibus & laqueis fit, clericis permitti, modo non sit adeo frequens, quae a sacro avocet ministerio: quod Tridentini patres admittere videntur, frangentes, canonicos *ab illicitis venationibus & aucupis abstinere* (b).

Publica munera a clericis aliena.

§. VI. Ab instituto quoque clericorum (V) abhorrent civilia & publica munera; quae immane quantum a sacro distrahunt ministerio, & aliqua etiam prorsus eorum adversantur vocationi. Unus ex canonibus apostolicis deponendos praecipit clericos, qui se ad publicas administrationes demittunt (c). Et alter ita habet, *episcopus, vel presbyter, vel diaconus* *ἐπατέλα ὄνομα*, *militiae vacans, & utraque obtinere volens, Romanum scilicet magistratum & sacerdotalem administrationem, deponatur* (d). Nomine *ἐπατέλας* & *militiae* apud Romanos omnia officia publica veniebant tam civilia, quam militaria, quod Gothofredus & Pagius observant (e): ac proinde

F f 2

non

(a) *Cit. can. I.* (b) *Trid. sess. XXIV. de ref. cap. 12. V. Natal. Alexand. lib. II. theol. dogm., & mor. de sac. ord. cap. 5.* (c) *Can. apost. LXXXI.* (d) *Can. apost. LXXXIII.* (e) *Gothof. in lib. LXIII. C. Th. de decurion. Pagius critic. in Baron. an. CCCLXXV. n. XII.*

non recte Zonaras & Balsamon generalem canonis ab omnibus publicis muneribus interdictionem ad militaria tantum officia restringunt. Videtur hic canon conditus ex sententia concilii Antiocheni in Paulum Samosatenum, cui ab episcopatu dejecto inter alia crimina & hoc obiectum, quod *saeculares gesserit dignitates, & ducentarius* (quo nomine civiles quidam ministri veniebant, ita dicti, quod ducenta annua fertia salarii nomine accipiebant (a)) *vocari, quam episcopus voluerit* (b). Ecclesiae sententiam, quae a militia clericos arcet, christiani confirmarunt imperatores, qui ne clerici a cultu summae divinitati debito abstrahantur, eos ab omnibus publicis muneribus exemerunt (c). Nec apud antiquos nisi rarissime & in casibus extraordinariis reperire licet episcopos civilia munia obeuntes (d); quamvis negari non potest, statim a tempore Constantini ea ambire clericos coepisse.

Armata militia clericis aliena.

§. VII. Sed rei dignitas postulat, ut nonnulla publica officia, unde clericos oportet abstinere, specialiter percurramus, ab armata militia exordientes. Religionis christianae mitissimum ingenium omnino non patitur, ut altaris mancipati ministerio, in bellum prodeant pugnaturi, aut exercitus sint imperatores. Arma ecclesiae certe non sunt temporalia, sed spiritua-

lia,

(a) *Vales. in Euseb. lib. VII. cap. 30.* (b) *Euseb. loc. cit.* (c) *Const. M. ep. ad Anulin. ap. Euseb. lib. X. cap. 7., L. II. C. Th. de episc.* (d) *Theodor. lib. II. cap. 30.*

lia, fini religionis consentanea (a), salubres nempe admonitiones, castae preces, & in contumaces excommunicatio. Et quamvis evangelium bella non improbet, utpote quae ad tuendam reipublicae majestatem sunt necessaria (b); atamen non probat, ut sacerdotes, qui agni immaculati carnes contrectant, in bello alicrum sanguinem fundant. Quin ea debet esse clericorum perfectio, ut adgressoribus victas praebeant manus; ne iusta quidem utentes defensione. *Non pila quaerunt ferrea, inquit Ambrosius (c), non arma Christi milites. Coactus repugnare non novi, sed dolor, fletus, orationes, lacrimae fuerunt mihi arma adversus milites.* Unde clerici etiam si ob justam sui defensionem alios occidissent, olim cadebant sacerdotio; & qui non erant ordinati ab ordinibus penitus reiecti sunt (d). Et hinc vulgata illa, *ecclesiam non sitire sanguinem; clericum irregularem fieri sanguinem effundentem; clericorum esse Christo servire, militum saeculi saeculo, & huius generis alia per Gratianum congesta (e).*

Clerici ratione feudorum ad militiam coacti.

§. VIII. Interim vel post pacem a Constantino datam coeperunt episcopi armis & bello delectari (f); & reipsa Christianus Lupus aliqua antistitum profert exempla, quos quarto & quinto saeculis arma tractare non puduit (g). Verum

(a) 2 ad Cor. X. 4. (b) Grotius de I. B. ac P. lib. I. cap. 2. (c) Can. III. C. 23. q. 8. (d) Espen. par. II. tit. 10. cap. 7. (e) C. XXIII. q. 8. (f) Athanas. epist. ad solitar. (g) Lupus schol. in conc. Remens. can. VI. edit. Venetae tom. IV. oper.

rum temporis lapsu crevit morbus, pluresque ex clericis milites facti, quinimmo ipsa militia inter eos evasit ordinaria. In hanc miseram conditionem clericos redegerunt feuda, quae in iura potius, quam liberali manu principes ecclesiis & monasteriis tradiderunt. Antiqua Longobardi juris principia clericos feuda acquirere non sinebant, quod desinat esse miles saeculi, qui factus est miles Christi (a), quod recte & convenienter christianae religioni Longobardi statuerunt. Sed sensim hi mores desueti & principum astu, qui feudorum in ecclesias largitionibus dominationes suas constabilitum ibant (b), & clericorum ambitione, qui divitias & saeculi dignitates appetentes caeci ea etiam admisserunt, quae propriae repugnabant vocationi. Et ita passim ecclesiae & monasteria per Europam feuda acquirere coeperunt. Quum vero feudorum servitia militaria essent & equestria, hanc episcopi & abbates in saeculi milites versi, & in expeditionibus imperatores & reges debuerunt comitari (c). Itaque ecclesiae coeperunt beneficiis collatis copiosum clientelarem alere militem, cui praeerant episcopi & abbates, & inde natus est *militaris ecclesiarum clypeus*, in quo insignia illustriorum ad ecclesias pertinentium militum inscripta erant, qui omnes una cum reliquis nobilibus militibus in praecipuis anni festivitatibus splendide ornati ad ecclesias & monasteria conveniebant, obsequentis animi sui signa exhibitu-

(a) *Lib. II. feudor. tit. 21.* (b) *Vuilliel. Malmesburiens. lib. V. de gesti. regum Anglor.* (c) *Ziegler. de episcopo milite cap. XI.*

turi (a). Imperatoribus autem & regibus ad bellum profectis, si episcopi & abbates expeditionem detrectarent, ipsi feudis privabantur, non tamen ecclesiae: neque enim quod pastor inique gesserat, ecclesiae erat imputandum, quod Guntherus & Otto Frisingensis diserte tradunt (b).

Canones contra clericorum militiam olim sine effectu.

§. IX. Interea rerum dum clerici & monachi armis & hastae vacabant, non cessavit ecclesia eos ad officium revocare, militiam cum spiritali ministerio non convenire subinde inculcans. Vetuit synodus Francica sub Zacharia, clericos arma portare & in exercitum proficisci, tantumque eos excepit, qui ad sacra mysteria celebranda seligebantur (c). Et synodus Meldensis deponi clericos iussit, qui arma militaria sumunt, aut armati incedunt (d). Ipsi quoque Romani pontifices, quamvis etiam aliquando armati prodirent, armorum tamen usum pluries clericis interdixerunt, in primis Zacharias (e), Nicolaus I., Joannes VIII. alique (f). Sed haec & alia decreta vix quidquam proficiebant. Quousque enim ecclesiae & monasteria feuda possidebant, numquam episcopi & abbates militiam poterant declinare. Duorum alterum erat necessarium, ut nempe vel ecclesiae feuda abiice-

(a) *Lupus loc. cit.* (b) *Gunth. lib. II., Otto Frising. lib. II. cap. 12., confer. Iter. de feud. imper. cap. XX. §. 6.* (c) *Ap. Baron. ad an. 17CCXLIV.* (d) *Cap. 6. C. 23. q. 8.* (e) *Ap. Baron. loc. cit. n. 8.* (f) *Can. I. & XIX. C. 23. q. 8.*

abicerent, vel militiam principes remitterent. In tanta vero feudorum multitudine ecclesiis datorum vix poterant principes sine imperii detrimento militiam episcopis & abbatibus remittere, ut mittam quod in tantis mediorum faeculorum motibus principum intererat in comitatu episcopos & abbates habere. Et episcopi & abbates postquam faeculi dignitates degustarunt, ad feuda abiicienda animum non poterant inducere: quin eorum aliqui ipsam militiam tamquam ecclesiae honorem reputabant. Ergo non obstantibus tot ecclesiae decretis perstiterunt clerici arma tractare, confirmatusque etiam videtur abusus exemplo pontificum, & praesertim Leonis IX., viri alias sanctissimi, qui exercitibus imperarunt, vel militem aluerunt. Inde paulatim solutus est feudal nexus, militiamque aere potius, quam corpore vassalli coeperunt exhibere: & ita hodie quamvis multae ecclesiae & monasteria feudia possideant, non tamen episcopi & abbates adiguntur ad militiam, tantumque ex episcopis alunt militem, qui domini sunt temporales.

Vetantur clerici exercere jus gladii.

§. X. Porro ab instituto clericorum, non secus ac militia, *jus gladii*, seu merum & mistum imperium abhorret. Non est ecclesiae poenas cum sanguine poscere: quod adeo verum est, ut non postrema officii pastoralis pars olim fuerit, pro reis capite damnatis apud civiles magistratus deprecari (a). Sed hac summa posthabita ratione mediis saeculis sacrae episcoporum

po-

(a) V. *supra* cap. VI. §. 14.

potestati non tantum civilis jurisdictio, sed etiam jus gladii jure ordinario accessit; quod sub Otone I. praecipue factum est, ubi ecclesiae jure gladii, velut feudo regali, coeperunt investiri (a). Nec enim videtur admittenda sententia Sixtini, Türkii aliorumque (b), qui censent ecclesias inde usque a Carlo M. jus gladii in suae ditionis homines accepisse. Sane tempore Caroli M. comites & duces, qui erant magistratus ab imperatoribus constituti, provincias administrarunt, & jura populis dixerunt, adeo ut si praelati speciatim comitum ducumque potestati exempti essent, advocatis haec sparta ab imperatoribus committeretur. Semel autem jure feudi cum ceteris regalibus acquisitum jus gladii episcopi per se exercebant, sin minus per se, saltem per sibi substitutos dominos & ballivos. Quin passim clerici vicecomites & ballivi dominorum saecularium facti sunt ad civilem & criminalem jurisditionem exercendam. At hinc non parva labes in sacerdotium, praesertim postquam desuescere coepit afflatu quodam juris canonici sub Carolo M. mos inductus capitalia crimina poenis civilibus publicisque poenitentiis expiandi. Sed tanta labes deinceps ex parte emendata, variisque canonibus statutum fuit, ut judicia criminalia per seipsos clerici non exercent. *Prohibemus*, inquit Alexander III. (c),

Inst. jur. can. T II. G g ne

(a) *Schilt. ad cap. I. jur. Aleman. feud. §. 4.*, *Boëhm. jur. can. lib. III. tit. 20. §. 79. seq.* (b) *Sixtin. de regal. lib. I. cap. 4. n. 125.*, *Türk. ap. Leukfeld. in volum. rer. Germanic.* (c) *Cap. V. ex. ne clerici vel monachi.*

ne (clerici vel monachi) aut per se truncationes membrorum faciant, aut judicent inferendas, quod si quis tale quid fecerit, honore privetur & loco. Et concilium Lateranense sub Innocentio III., *Sententiam sanguinis nullus clericus dicat, aut proferat* (a). Et hinc necesse fuit, ut episcopi alique praelati, qui jure feudi obtinebant jurisdictionem, proprios constituerent officiales, quibus jus gladii committerent exercendum: qua commissione licet in poenas sanguinis concurrant, non tamen fiunt irregulares; quod Bonifacius VIII. potius moribus receptis, quam sacerdotio accomodatius constituit (b): etenim, summo jure regalia ab episcopis abici oportebat, quod ad honoris ecclesiae deminutionem, spectare eo tempore videbatur.

Clerici a tutelis & curis repelluntur.

§. XI. Munera etiam publica sunt tutela & cura, unde clerici quoque debent abstinere, ne a sacro distraherentur ministerio, & saeculi negotiis seipsum implicant. Antiqua est ecclesiae regula in concilio quodam Africano, ut testatur Cyprianus (c), *fiatuta, ne quis de clericis & Dei ministris tutorem vel curatorem testamento suo constituat*, quando singuli divino sacerdotio honorati non nisi altari deservire & orationibus vacare debent. Inde quum quidam Geminius Victor de saeculo excedens, presbyterum testamento tutorem constituerit, edixit Cyprianus, *ne pro dormitione ejus fieret oblatio, aut deprecatio*.

(a) Cap. IX: ex eod. (b) Cap. fin. *ne clerici vel monachi* in 6. (c) *Epist.* LVI, al. I. *ad cler. Futuritan.*

tatio aliqua nomine ejus in ecclesia frequentaretur: quae erat concilii sententia, post mortem ecclesiastica privans communione quoque testamentis suis clericos tutores dedissent. Feriebat autem Africanus canon tantum testatores, nam clerici tutores testamento dati, non adhuc a publicis muneribus ipsis exemptione concessa, non videntur potuisse munus declinare. Et hinc tam severa poena testatores erant deterrendi, ne in testamentis suis clericos tutores constituerent. Sequentibus temporibus postquam a publicis muneribus clerici immunes facti sunt, per leges ecclesiasticas & civiles episcopis generaliter interdictum, ne tutores & curatores essent, ceteris vero clericis tantum permissum tutelas legitimas suscipere, quod & canones & Justinianus statuerunt (a). Et ita a tutelis clerici repelluntur, nec indigent excusatione.

Advocati munus clericis alienum.


§. XII. Nec tantum tutelae & curationis, verum etiam advocati munus minus congruit clericorum vocationi. Est officium advocati ita comparatum, ut ferme totum hominem requirat, & tricus & malitiis assuescat. Nos, qui in foro, inquit Plinius (b), *variisque litibus agimus, multum malitiae, quamvis nolentes, addiscimus*. Unde merito togata militia cum spirituali parum convenit. Jam pridem cautum est in constitutionibus apostolicis, ne episcopus causas nummarias defendat (c). Et absurdum, immo etiam

G g 2

op-

(a) Conc. Carth. IV. can. XVIII. conc. Chalced. can. III. Novell. CXXXIII. cap. 5. (b) Lib. II. epist. ad nepotem. (c) Const. apost. lib. II. cap. 6.

obprobriosum clericis esse, Justinianus edicit, si disceptationum forensium se peritos velint ostendere (a). Sed temporis lapsu postquam ignorantia occupavit Occidentem, quando clerici tantum studiis vacabant, & in judiciis saecularibus sedebant adfessores, spiritualis militia in forum intravit; quin judicia ipsa ecclesiastica implicatione civilibus evaserunt. Ergo in Concilio Lateranensi sub Alexandro III. statutum, ut sacri clerici, & qui stipendiis vivunt ecclesiasticis coram saeculari iudice advocati in negotiis saecularibus fieri non praesumant, nisi propriam, vel ecclesiae suae causam persequantur, aut pro miserabilibus forte personis, quae proprias causas persequi non possint (b). Videtur canon vetans, majores clericos coram saeculari iudice advocati officium exercere, iisdem permittere in foro ecclesiastico postulare: quod, quamvis in eo forensibus tricis causae ventilentur, passim tradunt interpretes.

 Hisce Ecclesiae canonibus consonat vetus insulae nostrae disciplina, ac sicula jurisprudentia. Satis enim constat sacram, ac civilem potestatem in id semper incubuisse; ut Ecclesiastici saeculi negotiis abdicatis unice divini cultus, ac christiani populi curam gegerent. Profecto ex antiquis sive lae ecclesiae monumentis historicis habemus Leonem Maximum, ac Gelasium Primum Romanos Pontifices summopere studuisse, ut negotiationis, ac saecularis vitium, quo illius aevi clerici laborabant, ab imis radicibus avellerent. Primus in epistola ad Episcopos Siciliae aliosque Romani Patriarchatus

(a) L. XLI. C. de episc. (b) Cap. I. ex. de postul.

tus haec habet „ Nec hoc praeter eundem esse du-
 „ ximus quosdam lucri turpis cupiditate captos
 „ usurariam exercere pecuniam & faenore velle di-
 „ tescere, quod nos, non dicam in eos, qui sunt
 „ in clericali officio constituti, sed in laicos, ca-
 „ dere, qui christianos se dici cupiunt, condole-
 „ mus Illud etiam duximus praemonendum,
 „ ut sicut non suo, ita nec alieno nomine, ali-
 „ quis clericorum exercere faenus attentet, indecens
 „ enim est, crimen suum commodis alienis in-
 „ pendere „ apud Johan. de Johan. cod. Diplom.
 pag. 47. & 48. Alter in epistola ad Episcopos per
 lucaniam, Brutios & Siciliam constitutos apud
 eundem pag. 69. vehementer queritur „ plurimos
 „ clericorum negotiationibus inhonestis, & lucris
 „ turpibus imminere, nullo pudore cernentes evan-
 „ gelicam lectionem, qua ipse Dominus negotiato-
 „ res e templo verberatos flagellis asseritur expu-
 „ lisse, nec apostoli verba recolentes, quibus ait:
 „ nemo militans Deo, implicat se negotiis sae-
 „ cularibus; psalmistam quoque David surda dis-
 „ simulantes aure canentem: quoniam non co-
 „ gnovi negotiationes, introibo in potentias Do-
 „ mini. Proinde huiusmodi aut ab indignis posi-
 „ hac quaestibus roverint abstinendum, & ab omni
 „ cujuslibet negotiationis ingenio, vel cupiditate
 „ cessandum: aut in quocumque gradu sunt positi
 „ mox a clericalibus officiis abstinere cogantur.
 „ Quoniam Domus Dei, Domus Orationis, & esse
 „ debet, & dici, ne officina negotiationis, & spe-
 „ lunca potius sit latronum. „ Quod de nego-
 „ tiationis lucris, ac senoribus citati Pontifices san-
 „ xerunt Jus nostrum municipale ad particulares
 saeculi negotiationes ampliavit.

Hinc


Hinc I. *Proregibus demandatum est curare ne religionum superiores permittant subditos suos forensibus negotiis vacare, iis praesertim quae in laicorum tribunalibus pertractantur t. 3. prag. Edi: Cesini tit. 9. prag. 1. quin etiam cunctis clericis, & Ecclesiasticis personis interdicitur judiciis laicalibus assistere, vel advocatorum, Procuratorum, aut Agentium munus gerere pro quacunque persona, & causa etiam privilegiata, preterquam in causis propriis vel Ecclesiarum praevia ordinarii licentia vide prag. 2. 3. & 4. tit. 9. cit. Tom. 3. prag. ac tom. 4. ficul. sanct. pag. 434. ac Tom. 6. pag. 466. Id ipsum postrema Proregis constitutione die 24. Martii an. 1785. edita confirmatur, qua munus laicalium prohibitio est ampliata.*

II. *Quamvis jure nostro tutelae, & curatiae munus exercere clericis permittatur, nec vetitum, executores esse testamentarios, vel fidei commissarios privatae haereditatis: nefas tamen ipsis publicarum quarumcumque facultatum administratorum, vel fidei commissariorum munere fungi etiam si expresse a fundatore ad opus hoc vocati sint, vel ullum in Collegiis, confraternitatibus pisque locis exercere officium, quod rerum temporalium curae sit adnexum juxta pragmaticam proregis de Cortada die 12. Augusti 1781.*

III. *Cum Medicinae ac chirurgiae exercitium ab Ecclesiae canonibus clericorum statui minime convenire statutum sit; jure merito in regno nostro a regio fisco facultas a Romana curia dispensationes postulandi pro horum munerum exercitio denegatur.*

IV. *Incapaces ex cap. volentes, federici 3. clerici omnes, ac religiosae personae rerum feudali-
lis*

lis juris nexibus sunt soluti, ita ut dum contingerit feuda ad eos devolvi, curent ipsi ut intra temporis spatium legibus praefinitum in laicos alienentur t. 4. Sic. Sanc. pag. 96.

V. Tandem armorum usus clericis est interdictus, nostrisque legibus sancitum Ecclesiasticos arma vetita deferentes a laicis ministris capi posse; propriisque tradendos Episcopis sic. Sanc. t. 5. pag. 246. 

CAPUT XXXIV.

De sacrorum clericorum coelibatu.

Sacerdotio convenit coelibatus.

§. I. **I**Nter ceteras clericorum sacratorum virtutes censetur etiam coelibatus, quo fit, ut a nuptiis etiam debeant abstinere. Ut enim ipse vidit apostolus, nuptiae a sacro abstrahunt ministerio, uxoratos uxori & saecularibus negotiis illigantes (a). Et praeterea omnino decebat, ut christiani sacerdotes, qui eam contrectant victimam, quae ipsissima virginitas & castitas est, omnino virgines, aut continentes essent. Itaque apostoli, qui maximam partem fuerunt uxorati (b), admissio apostolatu nec amplius duxerunt, & quas antea duxerant, reliquerunt uxores. Apostoli, inquit Hieronymus (c), *vel virgines, vel post nuptias continentes.*

(a) 1. Cor. VII. 33. (b) Auctor comm. in epist. Pauli sub nomine Ambrosii in 2. ad Cor. XI.

(c) Epist. L.

tes. Exemplum apostolorum inde plerique ordine sacerdotali imitati, aut virgines semperstitunt, aut post sacerdotium continent professi sunt, praesertim postquam ingens h virginitati accessit, eamque ex laicis multi e admiserunt. Exeunte secundo saeculo hi videntur fuisse ecclesiae mores; scribit enim rigenes, sacrificium indefinens in iis imperi, qui necessitatibus serviunt conjugalibus, a que; Unde videtur mihi quod illius est solius off-ferre sacrificium indefinens, qui indefinenti & ver-petuae se devoverit castitati (a). Adeo vel sa-cerdotio adhaeret continentia, ut inter ppos gentiles eam sacerdotes profiterentur, quo um, aliqui vel penitus se evirabant, vel potu ticu-tae aliisque medicamentis frigescebant (b). Quo spectat Tertullianus; *Continent etiam gehennae sacerdotes. Sacerdotium viduitatis & coelibatum est etiam apud nationes.*

Sed primis saeculis clericis non indictus.

§. II. Verum enimvero quamvis sacerdotio cognata sit continentia, non tamen primis ecclesiae saeculis generali lege videtur sacerdotibus indicta. Initio christianae religionis magna erat coelibum inopia: virginitatem enim nec Graeci exercebant, nec admittebant Judaei, & Romae necessario vacandum erat rei uxoriae, ad poenas coelibatus declinandas. Unde necessitas ipsa coegit ex uxoratis ad sacerdotium seligere: tantumque in hac causa apostolus modum servatum voluit, ut unius uxoris vir esset episcopus.

(a) Orig. hom. XXIII. in Numer. (b) Potter. archaeol. Graec. lib. II. cap. 3.

pus. Sequentibus temporibus postquam magni fieri coepit virginitas, multi virgines ad sacerdotium promoti, at non propterea exclusi fuerunt uxorati. Commendabat interim ecclesia clericis continentiam, at rem proprio cuiusque arbitrio reliquit: quae Dupinii, Christiani Lupi, Natalis Alexandri aliorumque sententia est (a). Et vero unus ex sic dictis canonibus apostolicis ita habet: *Episcopus aut presbyter uxorem propriam nequaquam obtentu religionis abiiciat, si vero rejecerit excommunicetur* (b). Et synodus Neocaesarensis tum demum clericos abiicere jubet uxores ante clericatum ductas, quum ad ulterius admittant, alias permittit cohabitationem (c). Porro synodus Gangrensis Eustathium, tamquam haeticum, damnavit eo quod a presbyteris conjugatis homines se separare debere docebat, eorumque benedictionem & communionem instar piaculi declinandam (d). Si quis, inquit canon Gangrensis (e), *discernit presbyterum conjugatum, tamquam occasione nuptiarum quod offerre non debeat, & ab ejus oblatione ideo se abstinet, anathema sit*. Versio haec est Isidori, quae textui Graeco *παρὰ πρεσβυτέρου γεγαμμένος*, de presbytero conjugato, conformis est, & errori, quem patres damnatum ibant, adversatur: nam Dionysii versio, quae habet. *Quicumque discernit a presbytero, qui uxorem habuit,*

H h

po-

(a) Lupus dissert. de latinor. episc. & cler. continentia tom. IV. oper. edit. Venetae, N. Alexander diss. XIX. in IV. saecul. (b) Can. apost. VI. (c) Conc. Neocaesar. can. VIII. (d) Socrat. lib. II. cap. 43. (e) Conc. Gangr. can. IV.

abiiicerent, vel militiam principes remitterent. In tanta vero feudorum multitudine ecclesiis datorum vix poterant principes sine imperii detrimento militiam episcopis & abbatibus remittere, ut mittam quod in tantis mediorum saeculorum motibus principum intererat in comitatu episcopos & abbates habere. Et episcopi & abbates postquam saeculi dignitates degustarunt, ad feuda abiiicienda animum non poterant inducere: quin eorum aliqui ipsam militiam tamquam ecclesiae honorem reputabant. Ergo non obstantibus tot ecclesiae decretis perstiterunt clerici arma tractare, confirmatusque etiam videtur abusus exemplo pontificum, & praesertim Leonis IX., viri alias sanctissimi, qui exercitibus imperarunt, vel militem aluerunt. Inde paulatim solutus est feudalisis nexus, militiamque aere potius, quam corpore vassalli coeperunt exhibere: & ita hodie quamvis multae ecclesiae & monasteria feudia possideant, non tamen episcopi & abbates adiguntur ad militiam, tantumque ex episcopis alunt militem, qui domini sunt temporales.

Vetantur clerici exercere jus gladii.

§. X. Porro ab instituto clericorum, non secus ac militia, *jus gladii*, seu merum & mistum imperium abhorret. Non est ecclesiae poenas cum sanguine poscere: quod adeo verum est, ut non postrema officii pastoralis pars olim fuerit, pro reis capite damnatis apud civiles magistratus deprecari (a). Sed hac summa posthabita ratione mediis saeculis sacrae episcoporum po-

(a) V. *supra* cap. VI. §. 14.

potestati non tantum civilis jurisdictio, sed etiam jus gladii jure ordinario accessit; quod sub Otone I. praecipue factum est, ubi ecclesiae jure gladii, velut feudo regali, coeperunt investiri (a). Nec enim videtur admittenda sententia Sixtini, Turcii aliorumque (b), qui censent ecclesias inde usque a Carlo M. jus gladii in suae ditionis homines accepisse. Sane tempore Caroli M. comites & duces, qui erant magistratus ab imperatoribus constituti, provincias administrarunt, & jura populis dixerunt, adeo ut si praelati speciatim comitum ducumque potestati exempti essent, advocatis haec sparta ab imperatoribus committeretur. Semel autem jure feudi cum ceteris regalibus acquisitum jus gladii episcopi per se exercebant, sin minus per se, saltem per sibi substitutos dominos & ballivos. Quin passim clerici vicecomites & ballivi dominorum saecularium facti sunt ad civilem, & criminalem jurisditionem exercendam. At hinc non parva labes in sacerdotium, praesertim postquam desuescere coepit afflatu quodam juris canonici sub Carolo M. mos inductus capitalia crimina poenis civilibus publicisque poenitentiis expiandi. Sed tanta labes deinceps ex parte emendata, variisque canonibus statutum fuit, ut judicia criminalia per seipsos clerici non exerceant. *Prohibemus*, inquit Alexander III. (c), *Inst. jur. can. T II.* G g ne

(a) Schilt. ad cap. I. jur. Aleman. feud. §. 4., Boehm. jur. can. lib. III. tit. 20. §. 79. seq. (b) Sixtin. de regal. lib. I. cap. 4. n. 125., Turk. ap. Leukfeld. in volum. rer. Germanic. (c) Cap. V. ex. ne clerici vel monachi.

ne (clerici vel monachi) aut per se truncationes membrorum faciant, aut judicent inferendas, quod si quis tale quid fecerit, honore privetur & loco. Et concilium Lateranense sub Innocentio III., Sententiam sanguinis nullus clericus dicat, aut proferat (a). Et hinc necesse fuit, ut episcopi alique praelati, qui jure feudi obtinebant jurisdictionem, proprios constituerent officiales, quibus jus gladii committerent exercendum: qua commissione licet in poenas sanguinis concurrant, non tamen fiunt irregulares; quod Bonifacius VIII. potius moribus receptis, quam sacerdotio accomodatius constituit (b): etenim, summo jure regalia ab episcopis abici oportebat; quod ad honoris ecclesiae deminutionem, spectare eo tempore videbatur.

Clerici a tutelis & curis repelluntur.

§. XI. Munera etiam publica sunt tutela & cura, unde clerici quoque debent abstinere, ne a sacro distrahantur ministerio, & saeculi negotiis seipsum implicent. Antiqua est ecclesiae regula in concilio quodam Africano, ut testatur Cyprianus (c), fiatuta, *ne quis de clericis & Dei ministris tutorem vel curatorem testamento suo constituat*, quando singuli divino sacerdotio honorati non nisi altari deservire & orationibus vacare debent. Inde quum quidam Geminus Victor de saeculo excedens, presbyterum testamento tutorem constituerit, edixit Cyprianus, *ne pro dormitione ejus fieret oblatio, aut deprecatio.*

(a) *Cap. IX: ex. eod.* (b) *Cap. fin. ne clerici vel monachi in 6.* (c) *Epist. LVI, al. 1. ad cler. Futritan.*

ratio aliqua nomine ejus in ecclesia frequentaretur; quae erat concilii sententia, post mortem ecclesiastica privans communione quoque testamentis suis clericos tutores dedissent. Feriebat autem Africanus canon tantum testatores, nam clerici tutores testamento dati, non adhuc a publicis muneribus ipsis exemptione concessa, non videntur potuisse minus declinare. Et hinc tam severa poena testatores erant deterrendi, ne in testamentis suis clericos tutores constituerent. Sequentibus temporibus postquam a publicis muneribus clerici immunes facti sunt, per leges ecclesiasticas & civiles episcopis generaliter interdictum, ne tutores & curatores essent, ceteris vero clericis tantum permissum tutelas legitimas suscipere, quod & canones & Justinianus statuerunt (a). Et ita a tutelis clerici repelluntur, nec indigent excusatione.

Advocati munus clericis alienum.

§. XII. Nec tantum tutelae & curationis, verum etiam advocati munus minus congruit clericorum vocationi. Est officium advocati ita comparatum, ut ferme totum hominem requirat, & tricus & malitiis assuescat. Nos, qui in foro, inquit Plinius (b), *variisque litibus agimus, multum malitiae, quamvis nolentes, addiscimus*. Unde merito togata militia cum spirituali parum convenit. Jam pridem cautum est in constitutionibus apostolicis, ne episcopus causas nummarias defendat (c). Et absurdum, immo etiam

G g 2

op-

(a) Conc. Carth. IV. can. XVIII. conc. Chalced. can. III. Novell. CXXXIII. cap. 5. (b) Lib. II. epist. ad nepotem. (c) Const. apost. lib. II. cap. 6.

obprobriosum clericis esse; Justinianus edicit, si discepcionum forensium se peritos velint ostendere (a). Sed temporis lapsu postquam ignorantia occupavit Occidentem, quando clerici tantum studiis vacabant, & in judiciis saecularibus sedebant adfessores, spiritualis militia in forum intravit; quin judicia ipsa ecclesiastica implicatiora civilibus evaserunt. Ergo in Concilio Lateranensi sub Alexandro III. statutum, ut sacri clerici, & qui stipendiis vivunt ecclesiasticis coram saeculari iudice advocati in negotiis saecularibus fieri non praesumant, nisi propriam, vel ecclesiae suae causam persequantur, aut pro miserabilibus forte personis, quae proprias causas persequi non possunt (b). Videtur canon vetans, majores clericos coram saeculari iudice advocati officium exercere, iisdem permittere in foro ecclesiastico postulare: quod, quamvis in eo forensibus tricis causae ventilentur, passim tradunt interpretes.

¶ *Hiscē Ecclesiae canonibus consonat vetus insulae nostrae disciplina, ac sicula jurisprudentia. Satis enim constat sacram, ac civilem potestatem in id semper incubuisse, ut Ecclesiastici saeculi negotiis abdicatis unice divini cultus, ac cristiani populi curam gegerent. Profecto ex antiquis siveulae ecclesiae monumentis historicis habemus Leonem Maximum, ac Gelasium Primum Romanos Pontifices summopere studuisse, ut negotiationis, ac saecularis vitium, quo illius aevi clerici laborabant, ab imis radicibus avellerent. Primus in epistola ad Episcopos Siciliae aliosque Romani Patriarchatus*

(a) L. XLI. C. de episc. (b) Cap. I. ex de postul.

„tus haec habet „ Nec hoc praeterendum esse du-
 „ ximus quosdam luctu turpis cupiditate captos
 „ usurariam exercere pecuniam & faenore velle di-
 „ tescere, quod nos, non dicam in eos, qui sunt
 „ in clericali officio constituti, sed in laicos, ca-
 „ dere, qui christianos se dici cupiunt, condole-
 „ mus Illud etiam duximus praemonendum,
 „ ut sicut non suo, ita nec alieno nomine, ali-
 „ quis clericorum exercere faenus attentet, indecens
 „ enim est, crimen suum commodis alienis im-
 „ pendere „ apud Johan. de Johan. cod. Diplom.
 „ pag. 47. & 48. Alter in epistola ad Episcopos per
 „ lucaniam, Brutios & Siciliam constitutos apud
 „ eundem pag. 69. vehementer queritur „ plurimos
 „ clericorum negotiationibus inhonestis, & lucris
 „ turpibus imminere, nullo pudore cernentes evan-
 „ gelicam lectionem, qua ipse Dominus negotiato-
 „ res e templo verberatos flagellis asseritur expu-
 „ lisse, nec apostoli verba recolentes, quibus ait:
 „ nemo militans Deo, implicat se negotiis sae-
 „ cularibus; psalmistam quoque David surda dis-
 „ simulantes aure canentem: quoniam non co-
 „ gnovi negotiationes, introibo in potentias Do-
 „ mini. Proinde huiusmodi aut ab indignis posi-
 „ hac quaesibus moverint abstinendum, & ab omni
 „ cuiuslibet negotiationis ingenio, vel cupiditate
 „ cessandum: aut in quocumque gradu sunt positi
 „ mox a clericalibus officiis abstinere cogantur.
 „ Quoniam Domus Dei, Domus Orationis, & esse
 „ debet, & dici, ne officina negotiationis, & spe-
 „ lunca potius sit latronum. „ Quod de nego-
 „ tiationis lucris, ac fenoribus citati Pontifices jan-
 „ xerunt Jus nostrum municipale ad particulares
 „ saeculi negotiationes ampliavit.

Hinc


Hinc I. *Proregibus* demandatum est curare, ne religionum superiores permittant subditos suos forensibus negotiis vacare, iis praesertim quae in laicorum tribunalibus pertrahantur t. 3. prag. Edi. Cefini. tit. 9. prag. I. quin etiam cunctis clericis, & Ecclesiasticis personis interdicitur iudiciis laicalibus assistere, vel advocatorum, Procuratorum, aut Agentium munus gerere pro quacunque persona, & causa etiam privilegiata, preterquam in causis propriis vel Ecclesiarum praevia ordinarii licentia vide prag. 2. 3. & 4. tit. 9. cit. Tom. 3. prag. ac tom. 4. ficul. sanct. pag. 434. ac Tom. 6. pag. 466. Id ipsum postrema Proregis constitutione die 24. Martii an. 1785. edita confirmatur, qua munus laicalium prohibitio est ampliata.

II. Quamvis jure nostro tutelae, & curatiae munus exercere clericis permittatur, nec vetitum, executores esse testamentarios, vel fidei commissarios privatae haereditatis: nefas tamen ipsis publicarum quarumcumque facultatum administratorum, vel fidei commissariorum munere fungi etiam si expresse a fundatore ad opus hoc vocati sint, vel ullum in Collegiis, confraternitatibus piisque locis exercere officium, quod rerum temporalium curae sit adnexum juxta pragmaticam proregis de Cortada die 12. Augusti 1781.

III. Cum Medicinae ac chirurgiae exercitium ab Ecclesiae canonibus clericorum statui minime convenire statutum sit; jure merito in regno nostro a regio fisco facultas a Romana curia dispensationes postulandi pro horum munerum exercitio denegatur.

IV. Incapaces ex cap. volentes, federici 3. clerici omnes, ac religiosae personae rerum feudalium acquisitione declarantur, omnibusque feudalibus

lis juris nexibus sunt soluti, ita ut dum contingerit feuda ad eos devolvi, curent ipsi ut intra temporis spatium legibus praefinitum in laicos alienentur t. 4. Sic. Sanc. pag. 96.

V. Tandem armorum usus clericis est interdictus, nostrisque legibus sancitum Ecclesiasticos arma vetita deferentes a laicis ministris capi posse; propriisque tradendos Episcopis sic. Sanc. t. 5. pag. 246. 

CAPUT XXXIV.

De sacrorum clericorum coelibatu.

Sacerdotio convenit coelibatus.

§. I. **I**Nter ceteras clericorum sacrationum virtutes censetur etiam coelibatus, quo fit, ut a nuptiis etiam debeant abstinere. Ut enim ipse vidit apostolus, nuptiae a sacro abstrahunt ministerio, uxoratos uxori & saecularibus negotiis illigantes (a). Et praeterea omnino decebat, ut christiani sacerdotes, qui eam contrectant victimam, quae ipsissima virginitas & castitas est, omnino virgines, aut continentes essent. Itaque apostoli, qui maximam partem fuerunt uxorati (b), admissio apostolatu nec amplius duxerunt, & quas antea duxerant, reliquerunt uxores. *Apostoli*, inquit Hieronymus (c), *vel virgines, vel post nuptias continentes.*

(a) 1. Cor. VII. 33. (b) Auctor comm. in epist. Pauli sub nomine Ambrosii in 2. ad Cor. XI.

(c) Epist. L.

res. Exemplum apostolorum inde plerique ex ordine sacerdotali imitati, aut virgines semper perstiterunt, aut post sacerdotium continentiam professi sunt, praesertim postquam ingens honos virginitati accessit, eamque ex laicis multi etiam admiserunt. Exeunte secundo saeculo hi fere videntur fuisse ecclesiae mores; scribit enim Origenes, sacrificium indefinens in iis impediri, qui necessitatibus serviunt conjugalibus, additque: *Unde videtur mihi quod illius est solius offerre sacrificium indefinens, qui indefinenti & perpetuae se devoverit castitati* (a). Adeo vero sacerdotio adhæret continentia, ut inter ipsos gentiles eam sacerdotes profiterentur, quorum aliqui vel penitus se evirabant, vel potu cicuta aliisque medicamentis frigescebant (b). Quo spectat Tertullianus; *Continent etiam gehennae sacerdotes. Sacerdotium viduitatis & coelibatum est etiam apud nationes.*

Sed primis saeculis clericis non indictus.

§. II. Verum enimvero quamvis sacerdotio cognata sit continentia, non tamen primis ecclesiae saeculis generali lege videtur sacerdotibus indicta. Initio christianae religionis magna erat coelibum inopia: virginitatem enim nec Graeci exercebant, nec admittebant Judaei, & Romae necessario vacandum erat rei uxoriae, ad poenas coelibatus declinandas. Unde necessitas ipsa coëgit ex uxoris ad sacerdotium feligere: tantumque in hac causa apostolus modum servatum voluit, ut unius uxoris vir esset episcopus.

(a) *Orig. hom. XXIII. in Numer.* (b) *Potter. archaeol. Graec. lib. II. cap. 3.*

pus. Sequentibus temporibus postquam magni fieri coepit virginitas, multi virgines ad sacerdotium promoti, at non propterea exclusi fuerunt uxorati. Commendabat interim ecclesia clericis continentiam, at rem proprio cuiusque arbitrio reliquit: quae Dupinii, Christiani Lupi, Natalis Alexandri aliorumque sententia est (a). Et vero unus ex sic dictis canonibus apostolicis ita habet: *Episcopus aut presbyter uxorem propriam nequaquam obtentu religionis abiiciat, si vero rejecerit excommunicetur* (b). Et synodus Neocaesarensis tum demum clericos abiicere jubet uxores ante clericatum ductas, quum adulterium admittant, alias permittit cohabitationem (c). Porro synodus Gangrensis Eustathium, tamquam haereticum, damnavit eo quod a presbyteris conjugatis homines se separare debere docebat, eorumque benedictionem & communionem instar piaculi declinandam (d). Si quis, inquit canon Gangrensis (e), *discernit presbyterum conjugatum, tamquam occasione nuptiarum quod offerre non debeat, & ab ejus oblatione ideo se abstinet, anathema sit*. Versio haec est Isidori, quae textui Graeco *παρὰ πρεσβυτέρῳ γαμυνόντος*, de presbytero conjugato, conformis est, & errori, quem patres damnatum ibant, adversatur: nam Dionysii versio, quae habet: *Quicumque discernit a presbytero, qui uxorem habuit,*

H h

po-

(a) Lupus dissert. de latinor. epis. & cler. continentia tom. IV. oper. edit. Venetae, N. Alexander dis. XIX. in IV. saecul. (b) Can. apost. VI. (c) Conc. Neocaesar. can. VIII. (d) Socrat. lib. II. cap. 43. (e) Conc. Cangr. can. IV.

potius moribus ecclesiae Romanae, quam genuinae canonis sententiae convenit. Antiquis quoque demonstratur monumentis, plures ex episcopis & presbyteris cum uxoribus & liberis ad exitum vitae vixisse, inter quos fuerunt Chæremôn Nili urbis episcopus grandaevus (a), Caecilium (b) & Numidicus (c) ambo presbyteri Carthaginienses, alique plures, quorum facile esset longum catalogum conscribere. Tantum observo sub persecutione Diocletiana permultos eo nomine ad Christum renuntiandum fuisse impulsos, ut suis uxoribus & liberis consulerent (d).

Clerici utebantur uxoribus.

§. III. Jam vero ejusmodi uxorati clerici, qui cum uxoribus cohabitabant, rei uxoriae vacasse videntur, nec recte Pagius & Schelestratus scribunt (e), eos ubi ordinandi erant, ex compacto ab uxoribus abstinere promississe, cum iis veluti sororibus cohabitantes. Etenim Pinytum Gossiorum in Creta episcopum ad coelibatum fratribus suis imponendum propendentem Dionysius Corinthiorum episcopus admonuit, ne grave onus castitatis fratrum cervicibus, tamquam necessarium, imponeret, sed ejus, quae in plerisque hominibus insit, infirmitatis rationem haberet (f). Quae Dionysii admonitio, uxoratos clericos tum temporis ab uxoribus non temperasse, demonstrat. Porro placuit patribus Illi-

be.

(a) Euseb. lib. VI. cap. 42. (b) Pont. vit. Cypriani. (c) Cyprian. ep. XXXV. al. XL. (d) Euseb. lib. VIII. cap. 9. (e) Pagius crit. in Baron an. CCXLVIII. n. VI., Schelestrat. eccles. Afric. dissert. III. cap. 4. (f) Ap. Euseb. lib. IV. cap. 23.

beritanis in totum sacratis clericis & in ministerio positis usum matrimonii prohibere (a). Itaque ante, excepto tempore sacri ministerii, ab uxoribus non temperabant. Testatur quoque Athanasius, episcopus in episcopatu esse continentes, vel filios genuisse (b): & inde Dracontio monacho episcopatum suadet, quod licet ei in episcopatu esse continenti & austeram vivere vitam, quamvis non deessent episcopi, qui filios ex uxoribus procrearent. Ad haec Novatus presbyter Carthaginiensis, calce uxoris utero percusso, ei abortionem importavit: & interim Cyprianus solam abortionem, non usum matrimonii culpatur (c). Nec Novati facinus (quod multi asserunt) ante ordinationem admissum fuit, nam ita a canone repellebatur, & vix dici potest ex ejus aetatis moribus, quando clerici a populis eligebantur, Novati tam grave crimen, tempore electionis omnes latuisse. Multa alia ad probandum usum matrimonii inter clericos monumenta suppetunt; sed tantum observo, post imperatam clericis continentiam, ubi uxorati ad sacerdotium promoventur, passim canones edicere, ut ab uxoribus abstineant (d); nullum vero talis prohibitionis indicium in canonibus apostolicis & Neocoesarensibus exstare, manifesto argumento, dum cum uxoribus permittunt habitationem, corporum usum non vetare.

H h 2

Pri.

(a) *Conc. Illiber. can. XXXIII.* (b) *Athas. epist. ad Dracontium.* (c) *Cyprian. epist. XLIX. ad Cornel.* (d) *Conc. Arausic. I. can. XXII., Turon. II. can. XII.*

*Primo vetitum majoribus clericis nuptias
novas contrahere.*

§. IV. Sed temporis lapsu usus matrimonii maximam partem clericis ablatus fuit. Vidit ecclesia, coelibatum sacrorum ministrorum ex iis ritibus esse, quos apostoli ministerio verbi instantes & ad idololatriae subversionem intenti, imperfectos & a posteris poliendos reliquerunt. Ergo omnium primum potestate contraendi matrimonii post sacros ordines clericos ecclesia spoliavit: quod jus longe ante concilium Nicaenum receptum erat, illudque Paphnutius, rei uxoriae clericorum assertor, *veterem ecclesiae traditionem appellavit* (a). Unde synodus Neocaesareaensis presbyterum, qui deinceps conjugium attentaret, edixit deponendum (b). Et unus ex canonibus apostolicis ita decernit. *Innuptis, qui ad clerum proventi sunt, praecipimus, ut si voluerint, uxores accipiant, sed lectores cantoresque tantum* (c). Verum non ita rigide vetabantur diaconorum post ordinationem nuptiae, ut ejus rei veniam episcopis non liceret tempore ordinationis indulgere. Etenim diaconis, qui in ordinatione protestantur, se sine uxoribus vivere non posse, synodus Ancyrana an. cccxiv. nuptias contrahere permittit, *propterea quod episcopus eis licentiam dederit* (d). Et haec erat ecclesiae Graecae indulgens disciplina, nam in ecclesia Latina ne episcopi quidem indulgentia poterant diaconi matrimonio copulari. Unde

Mar-

(a) *Ap Socrat. lib. I. cap. 11.* (b) *Conc. Neocaes. can. I.* (c) *Can. apost. XXVII.* (d) *Conc. Ancyran. can. IX.*

Martinus Bracarenſis, qui ita refert canonem An-
cyranum, *Diaconus, qui eligitur, ſi conteſtatus*
ſuerit, pro accipiendō matrimonio, & dixerit; ſe
in caſtitate non poſſe manere, hic non ordine-
tur (a), diſciplinam potius eccleſiae Latinae,
quam genuinam canonis ſententiam exhibuit:
quod Antonius Auguſtinus admonuit (b).

Concilium Nicaenum uſum uxorū non
interdixit.

§. V. Non tamen pridem conjugatis clericis
eodem tempore uxores interdictae. Durius vi-
ſum fuit, aſſuetos rei uxoriae ab uxoribus avel-
lere, quam coelibes ad perpetuam arctare con-
tinentiam. Viſum erat patribus Nicaeniſ legem
novam in eccleſiam inducere, qua qui eſ-
ſent ſacris ordinibus initiati, ſicut epifcopi, preſ-
byteri & diaconi, cum uxoribus quas ante or-
dinationem duxerant, minime dormirent. Et
quum ea de re inirent ſuffragium, ſurrexit Paph-
nutius epifcopus, qui nec nuptias omnino con-
traxerat, nec umquam ad mulieres acceſſerat,
& clamans honorabile eſſe conjugium & thorum
immaculatum, nec poſſe omnes tam ſeveram fer-
re diſciplinam, patreſque inſuper admonens, ne
nimis exquiſita praefcriptione eccleſiis eſſent in-
commodo, ſynodum ab indicenda uxoratiſ cle-
riciſ continentia deterruit, patreſque in ejus ſen-
tentiam conceſſerunt, omnes uti poſſe matrimo-
nio jam contracto. Rem late narrant Socrates
& Sozomenus (c), & ex hiſtoria tripartita Gra-
tia-

(a) *Mart Bracar. par. I. cap. 39.* (b) *Lib. I. de*
emendat. Grat. dial. 10. (c) *Socrat. lib. I. cap. 11.*
Sozomen. lib. 1. cap. 23. edit. Valeſ.

tianus in decretum inseruit suum (a). Veluti falsam & primum a Socrate confictam, ut faveret Novatianis, qui in matrimonii usu nullam admittebant inter clericos & laicos differentiam, hanc historiam amplissimi cardinales Baronius & Bellarminus traducunt, suspectam vero Valesius habet (b). Sed celebriores inter nostros critici, in primis Dupinius, Natalis Alexander & ipse Christianus Lupus eam ut authenticam tuentur (c). Ut enim recte observat Dupinius, continentia clericorum ad disciplinam pertinet: nec quod clerici majores apud Latinos a multis saeculis continentes vivunt, consequitur & primis saeculis & apud Orientales etiam ita vixisse. Nec quod Socrates fuit Novatianus, recte concluditur, historiam Paphnutii, quae ad tuendos errores Novatianos non facit, confinxisse, praesertim quando ipse Socrates in causa matrimonii differentiam inter clericos & laicos adgnoscat, nam laicos matrimonio non adstrictos uxorem ducere posse non negat, clericos vero post ordinationem negat posse nuptiis copulari (d).

Post concilium Nicaenum clerici Orientales continentes.

§. VI. Interim post concillum Nicaenum passim etiam in Oriente majoribus clericis castitas indicta. Forsan illi episcopi, quibus in congressu Nicaeno visum erat, clericos ab uxoribus abstrahendos, & intercedente Paphnutio non ob-
tinue-

(a) *Can. XII. D. 31.* (b) *Vales. not. in cit. Socrat. loc.*

(c) *Dupin. in biblioth. vol. II., N. Alexand. diss. XIX. in IV. saeculum prop. I., Lupus diss. de Latin. contin. cap. II.* (d) *N. Alexand. loc. cit.*

tinuerunt, ad ecclesias suas reduces sibi subiectis clericis continentiam imperarunt, quo factum, ut sensim per Orientem fere clerici majores ab uxoribus continerent. Sane de tempore suo testis locupletissimus est Hieronymus (a), qui contra Vigilantium & ejus affectas, castitatis hostes infensissimos, testatur, in Orientali proprie sic dicta dioecesi & Aegyptiaca & in universo Occidente, clericos castitatem admisisse. *Quid faciant Orientis Ecclesiae? Quid Aegypti & sedis apostolicae, quae aut virgines clericos accipiunt, aut continentes, aut si uxores habuerint, mariti esse desistunt?* Porro Synesius ad ordinationem declinandam inter alia professus est, se a nuper ducta uxore nec posse, nec velle divertere (b): quod indicat in Aegypto hoc tempore episcopos conjugatos rei uxoriae non vacasse. Ad haec Epiphanius, Salaminensis episcopus & Cypriorum metropolita scribit (c), sacerdotium ex virginum & renuntiantium ordine constare, sin minus, ex laicis, qui a suis se uxoribus continent, aut secundum unas nuptias in viduitate versantur. Quod idem alibi adfirmat, additque, continentiam servari praecipue in iis locis, ubi ecclesiastici canones accurate servantur, & praeter canonis auctoritatem ob ignaviam & vero etiam hominum penuriam, dum non facile inveniuntur, qui admittere velint clericatum, evenire, quod in aliquibus locis presbyteri, diaconi & hypodiaconi liberos suscipiunt (d). Vera scribere

(a) *Advers. Vigilant.* (b) *Synes. ep. CV.* (c) *Epiph. expos. fid. cathol. n. XXI.* (d) *Epiph. haer. LIX.*


Hinc I. *Proregibus* demandatum est curare, ne religionum superiores permittant subditos suos forensibus negotiis vacare, iis praesertim quae in laicorum tribunalibus pertrahantur t. 3. prag. Edi: Cesini. tit. 9. prag. 1. quin etiam cunctis clericis, & Ecclesiasticis personis interdicitur judiciis laicalibus assistere, vel advocatorum, Procuratorum, aut Agentium munus gerere pro quacunque persona, & causa etiam privilegiata, preterquam in causis propriis vel Ecclesiarum praevia ordinarii licentia vide prag. 2. 3. & 4. tit. 9. cit. Tom. 3. prag. ac tom. 4. sicul. sanct. pag. 434. ac Tom. 6. pag. 466. Id ipsum postrema Proregis constitutione die 24. Martii an. 1785. edita confirmatur, qua munerum laicalium prohibitio est ampliata.

II. Quamvis jure nostro tutelae, & curatiae munus exercere clericis permittatur, nec vetitum, executores esse testamentarios, vel fidei commissarios privatae haereditatis: nefas tamen ipsis publicam quarumcumque facultatum administratorum, vel fidei commissariorum munere fungi etiam si expresse a fundatore ad opus hoc vocati sint, vel ullum in Collegiis, confraternitatibus piisque locis exercere officium, quod rerum temporalium curae sit adnexum juxta pragmaticam proregis de Cortada die 12. Augusti 1781.

III. Cum Medicinae ac chirurgiae exercitium ab Ecclesiae canonibus clericorum statui minime convenire statutum sit; jure merito in regno nostro a regio fisco facultas a Romana curia dispensationes postulandi pro horum munerum exercitio denegatur.

IV. Incapaces ex cap. volentes, federici 3. clerici omnes, ac religiosae personae rerum feudaliū acquisitione declarantur, omnibusque feudalis

lis juris nexibus sunt soluti, ita ut dum contingerit feuda ad eos devolvi, curent ipsi ut intra temporis spatium legibus praefinitum in laicos alienentur t. 4. Sic. Sanc. pag. 96.

V. Tandem armorum usus clericis est interdictus, nostrisque legibus sancitum Ecclesiasticos arma vetita deferentes a laicis ministris capi posse, propriisque tradendos Episcopis sic. Sanc. t. 5. pag. 246. 

CAPUT XXXIV.

De sacrorum clericorum coelibatu.

Sacerdotio convenit coelibatus.

§. I. **I**Nter ceteras clericorum sacrorum, virtutes censetur etiam coelibatus, quo fit, ut a nuptiis etiam debeant abstinere. Ut enim ipse vidit apostolus, nuptiae a sacro abstrahunt ministerio, uxoratos uxori & saecularibus negotiis illigantes (a). Et praeterea omnino decebat, ut christiani sacerdotes, qui eam contrectant victimam, quae ipsissima virginitas & castitas est, omnino virgines, aut continentes essent. Itaque apostoli, qui maximam partem fuerunt uxorati (b), admissio apostolatu nec amplius duxerunt, & quas antea duxerant, reliquerunt uxores. *Apostoli*, inquit Hieronymus (c), *vel virgines, vel post nuptias continentes.*

(a) 1. Cor. VII. 33. (b) *Auctor comm. in epist. Pauli sub nomine Ambrosii in 2. ad Cor. XI.*

(c) *Epist. L.*

tes. Exemplum apostolorum inde plerique ex ordine sacerdotali imitati, aut virgines semper perstiterunt, aut post sacerdotium continentiam professi sunt, praesertim postquam ingens honos virginitati accessit, eamque ex laicis multi etiam admiserunt. Exeunte secundo saeculo hi fere videntur fuisse ecclesiae mores; scribit enim Origenes, sacrificium indefinens in iis impediri, qui necessitatibus serviunt conjugalibus, additque: *Unde videtur mihi quod illius est solius offerre sacrificium indefinens, qui indefinenti & perpetuae se devoverit castitati* (a). Adeo vero sacerdotio adhereret continentia, ut inter ipsos gentiles eam sacerdotes profiterentur, quorum aliqui vel penitus se evirabant, vel potu cicutaе aliisque medicamentis frigescebant (b). Quo spectat Tertullianus; *Continent etiam gehennae sacerdotes, Sacerdotium viduitatis & coelibatum est etiam apud nationes*.

Sed primis saeculis clericis non indictus.

§. II. Verum enimvero quamvis sacerdotio cognata sit continentia, non tamen primis ecclesiae saeculis generali lege videtur sacerdotibus indicta. Initio christianae religionis magna erat coelibum inopia: virginitatem enim nec Graeci exercebant, nec admittebant Judaei, & Romae necessario vacandum erat rei uxoriae, ad poenas coelibatus declinandas. Unde necessitas ipsa coegit ex uxoris ad sacerdotium seligere: tantumque in hac causa apostolus modum servatum voluit, ut unius uxoris vir esset episcopus.

(a) *Orig. hom. XXIII. in Numer.* (b) *Potter. archaeol. Graec. lib. II. cap. 3.*

pus. Sequentibus temporibus postquam magni fieri coepit virginitas, multi virgines ad sacerdotium promoti, at non propterea exclusi fuerunt uxorati. Commendabat interim ecclesia clericis continentiam, at rem proprio cuiusque arbitrio reliquit: quae Dupinii, Christiani Lupi, Natalis Alexandri aliorumque sententia est (a). Et vero unus ex sic dictis canonibus apostolicis ita habet: *Episcopus aut presbyter uxorem propriam nequaquam obtentu religionis abiiciat, si vero rejecerit excommunicetur* (b). Et synodus Neocaesarensis tum demum clericos abiicere jubet uxores ante clericatum ductas, quum ad ulterius admittant, alias permittit cohabitationem (c). Porro synodus Gangrensis Eustathium, tamquam haereticum, damnavit eo quod a presbyteris conjugatis homines se separare debere docebat, eorumque benedictionem & communionem instar piaculi declinandam (d). Si quis, inquit canon Gangrensis (e), *discernit presbyterum conjugatum, tamquam occasione nuptiarum quod offerre non debeat, & ab ejus oblatione ideo se abstinet, anathema sit*. Versio haec est Isidori, quae textui Graeco παρὰ πρεσβυτέρου γαμυνότος, de presbytero conjugato, conformis est, & errori, quem patres damnatum ibant, adversatur: nam Dionysii versio, quae habet. *Quicumque discernit a presbytero, qui uxorem habuit,*

H h

po-

(a) Lupus dissert. de latinor. episc. & cler. continentia tom. IV. oper. edit. Venetae, N. Alexander diss. XIX. in IV. saecul. (b) Can. apost. VI. (c) Conc. Neocaesar. can. VIII. (d) Socrat. lib. II. cap. 43. (e) Conc. Gangr. can. IV.

potius moribus ecclesiae Romanae, quam genninae canonis sententiae convenit. Antiquis quoque demonstratur monumentis, plures ex episcopis & presbyteris cum uxoribus & liberis ad exitum vitae vixisse, inter quos fuerunt Chæremôn Nili urbis episcopus grandaevus (a), Cæcilius (b) & Numidicus (c) ambo presbyteri Carthaginienses, alique plures, quorum facile esset longum catalogum conscribere. Tantum observo sub persecutione Diocletiana permultos eo nomine ad Christum renuntiandum fuisse impulsos, ut suis uxoribus & liberis consulerent (d).

Clerici utebantur uxoribus.

§. III. Jam vero ejusmodi uxorati clerici, qui cum uxoribus cohabitabant, rei uxoriae vacasse videntur, nec recte Pagius & Schelestratus scribunt (e), eos ubi ordinandi erant, ex compacto ab uxoribus abstinendam promississe, cum iis veluti fororibus cohabitantes. Etenim Pinytum Gpoffiorum in Creta episcopum ad coelibatam fratribus suis imponendum propendentem Dionysius Corinthiorum episcopus admonuit, ne grave onus castitatis fratrum cervicibus, tamquam necessarium, imponeret, sed ejus, quae in plerisque hominibus insit, infirmitatis rationem haberet (f). Quae Dionysii admonitio, uxoratos clericos tum temporis ab uxoribus non temperasse, demonstrat. Porro placuit patribus Illi-

be-

(a) Euseb. lib. VI. cap. 42. (b) Pont. vit. Cypriani. (c) Cyprian. ep. XXXV. al. XL. (d) Euseb. lib. VIII. cap. 9. (e) Pagius crit. in Baron an. CCXLVIII. n. VI., Schelestrat. eccles. Afric. dissert. III. cap. 4. (f) Ap. Euseb. lib. IV. cap. 23.

beritanis in totum sacratis clericis & in ministerio positis usum matrimonii prohibere (a). Itaque ante, excepto tempore sacri ministerii, ab uxoribus non temperabant. Testatur quoque Athanasius, episcopos in episcopatu esse continentes, vel filios genuisse (b); & inde Dracontio monacho episcopatum suadet, quod licet ei in episcopatu esse continenti & austeram vivere vitam, quamvis non deessent episcopi, qui filios ex uxoribus procrearent. Ad haec Novatus presbyter Carthaginiensis, calce uxoris utero percusso, ei abortionem importavit: & interim Cyprianus solam abortionem, non usum matrimonii culpat (c). Nec Novati facinus (quod multi asserunt) ante ordinationem admissum fuit, nam ita a canone repellebatur, & vix dici potest ex ejus aetatis moribus, quando clerici a populis eligebantur, Novati tam grave crimen, tempore electionis omnes latuisse. Multa alia ad probandum usum matrimonii inter clericos monumenta suppetunt; sed tantum observo, post imperatam clericis continentiam, ubi uxorati ad sacerdotium promoventur, passim canones edicere, ut ab uxoribus abstineant (d); nullum vero talis prohibitionis indicium in canonibus apostolicis & Neocoefareensibus exstare, manifesto argumento, dum cum uxoribus permittunt habitationem, corporum usum non vetare.

Hh 2

Pri.

(a) *Conc. Illiber. can. XXXIII.* (b) *Athas. epist. ad Dracontium.* (c) *Cyprian. epist. XLIX. ad Cornel.* (d) *Conc. Arausic. I. can. XXII., Turon. II. can. XII.*

*Primo vetitum majoribus clericis nuptias
novas contrahere.*

§. IV. Sed temporis lapsu usus matrimonii maximam partem clericis ablatum fuit. Vidit ecclesia, coelibatum sacrorum ministrorum ex his ritibus esse, quos apostoli ministerio verbi instantes & ad idololatriae subversionem intenti, imperfectos & a posteris poliendos reliquerunt. Ergo omnium primum potestate contraendi matrimonii post sacros ordines clericos ecclesia spoliavit: quod jus longe ante concilium Nicaenum receptum erat, illudque Paphnutius, rei uxoriae clericorum assertor, *veterem ecclesiae traditionem appellavit (a)*. Unde synodus Neocaesareae presbyterum, qui deinceps conjugium attentaret, edixit deponendum (b). Et unus ex canonibus apostolicis ita decernit. *Innuptis, qui ad clerum proventi sunt, praecipimus, ut si voluerint, uxores accipiant, sed lectores cantoresque tantum (c)*. Verum non ita rigide vetabantur diaconorum post ordinationem nuptiae, ut ejus rei veniam episcopis non liceret tempore ordinationis indulgere. Etenim diaconis, qui in ordinatione protestantur, se sine uxoribus vivere non posse, synodus Ancyrana an. cccxiv. nuptias contrahere permittit, *propterea quod episcopus eis licentiam dederit (d)*. Et haec erat ecclesiae Graecae indulgens disciplina, nam in ecclesia Latina ne episcopi quidem indulgentia poterant diaconi matrimonio copulari. Unde

Mar-

(a) *Ap. Socrat. lib. I. cap. 11.* (b) *Conc. Neocaes. can. I.* (c) *Can. apost. XXVII.* (d) *Conc. Ancyran. can. IX.*

Martinus Bracarenſis, qui ita refert canonem An-
cyranum, *Diaconus, qui eligitur, ſi conteſtatus*
ſuerit, pro accipiendo matrimonio, & dixerit; ſe
in caſtitate non poſſe manere, hic non ordi-
tur (a), diſciplinam potius eccleſiae Latinae,
quam genuinam canonis ſententiam exhibuit:
quod Antonius Auguſtinus admonuit (b).

Concilium Nicaenum uſum uxorū non
interdixit.

§. V. Non tamen pridem conjugatis clericis
eodem tempore uxores interdictae. Durius vi-
ſum fuit, aſſuetos rei uxoriae ab uxoribus avel-
lere, quam coelibes ad perpetuam arctare con-
tinentiam. Viſum erat patribus Nicaeniſ legem
novam in eccleſiam inducere, qua qui eſ-
ſent ſacris ordinibus initiati, ſicut episcopi, preſ-
byteri & diaconi, cum uxoribus quas ante or-
dinationem duxerant, minime dormirent. Et
quum ea de re inirent ſuffragium, ſurrexit Paph-
nutius episcopus, qui nec nuptias omnino con-
traxerat, nec umquam ad mulieres acceſſerat,
& clamans honorabile eſſe conjugium & thorum
immaculatum, nec poſſe omnes tam ſeveram fer-
re diſciplinam, patreſque inſuper admonens, ne
nimis exquiſita praefcriptione eccleſiis eſſent in-
commodo, ſynodum ab indicenda uxoratiſ cle-
riciſ continentia deterruit, patreſque in ejus ſen-
tentiam conceſſerunt, omnes uti poſſe matrimo-
nio jam contracto. Rem late narrant Socrates
& Sozomenus (c), & ex hiſtoria tripartita Gra-
tia-

(a) *Mart Bracar. par. I. cap. 39.* (b) *Lib. I. de*
emendat. Grat. dial. 10. (c) *Socrat. lib. I. cap. 11.*
Sozomen. lib. 1. cap. 23. edit. Valeſ.

tianus in decretum inseruit suum (a). Veluti falsam & primum a Socrate confictam, ut faveret Novatianis, qui in matrimonii usu nullam admittebant inter clericos & laicos differentiam, hanc historiam amplissimi cardinales Baronius & Bellarminus traducunt, suspectam vero Valesius habet. (b). Sed celebriores inter nostros critici, in primis Dupinius, Natalis Alexander & ipse Christianus Lupus eam ut authenticam tuentur (c). Ut enim recte observat Dupinius, continentia clericorum ad disciplinam pertinet: nec quod clerici majores apud Latinos a multis saeculis continentes vivunt, consequitur & primis saeculis & apud Orientales etiam ita vixisse. Nec quod Socrates fuit Novatianus, recte concluditur, historiam Paphnutii, quae ad tuendos errores Novatianos non facit, confinxisse, praesertim quando ipse Socrates in causa matrimonii differentiam inter clericos & laicos adgnoscat, nam laicos matrimonio non adstrictos uxorem ducere posse non negat, clericos vero post ordinationem negat posse nuptiis copulari (d).

Post concilium Nicaenum clerici Orientales continentes.

§. VI. Interim post concillium Nicaenum passim etiam in Oriente majoribus clericis castitas indicta. Forsan illi episcopi, quibus in congressu Nicaeno visum erat, clericos ab uxoribus abstrahendos, & intercedente Paphnutio non ob-

tinue-

(a) *Can. XII. D. 31.* (b) *Vales. not. in cit. Socrat. loc.*

(c) *Dupin. in biblioth. vol. II., N. Alexand. diss. XIX. in IV. saeculum prop. I., Lupus diss. de Latin. contin. cap. II.* (d) *N. Alexand. loc. cit.*

tinuerunt, ad ecclesias suas reduces sibi subiectis clericis continentiam imperarunt, quo factum, ut sensim per Orientem fere clerici majores ab uxoribus continerent. Sane de tempore suo testis locupletissimus est Hieronymus (a), qui contra Vigilantium & ejus affectas, castitatis hostes infensissimos, testatur, in Orientali proprie sic dicta dioecesi & Aegyptiaca & in universo Occidente, clericos castitatem admisisse. *Quid faciant Orientis Ecclesiae? Quid Aegypti & sedis apostolicae, quae aut virgines clericos accipiunt, aut continentes, aut si uxores habuerint, mariti esse desistunt?* Porro Synesius ad ordinationem declinandam inter alia professus est, se a nuper ducta uxore nec posse, nec velle divertere (b): quod indicat in Aegypto hoc tempore episcopos conjugatos rei uxoriae non vacasse. Ad haec Epiphanius, Salaminensis episcopus & Cypriorum metropolita scribit (c), sacerdotium ex virginum & renuntiantium ordine constare, sin minus, ex laicis, qui a suis se uxoribus continent, aut secundum unas nuptias in viduitate versantur. Quod idem alibi adfirmat, additque, continentiam servari praecipue in iis locis, ubi ecclesiastici canones accurate servantur, & praeter canonis auctoritatem ob ignaviam & vero etiam hominum penuriam, dum non facile inveniuntur, qui admittere velint clericatum; evenire, quod in aliquibus locis presbyteri, diaconi & hypodiaconi liberos suscipiunt (d). Vera scribere

(a) *Advers. Vigilant.* (b) *Synes. ep. CV.* (c) *Epiph. expos. fid. cathol. n. XXI.* (d) *Epiph. haer. LIX.*

re Epiphanium non videtur dubitandum, quamvis forsan deessent in Oriente hi canones, quos alicubi adfirmat non servari. Et veri speciem habet, nomine *canonum* Epiphanium intellexisse tum receptos per Orientem mores, qui *canonis* nomine laudari solent (a).

Inde in Oriente solis episcopis indicta continentia.

§. VII. Non diu in sancto proposito videntur stetisse clerici Orientales, nam quinto saeculo passim utebantur matrimoniis ante ordinationem contractis. Et quidem imperatores Honorius & Theodosius junior eo ipso quo vetant, clericos cujuscumque gradus fororiis consortiis deturpari, diserte excipiunt uxores, quarum cum viris cohabitationem veluti legitimam & honestam admittunt (b). Et Socrates de sua aetate testatur, multos etiam ex episcopis in episcopatu liberos suscepisse, reliquos vero omnes, qui ab uxoribus abstinebant, nulla lege sed sua sponte id elegisse: tantumque in Thessalia, Macedonia & Achaja continentiam ab uxoribus servasse, cujus moris in Thessalia auctorem facit episcopum Heliodorum, dum libros amatorios, *Aethiopicos* inscriptos, componebat (c). Videtur ita laxata disciplina abusu agapetarum, quibus, dum ab uxoribus clerici continebant, conspurcabant sacerdotium, satiusque visum clericos uti legitimis nuptiis, quam, sub nomine agapetarum & spiritualium sororum, concubinis. Inde reliquis clericis matrimonii usu relicto, solis episcopis

(a) *V. sup. proleg. cap. II §. 22.* (b) *L. XIX. C. d. episc. & cleric.* (c) *Socrat. lib. V, cap. 22.*

pis perpetua indicta continentia, statuitque Justinianus, in episcopos eligi monachos, aut certe clericos, qui neque filios, neque nepotes, neque uxorem habeant, aut illi saltem non cohaereant (a). Et ita perduravit apud Orientales disciplina, quae in concilio Trullano confirmata (b) ad haec usque tempora perseverat. Illud vero ex antiqua disciplina servavit synodus Trullana, ut quo tempore presbyteri & reliqui inferiores clerici sacra contrectant ab uxoribus abstineant. Sed omnino intolerabiles sunt Trullani patres, dum tacite ecclesiam reprehendunt Romanam, quae etiam presbyteris & diaconis imperabat continentiam. Unde in ecclesia Romana Trullani canones recepti non sunt, nisi quatenus probatis moribus non adversarentur.

Saeculo IV. in Occidente sacris clericis Indicta continentia.

§. VIII. Atque haec fuerunt fata continentiae clericalis apud Orientales; sed in occidente res exitum habuit felicior. Ante Nicaenam synodum Illiberitani patres in totum episcopis, presbyteris & diaconis, *vel omnibus clericis postis in ministerio* a pridem ductis uxoribus indixerunt continentiam (c). Sed post concilium Nicaenum multo serius ad rem perficiendam pontifices & concilia incubuerunt. Et Siricius quidem summus pontifex episcopis, presbyteris & diaconis praecepit, ut ab uxoribus pridem du-

Instit. jur. can. T. II. Ii Etis

(a) *Novel. VI. cap. 1. 2.* (b) *Conc. Trull. can. XII. seq.* (c) *Conc. Illiber. can. XXXIII.*

Etis continerent (a), quo statuto potius receptae disciplinae vim addidit, quam aliquid innovavit: quod idem pontifices sequentes Innocentius I. & Leo M. confirmarunt (b). In concilio Carthaginensi II. anno CCCXC. quod apostoli docuerunt & ipsa servavit antiquitas, patres custodire volentes, statuerunt, ut *episcopi, presbyteri & diaconi, vel qui sacramenta contrectant, pudicitiae custodes, etiam ab uxoribus se abstineant* (c). Unde patet, Africanis imposuisse synodum Trullanam, dum asserit, Africanae ecclesiae continentiam tempus contrectationis tantum spectasse (d). Sequentia Africana concilia & reliqua in Occidente celebrata eandem iterarunt legem, & ita uxoratis ad diaconatum vel sacerdotium vocatis praecipunt, ut ab uxoribus ex pacto abstineant: easque deinceps habeant tamquam sorores (e).

Varia disciplina de continentia minorum clericorum.

§. IX. Et haec tenus dicta clericos spectant hierarchas. Etenim quantum ad minores clericos, inter quos olim etiam hypodiaconi censebantur, variae fuerunt de eorum continentia ecclesiarum consuetudines. Unus ex canonibus apostolicis etiam post acceptum ordinem tantum lectoribus nuptias permittit (f): quae eadem disciplina

tem-


(a) *Sirio. epist. ad Himer. Tarracon. cap. VII. & epist. IV. ad Afric. cap. 9.* (b) *Innoc. ep. II. ad Vittric. Rothomag.*, Leo M. *ep. LXXXIV. ad Anastas. Thessal.* (c) *Conc. Carth. II. can. II.* (d) *Conc. Trull. XIII.* (e) *N. Alexand. cit. dissert. prop. II.* (f) *Can. apost. XXVII.*

tempore concilii Chalcedonenſis in quibuſdam provinciis Orientalibus ſervabatur (a). In eccleſia Africana lectores quum ad annos pubertatis veniebant, cogebantur aut uxorem ducere aut continentiam profiteri: ceteri vero poſt diaconos clerici ad continentiam maturiori aetate, cogebantur (b), hoc eſt quum matura eſſent aetate non amplius ſinebantur ad nuptias convolare. Uſus vero ante contracti matrimonii minoribus clericis ſere nullibi videtur interdicitus, exceptis tamen hypodiaconis, qui in multis Orientalibus eccleſiis aetate Epiphaniae (c), & Romae tempore Leonis M, (d) etiam a pridem ſuſceptis uxoribus continebant. Initio forſan ſaeculi quarti Hispani hypodiaconis. Illiberitani patres indixerunt continentiam (e), ſed haec diſciplina aut non ſervata, aut non diu in Hispania obtinuit. Videntur eccleſiae, quae olim hypodiaconis ſibulam impoſuerunt, id ea ratione, feciſſe, quod proxime miniſtrantes diaconis ſacra myſteria aliquatenus contrectabant. Verum inde apud Latinos reliquis minoribus clericis etiam poſt ordines relicta matrimonii contrahendi poſſeſtate, hypodiaconi omnes ad perpetuam continentiam adacti ſunt: quod in Gallia ſynodus Aurelianenſis III. an. 15XXXVIII. (f), in Sicilia & Brutiis Gregorius M. (g) & in Hispania ſynodus

(a) *Conc. Chalced. can. XIV.* (b) *Conc. Carth. III. can. XIX.* (c) *Epiph. haer. LIX.* (d) *Leo M. ep. LXXXIV. ad Anaſt. Theſſal.* (e) *Concil. Illiber. can. XXXIII.* (f) *Conc. Aurel. III. can. II.* (g) *Greg. M. lib. I. ep. 42., & lib. III. ep. 5.*

Toletana VIII. an. 1561. (a) stabili regula statuerunt.

¶ Praecepit Pelagius Pontifex, ne subdiaconi Siculi suis uterentur uxoribus, quas antea duxerant; statuit vero Gregorius Magnus, ut nemo posthac eo subdiaconatus honore donaretur, qui castitatem sanctae prius non voveret; additque ut ii qui jam diu duxerunt uxorem ad alium sacrum ordinem ne promoveantur nisi velint matrimonii usu abstinere; en ejus verba in epistola Petro subdiacono Siciliae, „ Ante triennium subdiaconi „ omnium Ecclesiarum Siciliae prohibiti fuerunt, „ ut more Romanae Ecclesiae nullatenus suis uxoribus miscerentur. Quod mihi durum, atque „ incompetentis videtur; ut qui usum ejusdem continentiae non invenit, neque castitatem antea „ promisit, compellatur a sua uxore separari: atque per hoc, quod absit, deterius cadat. Unde „ videtur mihi, ut a praesenti die Episcopis omnibus dicatur, ut nullum subdiaconum facere „ praesumant, nisi qui se victurum caste promiserit: quatenus & praeterita, quae per propositum mentis appetita non sunt, violenter non „ exigantur, & futura caute caveantur. Qui vero post eandem prohibitionem, quae ante „ triennium facta est, continenter cum suis uxoribus vixerunt, laudandi, atque remunerandi „ sunt, & ut in bono suo permaneant, exhortandi, eos autem, qui post prohibitionem factam, „ se a suis uxoribus continere noluerint, nolumus „ pervenire ad sacrum ordinem; quia nullus debet ad ministerium altaris, cujus castitas ante „ su-

„*fufceptum minifterium fuerit approbata* „ ;
Vide Epiſt. 44. lib. 1. edit. Maur. & Johan. Cod:
Diplom. pag. 114. eadem habet in Epiſtola ad
Leonem Epifcopum Catanenſem. Cod. Dipl. cit.
pag. 158. 

Mediis ſaeculis clerici incontinentes.

§. X. Perfecit quidem eccleſia Latina cauſam coelibatus ſacrorum clericorum , eos omni tempore etiam ab uxoribus ante ordinationem ductis iubens abſtinere ; verum mediis ſaeculis aurum iſtud verſum eſt in ſcoriam . Plus profuit Graecis diſciplina relaxata , quam Latinis profeſſio virtutis . Etenim admiſſae caſtita- tis clerici , quin etiam monachi , obli- ti , ita prorue- runt in vetitum nefas , ut vel nuptias palam contraherent , vel ſibi concubinas adjungerent , idque de more laicorum , qui vel in matrimonio vel in concubinato vivebant . Barbarorum in Europam incurſiones , ſynodi provinciales intermiſſae , bona eccleſiaſtica in ſtipendia militibus tributa , & epifcoporum ignorantia & tolerantia clericos & monachos maritos & concubinarios fecerunt . Scilicet in tantis bellorum tempeſtati- bus clerici & monachi , praefertim per Gallias , ab eccleſiis & monaſteriis pulſi , quum non haberent unde vitam ſuſtinerent , paſſim militiam amplexi ſunt , & ex uno ſcelere paulatim in profundum malorum lapſi , dum non eſſet , qui argueret , matrimonia contraxerunt , aut ſibi ad- ſciiverunt concubinas . Inſtituta ſub Pipino & Carolo M. communis clericorum vita collapsam quidem reparavit diſciplinam ; ſed inde adempto Carolino ſanguini Occidentali imperio , & ſede apoſtolica poſt nefandam Formoſi barbariem per-

lupos & mercenarios invasa, in graviora mala prolapsi sumus. Percusso pastore, oves dispergentur. Misericordiae domini, quia non sumus consumpti. Hinc plures per Italiam, Galliam, Germaniam, Angliam non solum diaconi & presbyteri, verum etiam episcopi abjecta castitate, aut publica attentarunt matrimonia, eaque non semel iterarunt, aut publicae concubinas aluerunt. Quin, ut testatur Desiderius, abbas Casinensis, postea sub nomine Victoris III. summus pontifex, *haec pessima & execranda consuetudo*, qua presbyteri & diaconi attentabant matrimonia, aut asebant domi concubinas, *intra urbem maxime pullulabat, unde olim religionis norma ab ipso apostolo Petro ejusque successoribus ubique diffusa processerat (a).*

Resistunt ecclesiae clerici incontinentes.

§. XI. Foeda haec licentia usque ad XI. saeculi medietatem clericorum perdidit continentiam, quo tempore Latina ecclesia a tantis malis coepit respirare. Nempe miseratus tandem Deus ecclesiam suam tamdiu a mercenariis occupatam, optimos inmisit pontifices, malis ecclesiae reparandis quam maxime intentos. Primus, aut certe inter primos ad pugnam contra uxoratos & concubenarios clericos Leo IX. signum extulit, cujus vestigia ingressi sunt sequentes pontifices; sed in primis Gregorius VII. eo nomine celebris. Rem graviter quoque promoverunt multi Occidentales episcopi, sed praesertim Petrus Damianus, monachus primum & inde

(a) *Desid. mirae. S. Bened. ap. Mabill. saec. IV. Benedict. par. II.*

inde cardinalis episcopus Hostiensis. contra clericos incontinentes pugnavit. Pluribus celebratis conciliis pontifices presbyteros, diaconos & hypodiaconos incontinentes excommunicarunt, ab eis missas audiri & alia sacramenta administrari vetuerunt, concubinasque ecclesiis, unde presbyteros abstraxerant, addixerunt in servitutem: *aequitatis scilicet jure*, inquit Petrus Damianus (a), *ut quae sacris altaribus rapuisse servorum Dei convincuntur obsequium, ipsae hoc saltem episcopo per deminuti sui capitis suppleant famulatum*. Videtur hausta haec poena ab jure antiquo Romano, quo mulieres liberae, quae servis alienis jungebantur, dominis servorum addicebantur in servitutem; quamvis in hac statuenda servitutis poena videntur synodi fines suae potestatis excessisse. Interim clerici carnales e luto incontinentiae eluctari aegre ferentes, infremere, tumultuari, rationibus & auctoritatibus resistere, jugum continentiae grave esse, malle se sacerdotium, quam conjugium deferere, pontifices quod matrimonium damnarent, tamquam haereticos traducere, & id genus alia distitare. In primis contra Petrum Damianum, qui pro extirpanda clericorum incontinentia Mediolanum legatus abjerat, adeo commoti sunt clerici, ut populum Mediolanensem ad ipsum tamquam novae legis pseudo-praedicatorem lapidandum concitarint, quod ipse Damianus testatur, *Mediolanensis*, inquit, *civitas in seditione*.

(a) Petrus Damianus Lib. IV. ep. 3.

tionem versa, repentinum nostrum minabatur interitum (a).

Sed tandem iterum continentiam admittunt.

§. XII. Interim quicumque fuerint pontificum & reliquorum episcoporum conatus, hydra semper revixit, nec ex omni capite potuit obtruncari. Hinc obstabat clericorum in luto haerentium contumacia, inde saeculi principes; qui aliquando ex rationibus politicis incontinentium clericorum fumeabant patrocinium. Quin in Anglia ad extirpandas clericorum concubinas male cessit regia potestas implorata. Etenim episcopi regi Henrico I. an. c10cxxxix. concesserunt *justitias de focariis sacerdotum, quae res postea cum summo dedecore terminabatur; accepit enim rex pecuniam infinitam de presbyteris pro suis focariis redimendis*, quemadmodum Matthaeus Parisiensis testatur (b). Nec concubinarum redemptio instantis ecclesiarum divitiis presbyteris difficilis erat. Sordidissimum hunc censum inde a manibus reglis extortum (quod nefas dictu est) episcopi & praesertim archidiaconi & decani sibi appropriarunt. Unde saeculis XII. & sequentibus passim occurrunt clerici uxorati & concubinari. Saeculo XIII. Hiraldu Cambrensis testatur (c), in Anglia canonicos & Walfeficos sub aliis ecclesiae cathedralis publicae concubinas retinuisse: demonstratque Henricus Whartoni, eas communi quodam errore uxorum loco fuisse habitas. Et tempore Innocentii III. Succiae sacer-

(a) *Lib. V: ep. 16.* (b) *Matth. Paris. ad ann. C10CXXXIX.* (c) *Dial. de jure & statu Manuensis ecclesiae ap. Whartonium in Anglia sacra par. II.*

cerdotes habebant uxores, ad quas retinendas ejusdem pontificis privilegio se dicebant communitos (a). Apud nos sub regibus Andegavensibus adeo multi ex clericis alebant concubinas, earumque abusus tam altas radices egerat, ut clerici contenderent, eas fori exemptione gaudere, tamquam quae ad suas familias pertinerent (b): & quod mirum, Rex Robertus editis de laicorum concubinis noluit clericorum concubinas obligari (c). Sensim ergo decrevit morbus, tandem vero fere per omnia extinctus. In schismate inde Occidentali clerici attentarunt matrimonia, & in comitiis Tridentinis Germani & Galli pluries postularunt clericis uxores restitui: at patres posithabitis omnium postulatis antiquam Occidentalem confirmarunt disciplinam, statuentes continentes esse, qui sacris ordinibus initiantur, & matrimonia post sacrum ordinem & professionem monasticam contracta omnino nulla esse & invalida (d).

CAPUT XXXV.

De Ascetis.

Qui erant ascetae apud gentes.

§. I. **S**upereft, ut de ascetis & monachis agamus: quae tractatio longe lateque.

Inst. jur. can. T. II.

Kk

que.

(a) *Innocet. III. lib. IV. ep. 1018.* (b) *Istoria civile del regno di Napoli lib. XIX. cap. 5. n. 3.*

(c) *Chioccarel. MS. giurisd. tom. X.* (d) *Trid. Jef. XXIV. can. 9.*

que diffuso monachismo, & in tot familias monachis distinctis, bonam juris canonici occupat partem. Vox *ascesis* philosophorum propria fuit, qua ii designabant virtutis & abstinentiae ad vitia coercenda exercitationes. Et hinc apud gentes *ascetae* erant rigidi virtutis sacerdotes, qui vitam duriorum ad philosophiae regulas exactam ducebant. Certe Artemidorus (a) philosophum *ascetam esse* ait, quem neque nuptiarum cura tangeret, neque divitiarum ambitio sollicitaret. Et vero vitam asceticam, seu philosophicam nedum in doctrina, sed praecipue in usu & exercitatione virtutum veteres ponebant, ut Jo. Franc. Buddens pluribus docet (b). *Philosophia*, inquit Cicero, *virtutis continet & officii & bene vivendi disciplinam*. Nec Socrates aliud spectasse videtur, asserens, totam philosophorum vitam mortis esse commentationem (c). Plures vero hujusmodi ascetas tum ex barbaris, tum ex Graecis philosophis laudatus Cicero recenset (d), eorumque aliqui tam longe ascesim produxerunt, ut ultra modum profuerint. Ita de Indorum sapientibus, quos dicunt Gymnosophistas, Tullius memoriae prodidit, quod nudi aetatem agunt & Caucasii nives hiemalemque vim perferunt sine dolore: quumque ad flammam se applicaverint, sine gemitu adurantur. Et apud Graecos eo nomine celebres Cynici, qui modum decori & virtutis egressi, ascesim risui exposuerunt.

Chri-

(a) Lib. IV. cap. 35. (b) *Dissert. de doctrina philosophica in analect. philosophiae*. (c) *Ap. Cic. lib. I. Tusculan.* (d) *Cic. lib. V. Tuscul.*

Christiani ascetae.

§. II. Sed vita ad virtutis regulas exacta, praecipue apud christianos exulta fuit, idque inde usque ab initio christianismi. Et christiana religio vera philosophia, quae gentium erroribus emendatis, ad verum summumque bonum adsequendum viam adaperuit, in quo ethnica deficiebat philosophia. Quid enim homini tot miseriis & tenebris obsitò melius & iucundius adnunciati poterat, quam esse alteram vitam, eamque aeternam, in qua iusti mercedem accipiunt & coronantur? Hinc proniores christiani ad durius vitae genus excolendum, quo ad apicem perfectionis contenderent. Curabant quidem generatim primaeui christiani, ut ad Christi exemplum vitam instituerent suam; at eminebant inter eos multi, qui austeritate & abstinentia ceteros anteibant. Atque hi nomine ethnicae philosophiae retento *ascetae* & *philosophi* audierunt. Qui *disciplinae*, inquit Claudius Salmasius (a), *christianae diligentissimos & exactissimos cultores praestare volebant in omnibus; hi christiani philosophi erant & dicebantur.* Et ob eam causam eos Sócrates ἀσκητικὸς χριστιανισμὸς appellat (b). Alio nomine christiani philosophi *gnostici* dicebantur. Certe Clemens Alexandrinus in scriptis suis omnibus christianum philosophum γνωστικόν appellat (c). Et Athanasius ascetas in Aegypto, vitam contemplativam agentes, γνωστὸς similiter dicit (d); testaturque Sq-

K k 2

cra-

(a) *Ad Tertull. de pallio.* (b) *Lib. VII. cap. 37.*(c) *Clem. Alexandr. Strom. I. II. VI.* (d) *Ap. Socrat. lib. IV. cap. 23.*

crates (a), Evagrium Ponticum librum in usum ascetarum edidisse, quem *Gnosticum*, hoc est institutionem de vita contemplativa, inscripsit. Sane *gnosticus* homo est scientia & cognitione praeditus, & christiana religio cognitionem & sapientiam continet: profanaruntque profecto sanctum *gnostici* nomen haeretici illi, qui sub nomine *Gnosticorum* noti sunt.

Varia genera ascetarum apud christianos.

§. III. Jam vero quemadmodum varia sunt durioris vitae exercitia, ita quoque varia fuerunt & vero etiam sunt genera ascetarum. Alii non minus quam Pythagorei carne & rebus vitam habentibus abstinebant, non tamen ex anili fabula de animorum in corpora transmigratione, sed ut corpus in servitutem redigerent, *extinguere volentes membra terrena, scortationem, impuritatem, lasciviam, adfectus praves & concupiscentias*, ut loquitur Origines (b). Alii abstinebant a nuptiis, non quia eas improbarent, sed quia *se spadonatu obfignabant propter regnum Dei* (c). Utrumque hoc genus ascetarum conjungunt canones apostolici, dum decernunt, episcopum aut aliquem ex clero, qui a nuptiis, carnibus & vino & *δι ἀσχημοσύνης*, non propter exercitationem, sed propter abominationem abstineat, corrigi, aut deponi & ab ecclesia abiici (d). Alii plus aequo cibis abstinebant, & jejuniis corpus macerabant, quorum nonnulli eo severitatis evaserunt, ut per duos, tres, quatuorve dies, aut etiam per integram heb-

(a) Socrat loc. cit. (b) Contra Celsum lib. V.
 (c) Tertull. lib. II. de cult. fem. cap. 9. (d) Can. apost. LI.

hebdomadam jejunia prorogarent. Nonnulli, inquit Epiphanius (a) *ad biduum, vel triduum, vel quatrimum usque jejunia prorogant: alii totam hebdomadam ad usque sequentis Dominicæ gallicinium sine cibo transmittunt.*

Sacrae ecclesiae virgines.

§. IV. Inter antiquos ascetas illustriorem locum obtinent sacrae ecclesiae virgines & viduae, quae se Christo dicabant, perpetuam promittentes castitatem. Gentibus virginitas opprobrio fuit, etiam apud Judaeos; at apud christianos initio evangelicae praedicationis coepit celebrari, & inter asceticas perfectiones referri. Etenim stimulis carnis, quo ipsa natura inclinatur, resistere magna ascensis est, eorumque propria, qui asperum vitae genus profitentur. Ipso saeculo secundo, magna erat virginum copia, quod Origenes testatur (b), semperque deinceps plures fuerunt. Edebant autem virgines propositi sui in ecclesia publicam professionem, & ab episcopo consacrabantur, sacrumque velamen accipiebant, idque matura vigintiquinque (c), aut quadriginta annorum aetate (d), & secundum Basilium (e) etiam anno decimosexto, aut decimosextimo, quo rationis complementum habere credebantur. Per consecrationem vero inter personas ecclesiasticas referebantur, & canoni inferebantur ecclesiae (f), unde *canonicae* audierunt. Vivebant vero in domibus paternis, &

a pa-

(a) *Epiph. exposit. fid. n. XXII.* (b) *Orig. cont. Celsum lib. VII.* (c) *Conc. Carth. III. can. IV.*

(d) *Conc. Agath. can. XIX.* (e) *Basil. ep. can. can. XVIII.* (f) *Socrat. lib. I. cap. 17.*

à parentibus suis, vel necessitate ita postulante, ab ecclesia accipiebant alimenta (a): quin in ecclesia peculiarem habebant locum, ad quem religiosae & nobiles matronae certatim currebant, earum oscula petentes (b), Quod si contra professionem suam inde minus caste viverent, aut matrimonium attentarent; excommunicabantur, & publicae subiiciebantur poenitentiae, quod ex canonibus Ancyranis & Chalcedonensibus constat (c). Sed inducto monachismo paulatim virginum ecclesiasticarum in privatis aedibus viventium numerus minui coepit; sensimque inductum, ut extra coenobia nullae fierent virginum professiones, quae perpetua tenerentur castitate.

Ascesis non requirit solitudinem.

§. V. Fuerunt & vero etiam esse possunt plura alia genera ascetarum, quae Binghamus & plenius Mejerus recensent (d). Illud vero hic observandum, ascetim natura sua ab hominum consortio non abhorrere, & non minus in solitudine, quam in frequentia civitatum exerceri posse, quod Valesius, Tillemontius (e) alique recte observant. Generatim tamen primis fere tribus saeculis christiani philosophi in civitatis frequentia vixerunt, nec cogitarunt de ample-

ten-

(a) Conc. Carthag. III. can. XXXIII. (b) Ambros. ad virgin. lapsam cap. VI. (c) Conc. Ancyran. can. XIX. ; conc. Chalcedon. can. XVI. (d) Bingham. lib. VII. orig. cap. 1. §. 3. Mejer. de ascetis. (e) Vales. not in Euseb. de marty. Palaest. cap. XI. , Tillemont. dans memoires pour servir a l'histoire ecclesiast. tom. VIII.

stenda solitudine. Etenim religio christiana, quae omnes tamquam fratres amare jubet, potius in hominum frequentia, quam in solitudine ascesim inculcat, ut in societate positi exercitia caritatis facilius cum aliis communicemus. Et profecto errat Christophorus, qui nomine *ascetarum* in trium priorum saeculorum monumentis monachos intelligit: Monachatus enim, qui ascesi addidit vel solitudinem vel vitam sub regula & proposito communem, in ecclesia serius esse coepit: & ex hoc tempore omnes monachi fuere ascetae, non e converso ascetae omnes fuerunt monachi. Interim quotquot primis saeculis duriorem agebant vitam, a peccatis, quatenus fieri poterat, etiam abstinebant: nec nisi posterioribus saeculis emerferunt, qui dum parum de justitia curant, corpus aliquando redigunt in servitutem.

CAPUT XXXVI.

De origine & progressu monachorum.

Primaeva monachatus natura.

§. I. **A** Pud christianos *monachatus* natura & origine sua status est continuae ascesis & poenitentiae, quo semel initiati vel soli vel in communi sub propria regula a frequentia civitatum separati vivunt. Scilicet finis primarius monachatus in propriae salutis cura unice consistit, ad quam obtinendam monachi continua se exercent ascesi. Unde status monachorum *non docentis, sed plangentis* est, ut Hieronymus.

nymus^(a) observat. Ita ascesis monastica necessario postulat vel vitam solitariam, vel communem quidem, sed propriis aedibus distinctam, ut monachi plus otii & opportunitatis habeant, ad magnum poenitentiae negotium peragendum: Et qui quaeso status plangentis in civitatum frequentia^(b) potest obtineri? Vidit id semper ecclesia, & hinc semper averfata est monachos, qui pro solitudine civitatum frequentia delectantur^(b). Et Antonius anachoretarum parens, testibus Hieronymo & Sozomeno^(c), dicere solebat, pisces aquis nutriri, monachis vero ornameto esse solitudinem, monachosque ad urbes accedentes monasticam amittere gravitatem, non secus ac pisces aquis egressi, vitam amittunt. Quae quum ita sint, primi christiani, qui in Palaestina in communi vixerunt, a monachis longe erant diverfi. Etenim communis christianorum vita tantum consistebat in abdicatione temporalium & in distributionibus, quae ad omnes, prout opus erat, porrigebantur^(d); nec christiani inclusi in unis aedibus morabantur, nec unice propriae studebant saluti.

Solitaria & communis vita apud gentes.

§. II. Vita ascetica vel in solitudine vel in communi etiam apud gentes & Judaeos exculata est; idque quo melius ascetae philosophiae vacarent, aut magis inter sodales suos humanitatem exercerent. Et quod spectat ad gentiles il-

^(a) Hieron. ep. LIII. ad Ripor. ^(b) Hieron. ep. IV. ad Rustic. & ep. XIII. ad Paulin. ^(c) Sozom. lib. I. cap. 13. ^(d) Thomass. par. I. lib. 3. cap. 2. num. 3.

illustra exempla de philosophis solitariam vitam agentibus philosophiae exhibent annales. De Druidis refert Caesar, eos in solitudinibus habitasse, tamen ut singulis annis simul convenirent, eoque conventu summam exercuisse potestatem (a). Vitam quietam & solitariam Pythagoram, Democritum, Anaxagoram coluisse Tullius memoriae prodidit (b). Speciatim Democritus vitam in montibus ducens, olea & herbas comedeat (c), & ut magis solus esset, se ipsum oculis orbavit. Nec minus antiqua monumenta philosophos, qui in communi vivebant, exhibent. Quis nescit, Pythagoreos domus recessus habuisse, quo quotquot ad certam aetatem perveniebant, se recipiebant, ubi communem ducentes vitam, se mutuo adjuvabant? Poterant quidem ab instituto Pythagorici recedere, sed tam inominatus erat huiusmodi recessus, ut deficientes sollempni funere, tamquam mortuos, deplorarent (d). Similiter quaelibet philosophorum secta apud Graecos statis diebus suis convivia praebebat, cui rei proprii erant redditus addicti: erantque huiusmodi convivia scholae sobrietatis, ubi adstantium animi magis magisque conjungebantur, quod Athenaeus observat (e).

Esseni & therapeutae Judaeorum.

§. III. Verum in excolenda in solitudine, vel in communi vita philosophica Judaei ceteris gentibus celebriores. Ut mittam Rechabitas, *Instit. jur. can. T. II.* LI^a qui

(a) Caesar. lib. VI. de bello Gallico. (b) Tull. lib. III. de orat. (c) Laërtius lib. IX. (d) Des Landes histoire critique de la philosophie lib. III. cap. 14. num. 2. (e) Athen. lib. IX. & XII.

qui in tentoriis habitantes, agros nec possidebant, nec colebant, nec bibebant vinum (a) certe Essenī, qui unam eamque puriorem ex tribus philosophicis Judaeorum sectis componebant, in coenobiis sub praefecto vitam agebant communem, in cujus usum non tantum vitam auspicantes propria bona, sed inde etiam manuum labores, quibus dediti erant, conferebant, Omnes vestibus induti candidis summa religione Deum colebant, non jurabant, non mentiebantur, se abstinebant ab uxoribus, & orationibus & virtutibus vacabant. Post triennii examen, in suam societatem admittebant neophytos, qui magnis execrationibus vitam ad leges societatis exactam promittere debebant. Longe durius vitae genus ducebant *therapeutae*, hoc est *Dei cultores*, ut eos appellat Philo Judaeus, qui peculiarem de iis libellum sub titulo *de vita theoretica*, seu *de supplicum virtutibus* conscripsit; etenim quasi essent vita defuncti, facultatibus & mundo relictis, in villas solitarias secedebant, & in separatis aedibus, quas dicebant *monasteria*, singuli habitabant, ubi per sex dies tantum philosophabantur, cibum post solis occasum sumentes, & septimo die ad senioris sermonem audiendum in commune *semneum* conveniebant, eoquo finito manducabant, non cibis lautis utentes, sed simplici pane, cujus obsonium erat sal; quem delicatiores hyssopo condiebant. Essenorum & therapeutarum instituta ex Josepho & Philone Judaeis plenius Jo: Clericus (b) recenset.

(a) Jerom. XXXV. 6. 7. (b) Proleg. hist. eccles. sect. I. cap. 4. seq.

set. Ceterum num therapeutæ Esseni an christiani fuerint, an ab utrisque diversi, inter eruditos non convenit; sed eorum instituta Judaïsmum potius, quam christianismum sapiunt, magisque propterea ad verum accedunt, qui eos Essenos faciunt duriores, quod Josephus Scaliger (a) animadvertit, & late contra Montfauconium Bouthierius, in senatu Divionensi præses, demonstravit.

**Origo monachatus apud christianos.*

§. IV. Ut vero nunc redamus ad christianos, quæ fuerit inter eos prima monachatus origo, non una est omnium sententia. Claudius Delilius (b) ab exemplo gentilium philosophorum, alii ab Essenorum institutis eum repetunt: nec defuerunt, qui in Eliae & Joannis Baptistæ vita monachatus originem quaesiverunt: & demum Boëhmerus (c) ex quorundam temperamento ad solitudinem proclivi ascesi putat accessisse vitam solitariam. Sed præstat originem monachatus ad persecutiones referre, quod multi ex antiquis, teste Sozomeno (d), tenuerunt, & aliqui ex recentioribus illustrarunt (e). Tempore persecutionis Decianæ, quæ medio sæculo tertio erupit, multi ex Aegypto christiani aestum tempestatis evitaturi, in Thebaidem aliasque solitudines & montes secesserunt, ubi sancta quiete perfusi Deo coeperunt famulari, & inde solitariae

(a) Scalig. lib. VI. de emendat. tempor. Conf. Cleric. loc. cit. cap. 5. (b) Histoire de l'etat monastique & religieux. (c) Boëhm. lib. III. jur. eccles. tit. 31.

(d) Sozom. lib. I. cap. 12. (e) Bingh. lib. VII. orig. eccles. cap. 1. §. 4.

riae vitae commodis expertis, post finitam persecutionem ibi permanere decreverunt. Moris quidem christianis semper fuit, quoties immineret persecutio, ex consilio evangelico sibi fuga consulere (& hinc epistola ad Hebraeos mentionem eorum habet, qui propter fidem in desertis & montibus errarunt, in speluncis & cavernis terrae latibula quaerentes (a);) at usque ad Decianam in christianos tempestatem nulli videntur fuisse, qui coactum illud vitae genus etiam in pace sustinerent. Primus ergo solitariae vitae inter christianos auctor Paulus, illustrator Antonius, ut loquitur Hieronymus (b). Et Paulus quidem per nonaginta fere annos nemini, nisi Antonio sub vitae exitum innotuit; sed Antonius plures habuit imitatores, & in eo totus fuit, ut solitariam vitam inculcaret, perficeret & regulis asceticis institueret (c). Non tamen Antonius ullum aedificavit coenobium, in quo simul solitarii viverent. Primus Pachomius patris Constantini M. temporibus in Thebaide monachos, quibusdam coenobiis aedificatis, in societatem adunavit: quod diserte constat ex actis Pachomii a monacho supparis aetatis conscriptis, ubi inducitur Antonius anachoretarum parens, qui ita Sacchaenum Pachomii discipulum adloquitur: Quo ego primum tempore monachum coepi agere, nullum usquam exstabat coenobium, in quo de aliorum salute cura aut metus cuiquam erat:

*(a) Ad Hebraeos XI. 38. (b) Hieronym. epist. XXII. ad Eustoch. cap. 16. (c) Sozom. lib. I. cap. 13. Confer. Tillemont. memoires pour servir a l'histoire ecclesiast. tom. VII. par. I.

erat : sed quisque antiquorum monachorum persecutione jam finita privatim in vita sese monastica exercebat . Postea vero pater vestier (Pachomius nempe) tantum bonum , Deo adjuvante , effecit (a) .

Propagatio monachatus .

§. V. Instituta in Aegypto primum monastica vita statim felici successu per Orientem propagata est . In Palaestina anachoretas Hilarion , Antonij discipulus , instituit (b) . Nec multo post Eustathius , episcopus Sebastiae inter Armenos , Paphlagonas & accolae Ponti induxit coenobitas (c) : quod idem institutum Basilii per Pontum & Cappadociam propagavit . Et ex eo tempore vita monastica totum Orientem , Aethiopiam , Persiam ad Indos usque pervasit . Interim in Occidente medio fere quarto saeculo monachi fordescebant & detestabantur . Sane testatur Hieronymus , Romanis initio adeo monachos odio fuisse , ut eos urbe eliminandos censuerint . Quousque , sunt Hieronymi verba ex sententia Romanorum pronunciata (d) , genus detestabile monachorum urbe non pellitur ? Et alio loco idem Hieronymus scribit (e) , propositum monachorum propter rei novitatem ignominiosum & vile habitum fuisse . At inde opera Athanasii , qui Arianæ hæresis persecutionem declinans , Romam Antonii vitam a se conscriptam detulit , & postea auctoritate , exemplo & scriptis Hie-

(a) *Acta Pachomii cap. LXVII. ap. Papebroch. die 14. Maii.* (b) *Hieron. in vita Hilarionis cap. XI.*

(c) *Sozomen. lib. III. cap. 14.* (d) *Hieron. epist. XXIV. ad Paulam.* (e) *Epist. XVI. ad Principiam*

Hieronymi; alias ad solitudinem facti, monachus ignominia in gloriam versa est: erantque Romae tempore Hieronymi crebra virginum monasteria, & innumerabilis monachorum multitudo (a). Nec minori zelo Athanasius, quum apud Treviros exularet, videtur monachismum commendasse. Sed per Gallias monachismi propagatio praecipue Martino, inde episcopo Turonensi, debetur, qui ab Italia, ubi prope Mediolanum condiderat monasterium, infestationibus Arianorum ejectus, tandem apud Pictavos cellam fixit suam (b), ubi octoginta discipuli ad beati magistri exemplum instituebantur (c). Et ita deinceps reliquae Occidentis regiones monachismum admiserunt, gnaviter eam provinciam promoventibus episcopis & monachis, quorum aliqui monachos Orientales inviserunt, ut disciplinam monasticam addiscerent, & in natale solum inferrent, quo nomine Cassianus celebratur.

Monachatus in feminis.

§. VI. Quocumque vero penetravit, monachatus, ingens hominum numerus eo, veluti ad portum salutis, concurrebat. Perfecta christianismi ascesis in continentia & institutis monasticis reposita credebatur: ipsi monachi sanctitate & novitate fuerunt admirationi: & ecclesiae patres novam conversionem summopere laudabant, haecenus, ut pro secundo baptismo haberent, quo maculae omnes post salutare undas contractae abstergerentur. Solitariis ergo

op-

(a) Hieron. cit. epist. XVI. (b) Florens tract. de statu regular. in praef. (c) Sulpit. Sever. vit. Martini cap. VII.

oppletæ solitudines, & monasteria, præsertim Aegyptiaca, ad duo, vel tria & amplius millia monachorum habuerunt; qui tamen in multis aedibus habitabant, quarum plures constituebant monasterium. Nec viris in amplectendo monachismo quidquam mulieres cesserunt, quarum aliae principio vel in communione, vel in desertis vixerunt. In Oriente aetate Basilii jam erant virginum conventus (a): quo eodem saeculo in Thebaide monasterium virginum existit, in quo vixit S. Euphrasia, ut ex ejus vita apud Bollandum constat (b). Et Chrysostomus *choros virginum* in solitudinibus Aegyptiacis degentes laudat (c). Romae, teste Hieronymo (d) Marcella omnium prima fuit, quae monasticam profiteretur philosophiam. Ita invaluit differentia inter *virgines ecclesiasticas* & *monasticas*, quarum illae etiam postquam Deo sollempniter se devoverant, in domibus fere vivebant paternis (e), hae vitam communem ducebant, & non secus ac reliqui monachi, propriis vivebant laboribus (f). Sequentibus saeculis quot fuerunt monachorum ordines, tot ex adverso familiae monialium emerferunt, easdem, quas monachi, regulas profitentes, & ita vita monastica feminarum, fere eadem, quae virorum fata experta est.

Mo-

(a) *Basil. de inst. monach.* (b) *Bolland. die XIII Martii.* (c) *Chrysost. hom. VIII. in Matth.*

(d) *Epist. XVI. ad Princip. virginem.* (e) *Conc. Carthag. III. can. XXXIII.* (f) *August. de morib. eccl. cap. XXXI.*

Monachi vel solitarii vel coenobitae.

§. VII. Jam monachi omnes vel ab ipsa monachatus origine duplicis fuerunt generis, *monachi* nempe proprie sic dicti & *coenobitae*. Monachi in privatis cellulis soli vivebant, unde *monachi*, *anachoretæ* & *solitarii* dicti, & eorum habitacula *monasteria*. Et hi quidem secundum regulas ab Antonio propositas ascetism exercabant, ceterum nulli praeposito addicti, sponte sua in monasticis institutis proficiebant, *Coenobitae* vero in societate secundum regulam sub praeposito, qui *abbas* dicebatur, vivebant, eorumque domus dictae *coenobia*, quasi simul viventium habitacula. Interim coenobitae, quamvis solitarii proprie non essent, tamen nomen *monachorum* & *monasterii* retinuerunt, idque forsitan ne in tanta monachorum ejus aetatis fama, coenobitica vita minus celebraretur. Nec apud antiquos alia probata fuerunt monachorum genera, & si qui proprium nomen praeferunt, vel ad solitarios, vel coenobitas referri debent, nomenque proprium sortiti sunt, a peculiari, quam exercebant, ascetism. Ut ecce *stilytae*, hoc est *columnarii*, qui vivebant, in columna, ventis, frigori, calori semper expositi, veri fuerunt solitarii: primusque hanc durissimam philosophiam ante medium saeculi quinti Simeon Stilytes invenit, ut testatur Evagrius (a): nec multos habuit imitatores; adeo verum est, quod ascetism etiam modum habeat suum (b). E contrario

anot-

(a) *Evagr. lib. I. cap. 13.* (b) *Bingh. orig. eccles. lib. VII. cap. 2. §. 5. Confer. cl. Mazochius com. in eccles. Neap. Kalend. in S. Simeone Stilyta juniore.*

desolantes, & insomnes, qui ineunte quinto saeculo Constantinopoli innotuerunt, coenobitae fuisse videntur, qui in coetus distributi sine intermissione dies ac noctes divina officia celebrabant.

Sarabaitae & Gyrovagi.

§. VIII. Interim non diu post exortum monachatum duo spuriorum monachorum genera *sarabaitae & gyrovagi* emerferant. Sarabaitae bini vel terni nec multo plures quasi essent coenobitae, fere in urbibus & castellis proprio arbitrio sine praeside vivebant, ac de suis laboribus ad communia alimenta in commune partem conferentes, reliquum in usus proprios reservabant: erantque inter eos continua jurgia, & quia spiritu Dei non ducebantur, in omnibus affectabant singularitatem. *Apud hos (sarabaitas) affectata sunt omnia*, inquit Hieronymus (a), *laxae manicae, caligae fallicantes, vestis crassa, crebra suspiria, visitatio virginum, detractio clericorum, & si quando dies festus adveniret, saturantur ad vomitum*. Gyrovagi, alio nomine *circumcelliones* dicti, e contrario nullo certo loco affixi, per totam vitam vagabantur, in aliorum cellis ternis, aut quaternis diebus commorantes, propriis voluptatibus & gulae illecebris fervientes, ut eos S. Benedictus describit (b). In hoc autem vagandi instituto, quemadmodum Augustinus testatur (c), alii membra martyrum, (si tamen martyrum) venditabant: alii fimbrias & philacteria sua magnificabant, omnesque

(a) Hieron. ep. XXII. ad Eustoch. cap. 15. (b) Reg. Benedict. cap. I. (c) August. lib. de opere monach. cap. XXVIII.

que, aut sumtus lucrosae egestatis, aut simula-
tae sanctitatis, exigebant. Itaque non minus sa-
rabaitae, quam gyrovagi potius scandala & ec-
clesiae opprobria, quam monachi fuerunt: & ta-
men Spalatensis (a) non veretur, nostros men-
dicantes tamquam sarabaitas traducere: quod pu-
tidum est mendacium, constitutione indignum.
Num mendicantes bini, vel terni suo arbitrio
vivunt, de parte laboris aliquid in commune
conferentes, reliquum sibi reservantes?

*Monasteria olim in silvis, inde etiam
in urbibus.*

§. IX. Principio non tantum solitariorum
cellae, verum etiam ipsa coenobitarum monaste-
ria longe a frequentia civitatum in montibus &
speluncis constituta: quod plane postulabat na-
tura monachatus ad quietem & poenitentiam fa-
cta, & propriae salutis tantum sollicita. Quin
ipsae monialium domus initio etiam in solitudi-
nibus fuerunt, memoratque Chrysostomus cho-
ros virginum in solitudinibus Aegyptiacis de-
gentes (b). Testatur quoque Hieronymus, Ro-
mae initio vitae monasticae feminis suburbanum
agrum pro monasterio fuisse, & rus electum pro
solitudine (c). Verum ipso quarto saeculo coe-
nobita tam virorum, quam mulierum e solitudi-
nibus in civitates migrare coeperunt, & harum
quidem ne infamiae notam subirent, illorum ve-
ro quo monachi ad debellandos haereticos essent
promptiores. Et sane constat, Basilium in urbi-
bus

(a) *M. Ant. de Dominis de rep. eccles. lib. II. cap.*
12. n. 57. (b) *Chrysost. hom. VIII. in Matth.*

(c) *Hieronym. ep. XVI. ad Principiam virginem*

bus Ponto finitimis monasteria constituisse, ut eas ab Arianismo fervaret illaefas (a). Ita coeperunt monasteria a prima simplicitate desciscere, & paulatim urbana imitari aedificia, donec eo ventum, ut longe superarent. Sed omni aetate qui monachismum jam collapsum suo nitore restituere adlaborarunt, antiquiores imitatores in solitudinibus suas primas aedes aedificarunt. Ubicumque vero constituantur monasteria, non sine episcoporum auctoritate ea aedificari ecclesia permittit (b). Et ex provinciarum statutis non aedificantur, nisi publica auctoritas praecedat.

Varia monachorum nomina.

§. X. Origine, propagatione & monachorum generibus explicatis, multa austerae hujus ascesis nomina, in antiquis monumentis passim occurrentia, paucis oportet recensere, ne tirones deinceps remorentur. Desumpta autem sunt omnia a variis vitae monasticae institutis, non secus ac *monachi* & *coenobitae* appellationes. Ut ecce propter magnam abstinentiam & temperantiam generatim monachi dicuntur *continentes* (c), a mundi vero & rerum humanarum fuga *renuntiantes*, & hinc Cassiani liber *de institutis renuntiantium*. Solitarios quod unice in desertis vivebant *lucifugos viros* Rutilius Numantianus (d) appellavit. Omnes vero ab exactiori religionis

M m 2

chri-

(a) Sozom. lib. VI. cap. 17., Socr. lib. IV. cap. 26.

(b) Conc. Chalced. can. IV., Trid. sess. XXV. de regul. cap. 3. (c) Conc. Carthag. III. can. XXV., lib. XX. C. Th. de episc. (d) Rutil. Numant. lib. I. itiner.

christianae profitendae cura κατ' ἐξοχήν dicti sunt *religiosi*, quae appellatio apud Salvianum (a) primum occurrens, sequentibus temporibus fuit usitatissima. Propter eandem rationem saepe audiunt *conversi*, & qui monachatum amplectuntur *converti* & *ad religionem* dicuntur transire: unde tituli decretalium *de regularibus & transeuntibus ad religionem*, & *de conversione conjugatorum*. A regula vero, quam profitentur *regularium* nomen sortiti sunt. Ipsa autem monastica vita praeclaro *monasticae philosophiae* nomine condecoratur: quod nomen naturae monachatus erat accommodatum; etenim vita philosophica potius in virtutum exercitio, quam in cogitatione consistit. Apud Palladium pro vita monastica saepe vocabulum φιλοθίαις occurrit, eo quod monachi unice Deum amare profiterentur. Unde Theodoretus librum, quo praecipuorum sui temporis ascetarum vitas complexus, φιλόθεος σέπλων *religiosam historiam* inscripsit. Coenobia deum etiam ἡγουμενεία & μάνδρας dicta sunt, unde *hegumenus* & *archimandrita* nomina sunt abbatibus, qui praecipuus monasterii cujusdam pater, vel gubernator est: & aliquando etiam vocantur ἐποντισήρια, quod verae doctrinae & scholae essent educationis.

Conjunctio solitariorum & coenobitarum.

§. XI. Vita solitaria & coenobitica ut inter se diversa, ita propria habebant commoda & incommoda. Erat solitaria magis composita & tranquilla; ac animos magis Deo copulabat, sed quod virtus in comparisonem non veniret, fa-

flu

(a) *Salvin. de Gubernat. lib. V.*

flu non carebat. Coenobitica vero magis actiosa & utilis censebatur, sed a tumultibus erat minus libera. Ergo Basilii Athanasium imitatus diversa monachorum instituta inter se quodammodo conciliavit & permiscuit: etenim prope coenobia pietatis *asceteria* & *monasteria*, privatas nempe solitariorum cellulas aedificanda curavit, ut nec contemplatio communicationis indigeret, neque vita coenobitica contemplationis (a). Et ex hoc tempore in Oriente, & inde in Occidente coenobia eremos habere coeperunt, in quibus discedentes, seu ut posteriores Latini dicunt, *inclusi* & *reclusi*, philosopharentur. Passim vero eremus cellulis interspersa *laura* proprio nomine vocatur. Graecis *λαῦρος* est copiosus, multus, & *λαῖρα* vicum, vel plateam denotat: & ita laura monachorum instar vici eremitarum erat, in quo sparsim habitabant (b). Erat autem vita solitaria longe durior coenobitica, nam consortio fratrum deinceps solitarii destituti, singularem pugnam contra diabolum & proprias infirmitates debebant sustinere. Unde, canones & regulae monachorum passim educunt, emeritos tantum coenobitas in eremos transire, transitumque non fieri sine abbatis & episcopi consensu, ne temere in durissimam aleam profiliant (c). Sub initium conjunctionis coenobii & monasterii videntur monachi contemplationem actione, actionem contemplatione pulcherrime in-

(a) *Gregor. Nazian. vita Basilii, & orat. XXI.*

(b) *Ant. Matth. de nobil. lib. II. cap. 26.*

(c) *Conc. Venet. can. VII., conc. Trullan. can. XII. reg. Benedict.*

interpunxiffe. Sed inde eremi disciplina durior facta est, negatumque coenobitis discedentibus inde in coenobia reverti, idque ne in deterius delaberentur (a). *Tale propemodum est*, inquit S. Romualdus (b), *ex eremo ad monasterium reverti, quale de monasteriali ordine ad saeculum adportari*. Tantum p̄mittebantur inclusi lauris egredi propter communem utilitatem, si nempe in abbates eligebantur, vel aliam necessitatem ad mortem urgentem, quas exceptiones synodus Trullana proponit (c).

Regulae monasticae erant peculiares & mutabiles.

§. XII. Jam vero unumquodque fere monasterium quemadmodum praepositum proprium, ita etiam propriam regulam habuit, eamque non ita fixam, ut perpetuum obligaret. Primaria & fundamentalis monachorum regula fuit perfectio evangelica, ad quam consequendam celebriores episcopi & abbates peculiare, ut praesens usus poscebat, composuerunt formulas, quas alii monasteriorum praepositi suas faciebant, ad dentes, quae tempori & personis convenirent. Ita monasticae regulae omnes erant peculiares, quod facile intelligitur instituta collatione regularum, quas vir doctus Lucas Holstenius publicavit (d). Unde fere tot regulae fuerunt, quot monasteria: quin, ut docet Mabillonius, saepe monasteria regulas mutarunt, nulla monachatus fa-

(a) *Christ. Lup. schol. in can. XLI. Trullan.*

(b) *Ap. Petr. Damian. lib. de propriae congregationis institutis cap. XVI.* (c) *Conc. Trullan. can. XLI.* (d) *Conferatur Holstenius praef. Cod. regul. cap. III.*

facta mutatione, prout ingenio ad mutationem prono erant abbates. Ipsa S. Augustini regula, nunc inter regulares celeberrima, extemporanea & peculiaris scriptio fuit, quam vir sanctus ad usum solius monasterii, cui ejus soror praeposita erat, conscripsit, ut recte post Erasmodum vidit Papebrochius (a), qui etiam addit (b), eam demum nono saeculo per Benedictum Anianensem viris aptatam fuisse. Peculiares formulae hominibus, qui diversis moribus & ingenio pro varietate locorum sunt, instituentis magis conveniebant, quam nunc generales, quibus vivunt integrae ordinum familiae in orbe christiano dispersae.

Regula Benedictina stabilis & passim recepta.

§. III. Integra mutandae regulae libertas usque ad sanctum Benedictum in monasteriis perduravit, sub quo monachatus in Occidente formam induit augustiorem. Is almus monachorum pater quum diu in solitudine vixisset, tandem inde egressus regulam monasticam conscripsit in usum Cassinensis monasterii, quod circa an. 1000. aedificavit. Primus aut certe inter primos S. Benedictus sollemnis professionis formam praescipuit, qua intra terminos editae professionis regulae suae inclusit observantiam, a qua deinceps recedere non liceret (c). Unde castigata vaga illa formulae mutandae libertas, quae antea occupabat monasteria. Admodum celebris fuit regula Benedictina, ex melioribus christianae philo-

lo-

(a) Papebroch. ad vitam S. Alberti die 8. Aprilis.

(b) Respons. apolog. (c) Mabillon. praef. ad primam part. saeculi IV. Benedict. n. LIII.

Iosophiae praeceptis coagmentata, haftenus ut eodem spiritu, quo sacri canones, profecta censeretur. Unde a sede apostolica tamquam regularum domina commendata, & sequentibus post Benedictum saeculis universum paene occupavit Occidentem: nova enim monasteria eam passim admiserunt, & antiqua fere omnia, veteribus regulis excussis, ad eam conversa sunt.

Monachi vivebant labore manuum.

§. XIV. Antiqua monasteria, praesertim Orientalia, statos non habebant redditus, quos renuntiantes cum monachatu pugnare credebant: & ita ipsi renuntiantes, prius in pios usus aut inter cognatos propriis bonis tributis, pauperes in monasteria introibant. Ergo tum incognita mendicitate, monachi omnes manibus operabantur, laboribusque suis & victum sibi parabant, & in solitudine positi durissimis Satanae occurrebant tentationibus. Refert Cassianus monachorum Aegyptiorum eam fuisse sententiam, *Operantem monachum uno daemone pulsari, otiosum vero innumeris spiritibus devassari* (a). Et Rusticum monachum in hunc modum adhortatur Hieronymus, *Fac & aliquid operis, ut te semper diabolus inveniat occupatum* (b): Sane otiosi in solitudine vitiis contabescunt, & continuis carnis tempestatibus vivunt obnoxii. Sic vero innatus erat vitae monasticae labor manualis, ut monachi Aegyptii non laborantes tamquam alieni cupidos fraudatores traducerent (c). Nec suis laboribus sibi tantum quaerebant victualia, verum etiam

(a) *Cassian. institut. lib. X. cap. 23.* (b) *Hieron. ep. IV. ad Rustic.* (c) *Socrat. lib. IV. cap. 13.*

etiam inde pauperibus providebant. Epularum enim restrictione plurimum redundabant, quod summa cura tribuebant pauperibus, & quandoque etiam naves victualibus oneratas ad monachos, qui steriles incolebant regiones, mittebant (a).

Monachi Occidentales divitiis aucti.

§. XV. Quaecumque in laborando fuerit monachorum orientalium disciplina, monachi Occidentales quamvis etiam manuum labore occuparentur, ab ipso tamen paene monachatus initio fuerunt in laboribus remissiores. Unde statim fidelium oblationes, aut statos redditus non respuerunt, haecenus ut aetate Augustini, quo primum tempore monachatus in Africa invaluit, multi monachorum melius judicabant, monachos orationi & lectioni vacare, & oblationibus fidelium vivere, quam assiduis laboribus ad sumtus destineri, qui tamen Augustino iudice causa ceciderunt (b), ut mittam eos, qui sub praetextu religionis viduas & pupillas ad extorquenda legata & hereditates adgrediebantur (c). Sed processu temporis fama sanctitatis monachorum in Occidente longe lateque diffusa, monasteriorum bona temporalia immane quantum excreverunt. Certatim christiani omnes ad locupletanda monasteria ferebantur, ea ratione bona sua pauperibus data reputantes: & qui ad monachos transibant, fere in monasterium una sua

Inst.jur.can.T.II. N n bo-

(a) *August. de morib. eccles. cap. XXXI.* (b) *August. de opere monachorum. Confer. Hugo Menardus in concord. regul. cap. LV. §. 1.* (c) *L. XX. C. Th. de episc.*

bona transferebant. Et principes eo usque fuerunt in monachos liberales, ut etiam feuda & ipsa regalia in eos transferrent, variis de novo extructis monasteriis, aut antiquis locupletatis. Nec in tanta fidelium in monasteria propensione, monachi sibi defuerunt, nam ad se venari homines coeperunt opulentos, quin & inculcare effusas in monasteria liberalitates ad Deum, promerendum & peccatorum remissionem plurimum valere. Quae monachorum artes praesertim invaluerunt, postquam sub Carolo Martello universa ecclesiarum & monasteriorum bona in stipendia abjerunt militaria (a). Porro ipsa ecclesiarum bona pro maxima parte monachis cesserunt, quando pridem a laicis possessa, aut occupata ecclesiis restituenda concilia decreverunt. Maluerunt enim laicorum plerique, clericorum tum pessimis moribus offensi, monachos locupletare, quam ecclesias, in integrum restituere.

Collapsio monachatus.

§. XVI. Interim non secus ac reliqua humana instituta, quae tempore tandem fatiscunt, disciplina monastica a pristino nitore cecidit, adeo ut monachos in monachis vix adgnoscas. In Oriente saeculo quinto monachi potius pacis & tranquillitatis publicae & ecclesiasticae perturbatores, quam quietis & solitudinis amantes. Sed in Occidente longe majus disciplinae monasticae exitium. Publicae calamitates, quae occidentem devastarunt, monachos etiam perdidērunt.

(a) *Christ. Lupus schol. in quaedam detreta S. Leonis IX. de gr. II.*

runt. Sed maxima generalis causa lapsae monasticae disciplinae fuit copia temporalium, unde monasteria coeperunt abundare, quod veteres passim agnoscunt. Etenim *ex temporalium abundantia*, quemadmodum loquitur Arnoldus abbas Lubecensis (a), *dum coeperunt* (monachi) *carnaliter vivere, coeperunt etiam carnaliter sapere; resrixit caritas, subintravit mundialitas*. Sunt quidem divitiae in civitate necessariae, iisque in bonum omnes uti possunt: at qui professionem emittunt paupertatis, & vitam duriorum profitentur, vix est, ut in rerum affluentia modum servant, praesertim si aliae causae accedant, quae initio regularum tantisper relaxent observantiam. Inde intermissus labor manualis, victus lautior, vestis pretiosior, aedificia elegantiora, negotiorum temporalium tractatio, praefecti a disciplina monastica distracti; & ex feudis abbates milites facti, & monasteria in militum ludos conversa. Porro temporalium abundantia elati monachi, post saeculum decimum, impetratis a sede apostolica privilegiis, jugum episcoporum excusserunt, quamvis subinde episcoporum rapacitas monachos impulerit ad exemptiones, Et hinc longe posito, qui poterat arguere, monachi a sancta conversione desciverunt, haberique coepit monachatus potius tamquam vita commodis affluens, quam ut mundi & pomparum ejus renuntiatio.

Disciplina monastica saepe restituta.

§. XVII. Verum collapsa monastica disciplina

Nn 2

re-

(a) Supplement. Helmoldi lib. III. cap. 9. Confer. Esphen. part. I. jur. eccles. tit. 32. cap. 1.

reparatores semper habuit suos. In primis Carolus M. & inde ejus filius Ludovicus pius pluribus indictis conciliis, legibus latis & institutis *missis dominicis*, qui monasteria ad reformationem circumirent, lapsa monachismo splendorem restituerunt. Usus in ea re Ludovicus praesertim fuit opera S. Benedicti Anianensis, quem omnibus regni sui praefecit monasteriis, ut regulam S. Benedicti restitueret. Et hic est ille Benedictus, qui reformationem Aquisgranensem delineavit, qua octoginta capita regulae Benedictinae fuerunt cum aliquo temperamento renovata (a). Multum tamen superfluit veteris licentiae. Austerior philosophia semel relaxata inter easdem personas in integrum non facile restituitur: praesertim quando monasteria bona retinuerunt: & obtentu studiorum & orationis non restitutus est labor manualis, in quo vigor disciplinae monachalis consistebat, & multi domini laici sub *abbatum* nomine a regibus, vel a se monasteria possidebant, qui de temporalibus solliciti, monasticam parum curabant disciplinam. Quin post mortem Ludovici, Nortmannis Franciam percurrentibus, monachi in antiquam licentiam prolapsi sunt. Ergo varriis reformationibus inde restituta est disciplina monachalis opera illustrium virorum, qui vel renovarunt regulam Benedictinam, vel novas excogitarunt formulas. Unde saeculis decimo & sequenti nati Cluniacenses, Camaldulenses, Grandimontenses, Carthusiani & Cistercienses, qui omnes, non secus ac antiquiores monachi, initio

(a) Leo Ostiens. in *chron. Cassinensi* lib. I. cap. 16.

tio austeritate, sanctitate & neglectu temporalium floruerunt; sed inde acquisitis bonis temporibus in deterius delapsi sunt, & hinc historia monachatus continua est virtutis & corruptionis alternatio. *Qui inducta inter monachos ordinum diversitas.*

§. XVIII. Per decem plus minus saecula nulla inter monachos ordinum diversitas, sed omnes tum Orientales, tum Occidentales unam societatem videntur composuisse, quod viri docti Holstenius & Mabillonius (a) observant. Et sane quamvis regulae pro monasteriorum varietate nonnihil differrent, eodem tamen omnes redibant, ad apicem nempe christianae perfectionis. Si quid proprii regulae haberent, id pro locorum & personarum varietate & abbatum ingenio erat indictum; at quae naturam monachatus constituunt, omnia erant communia. Hinc facilis & promiscuus ex uno monasterio in aliud monachorum de abbatum licentia commeatus, & Orientalium & Occidentalium monachorum mutua communicatio. Apud Orientales adhuc monachi sunt unius ordinis, nec vestibus inter se distinguuntur. Sed in Occidente circa saeculum decimum ordinum diversitas coepit induci, jeceruntque distinctionis semina Cluniacenses, qui quamvis regulam recentarint Benedictinam, unam tamen ex pluribus monasteriis induxerunt congregationem, qua ab aliis monachis se distinxerunt. Semel inductam distinctionem inde Camaldulenses, Carthusiani, Grandimontenses & Cistercienses majorem reddiderunt, tandem perfecerunt mendicantes,

(a) *Holsten. praef. in C. regular. Mabillon. praef. ad primam par. saec. IV. Benedict. n. LII.*

tes, qui in multos abjērunt ordines, a se invicem vestibus, moribus, institutis, &, quod mireris, exercitiis pietatis distinctos, adeo ut interdictis possessoris egerint, ne alii aliorum sacra colerent, & inculcarent.

Regulae monasticae a pontifice confirmandae.

§. XIX. Inducta semel inter renuntiantes non sine novis formulis ordinum diversitate, novandi prurigne homines ducti statim coeperunt novos ordines excogitare: unde in ecclesiam imminebat confusio, & sub specie religionis haerese, quod pauperes de Lugduno fecerant, inculcatae. Satiū erat regulam Benedictinam, in usum revocare, quam ecclesiam gravare novis inventis. Ergo in concilio Lateranensi sub Innocentio III. statutum, ne deinceps quisquam novam religionem inveniat, sed quicumque converti velit, de approbatis unam seligat (a). Et ita ad novam religionem fundandam deinceps necessaria esse coepit pontificis confirmatio (b), quum ante quisque pro sua voluntate regulam scriberet, & monachos adunaret. Sed neglecto tam sapienti decreto non sine virorum sapientum admiratione iterum antiqua irrepsit licentia, quae tot novos ordines invexit (c). Unde concilium Lugdunense sub Gregorio X. decretum Lateranense renovavit, omnesque religiones & ordines mendicantes, quos sedes apostolica non probaverat, suppressit (d). Quo decreto infinitam monachorum turbam fuisse reductam Fagnanus

(a) Cap IX. ex. de relig. domib. (b) Bellarm. lib. II. de monach. cap. 4. (c) Matth. Paris. ad ann. Cl^oCCXLVI. (d) Cap. un. de relig. domib. in 6.

nus adnotavit, qui tamen ingenue subjungit, inde religiones usque adeo excrevisse, ut a multis *viris piis apostolicae sedis provisio hoc in re desideretur* (a).

Nova monachatus facies.

§. XX. Jam vero ad undecimum usque saeculum toties lapsa & restituta monastica disciplina in eo constanter posita fuit, ut monachi a turbis saeculi longe remoti, Deo famularentur, & propriae vacarent saluti. At deinceps perseverante quin & aucto veteri instituto, in ple-riisque novis ordinibus induit formam, qua clerici superinduerunt monachatum, & regulares aliorum salutem coeperunt curare, quin & fidem armis propagare & tueri: Ejus aetatis Europae status tantam mutationem postulare videbatur. Clerici simoniaci, incontinentes & de animarum cura parum solliciti, continuae & supra fidem, numerosae ad recuperandam Palaestinam expeditiones, multique etiam sacrum iter ad loca nostrae reparationis invisenda gregatim instituebant. Unde ad cleri reformationem clericis injectus monachatus, multi viri pii assumpto monachismo in cura animarum clericis accesserunt adjutorio, & alii etiam ad vota monastica defendendae armis religionis addiderunt institutum. Et ita hos novos religiosorum ordines in clericales, militares, mendicantes & pios operarios partiri possumus, quorum omnium historiam paucis prosequemur, a clericalibus ordientes.

Ca-

(a) *Fagnan. ad cap. cum sit ars ex. de aetat. & qual. ordinand. n. XV.*

Canonici regulares.

§. XXI. Vita communis clericorum a Chrodogango instituta, & inde nono saeculo felici successu propagata, non diu inter canonicos perduravit: etenim saeculo decimo passim canonici claustra reliquerant, & praebendas inter se partiti, in saeculo vivebant (a). Bonorum affluentia, quae monachos, etiam canonicos perdiderat, praesertim quum canonici non adeo siccitate paupertate adstringeretur. In saeculo autem viventes canonici, non secus ac reliqui clerici in ferreis illis ecclesiae temporibus pietatem omnes posuerunt, passimque luto haerebant incontinentiae, & simoniae vitio laborabant. Unde circa medium saeculi XI. ad corruptos clericorum mores reformandos plures sancti viri, in primis Petrus Damianus in Italia, & inde Ivo Carnotensis in Gallia eos in communem vitam voto paupertatis adstrictam redegerunt: quam novam clericorum conversionem concilia Romana sub Nicolao II. & Alexandro II. probarunt & promoverunt. Atque hi sunt *canonici regulares* ad differentiam *canonicorum saecularium*, qui in mundo remanserunt. Regulares canonici sub regula S. Augustini incluserunt, vel quia ad exemplum Augustiniani monasterii proprietatem omnem ejurarunt, vel quod regulas monasticas tum sub Augustini nomine receptas in normam assumerunt. Saeculis XI. & XII. magna fuit hujus ordinis auctoritas, passimque eos ecclesiae receperunt. Interim variis reformationibus ca-

no-

(a) *Trithem. in chron. ad an. 15CCCCCLXXVII.*,
Ivo Carnotens. ep. LX.

nonici regulares in varias abjerunt familias, & ita nati canonici regulares S. Spiritus, Theatini, Somaschi, Barnabitae alique ad sex supra sexaginta familias aucti (a), inter quas *Praemonstratenses* a S. Norberto an. c10cxx. fundati sunt illustrissimi.

Ordines militares.

§. XXII. Canonicis regularibus accensentur *ordines militares*, qui tribus votis, non secus ac reliqui religiosi, adstricti fidem & religionem armis contra infideles propugnare tenentur, non obstante quod monachis cum armis non conveniat. Initio tres iique celebriores fuerunt, *Templarii* nempe, *Hospitalarii* & *Teutonici*, qui omnes tempore sacrarum in terram sanctam expeditionum instituti sunt, quod Jacobus de Vitriaco cooëvus testis multis narrat (b). *Templarii* ita dicti, quod prope templum Domini aedes haberent suas, primi fuerunt, qui religionem armis tueri profiterentur. Scilicet Palaestina a christianis recuperata, de more saeculi frequentissimae evaserunt ad terram sanctam christianorum peregrinationes. Sed iter erat intutum & latronibus infestum. Unde initio pauci huic se commiserunt aleae, ut peregrinos in itinere tuerentur; quod opus quia propter Deum susceperant, more canonicorum regularium in obedientia, paupertate & castitate vivere instituerunt; iique gregatim multis aliis accedentibus ordo evasit generalis ad terrae sanctae & religionis.

(a) *Histoire du clergé seculier & regulier tom. I. par. 2.* (b) *Jac. de Vitriaco hist. Hierosolym. cap. LXIV. seqq.*

gionis defensionem. *Hospitalarii* initio fuerunt, qui in xenodochio ante sacras expeditiones a monachis Latinis Hierosolymis sub titulo S. Joannis eleemosynarii fundato ex voto infirmis ministrabant; sed inde re christiana in Palaestina auxilio opus habente, inter fervientes milites cooptarunt, & tandem totus ordo equestris evasit. *Teutonici* demum initio hospitali ad excipiendos tantum Teutonicos Hierosolymis instituto deservierunt, & inde in obsidione Ptolemaidis ad opem militibus Teutonicis ferendam militiam adjunxerunt, institutum Templariorum & Hospitaliorum conjungentes. Ita nati tres isti militares ordines, qui brevi ex genio saeculi supra fidem numero & divitiis aucti, & a pontificibus probati sub regula Augustini, tamquam canonici regulares vixerunt. Quousque res christiana in Palaestina stetit, inter victorias & clades variam subjerunt fortunam. Sed an. ciccxc. capta Acri civitate, & virtute christianorum attrita, natale solum reliquerunt, novas sedes quaerere coacti. Templarii per omnem fere Europam se diffuderunt, ubi usque ad invidiam bonis aucti, tandem in concilio Viennensi rem omni conatu Philippo Pulchro promovente, omnino deleti sunt, bonis inter militares alios ordines tributis. Hospitalarii primum Cyprum, inde Rhodum habitarunt, unde post ducentos & amplius annos impetu Turcarum expulsi, tandem an. ciccixxxx. Caroli V. beneficio Melitam insulam acceperunt, ubi adhuc sedem habet magnus ordinis magister, & equites *Melitenses* nuncupantur. Ordo per universam se extendit Europam, ubi in octo linguas, seu regiones tribuitur.

cur, sub quibus sunt *prioratus*, *baliviae*, *commendae*, & equites vivunt more canonicorum saecularium. Teutonici in patriam reversi sunt, ibique maxima bona obtinuerunt in *praefecturas* & *commendas* divisa, nec in suam societatem alios, praeter nobiles Germanos, admittunt. Horum exemplo deinceps in Europa & praesertim in Hispania alii ordines militares instituti sunt, quorum omnium origines, fata & instituta Aubertus Miraeus, Andreas Mendo & auctor historiae ordinum militarium & equitum Gallica lingua conscriptae pluribus narrant.

Varii mendicantium ordines.

§. XXIII. Mendicantes, qui celeberrimum religiosorum ordinem constituunt, in plures familias, sunt religiosi, qui emendicato pane vivunt, & clero in adjutorium dati instituta monastica profitentur, quatenus iis injectae functiones hierarchicae patiuntur. Sunt autem mendicantes vel ex regula, vel ex constitutionibus. Vocantur mendicantes ex regula, quod regula possessionem temporalium nec in communi admittat, labore, & in defectum diurna stipendi, vivere cogens. Ex constitutionibus vero, quod constitutiones regulae possessionem temporalium in communi admittenti derogarunt, & ad mendicitatem religiosos coegerunt (a). Primi iique celebriores mendicantes sunt *Fratres minores*, *Praedicatores*, *Carmelitae*, & *Augustiniani*, ex quibus fratres minores mendicantes ex regula, ceteri sunt ex constitutionibus. Fratrum minorum institutor S. Franciscus Assisensis,

(a) Confer. *Espen. par. l. tit. 29. cap. 4.*

sis, qui regulam propriam an. CIOCCVIII. in rigida instituit paupertate, discipulosque suos labore, & eo deficiente elemosynis vivere praecepit (a); quam regulam ab Innocentio III. probatam Honorius III. confirmavit. Praedicatores eodem ferme tempore S. Dominicus, nobilis Hispanus sub regula S. Augustini instituit; quae inde in generalibus ordinis comitiis variis capitibus aucta est. Uterque feminas etiam in vita monastica formarunt, & ita fratrum minorum & Dominicanorum *secundi ordines* exorti. Carmelitae eremitae initio fuerunt, sub finem saeculi XII. a Bertoldo Calabro in monte Carmelo collecti, quibus Albertus patriarcha Hierosolymitanus regulam dedit fere cum Basiliana convenientem, quam inde Honorius III. confirmavit (b). Propter Saracenorum incursum inde in Occidentem Carmelitae commigrarunt, ubi favente Innocentio IV. inter ordines religiosos relati sunt. Et demum Augustiniani auctoritate Alexandri IV. emerferunt, qui varios eremitarum coetus propriis institutis & regulis viventes in unam sub regula S. Augustini coëgit societatem (c). Huic mendicantium quadrigae inde plures alii accesserunt, in primis *Minimi S. Francisci de Paula*, (d) *Jesuitae* (e) alique, quibus pontificum bullis privilegia mendicantium tributa sunt.

Men-

(a) *Reg. Franc. cap. V. & VII.* (b) *N. Alexander saec. XIII. hist. cap. VIII. art. 5. n. 7.* (c) *N. Alexander loc. cit. n. 10.* (d) *Pius V. bulla apostolicae sedis XLIX. in bullar.* (e) *Pius V. bulla dum indefessa CXXXI. in bullar.*

Mendicantes eleemosynis vivunt.

§. XXIV. Jam vero regula S. Francisci, ad cuius imitationem & exemplum deinceps mendicantes temporalium etiam in communi abiecerunt possessionem, tum demum stipem emendicare permittit, quum ex opere manuali deficiant alimenta (a). Verum labor manualis vix stare poterat cum mendicantium instituto praedicandi verbum Dei, ad quod tandem omnes accesserunt. Studia enim litterarum ad praedicationem necessaria, & peregrinationes eam ob rem susceptae, manualementem pati laborem non videbantur. Unde factum, ut mendicantes abjecto opere manuali, emendicata stipe viverent, quae uberiorem prae opere manuum suppeditabat sustentationem, in quo tamen apostolum non sunt imitati. Hanc regularium mendicitatem tamquam improbant & evangelicae perfectioni contrariam Guillelmus de S. Aniore acetrime perstrinxit, tum exemplo Christi & apostolorum, qui illud vitae genus respuerunt, tum etiam quod corpore validi ex propriis laboribus, vel communibus redditibus debeant sustentari, non pauperibus debilibus eleemosynas praeripere. Variis in eam rem editis libellis in academia Parisiensi Guillelmus turbas gravissimas excivit. Sed ejus doctrinam tamquam nefariam Alexander IV. damnavit (b), & duoviri inter mendicantes celeberrimi B. Thomas Dominicanus & S. Bonaventura ex ordine fratrum minorum magnis

(a) *Reg. Franc. cap. V. & VII. Conferatur Espe-
nius par. I. tit. 29. cap. 4.* (b) *N. Alexander sac.
XIII. hist. cap. VII. an. 7.*

gnis argumentis propugnarunt, viros religiosos ad opus manuum non teneri, quando praedicatione & studio sacrae scripturae in ecclesiae commune bonum vacant. Et vero qui studiorum & praedicationis curis occupantur, labore manuali, quo vivant, non debent occupari. Interim non negat S. Thomas, nefas esse eleemosynis vivere religiosos, qui ad ecclesiae nullam conferant utilitatem (a).

Collapsio & restitutio mendicantium.

§. XXV. In paupertate constituto mendicantium ordine spes affulgere videbatur, fore ut diu incorruptus & illibatus permaneret. Verum quis crederet! ipsa summa mendicitas praecipua causa fuit, ut a suo caderent instituto. Scilicet mendicantes in cooptandis fratribus, praetermissa etiam probatione, modum nullum tenentes, brevi in prodigiosum numerum excreverunt. Quapropter ad tantas turbas non sufficientibus eleemosynis, ad media ab eorum instituto aliena pro victu parando confugerunt, ut mittam quod in tanta fratrum multitudine pauci reperiri poterant, qui vero paupertatis studio tenerentur; ut enim bene observat S. Thomas (b), summa mendicitas, quae nec redditus in communi possidet, nisi cum summa perfectione stare non potest. Ita in ipso paene foundationis exordio ceciderunt mendicantes, quod ipse S. Bonaventura deplorat (c). Sed audiamus

ita

(a) S. Th. 2. 2. quæst. 187. art. 4. in C. (b) S. Th. opusc. XVIII. cap. 16. (c) S. Bonavent. ad provinciales & custodes sui ordinis.

ita eos describentem Matthaeum Parisiensem (a): Morituris magnatibus & divitibus, quos norunt pecuniis abundare, diligenter insistant, non sine ordinariorum injuriis & jacturis, ut emolumentis inhiant, confessiones extorqueant, & occulta testamenta, se suumque ordinem solum commendantes, & omnibus aliis praeponentes. Unde nullus fidelis, nisi praedicatorum & minorum regatur consiliis, jam credit salvari. In acquirendis privilegiis solliciti, in curiis regum & potentum consiliarii, & cubicularii & thesaurarii, paranymphii & adulatores, & mordacissimi reprehensores, vel confessionum detectores, vel incauti redargutores. Interim lapsa mendicantium disciplina plures eduxit reparatores, unde nati novi ordines, qui reformati mendicantes generali nomine possunt appellari, quales minores observantes, Capucini, discalceati Augustiniani, discalceati Carmelitae aliique.

Plures mendicantes admittunt possessionem temporalium.

§. XXVI. Experientia edocti mendicantes; eleemosynas ad tantas monachorum turbas alendas non sufficere; consultius judicarunt temporalium in communi admittere possessionem. Unde plures sedis apostolicae prodierunt constitutiones, quae eam possessionem admiserunt: quin in pluribus ordinibus nova statuta antiquioribus constitutionibus in hac parte derogarunt, & regulam restituerunt. Hanc inductam disciplinam probarunt Tridentini patres, qui omnibus monasteriis tam virorum, quam mulierum etiam mendicantium bona immobilia possidere concesserunt.

(a) *Matth. Parisiens. ad an. CljCCXLIII.*

serunt, exceptis fratribus Capucinis & minoribus de observantia, qui in sua puritate Franciscanam regulam adoptaverant, & ne iterum in antiquas corruptelas mendicantes laberentur, in omnibus monasteriis voluerunt certum fratrum numerum profiteri, qui vel ex redditibus, vel consuetis eleemosynis commode possit sustentari (a). Sed semel laxata mendicitate, in alterum extremum a summa paupertate nempe ad summas divitias mendicantes transferunt, utinam semper bonis artibus quaesitas. Et tamen non desierunt esse & nominari *mendicantes*, quum etiam admissa possessione temporalium, mendicantem retineant;

Pii operarii.

§. XXVII. Denum quod spectat ad *pios operarios* eo nomine intelligimus viros religiosos, qui ad vota monastica aliquod pium opus addunt, quique nec mendicantes, nec milites sunt. Tales sunt religiosi ordinis *sanctissimae Trinitatis de redemptione captivorum*, qui a Joanne de Mata & Felice anachoreta Valesiensi instituti, & ab Innocentio III. probati (b) praeter monastica vota onus redemptionis captivorum a servitute infidelium sustinent; in quam rem tertiam omnium reddituum partem debent impendere. Pii operarii quoque sunt, qui ordinem *S. Mariae de mercede* a Petro Nolasco institutum & a Gregorio IX. confirmatum profitentur; etenim pro christianis a servitute redimendis seipsum tradunt obsides. Sunt & aliae multae religiosae, sed

(a) *Trid. sess. XXV. de reg. cap. 3.* (b) *Innoc. III. lib. I. ep. 481.*

longius hanc historiolum excurrere instituti ratio non permittit. Plenius origines & progressus monachorum multi illustrant, in primis Dadinus Alteserra, Aubertus Miraeus, auctor historiae cleri saecularis & regularis Gallica lingua conscriptae, Mabillonius alique.

CAPUT XXXVII.

*De probatione monachatus praemittenda.**Novitiatus, professioni praemittendus.*

§. I. **P**ROBATIO monachatus praemittenda, quam passim dicunt, *novitium*, est diligens examen, quo voluntas ejus, qui converti desiderat, exploratur, num serio velit & possit monachatum profiteri. Durum & irrevocabile vitae genus non est sine matura discussione suscipiendum. Etiam antiqui philosophi, nisi praemissa probatione, non admittebant ad vitam philosophicam. Cum ipsa vita coenobitica invaluit probatio; testatur enim Sozomenus (a), ex regula Pachomii neminem in societatem admissum, nisi gravioribus laboribus ad triennium exploratum. Et passim reliquae coenobitarum regulae examen statuunt praemittendum. Antoniani vero solitarii, quum in nullam societatem admitterentur, nec ex coenobiis discederent, nullum praemittebant examen, sed sponte sua anachoreticam vitam admittebant. Interest vero examen praemitti non minus possit.

Instit. jur. can. T. II. P p flu-

(a) Lib. III. cap. 33.

solantium, quam monachorum, ne sera utroque capiat poenitentia, vel quod inauspicato nec ex plena animi deliberatione durum & perpetuum vitae genus induerint, vel quod quietis inter se perturbatores admiserint & in regulam contumaces.

Qui instituuntur novitii tempore probationis.

§. II. Jam vero qui converti desiderant, non statim sunt ad probationem admittendi, sed tum demum quum constet, eos ex animo mundo velle renuntiare, & alia abesse impedimenta, quae excludunt monachatum. Ergo qui libere possunt & volunt monasticam profiteri philosophiam, in novitiatum sollemniter admittuntur, & in cella ad hoc separata sub *seniore*, quem *magistrum novitiorum* dicunt, in monasticis exercentur asperitatibus & in regula & ordinis constitutionibus (a), ut ita deliberent, an religionis onus subire velint, & congregatio de eorum vocatione judicet. In primis vero explorari debet, quae causa impellat conversionem, nam inde constat, unde desiderium vitae singularis accessit, quod recte Justinianus edixit (b). Scilicet antiquus morbus est, ut multi ex mundanis causis, veluti ad onera publica declinanda, aut ad aliorum jura invertenda, aut ad consequenda mundana commoda, aut ex desperatione ad monasteria procurrant, quos omnes repellendos esse natura ipsa jubet monachatus. In separata vero cella novitios institui & probari monachorum patres voluerunt, forte ne viden-

(a) *Reg. Benedicti. cap. LVIII.* (b) *Novel. V. cap. 2.*

dentes defectus monachorum, in animum inducant profiteri religionem, quamvis ad regulam vivere non intendant. Quin ad meliorem novitiorum institutionem iussit Innocentius XII., ut in Italia & insulis adiacentibus singuli ordines constituent unum aut plura monasteria, ubi regularis vigeat observantia, & in iis scholae, quae ad religionem instruant, quo nempe novitii & praecipis & exemplis proficiant (a).

Duratio novitiatus.

§. III. Schola autem probationis ad monachatum non unius horae aut diei negotium est. Monachi Orientales & praesertim Aegyptii tres annos probationi statuerunt (b): quod tempus Justinianus servandum edixit (c). At regula Benedictina unius anni spatio inclusit probationem (d). Medium iter veluti tenens Gregorius M. (e) ante biennii conversationem stemineum voluit consurandum. Et Orientalis & Benedictinae observantiae monumenta Gratianus in decretum transtulit suum. Sub nomine Alexandri II. refert, per S. Benedictum & Gregorium M. vetari, *monachum ante unius anni probationem effici* (f): & sub nomine Bonifacii papae ita habet (g), *si quis incognitus monasterium ingredi voluerit, ante triennium monachi habitus ei non praestetur*. Fragmentum sub nomine Bonifacii ex novellis Justiniani desumptum est, quod adno-

P p 2

tant

(a) Innocent. XII. die 18. Junii an. CljIjCXCv.

(b) Sozomen. lib. III. cap. 33. (c) Novel. V. cap. 2. (d) Reg. Benedict. cap. LVIII. (e) Greg. M. lib. VIII. ep. 23. (f) Can. I. C. 17. quae. 2.

(g) Ccn. III cod.

tant Romani correctores (a), nisi quod voce incognitus auctum referatur, nec recte Bonifacio tribuatur. Ita ista duo fragmenta inter se non pugnant, sed variam pro locorum varietate proponunt disciplinam. At Gratianus veluti a duobus pontificibus fragmenta referens, & eorum offensus varietate, ad concordiam inter notos & ignotos distinxit, ut nempe annua probatio in notis, triennalis in ignotis locum haberet (b), quum tamen talis distinctionis nec apud Justinianum nec in regula Benedictina vestigium existet. Quidquid vero sit de oscitantia Gratiani, monachi fere omnes Occidentales longe lateque diffusa regula Benedictina, nihil quidem Gregorii M. curantes constitutionem, quae particularis videtur fuisse, annum dederunt probationi: quod jus Tridentini patres confirmarunt (c), quo ipso tamen integra reliquerunt statuta ordinum, quae longiorem praescribunt probationem.

Integer novitiatus praemitti debet professioni.

§. IV. Passim quidem monachorum antiquae regulae conversioni probationem edicunt praemittendam; at ea non ad vim professionis pertinebat, nec necessario integra debebat praemitti, novitius enim & monasterium, quorum causa instituta, censebatur, ei poterant renuntiare (d). Itaque passim apud Benedictinos aut non integra praemissa, aut omissa probatio, & ita inutilibus monachis sanctissimus ordo gravatus, Et quamvis Innocentius III. vetuerit ab-

ba-

(a) *Correct. Romani ad cit. can. III.* (b) *Grat. ad can. II. eod.* (c) *Trid. sess. XXV. de regul. cap. 15.*

(d) *Cap. XVI. ex. de regular.*

batibus, ne passim ante tempus probationis quoslibet & indiscrete admittant (a); tamen in vaga prohibitione perrexerunt abbates probationem relaxare. Major vero apud mendicantes vigeat licentia. Interdictum Innocentianum ad Benedictinos spectare videbatur; & ira novelli tum fratres minores & praedicatores pergebant sine anno probationis ad professionem admittere, unde ordines suos gravabant potius, quam ornabant (b). Variis ergo pontificum decretis abusibus occursum, sed numquam efficaci medicina. Etenim tantum inter mendicantes illicitas pontifices dixerunt professiones infra annum probationis editas, quae proinde valebant, sed generaliter ad religionem, non vero ad ordinem, in quo emittebantur, obligabant (c). Et hoc jure viximus usque ad comitia Tridentina, in quibus statutum, professionem ante annum editam ita nullam esse, ut nullam inducat obligationem ad alicujus regulae, vel religionis vel ordinis observationem, aut alios quoscunque effectus (d). Quod decretum a multis contentionibus & scandalis Dei ecclesiam liberavit. Itaque jure novissimo integer annus probationis est ad monachatum necessarius, nec potest renunciari, curritque de momento ad momentum, & praeterea debet esse continuus, hactenus ut si novitius duabus horis a monasterio abscedat, probatio interrumpatur, quod sacra congregatio de-

(a) Cit. cap. XVI. (b) *Lupus schol. in decreta quaedam S. Leon. IX. dec. II. tom. 4. oper. E. V.*

(c) Cap. II. & III. de regular. in 6. (d) *Trid. sess. XXV. de regul. cap. 15.*

declaravit (a). Verum in ordinibus, ubi longius tempus probationi dictum est, ultra annum omissum tempus non vitiat probationem (b).

Durante probatione liber est ad saeculum reditus.

§. V. Jam vero quo usque durat probatio ante professionem emissam liberum est novitiis a proposito discedere, & aliud vitae genus suscipere: quod passim regulae monachorum supponunt, & finis inductae probationis demonstrat. At Innocentius III. distinguendum duxit, utrum ii, qui convertuntur, omnino proposuerint vitam mutare, an sub conditione tantum experiri voluerint religionis observantiam (c). Et priori casu denegat discedendi potestatem, tantumque veluti per indulgentiam permittit, ut in regula vivant laxiori; in posteriori vero discedendi relinquit libertatem, ita tamen ut *saeculariter* non vivant. Quod idem Gregorius IX probavit, eo tantum excepto, quod liberam ad saeculum redeundi fecerit potestatem, quo casu evidenter non constat, novitios absolute vitam mutare voluisse (d). Sed non omne sanctum & absolutum propositum vim voti in se continet: quin ea admissa distinctione tempus probationis evanescit, quod semper qui probationem admittunt, fere seria voluntate ad vitam monasticam ducuntur. Vnde sapienter Tridentini patres novitiis intra annum pro-

(a) *Ap. Fagnan. ad cap. ad nostram ex. de regul. n. 17.* (b) *Espen. par. 1. tit. 25. cap. 2. n. 24.*

(c) *Cap. XX. ex. de regular.* (d) *Cap. XXIII. ex. eod.*

probationis integram discedendi faciunt potestatem (a): quo decreto monasticam probationem minus duram & intricatam reddiderunt.

Qua veste novitii probantur.

§. VI. Probationem monachatus tirones subeuntes, eaque durante ex antiqua disciplina vestes non induebant monasticas, sed in proprio habitu & tonsura persistebant. Id supponit regula Benedictina (b), & discrete statuunt regum Francorum capitularia, *Ipse (novitius) nec tondetur, nec pristina vestimenta imminuet, priusquam obedientiam promittat*. Nec alia saeculo sexto videtur fuisse Orientalium disciplina; statuit enim imperator Iustinianus, novitios probari *tonsura & veste eorum, qui laici vocantur* (c). Stante novitiorum libertate ad saeculum redeundi, nefas videbatur iis tradere vestes monasticas, quas inde exuentes profanarent. Sed inde disciplina mutata fuit: & in Oriente novitii probati *parvo habitu*, qui inter vestem monasticam & laicam medius erat: in Occidente vero in ipsa veste monastica, quam dum induunt, probatio coepta censetur. Tempore Gregorii IX. in Occidente iam alicubi in monastica veste novitii probabantur (d). Mutatae apud Latinos disciplinae causa olim omissa probatio videtur fuisse. Scilicet quum saeculis XII & sequenti passim posthabita probatione monachi fierent, atque ita ab ipso ingressu tonderentur & vestirentur in monachos; postquam pontifices &

con-

(a) *Trid. sess. XXV. de regul. cap. 6.* (b) *Reg. Bened. cap. LVIII.* (c) *Novel. V. cap. 2.* (d) *Cap. XXIII. ex. de regular.*

concilia probationem urgere coeperunt, reman-
sit recepta consuetudo, ut initio probationis mo-
nasticus habitus sumeretur, quod Espenius ob-
servat (a). Et ita minor facta libertas novi-
tiorum ad saeculum redeundi: nam, prout sunt
mores, abiectio vestis monachalis nescio quid
turpis solet derivare, passimque veluti digi-
to monstrantur, qui a monastica schola recesser-
unt.

Qui de rebus suis disponunt novitii.

§. VII. Sollemnis eorum, qui monastica phi-
losophia initiari cupiebant, mos fuit, ante pro-
bationem, vel ea durante, vel saltem ante
professionem de rebus suis disponere vel condi-
to testamento, vel alia quacumque inter vivos
liberalitate. Vitam perfectam appetentibus ab
ea sententia, *si vis perfectus esse, vade & vende
omnia, quae habes, & da pauperibus*, erat ordi-
endum: quod plures monachorum regulae prae-
cipiunt (b). Non tamen necessario sua paupe-
ribus largiri novitios oportebat, nam modo ipsi
nudi sequerentur Iesum Christum, tantumdem
erat, si parentibus suis, vel monasterio sua bo-
na tribuissent. Certe regula Benedictina novi-
tiis dat optionem, ut ante professionem res suas
erogent pauperibus, vel in monasterium, cujus
bona pauperum reputantur, inferant (c). Ve-
rum nil magis novitiis nocuit, quam praeceptis
rerum suarum irrevocabilis facta elargitio. Fa-
cti inde sunt minus liberi, & seipios ad eden-
dam

(a) *Espen. par. 1. tit. 25. cap. 3. n. 5.* (b) *Reg. S. Fructuosi cap. IV.* (c) *Reg. Benedict. cap. VII.*

dam professionem, ne in saeculo mendici viverent, per indirectum coegerunt. Ergo Tridentini patres statuerunt, ut nulla obligatio, aut renuntiatio ante professionem facta etiam cum juramento, vel ad pias causas, valeat, nisi intra duos menses proximos ante professionem cum licentia episcopi vel ejus vicarii fiat, & jure facta, nisi post professionem effectum non sortiatur suum: adduntque, ne ante professionem quocumque praetextu a novitiorum parentibus, propinquis vel curatoribus monasterio aliquid de bonis eorum, excepto victu & vestitu, tribuatur, ne hac occasione discedere nequeant (a). Ita libertati novitiorum plene provisum. Constitutio generalis est, sed quia tendit ad fovendam novitiorum libertatem, hinc passim eam ad irrevocabiles tantum dispositiones (b), & ad intuitum vitae monasticae factas restringunt, quales donationes inter vivos, officiorum publicorum & beneficiorum renuntiationes (c).

Inst. jur. can. T. II.

Qq

CA-

(a) *Trid. sess. XXV. de regular. cap. 16.* (b) *Interpretes ap. Barbof. in collect. ad cit. Trid. cap. n. 14.*

(c) *Tambur. de jure abbat. tom. III. disp. 6. q. 10. num. 3.*

CAPUT XXXVIII.

*De monachorum professione.**Professio monastica tacita,*

§. I. **P**robationis tempore exacto*, si in sancto proposito candidatus perseverat, inter monachos per *professionem* cooptatur. Est professio certae religionis promissio, qua quis ad observantiam alicujus probatae regulae se perpetuum adstringit, factis ipsis vel abhibitis sollemnitatibus declarata. Unde duplex genus professionis *tacita* nempe & *sollemnis*, prout nempe externis signis, aut adhibitis sollemnitatibus edatur. Antiquiores monachi tacite videntur monachismum admisisse. Ex regula Pachomit exacto probationis triennio conversi assumpto tantum angelico habitu sine alia sollemnitate monachorum convictus fiebant participes (a). Quin jure decretalium gestatio per annum habitus monachalis (b), & absoluta voluntas religionis etiam ante finitam probationem (c) pro professione habentur. Nec jure concilii Tridentini tacita professio per habitus gestationem videtur rejecta, modo fiat aetate legitima & integra praemissa probatione (d), quamvis in plerisque provinciis non amplius admittatur.

Pro-

(a) *Sozom. lib. III. cap. 33.* (b) *Cap. XXII. ex. de regular.* (c) *Cap. XX. ex. eod.* (d) *Fagnan. ad cap. ad nostram ex. eod.*

Professio monastica sollemnis.

§. II. *Sollemnis* professio multiplicatis monachorum gregibus ex sententia Ivonis Carnotensis inducta est (a). Quum enim monachatus esset durum vitae genus, quod semper obligaret; consultius visum est, sollemni certaque ratione monasticas fieri professiones, ut fortius se obligatos profitentes intelligerent, & a proposito cadentes pluribus convincerentur testimoniis. Ergo sollemniter professurus religionem, coram omnibus in oratorio viva voce formulam voti recitat, eamque manu sua scriptam aut signatam tradit; & monasterii superior recipit promissionem. Sollemnes quoque preces vel ab abbate, vel a monasterii presbytero super profitentem monachorum recitatae, quibus ei benedicebatur, & Deus invocabatur, ut gratiam ad sustinenda onera monachatus conferret: unde professiones nomine *benedictionis* veteres appellarunt (b). Quia apud Graecos monachis in professione signaculum quoddam videtur impressum. Et sane Trullani patres monachi benedictionem *σφραγίδα* notam monacho imprimendam appellant (c). Videtur autem *σφραγίς* illa fuisse signum crucis, eo nomine apud christianos scriptores saepe nuncupatum, in benedictione monacho impressum, idque ea ratione confirmari potest, quod lectores & cantores apud Graecos signaculis impressis media aetate creabantur, quod Jo: Zonaras & Balsamon testantur (d). Moribus praesentibus

Q q 2.

fere

(a) *Ivo Carnotens. ep. XLI.* (b) *Conc. Trull. can. XL.*; *Ivo Carnotens. ep. cit.* (c) *Conc. Trullan. cit. can. XL.* (d) *V. Lupum in cit. can. Trullanum.*

fere receptum, ut monachorum professiones a publico tabellione praesente in publicum redigantur instrumentum.

Vestis monastica.

§. III. Jam vero monachi in professione habitum suae religionis sollemniter induunt, & in monachos tonsurantur. Et quantum ad vestes monachi sub Pachomii regula viventes proprias vestes, & eas quidem asperas & a communi hominum usu diversas habuerunt, quod multis tradit Cassianus (a). At vero monachi Occidentales modestis & a vocatione sua minime alienis, sed communibus vestibus initio utebantur (b), quamvis non defuerint, qui catenati & superstitioso incederent amictu (c). Praesertim vero pallium induerunt, quod etiam alii christiani, qui asceticum vitae genus sectabantur, faciebant. Unde non secus ac alios christianos palliatis, ita etiam primos monachos sollemni verbo, *impostor & Graecus est*, dissolutiores christiani deridebant (d). Videbuntur scilicet christiani & monachi palliati summo Graeco habitu castos & philosophicos mores nentiri voluisse. Sed inde monachi omnes proprias induerunt vestes, easque nigri coloris, qui etiam ab initio monachatus proprius renuntiantium videtur fuisse. Etenim color niger signum mœroris & moestitiae erat, & monachi perpetuae se addixerant poenitentiae. Uniformis & nigra monachorum

ve-

(a) *Cassian de institut. renunt. lib. I.* (b) *Bingh. lib. VII. orig. cap. 3. §. 6.* (c) *Hieronym. ep. XXII. ad Eustoch. cap. 12.* (d) *Hieronym. ep. XXIII. ad Marcellam.*

vestis stat adhuc in Oriente; at in Occidente. saeculo XI. coeperunt monachi inter se vestibus distingui, quae diversitas eundo crevit, hactenus ut singulae monachorum familiae proprias & coloribus distinctas vestes induant. Vestem monasticam *habitum angelicum* appellant Graeci, vel quia patres vitam monachalem saepe titulant *angelicam*, vel quia Pachomius angelica visione monasticum amictum vidisse perhibetur (a). Vocant quoque *habitum magnum* ad vestis parvae noviorum differentiam. Angelicum habitum in professione etiam hodie Graeci suscipiunt, at Latini jampridem in veste monachali probantur, quam tempore professionis benedictam sollemniter suscipiunt.

Tonsura monastica.

§. IV. Porro simul cum veste qui monachismum profitentur monasticam sumunt tonsuram. Generatim olim christiani comam longam & cavatium evirabant, mediumque tenentes iter, modesto erant capillitio. Nec sane aliter videtur fuisse primorum monachorum tonsura. Etenim Epiphanius, Hieronymus & Augustinus (b) monachos damnant, qui femineos gerebant crines: nec ex alia parte ad exemplum sacerdotum Isidis atque Serapidis caput rasisse videntur. Sed paullo post a recepto capillorum cultu monachi discedentes, capillos ad cutem & inaequaliter tondere coeperunt, ut ita hominibus essent despi-

(a) Lupus schol. in quaedam decreta Leon. IX. decr. I. (b) Epiph. haer. LXXX, Hieronym. ep. XXII. ad Eustoch. cap. 12., August. de oper. monach. cap. 31.

*spicabiles. Conservuli & compallidi nostri, inquit Paulinus (a), horrentibus ciliciis humiles, sagulis palliati, vestie succincti, casta informitate capillum ad cutem caesi, & inaequaliter semitonsi, & destituta fronte praerasi, & honorabiliter despicabiles. Et Salvianus monachos Africanos simili paene modo tonsos & indutos exhibet (b). Sic composita monastica tonsura longe distabat a tonsura clericorum, quae aequaliter deorsum superius capite, inferius capillorum circulum relinquebat. Apud Orientales vero septimo saeculo monachi integrum caput videntur rasisse; ea enim tempestate Theodorus monachus Graecus toto superius raso capite in Angliam venit (c). Sed temporis lapsu passim monachis in sortem domini vocatis, monastica tonsura in clericalem degeneravit, quod in Anglia primum factum Thomassinus observat (d). Quaecumque autem esset monastica tonsura, eam in professione monachi insciptiebant. Unde mediis saeculis *tonsurare* etiam monachum facere significat.*

Quae aetas est professioni necessaria.

§. V. Quo vero monastica professio legitima sit, & ad susceptae religionis obliget observantiam, aetate per canones statuta & ex propria voluntate fieri debet. Et quantum ad aetatem professioni necessariam varia fuit ecclesiae disciplina. Basilii in professionibus virginum complementum rationis requirit, quod supra annum de-

(a) *Paulin. ep. VII.* (b) *Salvian. de gubernat. lib. VIII.* (c) *Beda lib. IV. cap. 1. & lib. V. cap. 12.* (d) *Thomass. par. 1. lib. 2. cap. 38. n. 16.*

decimum sextum aut decimum septimum definit (a). Chrysostomus vero generaliter teneram decem annorum aetatem ad monachatum dixit sufficientem, quod quum per omnem aetatem nobis dimicandum sit, a tenera aetate incipiendum (b): quos eosdem annos pro arbitrio tamen episcopi differendos aut praeveniendos synodus Trullana probavit (c). Sed Latina ecclesia in utroque sexu pubertatem parem ad monachatum iudicavit, & ita duodecim annos in feminis, quatuordecim in maribus requisivit (d), nisi in infans edatur professio, ubi propter duriores monachatus conditionem plena pubertas, quae decimo octavo anno censetur, requisita (e). Fuit haec generalis Latinorum consuetudo, quae tamen impedimento non fuit Cluniacensibus & Carthusianis, ut ante vicesimum annum in suos ordines non admitterent. Et hoc jure viximus usque ad comitia Tridentina, in quibus professioni religiosae pro utroque sexu annus aetatis decimus sextus exactus dictus est, & ita quidem ut ante facta nulla esset (f). Quo decreto ordinum constitutionibus, quae majorem requirebant aetatem, nihil derogatum, quod sacra congregatio declaravit (g). Paraverant Tridentini patres decretum, quo decimo octavus aetatis annus ad professionem statuebatur: sed intercessit

Bar-

(a) *Basil. ep. canon. can. XVIII.* (b) *Chrysost. advers. vituperat. vitae monasticae lib. III. cap. 15. seq.*

(c) *Conc. Trull. can. XL.* (d) *Ambros. lib. de virginib., cap. VIII. XI. seq. ex. de regular.* (e) *Cap. VI. eod.* (f) *Trid. ses. XXV. de regular. cap. 15.*

(g) *Ap. Fagnan. ad cap. nullus ex. de regul. n. 15.*

Bartholomaeus de Martyribus, qui adfirmans, eos detrimento coenobiis esse, qui a teneris annis illic fati non fuerint, patres a sententia dimovit, induxitque, ut duos annos a proposita aetate decurrerent (a): Satius tamen fuisset secundum praesentem disciplinam etiam octodecim annis majorem professioni aetatem dici, nam in tenera aetate integrum vitae monasticae pondus non adgnoscamus, & laxata in plerisque ordinibus claustrum disciplina (qua stante Bartholomaei rationi locus erat), saepe evenit, ut monachi continuis egressionibus mundum diu post renuntiationem adgnoscant.

Consensus conversi ad professionem requiritur.

§. VI. Porro ad legitimam professionem necessarius quoque est ejus, qui convertitur, consensus. Si quodlibet vitae genus sponte suscipiendum, multo magis monachatus, qui & perpetuum obligat, & ad exercitia adigit duriora. Votorum quoque religio, quae spontanea esse debet, monachatus adnexa, facit, ut ex spontanea voluntate monachatus suscipiatur. Porro probatio monachismo praemittenda aperte demonstrat, professiones ex voluntate faciendas: praemittitur enim, ut longius deliberandi tempus candidatis relinquatur. Et hinc in concilio Moguntino statutum, ut nemo, nisi spontanea voluntate, tondeatur (b). Et Leo IX. constituit, ut nullus monachus, nisi legitima aetate & spontanea voluntate fiat. Excommunicant quoque eos omnes Tridentini patres, qui mulieres

no-

(a) Pallavic. hist. conc. Trid. lib. XXIV. cap. 6.

(b) Cap. 1. ex. de regular.

volentes ad monachatum impellunt, & volentes deterrent (a): & quo magis earum libertati consulerent, statuerunt, ut si puella, quae converti desiderat, major duodecim annis sit, non ante habitum suscipiat, nec postea ipsa vel alia professionem emittat, quam episcopus, vel ejus nomine alius virginis voluntatem diligenter exploraverit, an coacta, an seducta sit, an sciat, quid agat: cognitaque libera & pia ejus voluntate libere profiteri liceat, modo tamen ante mensem praefecta monasterio episcopum faciat certiores (b).

Monachatus olim injectus invitis.

§. VII. Verum enimvero veteri stante disciplina etiam invitis injectus monachatus. Constans fuit ecclesiae Latinae sententia episcopos aliosque clericos depositos monasteriis includere, eosque, monachismi injecto jugo, invitos tonsurare. Et Justinianus uxori adulterae hanc imposuit necessitatem, ut fustigata in monasterium detrudatur, data marito intra biennium eam repetendi facultate; quo non facto *tonderi eam & monachicum habitum* accipere jussit, ut poenitentiam ageret perpetuam (c). Porro sexcenta prostant exempla tam virorum, quam mulierum, quibus reges & alii potentiores monachalem tonsuram imposuerunt, ut vel fortunas & potentiam constabilirent suam, vel ut eorum divitias invaderent: cui violentiae ipsi principes etiam fuerunt obnoxii. Generatim hujusmodi per vim factae professiones ex multorum sententia

R r

tia

(a) *Trid. sess. XXV. de reg. cap. 18.* (b) *Trid. loc. cit. cap. 17.* (c) *Novel. CXXXIV. cap. 10.*

tia consistebant, hactenus ut ipsi per vim ad monachatum adacti, ejus pondus & vim aliquando adgnoverint. *Non habitum horreo, sunt verba Caesaris Alexii Comneni per Isaacium Angelum ad monachismum adacti (a): Quid enim vestis mutatio periculum habeat? Sed promissiones, quas secum fert habitus, reformido.* Sed ex Graecis episcopis multi inter incussum juste ac injuste metum aut vim illatam distinxerunt, solasque ex metu justo ratas habuerunt professiones, quod ex Balsamone Christianus Lupus (b) observat. Apud Latinos nono saeculo passim displicebant per vim factae monachorum professiones, & ita canonibus statutum, ut inviti in religionem ingressi *sine justae offensionis causa, nisi volentes, non teneantur, quia quod non petunt, non observant (c).* Et ita rejectae per vim factae professiones, nisi in criminum poenam decernerentur. Non tamen omnis metus nullam reddit professionem, sed qui merito & in hominem constantem cadit, puta si mors, aut corporis cruciatus inferatur (d): quo casu professio rati habitatione convalescit (e).

Servi & filii familias admissi ad monachatum.

§. VIII. Sed non tantum sponte & aetate per canones statuta fieri debet professio religiosa; verum etiam requiritur, ut qui convertitur, in eo statu sit, quo libere vivere possit.

mi-

(a) *Ap. Nicet. Choniast. lib. III. cap. 2.* (b) *Lupus schol. in quaedam decreta S. Leonis IX. decr. II.*

(c) *Can. IX. C. 20. q. 1.* (d) *Cap. I. & VI. ex de his, quae vi metusve causa fiunt.* (e) *Cit. cap. I.*

milias etiam sine parentum consensu converti itaque in primis servi sine dominorum assensu tonsurari non debent, quod canones & leges statuerunt. Injuria omnino visa est, dominos invitos rebus suis spoliari. Nullum, inquiunt patres Chalcedonenses (a), in monasteriis servum recipi liceat, ad hoc ut sit monachus, praeter voluntatem domini sui. Et lege lata Valentinianus III. interdixit, ne quis servus domino invito ad clericale munus accedat, vel monachis in monasteriis aggregetur (b). Latebat forsan Baronium canon Chalcedonensis, aliter nulla suberat ratio, cur Valentiniani legem improbaret (c). Sed inde Justinianus servos dominis invitis permisit tonsurari, data tamen dominis contra servos furto- rum reos, aut alias vitiosos intra triennium revocandi potestate, modo reipsa jus suum, objecta crimina malamque servorum vitam probaverint (d). Et ita novum manumittendi modum invexit per monachatum, quasi quod prohiberi non deberent, qui ad communem dominum transibant. Quae sanctio non minus rei publicae, quam monachatus nocuit, quod servi monasticum jugum prae servitute mollius reputantes ad religionem confugiebant, quamvis quidvis potius, quam Deo inserviendi in animum induxissent. Servis accedebant filiifamilias, quibus anathema synodus Gangrensis dixit, si praetextu pietatis a parentibus recederent (e). Sed Justinianus, infirmata patria potestate, filiisfa-

mi-

(a) Conc. Chalc. can. IV. (b) Novel. XII. ad calcem. G. Th. (c) Baron. ad an. CCCCLII.

(d) Novel. V. cap. 2. (e) Conc. Gangr. can. XVI.

permisit (a). Inde pro adultis Justiniani lex semper obtinuit, nam quantum ad impuberes parentibus datum eorum professionem intra annum infirmare (b).

An milites & publici officiales monachi fieri possunt?

§. IX. Milites quoque & publicis rationibus praefecti minus integram profitendi monachatus habent potestatem. Sunt milites reipublicae necessitatibus adstricti, & publici officiales quandoque peculatus & aliorum criminum rei sunt, & ad monachos potius transeunt socordiae aut declinandorum criminum & rationum causa, quam Deo liberius serviendi desiderio. Ergo statuit Mauritius imperator, ne publicis actionibus immisti cooptentur in clerum, & ne iidem praefecti publicis rationibus & milites ad monachismum convertantur, nisi per divales litteras absoluti, aut emeritis stipendiis. Pro ea parte, quae militum conversionem spectat, legem evangelicae pietati adversari Gregorius M. existimavit, & hinc pro ejus moderatione ad imperatorem retulit, officiis & rationibus usus (c). Interim vero ad se missam legem quadam adhibita moderatione publicavit, vel potius ejus executionem suspendit, quousque principis voluntas innotesceret. Etenim metropolitas hortatus est, ut milites, qui publicis rationibus non sunt implicati, non temere ad monachatum admittant, nisi eorum vita diligentissime fuerit inquisita, admissos vero triennio probari voluit, & in-

(a) L. LV. C. de episc. (b) Cap. II. ex. de regul.

(c) Greg. M. lib. II. ep. 62.

& inde si appareat, pro animarum suarum lucro sanctam conversionem elegisse, in monachos tonsurandos (a). Ita sapientissimus pontifex imperatoriam legem modificavit, non tamen pontificia potestate, sed quod, cognita Mauricii pietate, augurabat, talem moderationem non displicere, quo spectant verba illa pontificis ad metropolitam, qui forte cum modificatione verbantur legem in usum revocare. *Qua de re etiam serenissimus & christianissimus imperator, mihi credite, omni modo placatur, & libenter eorum conversionem suscipit, quos in rationibus publicis implicatos non esse cognoscit (b).*

Conjuges post usum matrimonii ex pacto, convertuntur.

§. X. Porro non omnes conjugati monachatum profiteri possunt, sed inter matrimonium consummatum & ratum distinguere oportet. Et quidem post carnis commisionem conjux altero invito converti prohibetur, & si reipsa convertatur, nulla professio est, & ad propria arva restituitur, quod sui corporis non habeat potestatem, & ne relictus adulterii periculo se exponat: quae est constans ecclesiae sententia (c), apostoli innixa auctoritati (d). Unde Justinianus, qui uxoris etiam sine alterius consensu religionem profiteri permisit (e), hoc ipso quo
fa-

(a) *Greg. M. lib. VII. ep. 11.* (b) *Greg. M. cit. ep. 11.* (c) *August. ep. XIV. ad Armentarium & Paulinam, ap. Grat. VI. C. 33. q. 5., Paulin. ep. XIV. ad Celantiam inter epist. Hieronymi.* (d) *1. ad Cor. VII. 4.* (e) *L. LIII. §. 3. C. de episc. & cleric.*

favit monachismo, divinae legi derogavit. Nec post conjugis mortem, qui conversum revocavit, tenetur reversus ingredi religionem, quamvis novas nuptias contrahere vetetur, nam ratum saltem habere debet votum pro ea parte, qua promisit, se amplius conjugi non adjungere: quod Alexander III. & Caelestinus III. responderunt (a). Quod si conjuges ex compacto agant, licita est conversio, modo ambo religionem ingrediantur, aut saltem, qui in saeculo remanet, votum emittat castitatis. Et in hac specie suspenditur potius usus matrimonii, quam vinculum ipsum solvitur. Quod Deus conjunxit, homo non separet. Unde uterque conjux debet converti, aut saltem qui remanet in saeculo, voto castitatis ligari. Et quamvis Gregorius M. & Nicolaus I., quando ex compacto conjuges convertuntur, docere videantur etiam ipsum matrimonii vinculum abrumpi (b); tamen satius est eorum verba ad matrimonii usum, non ad vinculum referre.

Sed ante etiam altero invito eligunt monachismum.

§. XI. Verum ante corporum commissionem non tantum ex compacto, sed etiam altero repugnante possunt conjuges monasticam amplecti philosophiam. Post consensum legitimum de praesenti, inquit Alexander III. (c), licitum est alteri, altero etiam repugnante, eligere monasterium (sicut sancti quidam de nuptiis vocati fuerunt)

(a) Cap. III. & XII. ex. de convers. conjugat.

(b) Can. XIX. & XXVI. C. 27. q. 2. (c) Cap. II. ex. de convers. conjugat.

runt) dummodo carnalis commissio non interve-
nerit inter eos. Perfecta vita, quae homines
Deo conjungit, non videbatur impedienda per
nuptias in usum non deductas, quae hominem
homini conjungunt. Et ita Alexius, Euphe-
miani viri clarissimi filius, Tecla, Macarius,
Gregoria, Leobardus aliique tum viri, tum fe-
minae de nuptiis ad Deum transisse feruntur (a).
Quin quo de meliori statu interim conjuges de-
liberent, post contractas nuptias non statim ma-
trimonio uti coguntur, sed habent bimestre ad
monachismum eligendum (b). Tanta autem vis
inest in hac specie conversioni, ut dissolvat ma-
trimonium, hactenus ut qui in saeculo remanet,
possit etiam novas nuptias contrahere. Vincu-
lum matrimonii jure divino individuum in caus-
sa monachatus non ex consensu, sed potius ex
corporum commissione repetere pontifices viden-
tur, quia, inquit Alexander III., quum non
fuissent una caro simul effecti, satis potest unus
ad Deum, transire, & alter in saeculo remane-
re (c): quamvis alias certum omnino sit, matri-
monium solo consensu perfici, & ex edicto Chri-
sti praeter fornicationis causam nullam aliam di-
mittendae uxoris causam admitti (d). Quae,
quum ita sint, eo minus mera sponsalia impe-
diunt, quominus sponforum alter religionem pro-
fiteatur.

Oblatio filiorum impuberum ad monasteria.

§. XII. Jam vero veteri stante disciplina non
tan-

(a) N. Alexander theol. dogm. & mor. lib. II. de
sac. matrim. cap. 1. art. 7. prop. 3. (b) Cap. VII.
ex. eod. (c) Cit. cap. II. (d) Matth. XIX. 9.

tantum propria professio, sed & parentum oblatio monachum faciebat. Offerebant nempe parentes tenerae aetatis filios monasteriis, pro iis petentes monachatum, qua oblatione accepta statim filii monachi censebantur, nulla plerumque suffulti spe, ut quo tempore ratio accederet, injectum onus possent excutere. *Monachum*, inquit patres Concilii IV. Toletani (a), *aut paterna devotio, aut propria professio facit: quidquid horum fuerit, alligatum tenebit; proinde his ad mundum revertendi intercludimus aditum, & omnem ad saeculum interdicimus regressum*. Paterna devotio in hoc canone late est accipienda, ut maternam etiam comprehendat; constat enim ex antiquis monumentis etiam matres filios monasteriis obtulisse (b). Ab initio monachatus invaluerunt puerorum oblationes (c), videnturque profluxisse a Judaismo, in quo filii Deo oblati, in templi remanebant ministerio (d). Accessit monachatus celebritas, qua creditum, non posse parentes melius filiorum aeternae salutis consulere, quam iis ab infantia quaerentes monachatus conditionem. Fiebat autem non sine sollemnibus ad monachismum oblatio. Inmissa tempore oblationis pater aut mater faciebat petitionem, & inde palla altaris puerum involvens, eum divinae majestati in perpetuum servitium addicebat (e). Formulas ab offerentibus recitatas, Martene & Jo: Mabillonius colle-

ge-

(a) *Conc. Tolet. IV. can. XLIII.* (b) *Can. II. C. 20. q. 1.* (c) *Lupus schol. in quaedam Leonis IX. decreta decr. II.* (d) *Can. IV. eod.* (e) *Reg. Bened. cap. LIX.*

gerunt (a). Interim negligentia monachorum oblаторum non minima fuit ruina monachatus (b): inauspicati enim pueri, qui non ex propria voluntate monachismo tenebantur, inde facti grandiores frena mordebant, nec secundum regulam vivebant. Ergo saeculo nono oblationes ad monasterium coeperunt displicere, & quibusdam canonibus cautum, ut quo tempore intelligerent, ipsi pueri oblationem confirmarent (c). His tamen decretis non obstantibus perrexerunt deinceps oblationes (d), quas tandem omnino Caelestinus III. infregit, statuens, ut filii oblati ad annos discretionis pervenientes potestatem habeant excutiendi monachatum (e).

Monachi mundo mortui.

§. XIII. Per religiosam professionem spectata monachatus natura monachi mundo moriuntur, passimque tamquam civiliter mortui reputantur. Sane in professione civitati, nuptiis, rerum proprietati, quin & proprio arbitrio perpetuum abrenuntiant. Unde Trullani patres monasticum statum *secessum ex vitae strepitu & perturbatione* appellant (f). Et Ambrosius scribit (g), *clericorum officia in theatro ac stadio, monachorum instituta esse in spelunca & secreto*. Similiter Eutyches haeresiarcha dixit, *degere se in monasterio tanquam in sepulcro*. Et sub nomine Eu-

Inst. jur. can. T. II.

S s

ge-

(a) Martene de antiq. monach. ritib. lib. V. cap. 5. Mabillon. in analectis. (b) Guibertus abbas de Novigento lib. I. de vita sua cap. 8. (c) N. Alexander hist. eccl. saec. IX. cap. 5. art. 5 n. 5. (d) Cap. XI. seq. ex. de regular. (e) Cap. XIV. ex. eod. (f) Conc. Trull. can. XL. (g) Ambros. ep. XXV.

genii papae apud Gratianum fragmentum existat, quo diserte asseritur, monachum *mundo mortuum esse, Deo autem vivere* (a). Itaque ex monachatus natura monachi excluduntur ab omnibus ecclesiasticis & saecularibus officiis, quae mundi theatrum & frequentiam requirunt civitatum. Sane jubent patres Chalcedonenses, monachos quietem amplecti, & soli jejunio & orationi vacare, in quibus mundo renuntiarunt locis perseverantes, nec ecclesiasticis, nec saecularibus negotiis se ingerere, propria relinquentes monasteria, nisi quandoque eis a civitatis episcopo praecipiat (b).

Monachatus habitus veluti secundum baptismum.

§. XIV. Mundo monachi mortui, Deo in professione renascuntur. Sane patres monachatum veluti secundum baptismum, quo maculae omnes post salutares nundas contractae abstergerentur, passim reputarunt. Huius sententiae prima vestigia S. Athanasius suppeditavit, qui refert, angelos in aëre Antonium deducentes tetrīs spiritibus, qui obstitabant, & a nativitate deposcebant rationes, respondisse, *culpam a natali die omnem delevisse dominum, licere autem illis a monachatus tempore, & a quo se Deo consecrasset, primordium exigendi capere* (c). Et Hieronymus de obitu Blestillae, quae ante quatuor menses monachatum professa erat, Paullam matrem volens consolari, scribit, *Blestillam secundo quodammodo propositi baptismo lotam*

(a) *Can. VIII. C. 16. q. 1.* (b) *Conc. Chalced. can. IV.* (c) *Athanas. vit. S. Antonii.*

tam ad Deum convolasse (a). Saeculo sexto haec erat ecclesiae Orientalis communis sententia; etenim Justinianus, qui novellas de rebus sacris adfidentibus doctissimis Orientalibus episcopis conscripsit, adfirmat, conversationem monachalem omnem monachi maculam detergere (b). Et hinc Trullani patres (c) professionem monasticam appellarunt *benedictionem gratiae*, quae auxilia ad monachatus onera sustinenda conferret. Videtur pro secundo baptismo habita ad monachatum conversio propter perpetuam, ad quam se monachi devovebant, poenitentiam. Ex hac opinione profluxit mos ille in utraque ecclesia receptus, quo principes & privati in mortis lecto decumbentes, habitum angelicum assumerent, & monachismum in fine profiterentur (d). Quod enim in peccatorum remissionem aquae baptismum iterum suscipere vetarentur, sub finem vitae ad monachatum, qui ejusdem effectus habebatur, seipsos converterunt. Qui mos apud Graecos ita invaluit, ut morientibus etiam non petentibus amici monasticum habitum injecerint, quod Theodorus Balsamon testatur (e).

Monachi sine causa monasteriis egredi non possunt.

§. XV. Semel monasticam vitam professi ad stabilitatem obligantur, quae secundum regulam

S s 2

Be-

(a) Hieronym. ep. XXVIII. ad Paulam. (b) Novel. V. cap. 1. (c) Conc. Trull. can. XI. (d) Chr. Lupus schol. in quaedam S. Leonis IX. decreta decr. I. tom. IV. edit. Venet. (e) Theod. Balsamon in can. XLVIII. C. Afr.

Benedictinam diserte promissa, duabus veluti partibus absolvitur, ut nempe monachi monasterio non egrediantur, & monachatum amplius non deponant. Et vero continua in monasterio mora ad naturam monasticæ philosophiæ pertinet, quæ a mundi turbis remota, Deo & solitudini acquiescit (a). Unde veteres monasteriis monachos egressos, non secus ac pisces extra aquas, vivere non posse credebant, passimque in monachos invehuntur, qui in frequentia civitatum versantur (b). Et S. Benedictus ita aedificatum volebat monasterium, ut omnia ad vitam necessaria intus haberet, ne monachis vagandi foras necessitas immineret (c). Monasterium autem, ubi perpetuam moram degere monachi debent, est illud ipsum, in quo emiserunt professionem (d): nec nisi de abbatis venia licebat de monasterio in monasterium transire. Interim in monasteriis inclusi monachi in ecclesiæ; proximi & monasterii necessitatibus in publicum prodire possunt, quod canones & regulæ monasticæ permittunt, modo id fiat ex superioris venia & benedictione, uno aut pluribus comitibus datis, ut monachi se invicem in itinere custodiant, nec extra monasterium sine venia manducent (e). Claustrî disciplinam Camaldulenses & Carthusiani etiam servant; minus Benedictini, omnium vero minime mendicantes, qui ex proprio instituto, ut clericis sint adju-

to-

(a) *Conc. Chalced. can. IV. conc. Trull. can. XLVI.*

(p) *Hieronym. epist. IV. ad Rustic.* (c) *Reg. Bened. cap. LXVI.* (d) *Conc. Chalced. cit. Can. IV.*

(e) *V. Espen. par. I. tit. 27. cap. 4.*

torio, etiam per civitates debent discurrere. Eo minus mirandum, si passim pro superioris arbitrio, mutant domicilium, ut hinc stabilitas apud mendicantes non amplius ad monachatum pertinere videatur.

Clausura perpetua monialium.

§. XVI. Quaecumque vero sit, apud monachos, clausuri disciplina, certe tamen moniales perpetuo in monasteriis includuntur: quod & natura monachatus & seminarum conditio postulabant. Et olim quidem, M. Basilii, clausuri disciplinam omnibus monachis communem majori studio in feminis servandam edixit (a). In monasterio virginum in Thebaide, ubi saeculo quarto S. Euphrasia vixit, nulla sacrarum virginum portis exibat, sed ad ostium janitrix erat, per quam responsa omnia prodibant (b). Et regula S. Caesarii virgines, quae sacrum Christi ovile intrarunt, toto vitae tempore inde egredi non finit (c). Verum hac super re nulla olim fuit generalis regula, qua omnes tenerentur moniales, nec earum clausura eadem ratione ubique servata est, quod speciali tractatu Jo: Baptista Thiersius probatum dedit: quin in multis locis, corrupto monachismo, passim moniales a monasteriis egressae, per habitacula saecularium personarum discurrebant. Ergo Bonifacius VIII. generali edita constitutione moniales omnes perpetuo voluit in monasteriis inclusas, nisi tali morbo aliqua laboret, ut non possit.

(a) *Basil. de instit. monach.* (b) *Vita S. Euphras. ap. Bolland. ad XIII. Martii.* (c) *S. Caesar. in reg. ad virg. cap. I.*

fit cum aliis absque gravi periculo vel scandalo commorari (a). Idem Tridentini patres statuerunt, ea tamen addita aequissima exceptione, ut *ex aliqua legitima causa ab episcopo approbanda egressus permittantur* (b). Nec enim tanquam perpetuos carceres monasteria oportet habere, in quibus sacrae virgines in poenam includantur. Interim legitimas egressus causas ad *magnum incendium, infirmitatem leprae & epidemiam* Pius V. restrinxit.

Monachi ad strictiorem ordinem transire possunt.

§. XVII. Porro stabilitas conversionis id quodque continet, ut semel susceptam regulam renuntiantes teneant, nec ad alium ordinem transeant. Inducta in Occidente ordinum religionum diversitate, una irrepsit, de religione in religionem transitus. Saeculo XII. sine abbatis consensu improbabat B. Bernardus, ut quis a Cluniacensibus remissioribus ad austeros transiret Cistercienses propter scandalum ipsorum, quos deserit, quia certa pro dubiis relinquere tutum non est, & propter animi levitatem, qua id ipsum fere uno eodemque momento appetimus, & nolumus, nisi in proprio ordine monachis peccandi necessitas immineat, quo casu (quod omnino peccandi vitari debeant occasiones) inculcat ordinis mutationem (c). Verum inde magis magisque multiplicatis ordinibus, quorum alii

la-

(a) *Cap. I. de statu regular. in 6.* (b) *Trid. sess. XXV. de regular. cap.* (c) *S. Bernard. lib. de praeecepto & dispens. cap. XVI. Confer. S. Anselmus lib. I. epist. 29.*

laxioribus vivunt institutis, tamquam regula statutum, ut a laxiori ad rigidiorum ordinem transitus esset, non e contrario a rigidiore ad laxiorem (a). Qui in studio perfectionis currunt, amplius proficere non sunt impediendi, & nefas e contrario est a perfectione discedere. Ne vero obtentu vitae perfectioris monachi decipiantur, qui ad rigidiorum religionem transeunt, rem superiori suo debent aperire, qui, omnibus diligenter expensis, veniam indulgeat, qua etiam non obtenta, libere possunt transire. *Ubi spiritus Dei est, ibi libertas*, inquit Innocentius III. (b), & *qui Dei spiritu aguntur, non sunt sub lege, quia lex non est posita iusto*. Mendicantes tamen ad alios non mendicantium ordines praeter Carthusianos sine venia pontificis transire non possunt (c), inque ea ratione statutum, ne obtentu strictioris religionis dignitates & monastica ambiant beneficia. Ad laxiorem religionem nisi ex indulgentia pontificis transitus interdicitur, nec indulgentia concedi solet, nisi ex iusta causa, quae alia non est, quam aegritudo, aut corporis infirmitas ad regulae observantiam (d).

Monachi ad perseverantiam in monachatu adstricti.

§. XVIII. Sed a monachis promissa stabilitas praesertim importat in monachismo perseverantiam, nec ad aliud vitae genus transitum permittit. Qui vota monastica violant, & ad saec-

cu-

(a) Cap. XVIII. ex. de regul., Trid. sess. XXV. de regul. cap. 9. (b) Cit. cap. XVIII. (c) Extravag. I. de regular. inter. comm. (d) Fagnan. ad cap. cum dilecti ex. de renunt.

culum redeunt, *apostatae* & *transfugae* vocantur. Est a conversione apostasia grande facinus, utpote qua promissio sollemniter Deo facta abruptitur & angelicus habitus profanatur. Ipsi gentiles viderunt, quam turpe esset a vita philosophica discedere. Pythagorei tamquam mortuos deplorabant, qui a communione philosophica ad saeculum redibant. Itaque canones Chalcedonenses virgines & monachos, qui post dedicationem suam nuptias contrahunt, excommunicant (a), & synodus Aurelianensis I. monachos matrimonium itidem attentantes inter clericos vetat cooptari (b). Non tamen olim monachi apostatae ad monasterium redire cogebantur. Sane lege quadam Honorii imperatoris ad perpetuam curiae addicebantur servitutem (c), & constitutione Justiniani, bonis monasterio addictis, inter officiales iudicis provinciae ablegabantur (d). Et regula Benedictina tum demum in congregationem iterum admittebat fratres, qui proprio vitio deferebant monasterium, si vitii spondebant emendationem: qua facta sponcione in ultimo gradu recipiebantur, idque usque ad tertiam vicem (e). Sed inde inductum, ut monachi desertores monasterio restituantur, quod Justinianus, sua anteriore lege revocata, constituit (f), & praesenti servatur disciplina, quae monachos desertores anathemate ad reditum

(a) *Conc. Chalced. can. XVI.* (b) *Conc. Aurel. I. can. XXI.* (c) *L. XXXIX. C. Th. de episc.*

(d) *Novel. V. cap. 6.* (e) *Reg. Bened. cap. XXIX.*

(f) *Novel. CXXIII. cap. 42.*

rum compellit, & ad agendam poenitentiam in monasteriis includit (a).

Monachi incorrigibiles.

§. XIX. Apostatis non meliores monachi *incorrigibiles*, qui in monasteriis in peccatis perseverant, & omni adhibito studio in viam reduci non potuerunt. Incorrigibiles monachos a monasteriis abiiciendos passim statuunt monachorum regulae, *ne una ovis morbida omnem gregem contaminet*, inquit S. Benedictus (b). Tum vero ad abjectionem procedendum, quum omnibus adhibitis spiritualibus & corporalibus remediis, spes nulla affulget conversionis. Spiritualia remedia erant correctiones, adhortationes, excommunicationes & communis oratio: temporalia vero plagarum virgae, quas ex antiqua disciplina apud Orientales etiam recepta monachi delinquentes subibant (c). Monachi autem tamquam incorrigibiles ejecti ad laicam redibant communionem (d), non secus ac olim cum clericis actum, qui ad laicos abiiciebantur. Verum secundum praesentem disciplinam incorrigibiles monachi non eiiciuntur, sed in eodem aut alio monasterio ad agendam poenitentiam retinentur, quod primus Gregorius IX. induxit (e). Et quamquam inde decreto sacrae congregationis ab Urbano VIII. probato iterum restituta.

Inst.jur.can. T.II. T c fit

(a) *Cap. fin. ex. de regular. Conf. Florens tract. de statu monach. ad quaest. I. seqq. caus. 20.*

(b) *Reg. Bened. cap. XXVIII.* (c) *Pallad. hist. Laus. cap. VI.* (d) *S. Isidor. ap. Menard. ad cap. XXXVII. conc. reg. §. 4.* (e) *Cap. fin. ex. de regul. Conf. Fagn. ad cit. cap.*

sit incorrigibilium expulsio, modo tamen post alia remedia per canones statuta in carceribus anni spatio jejunio & poenitentia subigantur, & nihilominus in malitia perseverent; tamen non omnes provinciae hoc decretum admiserunt (a).

Gratis fieri debet monastica professio.

§. XX. Professio religiosa omnino gratuita esse debet, & datis temporalibus emissa sapit simoniam, quam semper damnavit ecclesia. Sane in spiritualem finem coalescit monachorum societas, ac proinde nefarium est in ea partem habere per pecuniam. Quousque durus stetit monachorum status, vix in admissione ad religionem audiri potuit simonia. Quis enim inter socios, qui mundo & commoditatibus in perpetuum renuntiabant, pretio dato referri cupiebat? Sed postquam lautius monachi vivere coeperunt, & officia claustralia abierunt in beneficia propriis redditibus donata, pro ingressu in religionem temporalia oblata & recepta sunt. Unde in concilio Nicaeno II. aliisque inde celebratis, & summorum pontificum decretalibus statutum, ne monachi propter temporalia in monasteria recipiantur (b). Sunt tamen probe distinguenda sponte oblata ab exactionibus. Et enim viri alias monachatu digni, si se & sua sponte offerant monasteriis, nullo vitio laborat datus monachismus, modo recipientes monachi id faciant non propter oblata temporalia, sed sola conversi bona voluntate ducti, haecenus ut
eum

(a) *V. Espen. par. I. tit. 27. cap. 7.* (b) *Conc. Nicaen. II. can. XIX. Cap. II. ex. de statu monach. cap. VIII. ex. de simon.*

eum sine bonis gratanter admitterent (a). At exactiones nullo titulo, ne monasterii quidem paupertate, qua fit ut recipiendi non possint sustentari, canones admittunt (b). Et quamvis natura sua malum non videatur a pauperibus monasteriis ad novorum sodalium sustentationem aliquid exigi; tamen ne obtentu paupertatis peccandi detur occasio, sapienter canones, nec in casu verae monasterii paupertatis aliquid a profitentibus exigi edixerunt. Quae quum ita sint, vix est, ut defendi possint dotes, quas alicubi monachi, & in omnibus fere provinciis moniales monasteriis praebent: etenim nec sunt spontaneae largitates, quod sine iis aditus non patet in monasteria, nec titulo paupertatis recipi possunt. Quin nec speciem sapiunt transactionis, quam de futuris monialium successionibus cum parentibus veluti ineunt monasteria, quod contra Christianum Lupum pluribus Espenius demonstrat (c). Ceterum e republica saltem esset, ut ejusmodi dotes post mortem ingressarum eo, unde profectae sunt, reverterentur, ne sensim redditus civitatis in monasteria transferantur.

Qui impugnatur emissæ professio.

§. XXI. Saepe contingit, ut monachi professionem impugnent suam, eamque vel vitio aetatis, vel defectu probationis, vel ratione metus incussi nullam dicant. Pro lubitu exi-

T t 2

bant

(a) S. Bonavent. libello apol. quae. XVIII.

(b) Cap. XL. de simonia, Extravog. ne in vinea de simonia inter commun. Confer. Espen. par. I. tit. 26. cap. 2. (c) Espen. diff. de peculiarit. in relig. par. II. cap. 2.

bant monasteriis, qui olim veniebant contra professionem; nec, nisi finita causa ad monasterium redire cogebantur, ut adnotant interpretes (a): quod multa incommoda in rem monasticam importabat. Unde Tridentini patres statuerunt, ut regulares contra suam professionem venientes intra quinquennium a die admissi monachatus causas nullitatis & coram superiore suo & loci ordinario deducant: & si antea sponte sua habitum deponant, ad allegandam quamcumque causam non admittantur, sed poenis apostatarum obnoxii ad monasterium cogantur reverti, & interim nullo suae religionis fruantur privilegio (b). Pro omnibus causis, quibus nulla professio est, quinquennium ad actionem proponendam patres dixerunt. Unde concludunt canonistae, etiam perpetua impedimenta eo quinquennio comprehendi, nec post quinquennium proponi posse, nisi tamen impedimentum sit notorium facti permanentis, veluti si vir in veste muliebri professionem inter moniales emiserit, nam in hac specie etiam post quinquennium causa nullitatis professionis admittitur (c). Interim exacto quinquennio quo possint monachi professionem impugnare suam, ab apostolica sede causa cognita in integrum restituuntur (d). Et moniales praesertim in Italia etiam intra quinquennium sine speciali apostolicae sedis indulto, fere

(a) *V. interpretes ad cap. I. ex. de his quae vi metusve causa.* (b) *Trid. sess. XXV. de regul. cap. 19.*

(c) *Fagn. ad cit. cap. I.* (d) *Cardin. de Luca discurs. XLI. de regul.*

CAP. XXXVIII. DE MONACH. PROF. 317.
fere nunquam concesso, contra professionem venire vetantur.

CAPUT XXXIX.

De votis & exercitiis monasticis.

Tria monachorum vota.

§. I. **V**Ita monastica semel admissa, monachos omnes etiam ex voto ad obedientiam, paupertatem & castitatem adstringit, quae tres virtutes fere universam monachatus continent naturam. Primi coenobitae factio ipso videntur in monachismum admissi, quo ipso ad vitam monasticam erant adstricti; at diserte nullum emittebant votum. Inde coeperunt monachi ex voto sanctam profiteri conversionem, ad minimum ne statum semel susceptum, pro lubitu mutarent. Et vero Augustini clerici, qui more monachorum vivebant, perseverantiam in suscepto statu vovebant (a), quod Augustinus ex regulis monasticis videtur mutasse. Quidquid vero sit de monachis antiquioribus, certe secundum Benedictinam, qualis nunc existat, formulam, qui profitetur, loci stabilitatem, morum conversionem & obedientiam diserte promittit (b), unde saltem interpretatione tria vota monastica emanarunt, quibus ad obedientiam, paupertatem & castitatem monachi omnes

se

(a) *August. serm. XLIX. & in psal. LXXV. Confer: Thomass. par. I. lib. 3. cap. 3. §. 6. (b) Reg. Bened. cap. LVIII.*

se adstringunt, & secundum aliquas formulas diserte promittunt. Videtur monachismo addita religio voti, ut fortius obligaret, & exercitia monastica Deo essent acceptiora. Interim praeter obedientiam, paupertatem & castitatem multi monachorum vota emittunt pecuniaria. Et ita ordines militares peculiare habent institutum, tuendae armis religionis, & monachi sanctissimae Trinitatis praeterea vovent captivorum redemptionem, Jesuitae vero spondent devotam pontifici obedientiam in omnibus, quae ad salutem animarum & ad fidem propagandam sunt necessaria.

Monachorum obedientia.

§. II. Prima monachorum obligatio est *obedientia*, qua proprium deponunt arbitrium, in omnibus a voluntate superioris pendentes. Vivunt monachi sub regula & praeposito vitam communem, omnesque eorum actiones ad poenitentiam & perfectionem tendunt, quasi in continua existant schola educationis. Unde semetipsos debent abnegare, & in omnibus a professa regula & superioris pendere voluntate. *Prima apud eos, inquit de monachis sui temporis Hieronymus (a), confederatio est obedire majoribus, & quidquid jusserint, facere.* Et Sulpitius Severus (b): *praecipua ibi virtus & prima est obedientia.* Non debent autem ut servi dominis, sic monachi superioribus obedire suis, sed *sine mora, non tepide & cum bono animo*, quae tria in monastica obedientia S. Benedictus requirit.

(a) *Hieronym. epist. XXII. ad Eustoch. cap. 15.*

(b) *Dial. I. cap. 11.*

rit (a). Obediunt nempe monachi non ex timore, sed ex caritate & amore perfectionis, qui amor moram non admittit, ferventer & ex animo deservit. Nec in uno aut altero articulo superioribus monachi debent obedire, sed in omnibus, quae nec divinae legi nec regulae adversantur: quin nec aliquid sine eorum consensu agere possunt; abrenuntiant enim monachi proprio arbitrio, & alieno iudicio & imperio ambulant. Et hinc iubentibus superioribus non est monachorum expendere, num mandata vires excedant, num tempore importuno praecipiantur, num per alios aequè commode peragi possint, & si quae sunt alia, quae in similibus casibus quaeri possunt. Quo sensu monastica obedientia ab antiquis patribus *caeca* nuncupatur; non vero quasi omnino usum rationis monachi deperdant, & caeci etiam debeant obedire, quum superiores, adversus Deum & regulam aliquid iubeant. Non plus quam expedit, monachi subiecti sunt (b): & Deo magis quam hominibus oportet obedire (c). Unde iure meritoque S. Bernardus quemdam monachum Adamum exagitavit, qui per omnia caecus non expendebat qualia erant seniorum iussa, & ad se excusandum obedientiam obtendebat (d).

Paupertas monastica.

§. III. Porro vovent monachi *paupertatem*, quae ex natura monachatus in rerum omnium temporalium consistit abdicatione. Sane vita-

com-

(a) *Reg. Bened. cap. V.* (b) *Can. LVII. C. 2. q. 7.*

(c) *Basil in regul. breviter disputatis quae est. CXIV.*

(d) *S. Bernard. epist. VII.*

communis, in qua monachi vivunt, & perfectio evangelica, quae omnia vendere & pauperibus tribuere edicit (a), non patiuntur inter monachos proprietatem. Et recte Innocentius III. respondit, abdicationem proprietatis adeo esse annexam regulae monachali, ut contra eam nec summus pontifex possit licentiam indulgere (b). Itaque jampridem a monachorum familiis vocabula *meum* & *tuum* sunt eliminata, iisque vocabulum *nostrum* substitutum, rerum denotans communionem (c). In hoc statu positi monachi manuum labore olim vivebant, unde redactos fructus in communem societatis usum conferebant; nunc vero vel ex statis monasteriorum redditibus, aut emendicata stipe vivunt pro varietate monasteriorum, quae in communi admittunt, aut respuunt proprietatem. Unde singuli ex communi penu habent necessaria, quae dum accipiunt, curare debent*, ne tamquam propria ea teneant, vel iis tamquam propriis utantur, aliter in vitium incidunt proprietatis: & quidquid adquirunt non sibi, sed monasterio adquirunt. Administrant autem in monasteriis, quae statos redditus possident, omnia oeconomi, quos pro arbitrio removeere possunt superiores (d). Interim nihil obstante proprietatis abdicatione, quam singuli monachi profitentur, per leges Justiniani ad legitimas heredi-

(a) *Matth. XIX. 21.* (b) *Cop. VI. ex. de statu monach.* (c) *Menardus in concord regul. cap. XLV. ad §. 18.* (d) *Cop. II. ex. de statu monachor., conc. Trid. sess. XXV. de regul. cap. 2.*

ditates admittuntur (a), easque adquirunt monasterio. Qua in re monachi servis similes sunt, qui licet essent domini incapaces, ex persona tamen dominorum haereditates & legata capiebant. Sed prorsus paupertati monasticae repugnat factio testamenti monachis ante Justinianum permessa (b). Et bene est, quod jure canonico monachi a factione testamenti exciderunt (c): quin in multis provinciis amplius ad legitimas hereditates non admittuntur (d).

Peculia monachorum adversantur paupertati.

§. IV. Quando igitur natura monachatus non admittit proprietatem, patet, in monachis peculium adversari voto paupertatis. Nonne peculii in hac causa venit pusilla pecunia, quam monachi parsimonia sua & labore sibi parant, vel parentum vel amicorum dono adquirunt, eamque a monasterii rationibus separatam in usus proprios expendunt, Sanè dum aliquid a monasterii rationibus separatum monachi possident, hoc ipso convincuntur a communione recessisse, nec omni proprietate se abdicasse. Nec quod usus peculii tantum penes monachos dicatur, proprietate penes communitatem existente, id peculiatos monachos excusat (e). Etenim in hac causa proprietas & usus convertuntur, quod ipsa glossa observavit (f). Ad rem Dionysius Carthusianus (g), *Magis nocet religioso habere.*
Inst. jur. can. T. II. V v usum

(a) L. LVI. C. de episc. & cleric. (b) L. XIII. C. de SS. ecclesiis (c) Cap. II. ex. de testam.

(d) Espen. par. I. tit. 29. cap. 2. (e) Trid. sess. XXV. de regular. cap. 2. (f) Glossa ad sit. cap. II.

(g) Tract. de reformat. claustr. art. XVI.

usum peculii sine proprietate, quam habere proprietatem sine usu. Proprietas namque in se non est peccatum, nec ad peccandum inducit, nisi per usum rei Immo quantum ad progressum de malo in malum parum aut nihil refert, an habeatur usus sine proprietate, an cum proprietate. Quin nec ex superioris indulgentia licet monachis peculia possidere, quod Fagnanus agnoscit (a). Et quaeso qua ratione possunt superiores monachis peculia permittere, quando naturae monachatus adversantur? Facit Innocentius III. qui respondit, non posse abbates, quin nec summum pontificem monachis permittere proprietatem (b), ac ita nec possunt permittere peculium quando in hac causa peculium & proprietas idem sunt (c). Ex veteri instituto apud quem defunctum pecunia reperiebatur, ei tamquam in manifesto peccato mortuo sepultura denegatur (d). In monte Nitriae mortuo olim monacho, qui ex laboribus suis centum solidos sibi reservaverat, monachi quid facto opus esset, consilium inierunt, & sancto praevalente spiritu ea praevaluit sententia, una cum monacho in sterquilinio sepulto pecuniam infodiendam, ut ei esset in perditionem (e).

Vetitum monachis fundos assignare.

§. V. Verum enimvero quamvis omnino monachismo peculia repugnet, & monachi ex com-
mu-

(a) *Fagn. ad cap. monachi ex. de statu monach. num. 122.* (b) *Cap. VI. ex. de statu monachor.*

(c) *Confer. Espen. diss. de peculiarit. in religione par. I. cap. 2.* (d) *Cap. II. ex. de statu monach.*

(e) *Hieronym. epist. XXII. ad Eustoch. cap. 14.*

muni peni vivere debeant; tamen post instituta regularia beneficia in quibusdam monasteriis abbates & officiales claustrales a convictu recesserunt, utpote qui perpetuiis regularibus beneficiis aucti sunt, unde accipere coeperunt victualia. Nempe lapsa monachorum disciplina abbatibus a communibus monasterii redditibus mensa distincta data est, quae perpetuos fructus habuit adnexos; maloque abbatum exemplo etiam reliqui monasterii officiales proprios perpetuosque officii suis redditus obtinuerunt. Et ita officia monastica, invita monachorum disciplina, in dignitates & regularia beneficia degenerarunt. Porro ordinum militarium sodales possident commendaturas, quae sunt instar beneficiorum, iisque tamquam rebus propriis tam libere & abunde fruuntur, ut iis potius profit, quam noceat professio paupertatis. Tantum post mortem apparet, monachos beneficiarios esse pauperes, quia nec legitimum heredem habere, nec testamentum condere possunt, iisque succedit monasterium, quod etiam obtinet in reliquis monachis, qui bona morientes relinquunt. Appellatur haec successionis species *spolium*, quod consueverint monachi ante mortem bona omnia in manus superiorum resignare, quasi jubeat monachatus, ut potius moriantur, quam vivant pauperes. Interim jure concilii Tridentini restituta est pristina disciplina; etenim non tantum regularibus omnibus interdicta est mobilium & immobilium possessio; verum etiam vetiti sunt superiores, ne deinceps alicui regulari bona stabilia quocumque titulo concedant. Statutum quoque est, ut utensilia, quae superiores monachis concedunt,

sapient paupertatem, & qui aliter quidquam possidere convincuntur *activa & passiva voce* privantur, praeter poenas in regula & constitutionibus statutas (a).

Castitas monastica.

§. VI. Vovent demum monachi omnes *castitatem* quae & a vetitis omnibus carnalibus impuritatibus, unde christiani omnes etiam arcentur, & a nuptiis involvit abstermentiam. Carnales voluptates cum duriori vitae genere, quod monachi profitentur, consistere non possunt. Etiam Esseni & therapeutae apud Judaeos ab uxoribus abstinebant, utpote qui ascesi & contemplationi erant addicti (b). Unde Innocentius III. castitatem, non secus ac paupertatem, adeo monachismo propriam dixit, ut eam nec summi pontifices possint relaxare (c). Et vero contradictionem involvit, ut quis & monachus sit simul & maritus. Sacrarum virginum & monachorum castitatis custos ecclesia, olim excommunicavit quotquot ex iis contraherent matrimonium (d). Et Jovinianus imperator capite puniendos edixit, qui sacras virgines ad matrimonium sollicitarent (e). Interim quaecumque erat poena in virgines & monachos nuptias contrahentes, non tamen in veteri disciplina attentata eorum matrimonia nulla videntur fuisse. Sane Innocentius I. ad poenitentiam non esse admittendas mulieres edicit, quae post castitatis de-

(a) *Trid. loc. cit.* (b) *Cleric. histor. eccles. duor. primor. saecul. proleg. sect. 1. cap. 4. seq.* (c) *Cap. VI ex. de statu monach.* (d) *Conc. Chalced. cap. XVI.* (e) *L. V. C. de episc. & cleric.*

dedicationem Deo factam palam nupserant, nisi is, cui se junxerant, de saeculo recesserit (a): quod argumento est, matrimonium constituisse, alias ad agendam poenitentiam mariti mortem expectare non oportebat. Et Augustinus graviter eos reprehendit, qui seminarum Deo devotarum nuptias tamquam adulteria traducebant (b). Itaque minus perfecta olim fuit lex ecclesiastica, quae matrimonia monachorum improbat, non tamen irrita reddebat. Sed lapsu temporis monachorum matrimonia, quae antefaria tantum erant, etiam nulla facta sunt: quod primum in concilio Romano an. ciorxxxix. celebrato statutum post Basilium Pontium Espenius arbitratur (c).

Monasteria duplicia adversantur monachorum castitati.

§. VII. Quo vero monachi melius servant castitatem, occasiones omnes, unde eorum pudicitiae periculum imminet, eliminatum ivit ecclesia. Antiqua sunt duplicia monasteria & in Oriente & in Occidente admissa, in quibus viri & mulieres simul conversabantur, & in uno eodemque choro psallebant. Eorum originem non recte Basilio permulti adscribunt, nam teste Palladio quaedam Pachomiana duplicia fuerunt, Nilo tantum flumine divisa (d). In tanta vitae monasticae asperitate duplicia monasteria initio nihil mali videntur habuisse, sed deinceps male
fem-

(a) Innocent. I. epist. ad Victoric. Rothomag.

(b) August. de bono viduitatis cap. X. (c) Espen. par. II. tit. 13. cap. 4. (d) Pallad. hist. Laus. cap. XCIX.

semper oluerunt. Unde Gelasius pontifex gravissime reprehendit Senecam, Pelagianae factionis presbyterum, ea inducere molientem (a), eademque omnia Justinianus, altero translato, separari jussit, idque *quod justam suspicionem introducant monachis assidue cum monialibus, aut cum voluerint congregandi* (b). Et Synodus VII. generalis deinceps nulla ratione fieri permittit, & quae exstabant, ita disponit, ut monachi & moniales mutua nulla habeant commercia (c). Verum iterata haec decreta rem non videntur confecisse, aut saltem morbus recrudit. In regione Compostellana saeculo XI. erant duplicia monasteria (d), quin in exordio ordo Praemonstratenfis eadem habuit. Inde penitus extincta duplicia monasteria S. Brigitta recentavit, quae a quibusdam impugnata & accusata, ad Erici Suecorum regis & episcoporum ejus preces synodus Basileensis confirmavit.

In claustra monachorum vetitus mulieribus ingressus.

§. VIII. Porro ad castitatem custodiendam mulierum in claustra monachorum ingressum ecclesia semper vetuit, abbatesque, qui id permetterent, ad agendam poenitentiam in alienis monasteriis inclusit (e), aut eos excommunicavit (f). Et audiens Gregorius M. quod in quoddam monasterium passim mulieres adscenderent, & mona-

(a) *Gelas. epist. VII.* (b) *L. XLIV. C. de episc. & cleric.* (c) *Conc. VII. can. XX.* (d) *Paschalis II. ad Didacum Compostellae archiepisc. epist. X.*

(e) *Conc. Antissiodorense can. XXVI.* (f) *Conc. Turonens. II. can. XV.*

nachi sibi commatres facerent, graviter scripsit ad Valentinum abbatem, eique praecepit, ne deinceps eadem fieri permetteret, gravissimamque comminatur ultionem, si id denuo factum audiret (a). Nec tantum in claustra monasterii, sed & in ipsa monachorum oratoria, etiam orationis causa, mulieres ingredi vetabantur. Quieti & pudicitiae monachorum parum convenire visum fuit cum aliis, multo minus cum mulieribus orare. Saeculo decimo Adala nobilis femina & conjux comitis Arnulphi comitantibus episcopis & monachorum habita venia ad orandum ante altare S. Bertini pro recuperanda salute in monasterium intravit, *non sine tremore maximo, quoniam hoc illa prima facere praesumerat, quod ante reginarum nulla concupiscere vel audebat*, ut auctor de miraculis S. Bertini abbatis Sithivensis narrat (b). Sed inde in maxima clericorum corruptione saeculo circiter XI. coeperunt monachi sacramenta populis administrare, & in suis ecclesiis conventus publicos habere: exortisque deinceps mendicantibus, qui in adjutorium clericis accesserunt, eorum ecclesiae, quin & multae antiquorum monachorum omnibus, etiam feminis, patuerunt. Quo ipso parochi plerisque juribus ceciderunt, nec bene quieti & castitati consultum monachorum.

Monachorum cibus & potus.

§. IX. Jam vero obedientiae, paupertati & castitati accedunt continuae carnis macerationes & assidue praeces, ad quas natura sua adstringit.

(a) Gregor. M. Lib. III. epist. 40. (b) Ap. Mabillon. in actis Benedicti. saec. III. par. I.

git monachismus, haftenus ut *plangentis officium* monachi Hieronymo dicantur sustinere (a). Et quantum ad corporis macerationes monachi omnes carnibus abstinebant, olera & legumina comedentes. Et ex piscibus tantum minutis interdum utebantur, eosque pro summis delictis habebant. *Sit vilis & vespertinus cibus*, inquit Hieronymus (b), *olera & legumina*. *Interdum pisciculos pro summis ducas delictis*. *Qui Christum desiderat, & illo pane vescitur, non quaerit magnopere, de quam pretiosis cibus sterco conficiat*. Volatiles tamen minutos fere monachi comedebant, non vero pullos, phasianos & crassos turtures, ne potius mutasse, quam reliquisse ciborum delicias viderentur. Ea ratione videntur monachis minuti volatiles permitti, quod ex antiquis multi aves ejus generis ac pisces esse credebant, ex aqua nempe genitas, unde in multis locis etiam tempore quadragesimae avium usus non erat interdictus (c). Porro monachi non bibebant vinum (d), quod contrarium continuae poenitentiae reputabant, primusque ex monachis S. Benedictus propter cordis duritiam modicum vini usum permisit (e). Tantum infirmi & debiles monachi carnes manducabant, & vinum bibebant (f): quin in exedram transferebantur laxiorem, ubi & cibus delicatis & omni auxilio fovebantur. Sane de coenobitis Aegypti
ita

(a) Hieronym. *epist. LIII. ad Ripar.* (b) Hieron. *ep. XIII. ad Paullinum*. (c) Socrat. *lib. V. cap. 21.*

(d) Basil. *instit. monach.*, Isidor. *Pelusiota lib. I. ep. 385. ad Lyfimach.* (e) Reg. Bened. *cap. XL.*

(f) Pallad. *epist. II. ad Larsum.*

Ita Hieronymus testatur, *Si quis coeperit aegrotare, transfertur ad exedram latiore, & tanto senum ministerio confovetur, ut nec delicias urbium, nec matris quaerat affectum* (a). Saeculo nono multa Latina monasteria suum olus & legumen larido condiebant, quod inde facere perrexerunt (b). Et haec quidem omnia secundum regulas & receptos mores, nam tempore lapsae disciplinae & carnes & grandes pisces & omnia delicata obsonia monachis praesto fuerunt. Inter monachos primus S. Franciscus etiam carnis permisit: & exinde avita abstinentia in dies laxata est, adeo ut etiam Benedictini a regula desciverint. Et qui hodie inter monachos abstinent a carnibus, veluti Camaldulenses, Carthusiani alique in cibis esurialibus veteres non imitantur.

Monachorum jejunia.

§. X. Porro in ipsa cibi vilitate inter monachos frequentia jejunia esse debent. Inter monachos Aegyptios continua & aequalia erant jejunia usque ad horam nonam, hoc est tertiam pomeridianam; sabbato tamen, dominica, & quinquaginta diebus pentecostes aliisque diebus exceptis, quando frater aliquis ad eos invisendos veniebat; quod Hieronymus & Cassianus (c) tradunt. Ideo vero sabbatis, dominicis & quinquaginta diebus pentecostes jejunia relaxabant, *Instit. jur. can. T. II.* X x quod

(a) *Hieronym. epist. XXII. ad Eustoch. cap. 15.*

(b) *V. Lupum dissert. de S. Leonis noni actis calumnia IV. tom. 4. oper. E. V.* (c) *Hieronym. epist. XXII. ad Eustoch. cap. 15, Cassian. collat. II. cap. 25., & collat. XXI. cap. 11. & cap. 20.*

quod ii omnes apud Orientales festi erant dies, nefasque profecto erat in diebus festis, praesertim dominicis, & integra pentecoste jejunare, vel de geniculis adorare (a). Non aequalis autem fuit in jejuniis omnium monachorum disciplina, nam eorum aliqui jejunia prorogabant, quatuor aut quinque diebus continuis jejunantes quod tamen Hieronymo & Cassiano minus placebat (b); nam abstinentiam ita oportebat moderari, ut vires non deessent, & ne in medio cursu jejunantes corruerent. Sic enim oportebat monachos jejunare tamquam centum annis in corpore victuros, sic animi motus refrenare, & mundana contemnere tamquam quotidie morituros, quae erat Macarii celebris illius Aegyptii sententia (c). Quin antiquae regulae non aequalem omnibus jejunandi imponebant necessitatem sed prout erant corpore validi aut debiles jejunia poterant intendere aut relaxare. *Concede unicuique*, inquit regula Pachomiana (d), *ut comedat & bibat; & pro viribus comedentium eis quoque manda opera, quae proportionem convenient ac respondeant, & neque jejunare prohibe, nec comedere*. Recentiores omnes monachi suos etiam habent statos jejuniorum dies, quos passim regulae designant. Jejuniis accedunt cubile durius, abstinentia a linteis, vestis crassior, flagellationes, pedum nuditas ceteraeque macerationes, quae

(a) *Tertull. de coron. milit. cap. 3.* (b) *Hierony. epist. IV. ad Rusticum, Cassian. institut. lib. V. cap. 9.*

(c) *Ap. Cassian. institut. lib. V. cap. 41.* (d) *Ap. Pallad. hist. Lavisiac. cap. XXXVIII.*

quae longa serie in regulis & constitutionibus monasticis recensentur.

Preces monasticae.

§. XI. Jeuniis addere monachos oportet continuas & extraordinarias preces, quo omnia perfectioni respondeant: Monachi Aegyptii bis tantum in die ad preces conveniebant, hora nempe matutina & vespertina, exceptis sabbato & dominica, quibus etiam hora tertia propter communionem convenire consueverant (a): sed monachi Mesopotamiae & aliarum Orientalium regionum pluries in die simul statis horis precabantur, & praeterea suas habebant statas vigiliis seu congregationes nocturnas, quas integro libro Cassianus recenset (b). Quin nonnulli monachi constantem & perpetuum sine ulla intermissione sacrorum cursum observarunt, veluti infomnes (c), & Lexovienses a Columbano instituti, qui in diversas classes se diviserunt, ut continuis stationibus alii alios exciperent atque sublevarent. Et ne statae preces admonitionibus & institutis carerent, apud Aegyptios post orationem vespertinam pater sermonem habebat, cujus dicentis laus in fletu erat audientium (d). Extra statas & communes preces ne aliquod tempus sine Dei laude abire finerent, privatim lectioni & orationi incumbabant, quotidie aliquid legentes ex scripturis, opusque manuum cantando psalmos Davidicos, aut alias scripturae partes

XX 2

tes

(a) *Cassian. institut. lib. III. cap. 2.* (b) *De instit. renuntiant. lib. II.* (c) *Bingh. orig. eccles. lib. VII. cap. 2. §. 10.* (d) *Hieronym. ep. XXII. ad Eustoch. cap. 15.*

tes recitando condebant (a). Ad avertendas quoque superfluas & otiosas confabulationes etiam tempore mensae sacras adhibuerunt lectiones, quod institutum primum Cappadociae, inde ad alios monachos dimanavit (b). Nec monachi Occidentales fuerunt in orationibus remissiores. Mendicantes etiam servant canonicas ad precandum horas, quin varias precandi formulas aliaque opera supererogationis induxerunt, quae utinam ultra modum non extulissent, inde pendere salutem & iustitiam praedicantes. Privatae vero preces etiam ex propriis institutis non adeo apud eos continuae, quod sacros ministerio & studiis, quibus vacant, interrumpantur. Tanti autem apud Deum efficaciae praeces & bona omnia monachorum opera habita sunt, ut pium & salutare omnes ducerent, se in eorum recipi communionem. Unde postremis saeculis variae institutae confraternitates, quibus & monachi ipsi se mutuo & laicos etiam in fraternitatem & communionem acceperunt: eoque etiam tertius ordo S. Francisci & ordo de poenitentia S. Dominici spectant, quibus tertiarium ad bona opera & instituta Franciscanorum & Dominicanorum, quoad fieri potest, obligantur, & in partem bonorum operum totius ordinis veniunt.

CA-

(a) *Pallad. hist. Lausiac. cap. XXXIX. Confer. Bingham. loc. cit. cap. 3. §. 17.* (b) *Cassian. instit. lib. IV. cap. 17.*

CAPUT XL.

*De clericatu monachorum.**Instituta clericorum. & monachorum diversa.*

§. I. **V**ita clericalis & monachorum instituta, origine & natura sua tendunt ad diversa. Sane vita clericalis ad aliorum salutem procurandam unice intendit: & hinc clerici quamvis a mundi strepitu alieni, in frequentia civitatis vivere debent. Contra vita monastica unice in contemplatione & poenitentia consistit, & tantum de propria salute sollicita, aliorum non curat, nisi quatenus orationibus fufis monachi apud Deum pro aliis intercedunt. Unde vita monastica a frequentia civitatum abhorret, & tantum quiete & solitudine delectatur. Saepe veteres hanc utriusque vitae differentiam inculcant. Patres Chalcedonenses jubent, monachos quietem amplecti, & soli jejunio & orationi vacare, in quibus positi sunt monasteriis perseverantes, nec ecclesiasticis, nec saecularibus negotiis se ingerere, nisi quandoque a civitatis episcopo permittatur (a). In primis vero Hieronymus clericalis & monachalis instituti diversitatem aperit. *Monachus*, ita scribit ad Riparium (b), *non docentis, sed plangentis habet officium, qui vel se vel mundum luceat, & domini pavidus praestoletur adventum.* Et

(a) *Conc. Chalced. can. IV.* (b) *Hieronym. ep. LIII. ap. Grat. can. IV. C. 16. q. 1.*

Et ad Paulinum inculcat (a), ut si clericali vitae studeret, sedem sibi figeret in urbibus; at si monasticum meditaretur institutum, in solitudinem secederet: Si officium vis exercere presbyteri, vel episcopatus te vel opus, vel honos forte delectat, vive in urbibus & castellis, & aliorum salutem fac lucrum animae tuae. Sin autem cupis esse quod diceris, monachus, idest solus, quid facis in urbibus, quae utique non sunt solorum habitacula, sed multorum?

Monachi origine sua meri fuerunt laici.

§. II. Instituto igitur & origine sua monachi non clerici erant, sed meri laici, proprio vivendi genere tantum a reliquis christianis distincti. Et vero (I) antiqui canones monachos publicae subiiciunt poenitentiae (b), quam laici non clerici subibant: & (II) ubi pro eodem delicto diversa poena clericis & monachis imponitur, monachi excommunicantur, clerici vero deponuntur (c): quod diserte probat, monachos inter laicos fuisse. Nec minus (III) inde constat, monachos fuisse laicos, quod quando in sortem domini vocabantur, eos per omnes ecclesiae ordines ire oportebat (d). Num iterato eisdem ordines accipiebant? Porro (IV) Hieronymus aperte inter monachos & clericos distinguit, monachorumque sortem a laicis non facit di-

(a) *Epist. XIII. ad Paulin.* (b) *Leo M. epist. ad Rusticum Narbonens, cap. XII. Confer. Morinus de administ. poenit. lib. VI. cap. 13.* (c) *Conc. Chalced. can. II. & VIII., con. Trull. can. LXXXII.* (d) *Gelasius papa epist. IX. ad episc. Lucunias cap. 2.*

diversam. *Alia est*, inquit (a), *caussa monachorum, alia clericorum: clerici pascunt oves, ego (utpote monachus) pascor: illi de altari vivunt, mihi quasi infructuosae arbori securis ponitur ad radicem, si munus ad altare non defero. Erat quidem Hieronymus monachus simul & presbyter; at vero quoniam invitus fuerat ordinatus, ipso tempore ordinationis firmiter decrevit, manere in monachatu, nec presbyteri munus unquam exercere: unde constat, cur se inter monachos recenseat, & ab instituto suo ecclesiae praesidentiam faciat alienam. Quod si quandoque apud antiquos monachi a laicis distinguantur, id ea ratione factum est, quod vitae genus diversum ab aliis profitebantur, non quia in sortem domini erant cooptati. Et hoc sensu Leo M. monachos media inter clericos & laicos conditione proponit, quasi essent laicis perfectiores, clericis vero clericatu inferiores. Illud quoque, inquit (b), *dilectionem tuam convenit praecavere, ut praeter eos, qui sunt domini sacerdotes, nullus sibi jus docendi & praedicandi audeat vindicare, sive sit ille monachus, sive laicus.**

Monachi in monasteriis clerici creantur;

§. III. Verum enimvero quaecumque fuerit clericalis & monachalis vitae diversitas, fere inde usque ab initio monachatus praeter regulam coeperunt monachi augeri clericatu, idque ad sacra in usum monachorum celebranda. Coepit haec disciplina pro monasteriis in desertis constitui.

(a) *Hieronym. ep. I. ad Heliodor. ap. Grat. can. VI. C. 16. q. 1.* (b) *Leo M. ep. LX. ad Maxim. Antioch.*

stitutis, unde facile non erat monachos egredi, & ad ecclesiam paroecialem sacrorum causa convenire. Et certe monasteria Scithi sive Scythiae in Aegypti desertis monachos habebant presbyteros: etenim de eorum congregationibus tradit Cassianus, unam duos presbyteros monachos Pafnutium & Danielelem, & tres alias presbyteros quoque suos ipsis praesidentes, & divina mysteria celebrantes, habuisse (a). Inde vero ut primum in oppidis monasteria fuerunt aedificata, etiam presbyteros domesticos receperunt: equidem Eutyches haereticus monasterii sui Constantino- poli presbyter erat & archimandrita (b). Non tamen uniformis fuit haec omnium monasteriorum disciplina, nam Pachomiana etiam in desertis constituta nullum habebant presbyterum, sed e proximis vicis ad sacra facienda presbyteros evocabant (c), qui sacris impletis ad ecclesias revertebantur suas; & in monasteriis in locis habitatis vel non longe positis fere sacra mysteria non fiebant, sed monachi cum abbate ad ecclesias se conferebant parochiales, ubi cum reliquo populo, loco licet honestiori, sacros celebrabant conventus, quibus finitis ad sua praesepia revertebantur (d). Varia haec diu stedit disciplina etiam post concilium Chalcedonense, cujus decreto inter titulos sacrae ordinationis relata quidem fuerunt monasteria (e), ac ita mona-

(a) *Cassian. collat. III. cap. 1.*, & *Collat. X. cap. 2.*

(b) *Liberat. breviar. cap. XI.* (c) *Thomass. par. I. lib. 3. cap. 14. n. 5.* (d) *Athanas. apolog. pro fuga sua, Pallad. hist. Laus. cap. III. Morin. oper. cit. lib. II. cap. 17. n. 12.* (e) *Conc. Chalced. cap. VI.*

nachi & fere externi clerici ad titulum monasterii promoti stabiles evaserunt; non tamen omnia monasteria ex proprio sinu presbyteris fuerunt donata. Etenim ipsa Justiniani aetate adhuc erant monasteria, quorum monachi cum reliquo populo ad sacra paroeccialia conveniebant (a). Sed tandem in omnibus monasteriis monachorum aliqui clericatu aucti sunt, quam disciplinam in Occidente S. Benedictus promovit (b), & clerici externi monachis eorumque bonis graves fecerunt necessariam (c).

Sed exiguo numero, & eorum sacra privata.

§. IV. Interim in dando monachis in monasteriis clericatu tali oeconomia ecclesia processit, ut inde ecclesiastica disciplina fere nullam subiecit mutationem, idque duplici ratione; quod parce admodum monachi in domini sortem vocabantur, & quod eorum sacra privata potius, quam publica fuerunt. Et quidem ex ingenti monachorum numero pauci sacris ordinibus donati sunt, quot nempe sacro ministerio explicando sufficebant, & reliqui omnes in statu laicorum perseverabant. In una numerosissima monachorum congregatione una missa & sine apparatu in ecclesiis consueto celebrabantur, ad quam unus presbyter cum exiguo clericorum apparatu satis erat. Quatuor monachorum congregationes, quae erant in Scithi desertis, unum singulae videntur habuisse presbyterum (d): & li-

Inst. jur. can. T. II.

Y y

cet

(a) *Novell. CXXXIII. cap. 2.* (b) *Reg. Bened. cap. LXVI.* (c) *Gregor M. lib. VI. ep. 49.* (d) *Cassian. collat. III. cap. 1. & collat. X. cap. 2.*

cet ea, cui praeerat Pafnutius duos haberet; id tamen propterea factum est, quod Pafnutius sibi vivus Danielem elegerit successorem (a). Major clericorum numerus, quem saeculo sexto habere poterant Orientalia monasteria, quatuor aut quinque non excedebat (b). Nec ab Orientalibus institutis descriverant monachi Occidentales, quorum monasteria exiguo donata erant clericorum apparatu. Regula enim Benedictinarum demum permittit abbati monachum presbyteratu vel diaconatu initiandum episcopo offerre, quum exigeret sacrorum in monasterio celebrandorum necessitas. Quicumquae vero esset numerus monachorum, qui clericatu, erant initiati, certe in monasteriis sacrorum celebratio privata erat, & ita ceteris omnibus exclusis, monachos tantum admittebat. Fidelis populus ad ecclesiam paroecialem, quae eum in Christo genuerat, debebat convenire. Et publicae missae in monasteriis fervorum Dei quietem turbare videbantur (c), & facile poterant monachi, ad quos litterae formatae non dirigebantur, impiorum se polluere communione, si ad sacra in monasteriis celebrari solita reliquos fideles admitterent, quod Morinus observat (d). Unde in monasteriis, quae locis habitatis erant propiora, tempore celebrationis missarum portae clauderantur, & monachi, nisi gravissima urgente necessitate, sacramenta populo non administrant.

Mo-

(a) *Cassian. collat. IV. cap. 1.* (b) *Novel. CXXXIII. cap. 2.* (c) *Gregor. M. lib. IV. ep 43.* (d) *Morin. de administ. poenit. lib. II. cap. 17. §. 12.*

Monachorum oratoria, non ecclesiae.

§. V. Quae quum ita sint, statuta loca in monasteriis ad sacra facienda deputata non ecclesiae proprie sic dictae fuerunt, sed privata oratoria, quae *capellae* dicebantur, cujusmodi fere etiam erant tempore Gregorii IX., quod titulus decretalium *de capellis monachorum* demonstrat. Generatim in antiquis monumentis ecclesiae oratoria, quod essent loca ad orandum destinata, dicuntur (a); at saepe oratoria in stricta significatione accipiuntur, denotantque privata sacella in familiarum privatum usum constituta. Et hoc sensu privata erant monachorum oratoria, quasi quae usui tantum monachorum inservirent. Id tamen prae ceteris privatis sacellis videntur habuisse monachorum oratoria, quod in istis etiam in praecipuis festivitatibus missae celebrarentur, ne monachis egrediendi foras necessitas immineret, in illis vero recurrentibus praecipuis anni festis missae erant interdictae (b), & privatae familiae una cum reliquo populo ad ecclesiam paroecialem conveniebant. Itaque per plura saecula capellae monachorum in ipso clauistro erant extructae, eaque fere amplitudine & simplicitate fuerunt, ut tantum monachos caperent, & eorum humilitati convenirent.

Monachi in monasteriis magno numero sacerdotes.

§. VI. Verum lapsu temporis disciplina, quae tam angustis limitibus monachis in monasteriis dabat clericatum, mutata est, sensimque eo de-

* Y y 2

ven-

(a) *Bingh. Orig. eccl. lib. VIII. cap. 1. §. 4.* (b) *Conc. Agath. can. XXI.*

ventum, ut monachi pro maxima parte augerentur sacerdotiq, & in suis ecclesiis publicas missas haberent, & sacramenta administrarent. Saeculo circiter XI & deinceps in magna clericorum corruptione Cluniacenses & Cistercienses, quorum tum creverat fama sanctitatis, magno numero coeperunt clericatu initiari, quo cleri vices in praedicando & administrandis sacramentis supplerent. Minus absurdum tum videri poterat, monachos magno numero in domini fortem cooptari, quando clerici sub nomine canonicorum monachatum aliquatenus admiserant. Inde mendicantes a sua pene institutione pro maxima parte ad sacerdotium promoti sunt. Quum enim ad salutem animarum procurandam parochis accesserint adiutorio, ipsa institutio eos ad clericatum evocavit, praesertim quando inter media vivendi eleemosynas ex missarum celebratione retulerint. Sed tandem saeculo XIV. Clemens V. rem omnem perfecit; privatis missis tum multiplicatis ad divini cultus ampliacionem edixit, ut *monachi quilibet ad monitionem abbatis sacris ordinibus initiarentur* (a). Quae constitutio sententia generalis, monachos praesertim spectavit abbatales; qui divitiis aucti officia clericatus respuebant, quod locum non habebat in mendicantibus. Sacris ordinibus & divinorum officiorum celebratione adversus otium, quod, jampridem manuali opere abjecto, occupabat monasteria, monachos munire videtur pontifex voluisse, quod Christianus Lupus observat (b).

Mo-

(a) *Clement. I. §. 8. de statu monach.* (b) *Lupus schol. in can. VI. Chalced.*

Monachi mysteriorum Dei dispensatores.

§. VII Inter regulares sacerdotium propagatum sacris canonibus spiritu Dei conditis hactenus statutam & receptam disciplinam fere omnem immutavit. Inde episcoporum & parochorum imminuta jura, & monachi in mysteriorum Dei dispensatores abierunt. Post saeculum sextum, pauca exstant exempla sacrorum, quae monachi in usum populi in monasteriis celebrarunt; at saeculo undecimo, & deinceps a munere pastoralis fere cessantibus clericis, Cluniacenses & Cistercienses passim sacramenta administrarunt, & praedicationes ad populum habuerunt, cujus rei illustre exemplum B. Bernardus suppeditat. Totus ad hanc disciplinam adstruendam fuit Gratianus, qui in rhapsodiam suam sub nomine Ambrosii, Innocentii papae, Gregorii M. & Bonifacii IV. papae multa retulit fragmenta (a), quibus probaret cum monachatu non pugnare mysteriorum Dei publicam administrationem (b). Sed fragmenta ista sunt supposititia, adeo manifeste venerandam non sapiunt antiquitatem (c), quae monachos in suis capellis sacramenta populis administrare non permittebat. Interim, passim recepto Gratiani decreto in administratione sacramentorum monachi confirmati sunt: quam novam disciplinam inde magis promoverunt mendicantes, qui ad sacramenta administranda & praedicationes habendas prosilierunt, quod clericis accessissent adjutorio. Unde fere omnium

mo-

(a) *Can. XXI. seqq. C. 16. q. 1.* (b) *Gratian: ad calc. can. XXV. loc. cit.* (c) *V. Espen. comment. in Grat. caus. XVI.*

monachorum & regularium apertae ecclesiae, missae publicae in iis celebratae, administrata a monachis sacramenta poenitentiae & eucharistiae, excepta paschali communione, frequentes a monachis institutae praedicationes, quibus etiam fideles ad se trahebant, novae orandi formulae profusae, & privatorum conscientiae a regularibus passim directae, haecenus ut nullus salvari crederet, nisi mendicantium consiliis regeretur. Ipsa etiam monachorum oratoria in amplissimas abjerunt ecclesias, & rejecto *capellarum* nomine *ecclesiae conventuales* dictae sunt. In tanta vero jurium confusione adhuc tamen manent ecclesiae parochiales a conventualibus distinctae, quod monachi non habent peculiarem sibi additum populum, sed apud eos collectitius conventus instituitur ea tamen frequentia, ut longe superet conventus parochiales. Nescio enim quo pio animi motu ferantur fideles, ut potius monastica sacra, quam paroecialia frequentent.

Ratione sacrorum lites inter clericos & monachos.

§. VIII. Interim haec per monachos & praesertim per mendicantes sacrorum in populis administratio illud habebat incommodi, quod adscititii isti pastores ab episcopis & parochis non penderent, & ita qui accesserant adjutorio, in primarios abjerant pastores. Saeculis undecimo & sequentibus functiones sacras obibant quidem Cluniacenses & Cistercienses; at ab episcopis in omnibus pendebant, quod ex concilio Patavienfi constat (a). At inde mendicantes pontificia au-

cto-

(a) Conc. Patav. an. CI^oLXXXVIII. can. V. & VI.

toritate per universum Occidentem coeperunt confessiones audire, praedicationes habere & reliqua sacra celebrare. Primus Gregorius IX. mendicantes pontificia ad confessiones audiendas instruxit auctoritate, quod *inauditum privilegium hoc etiam ipsis temporibus novum* Matthaeus Parisiensis appellavit (a), & inde sequentes pontifices pro praedicationibus & reliquis sacris consimilia concesserunt privilegia, quae ab una monachorum domo ad omnes, & ab uno ordine, ad reliquos extensa sunt. Celeberrimum est horum privilegiorum promptuarium bulla Sixti IV. an. CCCCCLXXIV. fratribus minoribus, unde ipso exortus erat, data, quam *mare magnum* dicunt, inde a Leone X. ad omnes mendicantes producta. Itaque commoti fere omnes episcopi & parochi, sexcentae passim lites excitatae, factique episcopi & mendicantes potius de propriis iuribus & privilegiis, quam de animarum cura solliciti. Ad exortas lites praecidendas plures pontifices, in primis Bonifacius VIII. (b), Clemens V. (c), Sixtus IV. (d) alique varias ediderunt constitutiones, quibus tamen auxerunt potius quam praeciderunt lites, adeo nempe aperte faverunt mendicantibus, ut mittam quod Benedictus XI. & Alexander V. ex ordinibus mendicantium ad Petri sedem assumpti mendicantes in suis privilegiis confirmarunt (e). Ex hac
men-

(a) *Matt. Parisiens. ad CCCCXLVI.* (b) *Extr. super cathedram de sepult. inter comm.* (c) *Clement. dudum de sepult.* (d) *Extravag. viges de tregua & pace inter comm.* (e) *Extravag. inter cunctas de privileg. int. comm. Bulla regnans in excelsis.*

mendicantium a pontificibus missione turbata ecclesiastica hierarchia & nervus poenitentiae relaxatus. Inde etiam emanarunt mores, ut parochiani parochis non confiterentur, benignius enim prae parochis mendicantes excipiebant poenitentes, & inde etiam parum frequentatae ecclesiae parochiales. Abusus usque ad comitia Tridentina in statu suo perseverarunt, ubi plures episcopi, in primis Brachius Martellus, in mendicantium privilegia indoluerunt, eaque omnia abolita magno rationum pondere contendebant. Synodus autem decrevit, regulares nec confessiones fidelium audire, nec in suis ecclesiis posse praedicare, nisi ex episcoporum auctoritate & approbatione (a). Quae decreta majora emendarunt mala, at non per omnia ecclesiasticam restaurarunt disciplinam, quae vult, ut propriis pastoribus greges adhaereant.

Monachi in clericos & conversos distincti.

§. IX. Jam vero moribus jampridem receptis monachi alii sunt *clerici*, alii *laici*, quos fratres *conversos* dicunt, quam divisionem propagatus inter monachos clericatus confirmavit. Monachi clerici ad officia chori & sacrum ministerium sunt addicti: laici vero ad opera manualia destinantur. Similis distinctio etiam est inter moniales, quarum aliae *choristae*, aliae *conversae*. Per plura saecula monachorum omnium fors aequalis. Omnes ad opus manuum tenebantur, omnesque etiam ad officia chori conveniebant, & canonicas horas recitabant. Et
quam

(a) *Trid. sess. XXIII. de ref. cap. 15., & sess. XXIV. de ref. cap. 4.*

quamvis in antiquis monumentis fratrum *conversorum* mentio occurrat, eo tamen nomine veniebant, qui aetate matura sponte sua eligebant monachatum, idque ad differentiam oblatorum, quos *nutritos* appellabant (a). Monachi vallis Umbrosae in Tuscia primi sensu hodierno conversos adscivisse videntur, quos inde Carthusiani & Cistercienses secuti sunt. Originem distinctionis a vulgari linguae Latinae usu desueto Fleuryus repetit (b). Quum enim divina officia Latina lingua celebrarentur, nec omnes monachi Latinae scirent, factum est, ut plures monachi ad horas canonicas non sufficerent, quibus ad opera manualia ablegatis, tantum Latinae scientes chorum retinuerunt. Accessit etiam quod multi ad praestanda certa servitia se obtulerunt monasteriis, ea solum gloria contenti, quod Dei servis ministrarent, qui res monasterii curantes liberiores monachos in contemplatione fecerunt. Et ita inter monachos choristas desuit labor manualis. Interim ratione status & privilegiorum omnes monachi clerici censentur: quin durante probatione etiam novitii monasticis fruuntur privilegiis (c).

Pontificalia insignia abbatibus communicata.

§. X. Verum enimvero simplici sacerdotio abbates non contenti, ad pontificalem adspirarunt dignitatem, quam re ipsa privilegiis pontificum obtinuerunt. Vile abbatibus visum dignitate & ornamentis episcopis cedere, quando opibus non

Z z

ce-

(a) Cangius v. *conversi*. (b) *Fleury hist. eccles. lib. XXXVI. n. 58.* (c) *Carolus de Grassis de effect. clericat. in praelud. n. 253.*

cedebant, & ab eorum jurisdictione exempti, soli pontifici Romano parebant. Ergo saeculis decimo & sequentibus ambire & privilegiis pontificum obtinere pontificalia coeperunt ornamenta, nempe mitram, baculum, chirothecas, dalmaticam, sandalia, & si quae sunt hujus generis alia. Tanta autem ambitione ad insignia pontificalia abbates ferebantur, ut ingenti auri pondere ea plures redimerent, quod B. Bernardus deplorat (a). Interim certissimum est, pontificalia ornamenta a monachis esse aliena, & ambitionem & arrogantiam sapere. Et vero nil magis alienum a solitudine & subjectione, quam monachi secundum canones episcopis debent, quam in externo apparatu episcopos imitari. Sane, de ornamentis, quae pretio abbates redimebant, inquit B. Bernardus (b), *si attenditur rerum dignitas, hanc monachi abhorret professio; si ministerium, solis liquet congruere pontificibus; profecto esse desiderant, quod videri gestiunt, meritoque nequeunt esse subiecti, quibus jam ipso se comparant desiderio*. Et Petrus Blesensis; *De benedictione gaudeo, sed insignia episcopalis eminentiae in abbate nec approbo, nec attento: mitra enim & annulus atque sandalia in alio, quam in episcopo quaedam superba elatio est, & praesumptuosae ostentatio libertatis* (c). Unde multi abbates spiritu monachatus ducti pontificalem habitum respuerunt, praesertim initio saeculi XIII. abbates Praemonstratenses, quos Innocentius III. lau-

(a) B. Bernard. ep. XLIII. ad archiepisc. Senonens.

(b) B. Bernard. loc. cit. (c) Petrus Blesensis epist. XC.

landavit, inculcavitque ut ecclesiae laxioris ordinis modestiam Praemonstratensium imitarentur (a). Sed lapsu temporis humilitatis suae abbates fere omnes obliti vestes pontificales receperunt, quod saeculo XV. & sequenti praefertim factum est. In tanta abbatum ambitione laudandi tamen sunt mendicantes, qui pontificia ornamenta respuerunt. Non tamen omnes abbates in usu vestium pontificalium sunt aequales, sed iis utuntur, prout privilegiis continentur.

Jura pontificalia abbatibus data.

§. XI. Pontificalem in habitu apparatus pontificalia jura consecuta sunt. Vanitatem forsitan sapere videbantur abbatibus ornamenta pontificalia juribus episcopalibus omnino destituta. Et ita episcopalia quaedam jura, quae ab ordine episcopali non dimanant, variis pontificum privilegiis abbates impetrarunt. Quin eorum aliqui in praelatos cum ordinaria & quasi episcopali in clerum & populum jurisdictione cum territorio separato abierunt, qui proinde veri sunt *ordinarii locorum*, & abbates nullius dioecesis appellantur (b). Interim non secus ac in vestibus pontificalibus, ita etiam in juribus episcopalibus tantum possunt abbates, qui separatim non habent territorium, quantum continent privilegia, nisi posterioribus canonibus contrarium decretum sit. Quae enim competunt non ex vi officii, sed ex privilegiis, eatenus competunt, quatenus sonant verba privilegiorum. Et ita

Z z 2

non

(a) *Innocent. III. lib. I. ep. 197.* (b) *Fagnan. ad cap. cum contingat ex. de foro compet.*

non omnes abbates iisdem juribus fruuntur. Pontificalia autem jura abbatibus communicata haec fere sunt. In primis (I) vasa ad usum eucharisticum & altaria consecrant (a), & nonnulli etiam sui ordinis ecclesias. Porro (II) sollemniter populo benedicunt, quam potestatem tantum in ecclesiis, quas monachi *pleno jure* possident, possunt exercere, alibi vero ex speciali privilegio (b), nisi episcopus praesens sit, nam episcopo praesente abbas omnino non benedicit (c). Illae autem ecclesiae ad monachos *pleno jure* pertinent, quas in spiritualibus & temporalibus administrant. In conciliis (III) quoque post episcopos sedent, ita tamen ut distincta mitra in confesso utantur, quo signo aliquo diversi ab episcopis appareant (d).

Abbates conferunt ordines minores.

§. XII. Praecipuum (IV) autem inter pontificalia jura abbatibus concessa reputatur collatio primae tonsurae & ordinum minorum, quae ex praesenti disciplina abbatibus sollemni benedictione consecratis potius ipso jure, quam ex privilegio competit. Et olim quidem abbatum ignota consecratione quilibet abbas presbyteratu initiatus in proprio monasterio lectores ordinabat, quod ex canone Graeco XIV. concilii Nicaeni II. satis superque constat. At temporis lapsu invaluit, ut tum demum abbates primam tonsuram & minores ordines conferre possent, quum

(a) *Tambur. de jure abbat. tom. I. disp. 23. quae. 2. & 4.* (b) *Cap. III. de privileg. in 6.* (c) *Tambur. loc. cit. disp. 21. quae. 9.* (d) *Cap. VI. de privileg. in 6.*

quum praeter praesbyteratum sollemniter essent in abbates benedicti. Nempe saeculo XII. Inducta jam abbatum sollemni consecratione, Gratianus mox citatum Nicaenum canonem ita interpolatum retulit, *Lectoris autem manus impositionem licentia est abbati solummodo in proprio monasterio faciendi, si dumtaxat eidem abbati manus impositio facta noscatur ab episcopo, secundum morem praeficiendorum abbatum, dum constat illum esse presbyterum* (a). Verba secundum morem praeficiendorum abbatum absunt a Graeco textu (b), eaque addita sunt convenienter receptae de abbatibus consecrandis disciplinae. Gratiano inde Innocentius III. adhaesit, qui prout apud illum exstabat Nicaenum canonem referens, interpolatam firmavit lectionem: quae una cum Innocentii rescripto transit in decretales (c). Et ita conclusum, de jure tantum abbates presbyteros & benedictos posse primam tonsuram conferre, & minores clericos creare, non consecratos vero expresso indigere privilegio. *In proprio tantum monasterio*, hoc est sibi subditos monachos ex canone Nicaeno abbates lectoratu initiabant: at inde ad augenda propria jura solliciti, privilegia obtinuerunt, ut eo jure in sibi ordinario jure subditos, & aliqui etiam in omnes uterentur (d). Quae potestatis extensio ecclesiasticam turbavit disciplinam. Unde Tridentini patres antiquos canones renovantes, statuerunt, ut abbates sibi

tan-

(a) *Can. I. D. 69.* (b) *V. Rom. correct. not. in cit. can.* (c) *Cap. XI. ex. de aetat. & qualit. ordin.*
 (d) *Cap. III. ex. de privileg. in 6.*

tantum subditis regularibus primam tonsuram & minores ordines conferrent (a): quod jus adeo stricte accipitur, ut neque ex dimissione proprii superioris possint abbates alienos subditos sive regulares sive saeculares attondere, & minores clericos creare (b).

Extra monasteria monachi promoti ad clericatum.

§. XII. Quamvis autem antiqua ecclesiae non patiebatur disciplina, monachos magno numero in suis monasteriis clericatu initiari; semper tamen & sacris canonibus & legibus civilibus permixtum, immo inculcatum, e monachis clericos eligere, qui monasteriis extracti ecclesiis deservirent: *Monachos quoque*, inquit Siricius papa (c), *quos tamen morum gravitas, ac fidei institutio sancta commendat, clericorum officiis aggregari & optamus & volumus*. Et lege quadam Arcadii imperatoris jubetur episcopis, ut si forte clericos sibi deesse arbitrentur, eos ex monachorum numero rectius assumant (d). Similiter Justinianus constituit, ut episcopus vel ex clero, vel ex monasterio ordinetur (e). Erant nempe monasteria scholae pietatis & doctrinae, ac proinde aptissima clericorum seminaria. Primus, qui monachos monasteriis extractos episcopos & clericos creavit, M. Athanasius fuisse videtur, qui eos ad muniendam contra Arianos catholicam fidem judicavit aptiores. Et inde
in

—(a) *Trid. sess. XXIII. de ref. cap. 10.* (b) *Sacra congregatio ap. Fagnan. ad cap. aqua ex. de consec. eccles. n. 19.* (c) *Epist. I. cap. 13.* (d) *L. XXXII. C. Th. de episcop.* (e) *Novel. VI.*

in utraque ecclesia de promovendis ad clericatum monachis recepta disciplina. Certe celebriores antiquitatis episcopi ex monachis fuerunt assumpti, quales M. Basilus, Jo: Chrysostomus, Martinus Turonensis aliique. Tanta vero celebritate floruit S. Martini in Gallia monasterium, ut inde certatim ecclesiae habere episcopos desiderarent, quod Sulpitius Severus testatur (a). Non tamen omnes indiscriminatim etiam boni monachi apti ad clericatum censebantur, sed tantum ii, qui vitae sanctitate & doctrina spiritum solitudinis & rusticitatis emollierant. Notum est illud Augustini (b); *Aliquando bonus monachus, vix bonum clericum facit, si adsit sufficiens continentia, & desit tamen instructio necessaria, aut personae regularis integritas*. Interim quodcumque de monachis ad ecclesiae utilitatem episcopi statuebant, monachorum erat & vero etiam est, ecclesiasticas dignitates non desiderare, sed tantum injectam onus humiliter suscipere, quod M. Basilus & Augustinus inculcant (c). Sententia erat antiquorum monachorum, *Omnimodo monachum fugere debere mulieres & episcopos: neuter enim finit eum, quem semel familiaritati suae devinxerit* (d). Pro jure suo olim episcopi sibi deficientes clericos ex monachis ordinabant, tantumque nonnulli canones consensum abbatis requirunt (e). Sed inde jure decretalium vetitum

(a) Sulpit. Sever. vit. S. Martini. (b) Can. XXXVI. C. 16. q. 1. (c) Basil instit. monast. cap. IX., can. XXX. C. 16. q. 1., (d) Apud Cassianum de institut. renunt. lib. XI, cap. 17. (e) Can. XXXIV. C. 16. q. 1.

tum sine pontificis indulgentia monachos in canonicos assumi, aut aliis beneficiis non curatis donari (a): & ex novissima disciplina ex Gregorio XIII. inducta nec ad regimen paroeciarum, nisi auctore pontifice, possunt admoveri (b).

An monachi assumti ad clericatum solvantur monachismo?

§. XIII. Promoti autem ad clericatum extra monasterium monachi solvebantur monachismo, qui cum clericalibus functionibus consistere non poterat. *Nemo potest*, inquit Gregorius M. (c), *& ecclesiasticis obsequiis deservire, & in monastica regula ordinate persistere*. Et male profecto Gratianus (d) relata verba de iis accepit, qui aetate sua in cardinales & episcopos ordinati monasterii sui sibi reservabant administrationem, quando pontifex id spectavit unum, non posse monachos simul monasticis & clericalibus functionibus in ecclesiis desungi (e). Unde ad hierarchicas functiones assumti monachi, nullum amplius de monasterio commodum participabant, & bonis ecclesiasticis, non secus ac reliqui clerici, vivebant. Interim tamen ne primitus facta professio prorsus irrita fieret, ad ecclesiae ministerium monachi promoti officia omnia monastica, quae cum clericatu non pugnant, servare debebant. Sane edixit M. Athanasius, ut monachi

(a) *Cap. IX. ex. de regul. Confer. Fagnan. ad cap. quod Dei timorem ex. de statu monachor. n. 18.*

(b) *Fagnan. loc. cit. n. 16.* (c) *Can. II. C. 16. q. 1.* (d) *Ad can. XXXVI loc. cit.* (e) *Confer. notas ad lib. III. ep. 2. Greg. M.*

chi ad clericatum eveſti a *priore propoſito* non recedant, quem canonem Innocentius I laudat (a). Unde olim monachi in clericatu vino & carnibus abſtinuerunt (b): & Juſtinianus non permittit, ut monachus lector creatus nuptias contrahat (c), quas tamen ceteri lectores contrahabant. Ipſam quoque veſtem angelicam Orientales monachi in epiſcopatu retinuerunt (d). Atque ex huiusmodi vivendi ratione Graeci clericos ex monachis ad miniſterium eccleſiarum, aſſumptos *ἱερομόναχους* appellant: quo eodem nomine etiam donant monachos in ipſis monaſteriis auctos clericatu. Sed in occidente initio minus placuerunt epiſcopi monaſticis induti veſtibus, ac ita in clericatu monachi veſtes induerunt clericales: quae diſciplina octavo ſaeculo ſtabat (e). Inde mutati ſunt mores, & ad miniſterium eccleſiarum promoti monachi veſtes monaſticas retinuerunt. Peſſimis clericorum moribus ſaeculis decimo & ſequenti offenſi monachi etiam ad clericatum aſſumpti videntur voluiſſe retinere monachatum, ne malos clericorum mores induiſſe, viderentur. Et hinc cavit ſub Alexandro III. concilium Lateranenſe (f), ne monachi ſinguli per villas & oppida per quaſcumque parochiales ponantur eccleſias, ſed in majori conventu, aut cum aliquibus fratribus mancant, nec ſoli inter

A a a

ſae-

(a) *Innoc. ep. ad Viſtric. Rothomag. cap. X.*

(b) *V. Lupum diſſ. de S. Leonis IX. actis calumn. IV. tom. 4. oper. edit. Venetae.* (c) *Novel. V. cap. 8.*

(d) *Conc. VIII. can. XXVII.* (e) *Zachar. papa ep. IX. cap. 1.* (f) *Cap. II. ex. de ſtatu monach.*

saeculares homines spiritualium hostium conflictum expectent. Et Innocentius III. in concilio generali statuit, ut pontifices ex monachis assumti habitum ferrent monachalem, cui eidem decreto subjecti fuerunt mendicantes. Tandem vero generalem Clemens VIII. edidit constitutionem, ut omnes monachi & fratres ad episcopatum, eVecti sui ordinis habitum gesserent, aut certe colorem.

Clerici assumunt monastica instituta.

§. XIV. Et haecenus de monachis, qui monachismo addiderunt clericatum, dicendum nunc de clericis, qui instituta monachorum superinduerunt, quatenus tamen functiones patiebantur clericales. Scilicet si excipias solitudinem & rigidam claustrum disciplinam, monasticae vitae sanctimonia clericali instituto non repugnat: quin potius efficit, ut clerici moratius vivant, & in urbe existentes, usu urbis quodammodo careant. In Occidente Eusebius Vercellensis primus fuit, qui clericis suis monachatum iniecit, una clericalia & monastica coniungens instituta. Haec primus, inquit Ambrosius (a), in Occidentalibus partibus diversa inter se Eusebius sanctae memoriae conjunxit, ut & in civitate positus instituta monachorum teneret, & ecclesiam regeret jejunii sobrietate. Etiam Augustinus similem vivendi rationem inter clericos Hipponenses introduxit; sub ipso enim clerici nihil proprii habebant, & una domo & una mensa sumtibusque communibus alebantur, & vestiebantur; non tamen integras admiserant monasticas asperitates, quem-

(a) Ep. LXXXII.

quemadmodum clerici Vercellenſes (a). Sequen-
tia ſaecula plura monaſteria clericorum exhibent,
in quibus ſtrictius aut laxius vignerunt mona-
chorum inſtituta: quo ſpectant clerici ab Au-
guſtino monacho in Anglia inſtituti, canonici
ſub Chrodogango, & inde canonici regulares,
qui omnem ejurarunt proprietatem. Interim in
coenobiis degentes clerici inſtituta monaſtica ea-
tenus profitebantur, quatenus miniſteria eccle-
ſiaſtica permittebant. Unde rigida clauſtri non
tenebantur diſciplina, nec manuali labore,
quemadmodum monachi, erant occupati. Pau-
cis. Docentis & plangentis, quatenus ſtare po-
terant, officia conjungebant.

CAPUT XLI.

*De ſtatu monachorum.**Notio ſtatus monachorum.*

§. I. **N**omine ſtatus monachorum intelli-
gimus univerſum regiminis mona-
ſtici complexum, quo ſingulae familiae cohae-
rent, ſubſiſtunt & gubernantur. Ita ſonat ſta-
tus monachorum in titulo decretalium *de ſtatu*
monachorum & canonicorum regularium (b). E-
tiam in jure civili ſtatus rei Romanae univer-
ſam regiminis politici denotat compagem. Coe-
pit ſtatus monachorum ab eo tempore, quo in
ſocietatem coaluerunt. Etenim vita communis

Aaa 2

fic

(a) *Thomas. par. I. lib. 3. cap. 3. ſeq.* (b) *Boëh-
mer, I. E. lib. III, tit. 35.*

sic est comparata, ut sine certo regimine non subsistat. Est autem status monachorum internus, vel externus. Internus intra sodalitia monastica sese exserit, spectatque internam monasteriorum gubernationem & compagem, qua singulae familiae inter se cohaerent. Externus vero sese exserit extra monasteria, spectatque episcoporum & principum in monachos potestatem. Itaque jura quibus status monasticus coalescit & regitur, veluti Jus publicum monachorum constituunt. In utraque parte status monachalis nova a veteri distat disciplina: quin multa & varia sunt singulorum ordinum instituta. Potiora ergo seligemus, quae potius ipsam status monastici compagem, quam singulorum ordinum mores repraesentent; exacta enim regiminis monastici explicatio longioris esset operis, ultra institutionum fines excurrentis.

Abbates praesunt monasteriis.

§. II. Jam singula monasteria proprium habent superiorem, qui monachos regit, & monasticae disciplinae & temporalium ad monasterium spectantium curam & sollicitudinem habet. Monasteriis praepositos antiqui apto vocabulo appellaverunt *abbates*, patres nempe monachorum, ut in ipso nomine intelligerent, regimen monasticum caritatis potius esse, quam potestatis. Et sane in monachorum regimine sic abbas procedere debet, ut *miscens terroribus blandimenta, durum magistri, pium patris ostendat affectum*, ut habet regula Benedictina (a). Saepe etiam apud antiquos monasteriorum superiores audiuntur
ma-

(a) *Reg. Bened. cap. II.*

maiores, priores, praelati, praesules, quae omnia vocabula praesidentiam inter monachos denotant. Propter eandem rationem, monialibus praefectas dixerunt *abbatissas*, quasi matres spirituales. Sed plerique monachorum ordines post saeculum decimum & praesertim mendicantes *abbatis, praesulis, praelati & abbatissae*, nominibus abstinnerunt, appellantque cujusque monasterii praepositos *priores, custodes* seu *guardianos, rectores, correctores*. Apud Benedictinos ab antiqua humilitate desciverant abbates, & non exiguum non minus in ecclesia, quam in republica propter pontificalia & feuda dignitatem obtinebant. Et ita *abbatis* nomen natura sua modestissimum, non amplius monasticam sapiebat humilitatem. Unde sanctissimi novorum ordinum fundatores *abbatis* nomen, veluti parum humilitati monasticae conveniens, respuerunt, & humilibus titulis rei monasticae moderatores voluerunt appellatos (a).

Praepositus & decani *eorumque officia*.

§. III. Praeter abbatem seu rectorem habent singula monasteria alios officiales, qui sub principe rectore disciplinae monasticae praesunt, vel temporalia procurant. In tanta monachorum multitudine & temporalium copia vix unus superior regimini monastico sufficebat, & ita ei varii dati fuerunt administri. Ut ecce *praepositus*, sive *prior*, specialibus vocibus nuncupatus, post abbatem in monasteriis disciplinae monasticae praest. Quum vero multa sint monasteria, in quibus princeps superior non *abbas*, sed *pri-*

(a) *Espen. par. I. tit. 31. cap. 1.*

prior vocatur, in iis inter priorem conventualem, & priorem claustralem distinctum est, quorum illi totius rei summa incumbit, hic vero sub eo claustrum curam habet, & idem ipse est, quem alia monasteria per abbates administrata *ἀρχὴ* priorem appellant. Sed usu hodierno fere superior vel vicarius dicitur, qui praestit sub priore conventuali, prior vero claustralis, qui agit sub abbate regulari. Minus placuerunt S. Benedicto praepositi, qui adversus abbates ferociebant in iis praesertim locis, ubi ab eodem episcopo vel abbate praepositi & abbates creabantur. Unde voluit, ut a creando praeposito abbas superederet, & per decanos ejus loco substitutos monachos regeret: & si omnino necesse esset ordinari praepositum, cum piissimorum fratrum consilio eum sibi constituat (a). Erant decani decem monachis praepositi, & ita si magna esset congregatio per plures decanos regebatur. Usus decanorum ab Orientalibus profluxit monasteriis, ubi decani suas regebant decanias, statis dierum laboribus invigilabant, & pensum, quod cuique datum erat, exigebant. Interim nihil obstante S. Benedicti consilio, in pluribus monasteriis perseverarunt praepositi, ubi sub abbate claustrum rexerunt disciplinam, eisque tantum mortuo, absente vel remoto priore conventuali universa competit monasterii jurisdictio (b).

Oeconomus ejusque officium.

§. IV. Porro in plerisque monasteriis est oeconomus, seu cellerarius, ut appellat regula Benedi-

(a) Reg. Bened. cap. LXV. (b) Tambur. de jure abbat. tom. II. disp. 1. quaest. 4. n. 4.

dictina, qui etiam sub abbate temporalia monasterii procurat. Unde in moltis Orientalibus monasteriis oeconomus praeerat decanis, a quibus exactos monachorum labores recipiebat, in usum societatis erogaturus. *Opus diei statum est*, inquit Hieronymus (a), *quod decano redditum, fertur ad oeconomum, qui & ipse per singulos menses patri omnium cum magno tremore reddit rationem*. In aliis vero monasteriis ipsi decani temporalia procurabant, quorum uni abbati reddebant rationem, quod Augustinus testatur (b). Apud Benedictinos summa fuit cellerarii potestas: etenim praeter curam temporalium, ei infirmorum, infantium, hospitum, pauperum incumbere sollicitudo, & hinc omni congregationi erat sicut pater. Itaque quae postea fuerunt sejuncta officia *infirmarii, hospitalarii, elemosynarii, thesaurarii* uno cellerarii munere initio continebantur. In nonnullis monasteriis tamen etiam praepositi temporalia procurabant. Interim quicumque sit qui temporalia monasterii procurat, eligi debet ex probatissimis monachis, ne administratio evadat in proprietatem, & ne assidua temporalium tractatione a spiritu monastico deficiat.

Praepositi obedientiarum.

§. V. Praeter officiales claustrales, qui sub abbate sarcinam monasterii sustinent, erant etiam *priores forenses*, seu *obedientiarum praepositi*. Scilicet nobiliora coenobia sub se & a se dependentia habebant minuscula monasteria, quae
in

(a) *Epist. XXII. ad Eustoch. cap. 15.* (b) *August. de morib. eccles. cathol. cap. XXXI.*

in antiquis monumentis passim prioratus, obedientiae, praepositurae, cellae & grangiae nuncupantur. De origine & natura cellarum inter eruditos non convenit. Brouwerus, Haëstenius aliique putant fuisse praediorum ad principale monasterium pertinentium praefecturas, in quibus residebant pauci monachi, non ut conductores ipsi essent, sed ut praediis & rusticis praecessent, & quae pietatis religiosae erant, curarent, redactosque fructus ad principale monasterium inferrent (a). Contra Christianus Lupus opinatur fuisse minuscula monasteria, propriis fundis instructa, ex quibus quae supererant usui monachorum, pauperum, hospitum, principali cedebant monasterio. Scilicet fideles, qui plenum coenobium fundare non poterant, cellas in pagis constituere voluerunt, ut ita apud se haberent pietatis officia a monachis celebrari solita, quod ut eo rectius fieret, eas monasteriis ob regularem disciplinam famosis adnectebant (b). Meam hanc litem minime facio, tantumque obiter moneo, forte utriusque generis cellas exstitisse. Interim cellae auctis fundis saepe creverunt in abbatias: quin ipsi fundatores hanc conditionem frequenter apposuerunt, *auctis per Dei gratiam proventibus fiat abbatia*. Obedientiis prepositi monachi priores forenses & obedientiarum praepositi dicti sunt, quod monachorum foris, hoc est extra monasterium degentium,

(a) Brouwerus lib. I. antiq. Fuldens. cap. 7. Haëstenius de monachor. cellis. (b) Christ. Lupus schol. in Nicolai II. conc. Beneventanum tom. 5. operum editionis Venetae.

tium, curam haberent; & quod vi obedientiae ab abbate principis monasterii illuc mittebantur. Ne vero monastica disciplina in obedientiis deficeret, passim cautum, ut non soli, sed cum aliquibus monachis in iis praepositi morentur. *Ne monachi singuli*, inquit concilium Lateranense sub Alexandro III. (a), *per villas & oppida per quascumque parochiales ponantur ecclesias, sed in majori conventu, aut cum aliquibus fratribus maneant.*

Quomodo potestas abbatum explicatur.

§. VI. Regimen monachorum in singulis monasteriis tum circa spiritualia, tum temporalia, penes solum abbatem tantum fuit, a quo ceteri pendebant officiales, nec unius monasterii abbas alteri abbati subiectus erat. In vita communi, quae ad perfectionem tendit, eam regiminis formam aptiorem iudicarunt monachorum patres, qua penes unum summa rerum resideret: quoti regulae monasticae & canones passim tradunt (b). Quo vero sibi demandatam potestatem melius abbates explicarent, voluit S. Benedictus, ut rebus praecipuis, idest majoris momenti, omnis congregationis, in levioribus vero *seniorum* consilium expeterent, quo intellecto apud se tractarent & statuerent quid optimum factu videretur (c). Quapropter adhiendum consilium, potius spectabat ad pernoscendas varias rationes, ut inde abbas aptiorem feligeret, quam ad quidquam de abbatis potestate minuendum. Etiam

Inst. jur. can. T. II. B b b Orien-

(a) *Cap. II. ex. de statu monach.* (b) *Reg. Bened. cap. LXV., can. IX. C. 18. quaeft. 2.* (c) *Reg. Bened. cap. III.*

Orientalis monachi in rebus gravioribus fratrum adhibebant consilium, rei tamen summa erat penes abbatem (a). Seniores autem, quos in tractandis rebus levioribus S. Benedictus adhiberi voluit, senes prudentia non aetate videntur fuisse, ut cardinalis Turrecremata interpretatur (b). Sed ad invidiam declinandam apud quosdam in usu est, seniores professione in consilium adhiberi: & in multis ordinibus loco seniorum *assistentes*, aut *discreti* eliguntur. Verum ex nova disciplina apud omnes fere ordines etiam Benedictinos recepta regimen monasticum aristocratia quadam temperatum est, qua fit, ut superiores monasteriorum in rebus monasticis expediendis assensum vel assistentium vel *capituli* pro rerum varietate requirere debeant.

Monachorum particularia capitula.

§. VII. Nomine *capituli*, cujus assensum in gravioribus monasterii rebus tractandis adhibere debent monasteriorum superiores, venit monachorum, qui jure suffragii potiuntur, conventus. Proprie in re monastica *capitulum* erat caput regulae, quotidie monachis legi solitum, cujus rei causa in certum monasterii locum conveniebant. Id constat ex libello supplici monachorum Fuldensium Carolo M. oblato, ubi ajunt, *Mane, quando in unum convenimus, & capitulum de regula cum fratribus legebatur* (c). Ab his lectionibus facili traslatione & locus ipse conventus, quod *capitula* ibi *exponerentur*, ut
ait

(a) Hieronym. *ep. XXII. ad Eustoch. cap. 14.*

(b) *Tract. XV. in cap. 3. regulae* (c) *Ap. Brouwerum lib. III. antiq. Fuldens. cap. 12.*

ait Papias (a), & vero etiam ipsa congregatio *capitulum* vocari coeperunt. Pertinebant autem ad capitulum monachi omnes seniores & juniores. Et sane S. Benedictus in expediendis gravioribus negotiis *omnem congregationem* convocari praecepit (b). Sed lapsu temporis & apud monachos & apud moniales fratres laici & sorores conversae a capitulis exclusi sunt, tantumque monachi saltem hypodiaconi & moniales choristae capitulum componere coeperunt. Sane statuit concilium Viennense, ut nullus in ecclesiis cathedralibus vel collegiatis sive saecularibus sive regularibus jure suffragii potiatur in capitulo, nisi saltem hypodiaconatus ordine sit initiatus (c): quod jus Tridentini patres confirmarunt (d). Voluerunt ita patres Viennenses canonicos & monachos abbatales divitiis auctos ad ordines, unde propter onera abhorrebant, per indirectum adigere. Ceterum abbas capitulum indicit, refert, nec tamen secundum regulam Benedictinam utitur suffragii praerogativa, ut singulis ad dicendam sententiam major sit libertas (e).

Poenae monasticae.

§. VIII. Regimen monasticum quamvis in caritate fundatum, tamen jure ad infligendas poenas fini accommodatas est instructum. Poenarum metus ad reorum emendationem & aliorum exemplo in omni societate est necessarius.

B b b 2

Sunt

(a) *Ap. Gancium in glossar. v. capitulum.*

(b) *Reg. Bened. cap. III.* (c) *Clement. ut ii de aetat. & qualit. ordinand.* (d) *Trid. sess. XXII. de refor. cap. 14.* (e) *Confer. Haestenius lib. III. tract. 5. disq. 6.*

Sunt autem apud monachos & spirituales & temporales poenae; poenae spirituales sunt excommunicationes, quibus monachi pro varietate culparum communi mensa, vel mensa simul & communibus precibus interdiciuntur (a). Maxima tamen spiritualis poena est privatio communium precum etiam post mortem, quia ex antiqua disciplina puniuntur, qui in manifesto peccato decedunt, veluti qui seipsos interficiunt (b), & qui peculiatii inveniuntur (c). Separabant quidem hujusmodi excommunicationes monachos a mensa & precibus; at potius videntur fuisse salutare emendationes, quam proprie sic dictae excommunicationes, quae extra Christi corpus proiciebant. Monachorum patres, ut plurimum olim laici, jure clavium, unde proprie sic dicta excommunicatio pendet, erant destituti (d). Poenae corporales sunt jejunia monachis delinquentibus indicta, a certo cibo & potu abstinencia, & ex nova disciplina etiam carcerum mancipatio. Maxima corporalis poena, qua olim puniebantur monachi delinquentes, erat flagellatio. *Separabunt eum* (monachum nempe, qui fratres ad peccandum sollicitat, & simplices animos pervertit) *extra monasterium*, inquit regula Pachomiana (e), *& verberabunt eum ante fores triginta novem*, idest triginta novem plagis, qui erat modus flagellandi apud Judaeos receptus, unde ad monachos de-

(a) *Reg. Bened. cap. XXV. & XLIV.* (b) *Cassian. collat. II. cap. 5.* (c) *Hieronym. epist. XXII. ad Eustoch. cap. 14.* (d) *Esphen. par. I. tit. 31. cap. 3. n. 31.* (e) *Reg. Pachom. cap. XXXVII.*

devenit, ut recte Menardus observat (a). Et in monte Nitriae tres erant palmae, unde tria flagella pendebant, ad tria hominum genera punienda, monachos nempe, latrones & hospites delinquentes. Unde qui mernisse convincebantur, unam ex tribus palmis, generi vitae convenientem amplectebantur, & a tergo praescriptas plagas excipiebant (b). Et regula Benedictina saepe flagellationis iniicit mentionem, eamque appellat *vindictam corporalem & acriorem correctionem* (c). Et apud S. Isidorum in regula, *Gravior culpa diuturna excommunicatione purgatur, & flagellis emendatur*. Sed ex recentioribus institutis rejecta est flagellatio, ejusque locum carceres, antiquis fere ignoti, subjerunt. Monachos a flagellatione tutos ipsis communicatum sacerdotium videtur effecisse; carceres vero disciplina, quae eiici incorrigibiles vetat, induxit. Interim monachorum superiores meminisse debent, se esse patres, non dominos monachorum, & poenas ita moderari, ut decet animarum pastores. *Oderit abbas vitia, diligat fratres*, inquit sapientissime S. Benedictus (d), *in ipsa coërcitione prudenter agat*.

Monasteriorum confociatio.

§. IX. Per novem plus minus saecula monasteria inter se mutuo adnexa peculiare corpus non composuervnt, sed singula proprios habebant abbates ab aliis non pendent, Omnes quidem monachi unius instituti & religionis cens-

(a) *Ad concord. regul. cap. XXX.* (b) *Pallad. hist. Laus. cap. VI.* (c) *Reg. Bened. cap. XXIII. & XXVIII.* (d) *Reg. Bened. cap. LXIV.*

sebantur, sed haec unitas potius a fine & professionis consonantia, quam a subordinatione monasteriorum oriebatur. At sub initium saeculi decimi Cluniacenses in peculiare corpus abierunt ex pluribus monasteriis adunatum, quorum singula eo ipso, quo proprio priori erant commendata, uni abbati Cluniacensi parebant. Prima haec stabilis fuit monasteriorum congregatio, nam monasteria, quae auctore Ludovico pio sub S. Benedicto Anianensi fuerunt adunata, Benedicto mortuo, ad antiquam redierunt libertatem. Initio saeculi decimi adeo defecerat monachorum institutum, ut, observante Petro abbate Cluniacensi, *de monacho praeter tonsuram & habitum nihil superesset* (a). Reparaturus ergo perditum monachismum S. Odo reformationis Cluniacensis monasteria sub uno capite consociavit, ut eo melius & firmiter res monastica staret. Tanta vero sanctitatis fama tum inclaruit Cluniacensis reformatio, ut ei a Beneventana provincia quaecumque erant in Italia & Gallia potiora accesserint monasteria, ut Glaber Rodulfus testatur (b). Et ita nata est congregatio, seu ut modo loquuntur, ordo Cluniacensis; cuius exemplum inde Camaldulenses, monachi Valis Umbrosae, Cistercienses, mendicantes alique imitantes etiam in congregationes abierunt. Et Tridentini patres monasteria omnia exempta, quae generalibus capitulis non subsunt, nec ordinarios habent visitatores, unius anni spatio edi-

(a) *Petrus Cluniacensis lib. VI. epist. 17.* (b) *Rodulf. lib. III. hist. cap. 5.*

edixerunt uniri (a). Nempe postquam monachi ab episcoporum jurisdictione exempti sunt, magis necessaria erat consociatio, ut ita saltem majorum praelatorum auctoritas abbates locales in officio contineret. Non tamen aequalis apud omnes est monasteriorum consociatio: nam multi ordines unam generalem, alii etiam provinciales componunt congregationes.

Superior generalis.

§. X. Institutio ordinum monasticorum novam regiminis formam introduxit. Etenim contra antiqui regiminis formam, qua unum monasterium ab alio non pendeat, institutus est abbas, sive superior, sive minister generalis, cui totius ordinis incumbit sollicitudo. Cisterciensibus tamen minus placuit abbas absoluta donatus potestate, & hinc veluti aristocraticam elegerunt regiminis formam, in qua abbates omnes partem haberent, & unus abbas alterius visiteret monasterium. In familiis, quae provinciales habent congregationes, institutus est abbas sive superior provincialis, qui integram administraret provinciam. Et ita independens prius abbatum potestas evasit obnoxia, & majora cujusque monasterii vel provinciae negotia auctoritatem provincialis aut generalis requirunt. Non tamen potestas generalis independens & absoluta est, nam generalis suis est instructus senatoribus, qui *diffinitores generales* dicti supremam religionis audientiam constituunt, cujus auctoritate suprema monastica potestas explicatur. Sed apud Jesuitas generalis absoluta praestit auctori-

(a) *Trid. sess. XXV. de ref. cap. 8.*

tate, & ita negotia fere omnia societatis solus moderatur. Etenim quinque, quos habet generalis, *assistentes* suffragio tantum *consultivo* non *decisivo*, ut vocant, fruuntur. Similiter diffinitoribus suis instruitur provincialis, qui ejus componunt audientiam. Generales fere Romae commorantur, quod exemptio monachorum a jurisdictione episcopali plane postulabat, ut ita negotia ad rem monasticam pertinentia facilius expedirent.

Capitula generalia.

§. XI. Porro monasteriorum confociatio nova induxit capitulorum genera, generalia nempe & provincialia, prout nempe capita monasteriorum totius ordinis, aut unius provinciae conveniunt. Primi inter monachos generalia abbatum capitula celebrarunt Cistercienses, quod postulare videbatur quasi aristocraticum, quod praetulerunt, regimen. Etenim primigenia constitutione, quam *chartam caritatis* dicunt, statuerunt, ut singulis annis abbates omnes non impediti ad generalia comitia apud Cistercium convenirent, in quibus de reformatione ordinis & disciplinae emendatione tractaretur. Tanta autem celebritate & honore erant Cisterciensium capitula, ut reges & episcopi eis superesse salutare & pium ducerent, ut probat Alteserra (a). A Cisterciensibus brevi ad alios monachos & canonicos regulares capitula generalia transferunt, quamvis regiminis formam aliquatenus diversam haberent. Equidem in concilio generali Innocentius

(a) *Alteser. lib. VI. monastic. cap. 5.*

mus III. statuit (a), ut in singulis regnis vel provinciis quolibet triennio ordines quique, etiam canonicorum regularium, exemplo Cisterciensium & salvo jure dioecesanorum antistitum, comitia celebrarent, ad quae omnes abbates & priores, qui sub abbate non essent, non impediti convenirent, ita tamen ut nullus eorum plus quam sex electiones & octo personas adducat. Nomine electionum jure Romano veniebant diplomata iis necessaria, qui cursu publico iter faciebant (b): at hic numerum denotat equorum, quibus abbates in itinere uti debebant (c). Statim post concilium Lateranense exorti mendicantes ejus statutis seipsum subiicientes, generalia comitia coeperunt agitare: & inde pluries pontifices & concilia idem institutum renovarunt (d). Spectabant autem primario capitula generalia ordinis reformationem & disciplinae emendationem (e). Sane in communibus comitiis remedia reformationis melius capiuntur, & disciplina confoventur. Et reipsa in capitulis generalibus conditae sunt ordinum constitutiones, quae aliquid regulae adderent, vel detraherent. Celebrari autem debent capitula haec generalia singulis trienniis, quod patres Lateranenses & Tridentini statuerunt, quibus decretis nihil derogatum institutis ordinum, quibus capitula fin-

Inst. jur. can. T. II. C c c *gulis*

(a) *Cap. VII. ex. de statu monach.* (b) *Confer. Pitiscus in lexico antiq. Roman v. electiones.*

(c) *González ad cap. VI. ex. de censib. n. 3.*

(d) *Clement. ne in agro §. fin. de statu monach. Trid. sess. XXV. de ref. cap. 8.* (e) *Cap. VII. ex. de statu monach.*

gulis annis jubentur celebrari (a). Ea abbas, siue superior generalis indicit, dirigit, & exsequitur statuta, conveniuntque omnes superiores, qui suffragii jure potiuntur.

Monastici visitatores.

§. XII. Consociata quoque monasteria monasticos visitatores induxerunt, qui ad disciplinae emendationem & decretorum generalium observantiam monasteria circumeunt. Per plura saecula ignoti ex monachis visitatores, tantumque quum opus erat, episcopi suae dioecesis visitabant monasteria (b). Primi monasticos visitatores induxerunt Cistercienses, qui dum se in unum corpus consociarunt id voluerunt, ut abbates alter alterius inviserent monasterium. Inde in concilio generali Innocentius III. statuit, ut in comitiis generalibus ordinentur religiosae & circumspectae personae, quae secundum formam sibi praefixam *vice sedis apostolicae* monasteria monachorum & monialium circumeant, corrigentes & reformantes, quae correctione & reformatione indigerent (c). Spectavit autem synodus Lateranensis non tantum exempta, verum etiam non exempta monasteria, eaque omnia *vice sedis apostolicae* visitari voluit, forsan ne in illis exordiis monastici visitatores ab episcopis impedirentur. Porro non tantum generales visitatores, verum etiam ipsi abbates, qui sunt ordinum capita, & ceteri ordinum superiores episcopo-

(a) S. Congreg. ap. Fagnan. ad cap. in singulis ex. de statu monach. n. 12. (b) Can. XXIX C. 18. q. 2. Gregor. M. lib. VII. ep. 18. (c) Cit. cap. VIII.

scopis non subjecti sibi subiecta monasteria & prioratus suo quisque loco & ordine, ex officio circumvenit, etiam si fuerint commendata (a). Scopus autem visitationis est monachalis disciplinae tam in spiritualibus, quam in temporalibus restitutio (b). Interim visitatio monasteriorum, quae a monachis instituitur, visitationem episcopi quantum ad monasteria sibi subiecta, aut circa ea, in quibus monasteria etiam exempta episcopis subiiciuntur, impedire non potest, quod ipse canon Lateranensis hisce verbis demonstrat, porro *dioecesani episcopi monasteria sibi subiecta ita studeant reformare, ut quum ad ea praedicti visitatores accesserint, plus in illis inveniant, quod commendatione, quam quod correctione sit dignum.*

Cui competant superiorum monasticorum electiones.

§. XIII. Videndum modo qua ratione superiores monachorum constituuntur, qua de re non semper una & ubique fuit & vero est ecclesiarum disciplina, Et olim quidem in Oriente & in Occidente ut plurimum abbates a monachis fuerunt constituti. Sane imperator Justinianus a monachis abbatem statuit eligendum (c): quod ipsum & Gregorius M. & regula Benedictina servari voluerunt (d). Primum hoc jus fuisse eo tempore inductum, quo non adhuc speciali episcoporum potestati

C c c 2

mo-

(a) *Trid. sess. XXV. de reg. cap. 20.* (b) *Cap. fin. ex. de statu monach.* (c) *L. XLVII. C. de episc.*

(d) *Can. II. seq. C. 18. quae. 2. reg. Bened. cap. LXIV.*

monachi subiiciebantur. Sed inde in multis locis pro potestate sua coeperunt episcopi abbates monachis dare: & reipsa in Hispania saeculo septimo abbates & officia monastica episcopi instituebant: quod synodus IV. Toletana decrevit (a). Et errat profecto Gratianus, qui canonem Toletanum ad eum solum casum restringit, quo mali monachi in abbatis perniciem conspirant, & alium moribus similem sibi constituere contendunt (b). Quin saeculo nono & deinceps in Francia & Germania pro regis abbatis reges ipsi abbates ordinabant, nisi speciali privilegio monasteriis electiones dedissent: quo jure fundacione aut feudorum largitione aut litteris protectionis fere quaesito, quousque sollemnes steterunt investiturae, reges usi sunt. Interim quoniam aequius videbatur abbates a monachis eligi, saepe episcopi electionem abbatis monasteriis remittebant: & fundatores in fundacionibus eam adiciebant conditionem, ut abbatis electio monachis salva esset, idque a regibus, dioecesanis episcopis & tandem etiam a summo pontifice curabant confirmari. Itaque frequentibus episcoporum concessionibus & synodorum decretis libertas monachorum sibi abbatem deligendi in jus commune convaluit. Inde vero inducta monasteriorum consociatione superiores generales & provinciales in capitulis generalibus aut provincialibus eligi coeperunt: & quantum ad superiores locales in aliquibus ordinibus vel a generali, aut provinciali in senatu

or.

(a) *Can. I. C. 18. quae. 2.* (b) *Grat. ad can. VIII. eod.*

ordinis creantur. Id vero praesertim obtinet in temporariis superioribus; nam perpetuae abbatae titulo dignitatis aut beneficii donatae in Gallia regiis subsunt nominationibus, & in Italia quae redditum annuum ducentorum florenorum auri de camera excedunt, pontificis collationi reservantur (a). Electi autem abbates olim ab episcopis confirmabantur (b): at moribus praesentibus exempti superiores a proximo suo superiore, a pontifice vero supremi moderatores confirmantur.

Qua forma eliguntur monastici superiores.

§. XIV. Jam vero quod spectat ad formam, qua monastici superiores eliguntur, voluit S. Benedictus, eum in abbatem ordinari, *quem sibi omnis concors congregatio secundum timorem Dei, sive etiam pars, quamvis parva, congregationis saniori consilio elegerit* (c). Parva pars eadem est ac minor. Hellenismus positivus pro comparativo, ait Hugo Menardus (d). Et Gregorius M. in abbatem ordinari praecipit, quem communi consensu tota sibi postulat congregatio (e). Quoniam vero minoris partis & sanioris electiones corruptis hominum moribus lites natura sua excitant, & in tanta monachorum multitudine vix sperari poterat totius congregationis consensus, sapienter inductum est, ut etiam monasticae electiones majori capituli parte censerentur, quod etiam Iustinianus constituerat (f), nisi spe-

(a) Reg. II. cancell. (b) L. XLVII. C. de episc.
 (c) Reg. Bened. cap. XLIV. (d) Ad concord.
 regul. cap. V. §. 1. (e) Can. III. C. 18. quae. 2.
 (f) Cic. l. XLVII.

speciali jure aliter statuatur, ut in abbatissis, quae tum censentur electae, quum duae totius capituli partes consentiant (a). Porro ex nova disciplina in eligendis superioribus, qui sponsi ecclesiarum reputantur, quales inter regulares habentur abbates, priores conventuales & abbatissae, quae in titulum perpetuum obtinent dignitatem, adhiberi debet forma electionis in cap. quia propter ex. de electione praescripta: in aliis vero servari debent communes electionum regulae, eo tamen addito ut electio fiat per vota secreta; ita ut eligentium nomina numquam publicentur (b). quamvis si publicatio post confirmationem fiat, electio subsistat, ut recte Zipaeus adnotavit (c).

An abbates debent esse presbyteri?

§. XV. Ex monachis autem eligi debent superiores virtutibus, moribus, aetate, spiritu monastico insignes, qui in moderanda monastica disciplina miscendo terroribus blandimenta, dirum magistri, pium patris ostendant affectum. Et moribus praesentibus jampridem inductis abbates & alii monasteriorum superiores debent esse presbyteratu initiati. Veteri stante disciplina & apud Graecos & apud Latinos nullus ordo in abbatibus erat necessarius, & hinc indiscriminatim monachi clerici & laici, multo tamen frequentius laici, eligebantur abbates (d). Sane abbatibus tantum incumberebat monastica disciplina, quae etiam

(a) Cap. XXXIV. §. 1. de elect. in 6. (b) Trid. sess. XXV. de regul. cap. 6. (c) Zypaeus tit. II. de elect. (d) V. Lupum schol. in can. II. conc. Tholozani tom. V. oper.

etiam sine ordinis potestate potuit explicari. Sacra non erant regiminis monastici, & a clericis adventitiis vel ex monachis ad clericatum assumptis fiebant. Quin S. Eugendus ad presbyteratus ordinem sollicitatus dixit, *Utilius multo esse abbati propter juniorum ambitionem liberum a sacerdotio praeesse fratribus* (a). Hinc apud Gratianum hoc existat decretum, *Ostiario abbas in omni loco repraesentet obsequium, sive in gremio ecclesiae* (b). Saeculo octavo tantum ad creando lectores necessarius erat in abbatibus presbyteratus (c), passimque etiam deinceps creati sunt ex monachis laicis abbates. Et errat profecto Gratianus, qui secundum regulam Benedictinam censuisse videtur, abbatem debere esse presbyterum, eo quod benedictiones monachis impertiri, & evangelii lectionem cum subsequenti oratione dicere deberet: quae duo officii reputat sacerdotalis (d). Sed, ut bene notat Haestenius (e), monasticae benedictiones paternae potius erant, quam sacerdotales, & lectio evangelii tantum abest, ut sacerdotii propria sit, ut potius ad diaconos & lectores pertineat. Saeculo XI. mutari coepit disciplina, ut constat ex concilio Pictaviensi, in quo statutum, *ut abbates, decani & praepositi, qui presbyteri non sunt, presbyteri fiant*. Relatus hic canon in decre-

(a) Ap. Menard. in append. III. ad cap. 23. concordiae regularum. (b) Can. V. D. 93. (c) Conc. Nicaen. II. can. XIV. (d) Ad can. XXXIX. C. 17. q. 2. (e) Haesten. in prolegom. XVIII. §. 11. ad vitam S. Benedicti.

triales (a) abiit in jus commune, unde necessitas presbyteratus in abbatibus & praepositis dimanavit, quibus proprie sic dicta cura animarum accesserat. Atque hinc statutum, ut nemo abbatis & prioratus conventualibus donari possit, nisi vicesimum quintum aetatis annum attigisset (b), quae est aetas presbyteratus. In abbatibus vero quum aetas ab ordine non pendeat, & saeculae viris iudicio minus valeant, Tridentini patres monialem quadraginta annis non minorem, quae octo annis post professionem cum laude vixerit, jure ordinario in abbatissam eligi decreverunt (c).

Abbates laici.

§. XVI. Quamvis autem natura monasticae philosophiae postulet, praepositum esse ejusdem conversationis & instituti; fuit tamen aliquando tempus, quo monachismus milites aliosque laicos habuit abbates. Bellorum calamitates, quae saeculo octavo rempublicam perdebant, non sufficientibus publicis aerariis ad tot bellorum sumtus sustinendos, primum Carolus Martellum coegerunt, ut ecclesias & monasteria in stipendia militibus assignaret. Qui mos semel exortus etiam extra publicas necessitates in Gallia & Germania deinceps perduravit, passimque principes monasteriis monachorum, monialium & canonicorum regularium datis, militiam sustinebant suam, aliorumque sibi conciliabant bene-

(a) *Cap. 1. ex. de aetat. & qual. ordinand.*

(b) *Clement. 1. de statu monach.* (c) *Trid. sess. XXV. de reg. cap. 7.*

nevolentiam (a). Semel vero ecclesiae & monasteria militibus aliisque laicis data in heredes transibant. Monasteriis autem donati laici *abbates* dicebantur, utpote qui rebus monasterii & ipsis monachis praeerant: & ne saeculi dignitates in titulis omittere viderentur, *abbacomites* & *abbicomites* etiam appellati sunt. Abbacomites autem quamvis monasteriis praefecti, de temporalibus, non de regulae observantia, quam ut plurimum ignorabant, erant sollici (b). Unde lapsa monastica disciplina, & subinde etiam ipsa corruerunt monasteria. Vivis coloribus concilia & pontifices tantam monachorum calamitatem describunt, & saepe concilia summa animi libertate principes obtestata sunt, ut in manibus abbacomitum collapsum repararent monachismum, quo nomine celebres sunt synodi apud Theodonis villam & Troslejana. Quoniam vero monasteriorum largitate principes etiam militiam sustinebant, persisterunt abbacomites, ne principes suae reipublicae militiam defraudare viderentur, ut Nicolaus I. loquitur (c). Ergo ad evitanda majora mala creati priores claustrales, quos *decanos* dicebant, qui interiorum monachorum sustinerent disciplinam: ipsi abbacomites iussi, ut episcoporum consilio agant, quae ad religionem regularium pertinerent (d), & ipsa collapsa monasteria erecta clericis & monachis

Instit.jur.can.T.II. D d d sub-

(a) *Lupus Ferrariensis epist. XI. XXIV. XLII., Aimonius lib. V. de gestis Francor. cap. 24. & 36.*

(b) *Epist. Nicolai I. ad Odonem episcopum Belvacensem.* (c) *Cit. epist. ad Odonem episcopum.*

(d) *Capitul. Ludovici pii an. I CCCXXIII. cap. VIII.*

vel officio nisi pro manifesta & rationabili causa mutari prohibentur (a).

Abbatum benedictiones.

§. XVIII. Jam vero abbates perpetui semel electi & confirmati sollemniter ad eum ferme modum consecrantur, quo benedicuntur episcopi; nisi quod loco evangelii regulæ liber tradatur, & nulla unctio adhibeatur. Abbatialis sollemnis ista benedictio antiquis patribus ignota, ex eo tempore videtur invaluisse, quo abbatibus pontificalia ornamenta & jura coeperunt communicari. Et qui quaeso in veteri monastica disciplina sollemniter benedici poterant abbates, quando fere ex laicis assumebantur? At communicatis pontificalibus ornamentis, quantum potis erat, abbates in omnibus episcopos exprimere voluerunt, & ita saeculo XI. jam invaluerant abbatiales consecrationes. Non tamen abbatialis consecratio eos facit episcopos, quin nec necessaria est ad abbatis officium. *Promotionem abbatis*, inquit Ivo Canotensis, *non facit episcopalis benedictio, sed fratrum communis electio*. Et Alexander III. Cisterciensibus permisit, ut si episcopus semel iterum atque tertio requisitus abbatem benedicere noluerit, ipsi ordinis abbates eum benedicant (b). Quod manifeste supponit, meram caeremoniam esse abbatis consecrationem. Et hinc decretales electum & confirmatum abbatem, quamvis non benedictum, sine ullo addito vocant *abbatem* (c).

Spe-

(a) *Cap. II. ex. de statu monach.* (b) *Cap. I. ex. de suppl. neglig. praelat.* (c) *Cit. cap. I. & cap. XIII. ex. de accusat.*

Speſtat autem de jure canonico abbatialis conſecratio ad episcopos (a); at multi ordines ſpecialibus privilegiis obtinuerunt, ut vel a quocumque antiftite ſui abbates poſſent conſecrari, vel ipſius ordinis abbas generalis abbates & abbatiffas benedicat (b).

Monachi episcopis ſubjecti.

§. XIX. Et haſtenus de ſtatu monachorum interno, dicendum nunc de externo, quo monachi episcopis & principibus origine ſua ſubiiciuntur. Quo primum tempore invaluit monachiſmus, episcopi in monachos, utpote in ſolitudine & monaſteriis ſepultos, ſpeciali uſi non videntur poteſtate, ſed ea tantum, qua cura animarum continetur, quaeque totum chriſtianum populum comprehendit. Sed inde quum continuis a monaſteriis egreſſionibus monachi & eccleſiam & rempublicam turbarent (c); eos ſuggerente piſſimo imperatore Marciano ſpeciali curae & poteſtati episcoporum patres Chalcedonenſes ſubjecerunt, eo etiam addito, ne eccleſiaſticis & civilibus negotiis unquam ſe immiſceant, & in quibus poſiti ſunt locis perſeверent, niſi iis ob opus eccleſiae neceſſarium ab episcopo praeciſiatur (d). Diſciplina canone Chalcedonenſi ſtatuta ſenſim quoque in Occidente invaluit, ubi ſeculo ſexto & deinceps concilia monachos episcoporum ſubiiciunt poteſtati. Abba-

(a) Cit. cap. I. (b) Tambur. de jur. abbat. tom. I. diſp. 11. q. 10., Chopp. lib. II. monaſt. tit. 1. n. 7.

(c) Conc. Chalced. can. IV. Socrat. lib. VI. cap. 5. & lib. VII. cap. 14. Theodorët. lib. V. cap. 20. (d) Cit. can. IV. Chalced.

gulis annis jubentur celebrari (a). Ea abbas, sive superior generalis indicit, dirigit, & exsequitur statuta, conveniuntque omnes superiores, qui suffragii jure potiuntur.

Monastici visitatores.

§. XII. Consociata quoque monasteria monasticos visitatores induxerunt, qui ad disciplinae emendationem & decretorum generalium observantiam monasteria circumeunt. Per plura saecula ignoti ex monachis visitatores, tantumque quum opus erat, episcopi suae dioecesis visitabant monasteria (b). Primi monasticos visitatores induxerunt Cistercienses, qui dum se in unum corpus consociarunt id voluerunt, ut abbates alter alterius inviserent monasterium. Inde in concilio generali Innocentius III. statuit, ut in comitiis generalibus ordinentur religiosae, & circumspectae personae, quae secundum formam sibi praefixam *vice sedis apostolicae* monasteria monachorum & monialium circumeant, corrigentes & reformantes, quae correctione & reformatione indigerent (c). Spectavit autem synodus Lateranensis non tantum exempta, verum etiam non exempta monasteria, eaque omnia *vice sedis apostolicae* visitari voluit, forsan ne in illis exordiis monastici visitatores ab episcopis impedirentur. Porro non tantum generales visitatores, verum etiam ipsi abbates, qui sunt ordinum capita, & ceteri ordinum superiores episcopi.

(a) S. Congreg. ap. Fagnan ad cap. in singulis ex. de statu monach. n. 12. (b) Can. XXIX C. 18. q. 2. Gregor. M. lib. VII. ep. 18. (c) Cit. cap. VIII.

scopis non subiecti sibi subiecta monasteria & prioratus suo quisque loco & ordine, ex officio circumueunt, etiam si fuerint commendata (a). Scopus autem visitationis est monachalis disciplinae tam in spiritualibus, quam in temporalibus restitutio (b). Interim visitatio monasteriorum, quae a monachis instituitur, visitationem episcopi quantum ad monasteria sibi subiecta, aut circa ea, in quibus monasteria etiam exempta episcopis subiiciuntur, impedire non potest, quod ipse canon Lateranensis hisce verbis demonstrat, porro *diocesani episcopi monasteria sibi subiecta ita studeant reformare, ut quum ad ea praedicti visitatores accesserint, plus in illis inueniant, quod commendatione, quam quod correctione sit dignum.*

Cui competant superiorum monasticorum electiones.

§. XIII. Videndum modo qua ratione superiores monachorum constituuntur, qua de re non semper una & ubique fuit & vero est ecclesiarum disciplina, Et olim quidem in Oriente & in Occidente ut plurimum abbates a monachis fuerunt constituti. Sane imperator Justinianus a monachis abbatem statuit eligendum (c): quod ipsum & Gregorius M. & regula Benedictina seruari voluerunt (d). Primum hoc jus fuisse eo tempore inductum, quo non adhuc speciali episcoporum potestati

C c c 2

mo-

(a) *Trid. sess. XXV. de reg. cap. 20.* (b) *Cap. fin. ex. de statu monach.* (c) *L. XLVII. C. de episc.*

(d) *Can. II. seq. C. 18. quae. 2. reg. Bened. cap. LXIV.*

monachi subiiciebantur. Sed inde in multis locis pro potestate sua coeperunt episcopi abbates monachis dare: & reipsa in Hispania saeculo septimo abbates & officia monastica episcopi instituebant: quod synodus IV. Toletana decrevit (a). Et errat profecto Gratianus, qui canonem Toletanum ad eum solum casum restringit, quo mali monachi in abbatis perniciem conspirant, & alium moribus similem sibi constituere contendunt (b). Quin saeculo nono & deinceps in Francia & Germania pro regiis abbatis reges ipsi abbates ordinabant, nisi speciali privilegio monasteriis electiones dedissent: quo jure fundacione aut feudorum largitione aut literis protectionis fere quaesito, quousque sollemnes steterunt investiturae, reges usi sunt. Interim quoniam aequius videbatur abbates a monachis eligi, saepe episcopi electionem abbatis monasteriis remittebant: & fundatores in fundacionibus eam adiciebant conditionem, ut abbatis electio monachis salva esset, idque a regibus, dioecesanis episcopis & tandem etiam a summo pontifice curabant confirmari. Itaque frequentibus episcoporum concessionibus & synodorum decretis libertas monachorum sibi abbatem deligendi in jus commune convaluit. Inde vero inducta monasteriorum consociatione superiores generales & provinciales in capitulis generalibus aut provincialibus eligi coeperunt: & quantum ad superiores locales in aliquibus ordinibus vel a generali, aut provinciali in senatu

(a) *Cân. I. C. 18. quae. 2.* (b) *Grat. ad can. VIII. eod.*

ordinis creantur. Id vero praesertim obtinet in temporariis superioribus; nam perpetuae abbatae titulo dignitatis aut beneficii donatae in Gallia regiis subsunt nominationibus, & in Italia quae redditum annuum ducentorum florenorum auri de camera excedunt, pontificis collationi reservantur (a). Electi autem abbates olim ab episcopis confirmabantur (b): at moribus praesentibus exempti superiores a proximo suo superiore, a pontifice vero supremi moderatores confirmantur.

Qua forma eliguntur monastici superiores.

§. XIV. Jam vero quod spectat ad formam, qua monastici superiores eliguntur, voluit S. Benedictus, eum in abbatem ordinari, quem sibi omnis concors congregatio secundum timorem Dei, sive etiam pars, quamvis parva, congregationis saniori consilio elegerit (c). Parva pars eadem est ac minor. Hellenismus positivus pro comparativo, ait Hugo Menardus (d). Et Gregorius M. in abbatem ordinari praecipit, quem communi consensu tota sibi postulat congregatio (e). Quoniam vero minoris partis & sanioris electiones corruptis hominum moribus lites natura sua excitant, & in tanta monachorum multitudine vix sperari poterat totius congregationis consensus, sapienter inductum est, ut etiam monasticae electiones majori capituli parte censerentur, quod etiam Iustinianus constituerat (f), nisi

spe-

(a) Reg. II. cancell. (b) L. XLVII. C. de episc.
 (c) Reg. Bened. cap. XLIV. (d) Ad concord.
 regul. cap. V. §. 1. (e) Can. III. C. 18. quae. 2.
 (f) Cic. l. XLVII.

speciali jure aliter statuatur, ut in abbatissis, quae tum censentur electae, quum duae totius capituli partes consentiant (a). Porro ex nova disciplina in eligendis superioribus, qui sponsi ecclesiarum reputantur, quales inter regulares habentur abbates, priores conventuales & abbatissae, quae in titulum perpetuum obtinent dignitatem, adhiberi debet forma electionis in cap. quia propter ex. de electione praescripta: in aliis vero servari debent communes electionum regulae, eo tamen addito ut electio fiat per vota secreta, ita ut eligentium nomina numquam publicentur (b). quamvis si publicatio post confirmationem fiat, electio subsistat, ut recte Zipaeus adnotavit (c).

An abbates debent esse presbyteri?

§. XV. Ex monachis autem eligi debent superiores virtutibus, moribus, aetate, spiritu monastico insignes, qui in moderanda monastica disciplina miscendo terroribus blandimenta, dirum magistri, pium patris ostendant affectum. Et moribus praesentibus jampridem inductis abbates & alii monasteriorum superiores debent esse presbyteratu initiati. Veteri stante disciplina & apud Graecos & apud Latinos nullus ordo in abbatibus erat necessarius, & hinc indiscriminatim monachi clerici & laici, multo tamen frequentius laici, eligebantur abbates (d). Sane abbatibus tantum incumberebat monastica disciplina, quae
etiam

(a) Cap. XXXIV. §. 1. de elect. in 6. (b) Trid. sess. XXV. de regul. cap. 6. (c) Zypaeus tit. II. de elect. (d) V. Lupum schol. in can. II. conc. Tholozani tom. V. oper.

etiam sine ordinis potestate potuit explicari. Sacra non erant regiminis monastici, & a clericis adventitiis vel ex monachis ad clericatum assumptis fiebant. Quin S. Eugendus ad presbyteratus ordinem sollicitatus dixit, *Utilius multo esse abbati propter juniorum ambitionem liberum a sacerdotio praeesse fratribus (a)*. Hinc apud Gratianum hoc exstat decretum, *Ofiario abbas in omni loco repraesentet obsequium, sive in gremio ecclesiae (b)*. Saeculo octavo tantum ad creandos lectores necessarius erat in abbatibus presbyteratus (c), passimque etiam deinceps creati sunt ex monachis laicis abbates. Et errat profecto Gratianus, qui secundum regulam Benedictinam censuisse videtur, abbatem debere esse presbyterum, eo quod benedictiones monachis impertiri, & evangelii lectionem cum subsequenti oratione dicere deberet: quae duo officii reputat sacerdotalis (d). Sed, ut bene notat Haestenius (e), monasticae benedictiones paternae potius erant, quam sacerdotales, & lectio evangelii tantum abest, ut sacerdotii propria sit, ut potius ad diaconos & lectores pertineat. Saeculo XI. mutari coepit disciplina, ut constat ex concilio Pictaviensi, in quo statutum, ut abbates, decani & praepositi, qui presbyteri non sunt, presbyteri fiant. Relatus hic canon in de-

cre-

(a) Ap. Menard. in append. III. ad cap. 23. concordiae regularum. (b) Can. V. D. 93. (c) Conc. Nicaen. II. can. XIV. (d) Ad can. XXXIX. C. 17. q. 2. (e) Haesten. in prolegom. XVIII. §. 11. ad vitam S. Benedicti.

cretales (a) abiit in jus commune, unde necessitas presbyteratus in abbatibus & praepositis dimanavit, quibus proprie sic dicta cura animarum accesserat. Atque hinc statutum, ut nemo abbatis & prioratibus conventualibus donari possit, nisi vicesimum quintum aetatis annum attigisset (b), quae est aetas presbyteratus. In abbatissis vero quum aetas ab ordine non pendeat, & faeminae viris iudicio minus valeant, Tridentini patres monialem quadraginta annis non minorem, quae octo annis post professionem cum laude vixerit, jure ordinario in abbatissam eligi decreverunt (c).

Abbates laici.

§. XVI. Quamvis autem natura monasticae philosophiae postulet, praepositum esse ejusdem conversationis & instituti; fuit tamen aliquando tempus, quo monachismus milites aliosque laicos habuit abbates. Bellorum calamitates, quae saeculo octavo rempublicam perdebant, non sufficientibus publicis aerariis ad tot bellorum sumtus sustinendos, primum Carolum Martellum coegerunt, ut ecclesias & monasteria in stipendia militibus assignaret. Qui mos semel exortus etiam extra publicas necessitates in Gallia & Germania deinceps perduravit, passimque principes monasteriis monachorum, monialium & canonicorum regularium datis, militiam sustinebant suam, aliorumque sibi conciliabant bene-

(a) *Cap. I. ex. de aetat. & qualitt. ordinand.*

(b) *Clement. I. de statu monach.* (c) *Trid. sess. XXV. de reg. cap. 7.*

nevolentiam (a). Semel vero ecclesiae & monasteria militibus aliisque laicis data in heredes transibant. Monasteriis autem donati laici *abbates* dicebantur, utpote qui rebus monasterii & ipsis monachis praeerant: & ne saeculi dignitates in titulis omittere viderentur, *abbacomites* & *abbicomites* etiam appellati sunt. *Abbacomites* autem quamvis monasteriis praefecti, de temporalibus, non de regulae observantia, quam ut plurimum ignorabant, erant sollici (b). Unde lapsa monastica disciplina, & subinde etiam ipsa corruerunt monasteria. Vivis coloribus concilia & pontifices tantam monachorum calamitatem describunt, & saepe concilia summa animi libertate principes obtestata sunt, ut in manibus *abbacomitum* collapsum repararent monachisimum, quo nomine celebres sunt synodi apud Theodonis villam & Troslejana. Quoniam vero monasteriorum largitate principes etiam militiam sustinebant, persisterunt *abbacomites*, ne principes suae reipublicae militiam defraudare viderentur, ut Nicolaus I. loquitur (c). Ergo ad evitanda majora mala creati priores claustrales, quos *decanos* dicebant, qui interiorem monachorum sustinerent disciplinam: ipsi *abbacomites* iussi, ut episcoporum consilio agant, quae ad religionem regularium pertinerent (d), & ipsa collapsa monasteria erecta clericis & monachis

Inst. jur. can. T. II. D d d sub-

(a) *Lupus Ferrariensis epist. XI. XXIV. XLII.*, *Aimonius lib. V. de gestis Francor. cap. 24. & 36.*

(b) *Epist. Nicolai I. ad Odonem episcopum Belvacensem.* (c) *Cit. epist. ad Odonem episcopum.*

(d) *Capitul. Ludovici pii an. ICCCXXIII. cap. VIII.*

subinde fuerunt restituta (a). Sed tandem sub Hugone Capeto penitus videntur abbascomites defuisse: etenim Capetus S. Germani abbatiam, quam jure hereditario possidebat, Gualoni sanctissimo abbati cessit, & jus electionis, quatenus novi principatus exordia permittebant, monachis restituit: unde *ecclesiae sanctae amator dictus est* (b). Et ita non amplius in ecclesiasticis monumentis abbascomites occurrunt.

Monastici superiores vel perpetui, vel temporarii.

§. XVII. Sunt autem monastici superiores alii perpetui, alii temporarii, quorum illi quousque vivunt, hi vero pro tempore, quo secundum varia ordinum instituta eorum potestas limitatur, monachis praesunt. Et olim quidem monasteriorum superiores, quin fere ipsi claustrales officiales perpetui erant (c), nec ulla in antiquis monumentis limitatae ad tempus abbatum potestatis mentio occurrit. Priores tamen obedientiarum temporarii erant, & pro arbitrio abbatum mutabiles: vetitumque est, ne obedientiae *ad firmam* monachis elocarentur (d). Erat *firma* villa seu praedium ad certum tempus sub praestatione annua pecuniae vel annuae elocatum. Unde *datio ad firmam* pro contractu accipitur, quo sub annuo redditu fundi dabantur possidendi: quod Cangius observat (e).

Sed

(a) *Conc. Aquisgr. II. can. XIX.* (b) *Frag. hist. Aquitanicae ap. Duchesnium tom. IV. pag. 80.*

(c) *Thomass. par. I. lib. 3. cap. 66. n. 11.* (d) *Synod. Oxoniensis an. Cl^oCCXXII.* (e) *Cangius in glossar. v. firma.*

Sed mendicantes & plures ex aliis ordinibus, qui perpetuos habebant superiores, ab hac disciplina desciverunt, & superiores suos temporarios, & inferiores officiales pro arbitrio superioris mutabiles fecerunt. Lapsa monachorum disciplina abbatiae & alia officia claustralia in beneficia & dignitates degenerarunt. Unde mendicantes convenientius humilitati suae esse iudicarunt temporarios constituere superiores, quam in iis perpetuos abbates exprimere. Et qui ex perpetuis temporarios voluerunt superiores, id videntur effecisse ad regias nominationes & papales reservationes excludendas. Abbatiae enim & prioratus temporales rationem beneficii non habebant, ac proinde ad eas regiae nominationes & papales reservationes non poterant extendi. Interim ubi superiores sunt temporarii, diversa sunt ordinum instituta circa tempus, quo eorum potestas durat. Singulis monasteriis in aliquibus ordinibus praesunt superiores annales, provinciales ad triennium, & ministri generales fere ad sex annos constituuntur. Abbatissae vero ex constitutione Gregorii XIII. in Italia & praesertim in regnis Apuliae & Siciliae non nisi ad triennium possunt eligi (a). Semel vero constituti superiores sive perpetui, sive ad tempus possunt quidem pro arbitrio officiales remove inferiores, qui ex modo recepta disciplina meriti sunt obedientiarii (b); at ipsi durante vita,

D d d 2

vel

(a) *Bulla Gregorii XIII. exposcit.* (b) *Trid. sess. XXV. de regul. cap. 2.*

vel officio nisi pro manifesta & rationabili causa mutari prohibentur (a).

Abbatum benedictiones.

§. XVIII. Jam vero abbates perpetui semel electi & confirmati sollemniter ad eum ferme modum consignantur, quo benedicuntur episcopi, nisi quod loco evangelii regulæ liber tradatur, & nulla unctio adhibeatur. Abbatialis sollemnis ista benedictio antiquis patribus ignota, ex eo tempore videtur invaluisse, quo abbatibus pontificalia ornamenta & jura coeperunt communicari. Et qui quaeso in veteri monastica disciplina sollemniter benedici poterant abbates, quando fere ex laicis assumebantur? At communicatis pontificalibus ornamentis, quantum potis erat, abbates in omnibus episcopos exprimere voluerunt, & ita saeculo XI. jam invaluerant abbatiales consecrationes. Non tamen abbatialis consecratio eos facit episcopos, quin nec necessaria est ad abbatis officium. *Promotionem abbatis*, inquit Ivo Canotensis, *non facit episcopalis benedictio, sed fratrum communis electio*. Et Alexander III. Cisterciensibus permisit, ut si episcopus semel iterum atque tertio requisitus abbatem benedicere noluerit, ipsi ordinis abbates eum benedicant (b). Quod manifeste supponit, meram caeremoniam esse abbatis consecrationem. Et hinc decretales electum & confirmatum abbatem, quamvis non benedictum, sine ullo addito vocant *abbatem* (c).

Spe-

(a) *Cap. II. ex. de statu monach.* (b) *Cap. I. ex. de suppl. neglig. praelat.* (c) *Cit. cap. I. & cap. XIII. ex. de accusat.*

Speſtat autem de jure canonico abbatialis conſecratio ad episcopos (a); at multi ordines ſpecialibus privilegiis obtinuerunt, ut vel a quocumque antiſtite ſui abbates poſſent conſecrari, vel ipſius ordinis abbas generalis abbates & abbatillas benedicat (b).

Monachi episcopis ſubjeſti.

§. XIX. Et haſtenus de ſtatu monachorum interno, dicendum nunc de externo, quo monachi episcopis & principibus origine ſua ſubiiciuntur. Quo primum tempore invaluit monachiſmus, episcopi in monachos, utpote in ſolitudine & monaſteriis ſepultos, ſpeciali uſi non videntur poteſtate, ſed ea tantum, qua cura animarum continetur, quaeque totum chriſtianum populum comprehendit. Sed inde quum continuis a monaſteriis egreſſionibus monachi & eccleſiam & rempublicam turbarent (c); eos fuggerente piſſimo imperatore Marciano ſpeciali curae & poteſtati episcoporum patres Chalcedonenſes ſubjecerunt, eo etiam addito, ne eccleſiaſticis & civilibus negotiis unquam ſe immiſceant, & in quibus poſiti ſunt locis perſeверent, niſi iis ob opus eccleſiae neceſſarium ab episcopo praeciſiatur (d). Diſciplina canone Chalcedonenſi ſtatuta ſenſim quoque in Occidente invaluit, ubi ſeculo ſexto & deinceps concilia monachos episcoporum ſubiiciunt poteſtati. Ab-

ba-

(a) Cit. cap. I. (b) *Tambur. de jur. abbat. tom. I. diſp. 11. q. 10.*, *Chopp. lib. II. monaſt. tit. 1. n. 7.*

(c) *Conc. Chalced. can. IV. Socrat. lib. VI. cap. 5. & lib. VII. cap. 14. Theodoret. lib. V. cap. 20.* (d) Cit. can. IV. Chalced.

bates, inquit concilium Aurelianense I. ann. ICXI. (a), *pro humilitate religionis in episcoporum potestate consistant: & si quid extra regulam fecerint, ab episcopis corrigantur*. Et Arelatense V. an. ICLIV. statuit (b). *Ut monasteria vel monachorum disciplina ad eum pertineant episcopum, in cujus sunt territorio constituta*. Idem sequentes synodi saepe statuerunt, in primis vero regum Francorum capitularia, ex quibus iteratis decretis factum, ut passim canones monachos debere obedire episcopis edicant *secundum canonicam auctoritatem*. Sacris canonibus sancitam in monachos potestatem leges civiles quoque confirmarunt: cavit enim Justinianus, ut episcopi cujusque civitatis monachorum degentium in monasteriis sub sua cura ordinatis conversationes diligenter inspiciant (c). Regula ergo juris canonici est, episcopum super jurisdictione in personas regulares dioecesis habere fundatam intensionem, ac proinde qui se exemptos contendunt, probare debere sibi concessam exemptionem (d).

Episcopi pluribus rationibus monachis graves.

§. XX. Potestas episcoporum in monachos canonica auctoritate constituta disciplinam monasticam & bona monasteriorum episcopis subiiciebat eaque uti oportebat, episcopos ut pastores animarum, unice salutem monachorum spectantes. At multi episcopo-

(a) *Can. XXI. ap. Grat. can. XVI. C. 18. q. 2.*

(b) *Conc. Arelatense V. can. II.* (c) *L. XLIV, §. 1. C. de episc.* (d) *Cap. VII. de privileg. in 6.*

scopi ultra modum proficientes, monachis graves evaserunt, etenim dum temporalia monasteriorum inhiabant, ea variis invaserunt nominibus, ut fere nihil monachis relinquerent (a). Et vero ex oblationibus ad monasteria factis sibi unam afferebant portionem secundum divisionem proventuum ecclesiasticorum in tres aut quatuor partes, quarum una ad episcopum spectabat, & in abbatum benedictionibus & installationibus, in consecratione altarium & oratoriorum dedicatione, in monachorum pro servitio monasterii ordinationibus, in visitatione monasteriorum, & pro chrismatis & olei sancti largitione a monachis episcopi exigebant temporalia. Exigebant quoque *cathedraticum*, quod in honorem cathedrae, & *synodicum*, quod a presbyteris in synodum euntibus pendi consueverat. Quin abbatibus electionem a S. Benedicto monachis tributam sibi episcopi afferebant, & quo uberior ex monasteriis quaestus esset, ex propinquis suis abbates monasteriis praeficiebant. Pro lubitu quoque in oratoriis monachorum cathedram erigebant, & publicos celebrabant conventus, quibus pacem & quietem tum monachis carissimam turbabant. His aliisque nominibus monachis multi episcopi graves evaserant, quin eos episcopali imperio servili operi mancipabant, & monasteria in proprias verterant possessiones, quod concilii Toletani IV. patres testantur & deplo- rant (b).

Mo-

(a) Confer *Esnen. par. III. tit. 12. cap. 2.* (b) *Conc. Tolet. IV. cap. LII. Confer, conc. Tolet. IX. can. II.*

Monachorum exemptiones ab episcopalibus oneribus.

§. XXI. Sic explicata episcopalis in monachos potestas variis, quas monachi obtinuerunt, exemptionibus, sensim decrevit. Monachis concessae ab episcopali potestate exemptiones sunt vel partiales, vel plenae, quarum illae a certis vel omnibus oneribus monachos liberant, hae vero etiam a canonica potestate subtrahunt, & pontifici Romano subiiciunt. Plenas exemptiones B. Bernardus vocat non incommodo vocabulo *emancipationes* (a), utpote quo significatur, monachos a potestate episcoporum liberari, non secus ac filiifamilias per emancipationem a manu patris exeunt. Saeculis sexto & tribus sequentibus monachis concessae exemptiones fere fuerunt partiales, eosque, quod aequum erat, liberabant ab episcoporum exactiōibus, & liberam monasterio tribuebant abbatis electionem; at integram episcopis relinquebant canonicam in monachos potestatem (b). Sane exemptiones a Gregorio M. pluribus monasteriis concessae tantum onera & electionem abbatis spectant, at episcopis in monachos diserte reservant *diligentiam disciplinae*, hoc est canonicam auctoritatem (c). Idem quoque constat ex formulis Marculfi, quae saeculo septimo, aut octavo conscriptae, ejus erant conditionis, ut semper eadem nominibus, locis & tempore mutatis adhiberentur. Etenim sollemnis concedendi monasterio-

(a) B. Bernard. lib. III. de considerat. cap. 4.

(b) *Espen. loc. cit. n. 13.* (c) *Gregor. M. lib. VII. ep. 15. & lib. VI, ep. 12.*

sterio privilegii formula, reservata episcopis canonica potestate, concessa refert ab oneribus episcopalibus exemptionem & liberam abbatis electionem (a): nec alia apud Marculfum exstat formula, quae ampliorem tribuit exemptionem, manifesto indicio privilegia monachorum ad onera spectasse. Petebant vero huiusmodi privilegia ut plurimum fundatores ipsi, eaque episcopi, in quorum jurisdictione sita erant monasteria, concedebant, & quo firmitiora essent, saepe in synodis vel a Romano pontifice probabantur, accedebatque etiam regia confirmatio, quae adversus futuros episcopos privilegia suorum decessorum convellentes securius consulebat monachis, & onera fiscalia remittebat.

Exemptiones ab episcopati potestate.

§. XXII. Multo serius coeperunt privilegia, quae monachos etiam a canonica episcoporum potestate liberant, & soli pontifici Romano subiiciunt. Non episcopi, sed Romani pontifices huiusmodi concesserunt privilegia, idque plerumque episcopis aut inscientibus, aut reclamantibus. Praesertim post saeculum decimum plenae exemptiones monachorum invaluerunt: etenim ante hoc tempus in genuinis monumentis monasteriorum exemptorum & non exemptorum distinctio non occurrit. Circumferuntur quidem ante saeculum decimum multa privilegia, quae monachos sine medio pontifici subiiciunt: at eorum pleraque sunt supposititia, cuius generis est privilegium, quod monasterio S. Med-

Instit.jur.can.T.II. E e e dar-

(a) *Marculf. lib. I. form. 1.*

dardi a Gregorio M. concessum circumfertur (a), & privilegium, quo monasterium S. Martini Turonensis Adeodatus pontifex auxit (b); alia vero genuina quidem sunt, sed admodum pauca, & praeterea assentientibus potius, quam repugnantibus episcopis concessa fuerunt, quale est, quod Zacharias pontifex Fuldensi dedit monasterio (c). Semel vero saeculo XI. data plenarum exemptionum privilegia labentibus annis adeo fuerunt multiplicata, ut fere singuli ordines & monasteria omnia eadem obtinuerint. Ipsi fratres minores, qui prae ceteris alieno animo a privilegiis esse debebant, eorum fuerunt avidissimi. Sane S. Franciscus hoc uno gloriabatur privilegio, se & fratres suos nullum habere privilegium super terram, sed omnibus obedire: & hinc fratribus suis per obedientiam praecepit, ne umquam a Romana curia litteras aliquas petere auderent (d). Sed hac in causa inde fratres minores sanctissimo patri debitam denegarunt obedientiam, & duce Elia ejusdem ordinis sodali, qui non divino spiritu, sed prudentia carnis nitebatur, ut Baronius observat (e), multa & plenissima impetrarunt privilegia, quae etiam pro functionibus hierarchicis ab episcopali eximebant.

Caus-

(a) *Launojus inquisit. in privileg. quod Gregor. papa I. monasterio S. Medardi dedisse fertur.* (b) *Launojus assert. inquisit. in privil. S. Medardi par. III. cap. 20.* (c) *Apud Baron. ad an. 1025. n. 29.*

(d) *Testamen. S. Francisci.* (e) *Baron. ad ann. 1025.*

Causae exemptionum ab episcopali potestate.

§. XXIII. Plures vero causae afferri solent, quae ad monachos a potestate episcoporum eximendos pontifices impulerunt (a). Abusum potestatis episcopalis in monachos praecipuam fuisse Tamburinus arbitratur (b), & reipsa impotentia episcoporum dominatu aliquando coacti sunt monachi se exemptionibus munire (c); verum haec ratio non videtur generalis, & praeterea, abusus potestatis in uno episcopo non facit, ut successores innata summo sacerdotio priventur potestate. Magis ergo est primarias exemptionum causas a monachis ipsis derivasse. Monachi nempe rerum affluentia in mundanas pompas degenerarunt, & hinc episcopis obedire indignum habuerunt, praesertim quando monasteria feudis erant instructa, & multa etiam distinctum cum spirituali potestate habebant territorium. Ad rem B. Bernardus de abbatibus ita scribit: *Spoliant ecclesias, ut emancipentur, reddunt se, ne obediunt* (d). Et id quidem pro monachis divitiis auctis, nam mendicantes ipsa paupertas fecit privilegiorum appetentes, & praeterea celebritas & fama, quibus eorum ordines inclarescebant, speciali favore dignae videbantur. Ipsa porro monasteriorum sub uno capite consociatio non parum ad exemptiones contulit, ne

Ecc 2

po-

- (a) *Traité historique & dogmatique des privileges & exemptions ecclesiastiques cap. XIV. seq.* (b) *Tambur. de jure abbat. tom. I. disp. 15. q. 3. n. 1.* (c) *Confer. N. Alexander saec. XI. & XI. cap. VII. art. 7. num. 17.* (d) *B. Bernard. ep. XLII.*

potestas episcoporum in monachos hierarchiam inter eos statutam turbaret. Ex his aliisque causis tanta exemptionum cupido monachos iniecit, ut multi bullis adulterinis eas sibi pararent, quod Petrus Blefensis testatur (a), & multa spuria, quae adhuc supersunt, privilegia demonstrant. Monachorum conatus benigne exceperunt pontifices, quorum tum intererat per totam ecclesiam sibi speciales filios & subditos parare. Unde ex plenitudine potestatis passim sine legitima causa concesserunt exemptiones, quas proinde B. Bernardus tamquam parum iustas apud Eugenium III. summa libertate traducit (b): *Bona ne species haec? Mirum si excusari queat, vel opus. Sic facitendo probatis vos habere plenitudinem potestatis; sed iustitiae forte non ita. Facitis hoc quia potestis; sed utrum debeatis, quaestio est.*

Incommoda plenarum exemptionum.

§. XXIV. Jam vero multiplicatae plenariae ab episcopali potestate monachorum exemptiones sexcenta incommoda non minus in ecclesiam, quam in ipsos monachos inuexerunt. Unde eas episcopi omnibus saeculis aegre tulerunt, qui dolorem suum, inquit Petrus de Marca (c), *saepissime litibus implicatissimis & scriptionum querelis ulsi sunt*; & veri monachi in primis B. Bernardus & S. Franciscus improbarunt. Et sane dissoluto inter episcopos & monachos nexu po-

te-

(a) Petrus Blefensis ep. LXVIII, quae sub nomine Recharidi archiepiscopi Cantuariensis scripta est.

(b) B. Bernard. lib. III. de consid. cap. 4. (c) Petrus de Marca de C. S. & I. lib. III. cap. 16. n. 6.

testatis & subjectionis monachi facti sunt dissolutiores, pauperiores, & in episcopos contumaces. Nolo, inquit B. Bernardus ad Eugenium III. (a), praetendas mihi fructum emancipationis ipsius; nullus est enim, nisi quod inde episcopi insolentiores, monachi etiam dissolutiores fiunt. Quid quod & pauperiores? Inspice diligentius talium ubique libertorum & facultates & vitas, si non pudenda admodum & temuitas in his, & in illis saecularitas invenitur. Et Petrus Blesensis (b). Adversus primates & episcopos intumescunt abbates, nec est, qui majoribus suis reverentiam exhibeat & honorem. Evacuatum est obedientiae jugum, in qua erat unica spes salutis, & praevaricationis antiquae remedium. Et fratrem suum recenter electum in abbatem Maniacensem adjurat, & deprecatur, ut vel abbatiali dignitati vel privilegio exemptionis renuntiet, quod materiam rebellionis inducit (c). Nec minorem contumaciam erga episcopos foverunt privilegia mendicantibus concessa. Speciatim de fratribus minoribus, qui contra sanctissimi patris praeceptum cumulatim erant privilegiis, observat Alvarus Pelagius (d), eos a sancta paupertate & humilitate quasi omnimode recessisse: nam eorum privilegia, per quae nemini subsunt, nisi sedi apostolicae, eos in superbiam erexerunt, & in contumaciam contra omnes praelatos. Et paullo post. Eorum privilegia faciunt eos contendere tota die... Faciunt etiam eos contemnere prae-

(a) Lib. III. de consider. cap. 4. (b) Petrus Blesensis cit. ep. LXVIII. (c) Petrus Blesensis ep. XC.
(d) Lib. II. de plantu ecclesiae cap. 66.

praelatos ecclesiae, & occasione privilegiorum magis sunt insolentes, & magis delinquant. Porro plenae exemptiones ecclesiasticam turbant hierarchiam, haecenus ut B. Bernardus monstro similes esse dicat ecclesiasticorum graduum status, quum inferiores dignitates a superioribus divise capiti jungantur, ac si digitus supra manum constitutus capiti aptius connectatur (a): quam confusionem inde auxerunt mendicantes variis impetratis privilegiis, ut in ipsis functionibus hierarchicis ab episcopis non penderent.

Decreta Tridentina circa monasticas exemptiones.

§: XXV. Quando igitur tantis incommodis monachorum exemptiones aditum aperuerunt, pluries concilia & pontifices varie pro temporum & locorum conditione eas temperarunt; nam sancta concilia de iis omnino abolendis non semel inita numquam effectum habuerunt. Missis nunc ceteris omnibus constitutionibus etiam iis, quae pertinent ad privilegiorum interpretationem, referam tantum concilii Tridentini de monachis exemptis potiora decreta, utpote quae hodie receptam constituunt disciplinam. In primis statutum, ut episcopi tamquam apostolicae sedis delegati visitarent, punirent & corrigerent monachos exemptos delinquentes, qui degunt extra monasterium. (b). Et quantum ad regulares, qui in monasteriis degunt, & extra ea adeo palam delinquant, ut populis scandalo sint, cautum, ut a suis superioribus instante episcopo, & infra tempus ab eodem limitandum, pu-

(a) B. Bernard. loc. cit. (b) Sess. VI. de ref. cap. 3.

puniantur, & de jam facta punitione superiores episcopum faciant certiores; sin minus a suo superiore officio priventur, & delinquentes ab episcopis puniri possint (a). Cui decreto ne fraus fiat Clemens VIII. providit, vetans, ne superiores regulares monachos delinquentes in alia suorum ordinum monasteria extra dioecesim ablegarent (b). Porro statutum, ut monasteria, quibus cura animarum saecularium imminet, episcopis in omnibus ad curam animarum spectantibus *episcopus* subiaceant (c). Cautum quoque est, ut monasteria monialium sedi apostolicae immediate subiecta ab episcopis tamquam sedis apostolicae delegatis gubernentur (d): quibus etiam delegata potestate commissa est omnium exemptarum monialium clausura (e). Copia pariter facta est episcopis, etiam tamquam apostolicae sedis delegatis ut quotannis visitent monasteria commendata, ubi neglecta jacet claustralis disciplina: & si a regulari disciplina descitum ibi non est, curae erit episcopis, superiores regulares admonere, ut paternae caritatis visceribus animati curent monasteria maculis omnibus & illabentibus vitiis expurgare: quod si semestri spatio non fecerint, tum episcopi etiam auctoritate apostolica eadem visitabunt & repurgabunt (f). Episcopis quoque eadem auctoritate delegata subiecta sunt monasteria omnia.

ex-

(a) *Ses. XXV. de reg. cap. 14.* (b) *Bulla Suscepti regiminis XXXIX.* (c) *Trid. ses. XXV. de regul. cap. 11.* (d) *Trid. ses. XXV. de regular. cap. 9.* (e) *Trid. ses. XXV. de regular. cap. 5.* (f) *Ses. XXI. de ref. cap. 8.*

exempta, quae in congregationem aliquam non fuerint aliis coenobiis adunata (a). Quod vero magis promovit ecclesiasticam disciplinam illud profecto fuit, quod in hierarchicis functionibus monachi omnes subiecti fuerunt episcopis, statutumque ut sine approbatione & venia episcopi regulares confessiones non audirent (b), nec in suis ecclesiis praedicarent (c). Et generatim statutum, ut in anniversariis sacris, in sollemni pompa sacrorum & ritibus ecclesiasticis monachi omnes servant mores dioecesis, ubi degunt (d), idque ne in cultu Dei publico una ecclesia a se ipsa sit difformis.

Potestas summorum imperantium in monachos.

§. XXVI. Restat status monachorum externus pro ea parte, quae civilem spectat subjectionem. Et quidem quamvis monachi ratione professionis suae mundo mortui reputentur, non tamen civilis haec mors facit, ut in civitate esse desinant, praesertim quando corpora tot tantisque latifundiis aucta constituent. Unde monachi etiam quatenus monachi origine sua summis subsunt imperantibus, qui pro potestate sua, seu disciplinae tuendae jure etiam de monastica disciplina statuere possunt, & reipsa plures condiderunt leges, quin etiam aliis rationibus quieti & observantiae monasticae debent providere. Et certe Justinus plures jussit leges,

(a) *Trid. ses. XXV. de reg. cap. 8.* (b) *Trid. ses. XXIII. de ref. cap. 15.* (c) *Trid. ses. XXIV. de ref. cap. 4.* (d) *Trid. ses. XXV. de regular. cap. 12.*

ges, quae non tantum de bonis monasterii (a), verum etiam de ipsa monastica disciplina disponunt, veluti de tempore novitiatus (b), separatione duplicium monasteriorum (c), abbatis electione (d), moribus, vita communi monachorum (e) aliisque multis capitibus ad ipsam monasticam disciplinam pertinentibus. Praesertim novellae in primis V. CXXII. & CXXXIII. integram disciplinam monasticam disponunt & exhibent. Nec minori zelo res monasticas curarunt reges Francorum, qui etiam lapsam monachorum disciplinam pro officio suo restaurandam susceperunt. Et hinc varias cogerunt synodos, quibus reformationem monastici ordinis commiserunt, & per monasteria *missos dominicos* ablegarunt, qui rei monasticae prospicerent, & reformationi invigilarent. *Stetit nobis*, inquit *Pipini regis Italiae capitulare* (f), *ut missos nostros unum monachorum & unum capellanum direxissimus infra regnum nostrum providendo & inquirendo per monasteria virorum & puellarum, quae sub sancta regula vivere debent, quomodo est eorum habitatio, vel qualis est vita & conversatio eorum, & quantum unumquodque monasterium de rebus habere videtur, unde vivere possit. Saepe in capitularibus missi isti dominici occurrunt, quibus monachorum visitatio & reformatio datur in mandatis: eligebantur ex episcopis,* *Inst.jur.can. T.II.* Fff ab-

(a) L. XXIII. C. de Ss. ecclesiis. (b) Novel. V. cap. 2. (c) L. XLIV. C. de episc. (d) L. XLVII. C. eod. (e) Novel. CXXXIII. (f) Ap. Baluz. tom. I. capitul. pag. 537.

abbatibus, presbyteris, comitibus & ducibus (a), & una cum episcopis, in quorum parocciis sita erant monasteria, vitas & mores monachorum, & aedificia perspiciebant, & secundum regulam defectus emendabant. Sed temporis lapsu fere desiit usus regiae potestatis in monachos, idque factum occasione exemptionum, quibus monachi ab episcopali potestate subtrahiti, pontificem Romanum unum adgoverunt superiorem.

Regiae monasteriorum protectiones.

§. XXVII. Nec tantum supremam in monasteria exercebant summi imperantes potestatem, verum etiam ut plurimum ea ab inferiorum iudicum exemerunt jurisdictione, & *apertis* sub sua posuerunt potestate. Edixit quidem Justinianus, ut monialium & monachorum causae ad episcopos deferantur, qui *honeste atque sacerdotaliter*, hoc est sine strepitu forensi eas definiant (b): qua lege abrogata est Leonis & Anthemii constitutio (c), quae monachos ad iudices extra proprias provincias trahi non permittebat, ut Cuiacius observavit (d): at in Occidente monasteria generali lege a comitum & ducum jurisdictione non erant exempta: ac ita comites & duces in tantis monasteriorum divitiis monachis graves evaserunt. Nec minus episcopi variis exactionibus, & alii potentiores monachorum quietem turbaverunt, bona eorum invadentes. Unde factum, ut pleraque monaste-

(a) Natal. Alexander *hist. eccles. saec. IX. & X. cap. V. art. 5. n. 15.* (b) *Lib. V. capitularium 143.*

(c) *Novell. LXXIX. cap. 1. & 2.* (d) *L. XXXIII. C. de episc.* (d) *Cuiac. not. in cit. novel.*

stria anxie sibi quaerere regis protectionem, & a iudicibus inferioribus exemptionem (a), & fundatores ipsi in fundatione ea sub tuitione & defensione principis ponebant. Iustis vero monachorum & fundatorum votis, & vero etiam episcoporum & inferiorum iudicum contractionibus moti principes monasteriorum in se susceperunt curam, eaque sine medio sub sua potestate & defensione posuerunt: exstantque passim talis exemptionis & protectionis diplomata, quibus principes bona & homines monasteriorum ab omnibus oneribus & iudiciaria potestate iudicum inferiorum liberarunt. Ut ecce in diplomate Friderici II., *ab omni jure comitum & iudicum eximimus, & liberos esse concedimus* (b). Et in diplomate Conradi imperatoris, *ut nullus iudex publicus licentiam in homines ad praefatum monasterium pertinentes ullam iudiciariam habeat exercere potestatem* (c). Inde postquam monachi sine medio pontifici paruerunt, desierunt quidem multorum monasteriorum regiae protectiones, at semper aliquae superfuerunt: quo ex sententia Espenii (d) spectant etiam Tridentini patres, dum a visitatione episcoporum eximunt *pia loca*, quae sub regum immediata protectione sunt, sine eorum licentia (e).

Monasteriorum advocati

§. XXVIII. Jam vero mediis saeculis monachi

F f f 2

chi

(a) V. Baluz. not. ad Lupum. (b) Ap. Gewoldum in addit. Hundii metrop. Salisb. tom. II. p. 124.

(c) Ap. Schaten. in annal. Paderborn. ad ann. CLXXIV. (d) Espen. par. III. tit. 25. cap. 1.

n. 33. (e) Trid. sess. XXII. de ref. cap. 8.

chi *advocatos* habuerant suos, qui etiam *vicedomini*, *custodes* & *guardias* habentes dicti, res temporales tuebantur, & de causis sive civilibus sive criminalibus ad monasteria eorumque homines pertinentibus jus dicebant (a). Nempe quum potentiorum contradictionibus monasteria essent obnoxia, & subinde iudicum inferiorum jurisdictionem non adgnoscerent: necesse omnino fuit dari monachis *advocatos*, qui & temporalia tuerentur, & nomine principis jurisdictionem explicarent; etenim abbates nullam habebant civilem jurisdictionem, nec monachi a contemplatione erant distrahendi, ut potentiorum contradictionibus occurrerent. Dabant autem *advocatos* ipsi reges, quandoque vero ipsi monachi regum beneficio sibi eos seligebant, & saepe etiam ipsi fundatores nominabant, & principes confirmabant. Electi tamen a monachis vel fundatoribus jurisdictionem ab imperatore accipiebant, quod thema pluribus Hertius (b) exponat. Adsumebantur autem in *advocatos* non *scholastici*, hoc est qui in actu erant in munere defensionis causarum, unde olim ecclesiae aliquando suos constituerunt defensores (c), sed ex potentibus & magnatibus, qui potentia valebant. Interim *advocati* non gratis placita, seu iudicia explicabant; sed iis certa jura fuerunt constituta, ac ordinarie tertia pars *bannorum* sive multarum, quae in reos, sive non jure liti.

(a) Matthaei de nobil. lib. II. cap. 29 seq.

(b) Hertius de jactit. ordin. Cister. libert. sect. III.

(c) Can. XCVII. C. Afr. Lib. XXXVIII. C. Th. de epis.

litigantes decernebantur, iis cedebat (a). Assignatis tamen sibi emolumentis advocati non contenti; variis nominibus sua auxerunt jura, & ita paullatim monasteriis graves evaserunt. Unde passim varia monasteria ab advocatis liberata sunt, aut variis modificationibus jura eorum limitata: quae liberatio magisque increvit, postquam monachi sedi Romanae subijci coeperunt.

Omnia juris Siculi Ecclesiastici, capita quae ad Regulares, & Moniales pertinent in unum colligere operae praetium duximus.

Monachorum originem in nostra Insula licet perantiquam esse nullus ambigat, minime tamen compertum est cuinam potissimum Saeculo sit referenda. Profecto auctor, qui de sanctorum situlorum vitis scripsit, monachorum institutum longe ante in Sicilia quam in Orientalibus vel occidentalibus provinciis viguisse contendit; ac monasticae vitae epocham apostolico fere saeculo coaevam statuit, cujus rei gratia, permulta congerit argumenta, quae refert in sua dissertatione tertia ad Calcem Codicis Diplomatici Joannes de Joanne.

Verum cum ea omnia, vel dubiis vel certe apocryphis monumentis innitantur, nullam prorsus fidem auctori suo conciliant. Nec minus recte monachismi ortum aevo D. Basilii in Sicilia constituit Pirrus. quadam hujus Patris Epistola ad Monachos Africae, & Siciliae deceptus, quae in antiquis aequae ac recensioribus operum D. Basilii editonibus desideratur.

Quamvis autem de certo monachismi Siciliae

F f f f 3

au-

(a) V. Cangium in glossar. v. advocati.

auctore dubitetur, explorata tamen res est non nisi post Basilii aetatem ante finem saeculi V. Monasticum institutum hic extitisse: Sane epistola Gelasii I. ad Episcopos per Lucaniam, Brutios, ac Siciliam constitutos, qua permulta monasticae vitae praecepta explanantur, haud obscure innuit ea tempestate religiosae vitae institutum Siculos amplexatos fuisse; quod confirmatur ex facto Fulgentii Ruspensis, qui Syracusas veniens hospitio receptus est ab Eulalio illius Urbis Episcopo qui monachorum vitam ita summo studio colebat, ut quoties a divinis officiis vacaret ad quoddam Monasterium suis opibus extructum sese conferret; ut scribit auctor vitae Fulgentii. Majorem lucem dictis adfunderet historia expeditionis monachorum Benedictini ordinis, a Benedicto eorum Patriarcha facta, nisi Mabillonius hujus ordinis scriptor in Ecclesiastica eruditione non leviter exercitatus de ea dubitasset. Nihilo tantum secius ambigi nequit eodem saeculo VI. opera immortalis Gregorii M. sex monasteria Siciliae fuisse erecta, uti testantur Gregorius Turonensis, ac Paulus, & Joannes diaconi. Eadem quoque aetate ac posteriori saeculo innumera alia monasteria, ac Coenobia in Regno nostro viguisse erudite demonstrat cit. Joannes de Joanne in praef. diff. cap. 3.

Illud vero silentio praetermitti non debet monachos siculos juxta communem illius aevi Ecclesiae politiam Episcoporum regimini subiectos fuisse, & inter laicos adscriptos; publica idcirco poenitentia aliisque canonicis poenis obnoxios; uti liquet ex tribus dicti Gregorii Epistolis, altera Petro subdiacono, secunda Maximiano Episcopo Sy-

racusano, *tertia Eusebio Abbati scripta. Confer. Cod. diplom. dicti de Joanne diplom. 86. 88. 89. Et quamvis ipsius Gregorii tempestate nonnullis exemptionibus Monachi gaudere caeperint; hae tamen nonnisi eorum bona respiciebant. Quod autem Episcoporum in Monachos jurisdictio minime hujce privilegiis fuerit imminuta, aperte demonstrat praeter cit. Gregorianas Epistolas, alia ejusdem Pontificis Leoni Catanensi Praesuli data, in qua ipsum arguit quod delinquentes monachos digna emendatione non correxerit, nec non altera ad victorem Panormitanum Antistitem missa, ut Abbatem Monasteri S. Theodori a proprio Episcopo excommunicatum Ecclesiasticae communioni restitueret. Haec disciplina etiam mortuo Episcopo facta tecta servata est; Nam visitatoribus viduarum Ecclesiarum Monasteriorum ac Monachorum sollicitudinem Romani Pontifices demandare consueverunt. Ita profecto Gregorius M. Panormitanae Ecclesiae proprio Pastore viduatae Barbarum Beneventanum Praesulem mittens, ipsi mandat „ ut monachorum domicilia si quae Panormi extarent „ ejus cura, ac dispositione remanerent, donec „ illic proprius Episcopus fuerit ordinatus „.*

Quae adhuc dicta sunt, ad illustrandam monachismi in Sicilia historiam, & ad jus vetus circa regulares, & Moniales abunde sufficiunt, nunc ad ea quae ad recens jus pertinent descendamus. Novissimo itaque jure sequentia capita decernuntur.

1. Alienigenae, & qui regi subditi non sunt in superiores ordinum Regularium non eligantur. Sic. Sanc. t. 6. p. 256. ad 258.

2. Superiorum Generalium patentes literae, ac rescripta quaecumque executoriae mandentur. Sic. Sanc. t. 6. p. 286. ad 260.

3. In-

3. *Inde literae patentes electionum superiorum regularium absque regio exequatur nullum sortiantur effectum. Sic. Sanc. t. 6. pag. 159. ad 165.*

4. *Et Commissarii Generalis, & Apostolici mandata ad regularem pertinentia disciplinam. Requis non praecedente placito nemo exequatur. Sic. Sanc. t. 1. p. 465.*

5. *Brevibus quidem Pontificiis liberam in Capitulis Provincialibus eligendi facultatem evertentibus executoriae denegentur. Sic. Sanc. t. 1. p. 446. ad 462.*

6. *Ab iis, quae regulares superiores decreverint, non ad Superiorem Ordinis Generalem, sed ad Tribunal Regiae Monarchiae provocatur. Sic. Sanc. t. 6. p. 162. in prin.*

7. *Non admittatur autem recursus regularium pro poenitentiis eis injunctis ab ipsorum superioribus. Sic. Sanc. t. 1. p. 292.*

8. *Violatae Sanctimonialium clausurae delictum Indultus beneficio excludatur; etiamsi legitimae informationes non adsint. Sic. Sanc. t. 1. p. 90.*

9. *Ecclesiastica immunitate Bizochae non gaudeant. Sic. Sanc. t. 4. p. 301.*

Multa alia ad regulares pertinentia reperiuntur in concordato Benedictum XIII. Papam inter & Carolum Sextum de Legatione Apostolica Siciliae regibus demandata sive de Tribunali Regiae Monarchiae, quae videri possunt in t. 1. hujus operis p. 339.

Recentioribus invidiissimi Ferdinandi literis nonnulla quae ad regularem disciplinam spectant sancita fuerunt, quorum haec praecipuae sunt.

1. *Vetitae omnino declarantur omnes expensae*

sae quas in Monialium ingressu, habitus susceptione, ac Professione fieri consueverant. Ita in reali litera sub die 6. Julii 1775. Cum vero hoc regis decretum variis exceptionibus, ac ambagibus persundari caepisset, novo diplomate sub die 21. Januarii ejusdem anni cautum, ne pro ingressu educandarum in monasteriis munera exculenta, & poculenta fierent; vel aliquod quodcumque munus vestium aut pecuniae. Idque ampliatum ad susceptionem habitus; ac monasteriis prohibitum vestes seu mobilia susipientis habitum acquirere, etiamsi ad pios usus convertantur. In professione vero nonnisi praescriptus quidam candelarum numerus conceditur, vetitis omnino quibuscumque expensis, quae antea tum pro Ecclesiae ornatu tum pro muneribus esculentis, & poculentis fieri moris erat. Verum usus invaluit ut Proregis habito consensu tum in ingressu, cum in professione quidam moderati sumptus permittantur.

In eodem diplomate sancitum, ut in administratione officiorum, quae monialibus in Religione incumbunt ut cellariatus & similibus, sumptus omnes ex redditibus Monasterii, minime vero ex monialis peculio fiant; imo litera sub die 30. Maji ejusdem anni districte Episcopis praecipitur ut haec regia statuta facta tecta servari curent.

II. Cum regulares passim e Romana Curia privilegia quaedam expeterent pro consequutione cujusdam gradus honorifici nempe tituli abbatialis, Prioratus, Lectoratus; idem Ferdinandus diplomate sub die 20. Julii anni 1781. regio exequatur privanda hujusmodi rescripta sanxit imo ipsis regularibus a regiis ministris denegandam veniam, ut haec privilegia e Roma sibi procurent.

III. In

III. *In causis nullitatis Professionis solam Religionem posse cum eo, qui Professionem impugnat suam, in iudicio contendere, ac vetitum esse fisco cujuscumque Curiae, ad quam causa nullitatis deducitur sese immiscere, nisi partes Religionis adjuvando, ita ut ista desistente non potest fiscus amplius pro validitate Professionis insistere. Ita in literis Proregis Dominici Caraciolo sub die 16. Octobris 1785.*

FINIS.

ANT 1316989











